

清代傳記叢刊·名人類②
周 駿 富 輯

漢名臣傳

(二)

三十二卷

清國史館編



明文書局印行

漢名臣傳卷九

蔡升元 王隲 周球 陳瓊 徐潮

田從典 張伯行 陳詵

蔡升元列傳

蔡升元浙江德清人

聖祖仁皇帝康熙二十一年一甲一名進士
授修撰二十四年充

日講起居注官二十八年遷右中允二十九
年遷左中允尋終養歸四十二年迎

驚嘉興奏對

御舟翼日得

旨蔡升元在講筵甚久家計甚貧賜銀六百兩爲差親費事竣卽來京四十二年正月以候補中允超擢少詹事仍充

日講起居注官直

南書房五月遷詹事充

經筵講官十一月遷內閣學士四十八年正月

上將復立皇太子允弼

甄別廷臣論升元輕浮無實以原品休致五
十一年十月

諭吏部曰學士蔡升元前以皇太子惡之草
任著仍補用十二月補內閣學士五十二年
四月以

萬壽道祭黃帝軒轅氏諸陵並奉

詔賞賚陝西省綠旗兵丁五十四年二月充
會試副考官十一月充

經筵講官五十五年五月因祈雨不隨大學士等集議降三級畱任革退

恩詔所得廕生五十六年擢左都御史五十七年七月疏言

皇上親閱河隄不辭勞勩荒度再三

指示方畧淮黃底定循軌安流漕運無虞商民胥賴

翠華所過察吏治訪民艱自土農商賈軍弁之儔以及山川風土陰陽寒暑燥濕之宜

諮問必周勢義必納以故張弛損益上符乎
天時地利下順乎物理人情况每次

巡幸皆輕車減從寸絲粒粟不擾民間更復
屢沛

洪恩敷天匝地帝之巡狩王之時邁何以加
茲恭請編輯

省方盛典以垂萬世疏下內閣翰林院九
詹事科道會議如所請設局纂修八月疏言
各省交代遲延承審遲延承緝承追不力疏

防文武各官俱有處分定例而督撫必逐事
具本內閣必逐事擬票殊覺冗煩請嗣後令
督撫各照例限咨部彙題又言督撫審擬案
件經部院駁詰每仍照原擬具覆卽督撫另
委員勘問亦仍如前擬此由規避處分始終
堅執致批駁日煩徒滋拖累請嗣後許承審
官改正舛錯免其處分不改正而駁至第三
次者令督撫以前後供詞與原審全案送部
若供詞內刪改一二字或遺漏一二紙嚴加

議處又言吏部侍郎一兼學士銜缺出開列
禮部左右侍郎內閣學士翰林院掌院學士
講讀學士詹事少詹事祭酒共十七員一不
兼學士銜缺出開列戶兵禮刑工部侍郎副
都御史共十員同一侍郎而開列人數懸殊
至于禮部左侍郎缺出開列內閣學士翰林
院掌院學士講讀學士少詹事祭酒其戶兵
刑工四部侍郎缺出開列副都御史宗人府
府丞通政使大理寺卿是由翰林出身者以

十五員而陞兩缺由京堂出身者以五員而陞入缺不無稍偏乞嗣後遇有六部侍郎缺凡應陞官員不論翰林京堂通行開列恭候簡用又言比年來屢停秋決當夏月盛夏

諭令寬枷杻施水水言帝王泣囚解網未有如此周詳慎重者臣因仰體

聖意請嗣後自徒罪以下取具的保免其收禁既不與重犯同受囹圄之苦並可免獄卒需索至五城司坊之設原以稽察匪類近聞

差役紛煩所奉牌票多襍出不倫且棍役串
通索詐生事擾民請令嗣後五城司坊官止
奉行提督部院堂官通政使司大理寺堂官
牌票及順天府尹本城御史批發事件其餘
各衙門不得擅行牌票交與司坊鎖拿人犯
如果有緊要案件必須印文咨明巡城御史
轉行司坊庶使奸棍蠹役不致擾民矣疏並
下九卿議行五十八年擢禮部尙書五十九
年十月疏言

皇上以七旬壽考爲六十餘年太平之

天子撫百千萬國大一統之天下德福兼全
古今無兩光華復旦運會方新士生今日嗚
喁嚮風皆爭自濯磨思自奮於功名宜

特頒恩旨大闢賢科前者康熙五十二年癸
巳歲開鄉會試

萬壽科例應至癸卯歲再舉行令請於康熙
六十年辛丑歲

特開萬年科自後每十年一舉行與

萬壽科並着爲定例癸卯本係鄉試之年應以癸卯科正額與

萬壽科正額併入一榜則文治益光羣情大慰疏下部知之六十年閏六月乞假歸六十年十月卒于家年七十有一遺疏至奉

世宗憲皇帝旨蔡升元學問優長

皇考拔置蔡廷濟登宗伯今患病溢逝可與卹典下部議奏

賜祭葬如例

王騰列傳

王騰山東福山人順治十二年進士授戶部主事

聖祖仁皇帝康熙五年充廣東副考官六年遷員外郎八年遷刑部郎中十九年授四川松茂道時逆孽吳世璠未滅大軍分勦永寧建昌諸賊黨進征雲南水陸數千里皆巉崖危峽騰管運軍糧至蝦蟆灘覆舟又墜馬于獅子坎仍刻期前進轉輸無誤二十四年七

月壘溪大定堡山後生番阻截哨道抗撫肆
掠巡撫韓世琦奏調官軍進勦令隲駐劄茂
州彈壓并同松潘鎮總兵高鼎會議先撫後
剿機宜隲馳至大定堡傳示招撫反覆開諭
番族盤踞巴猪寨且恃有護馬列角廟山阜
沙白卜等寨爲之羽翼佯就撫仍抗命高鼎
徑翦列角寨隲駐營山頂製白旗樹立近寨
令願投者奔赴旗下免死安插又令安撫司
蘇天榮等持白旗號布招卓沙白卜等大寨

復令瓦寺土官招雙馬廟山二寨俱就撫巴
猪寨負固如故官軍由廟山進圍斬獲無等
于寨內搜獲偽印偽劄窮追至黑水江賊渠
松子被焚死山後番眾悉降九月遷直隸口
北道未之任循例以松威道計典入

觀二十五年三月疏言四月應運楠杉經撫
臣韓世琦以匠夫不敷奏請湖南等省匠夫
協助

詔工部核計邀

思免違十分之七伏思建造

太和殿近係中外萬國之觀瞻遠係

聖子神孫億萬年之基業採運木料乃臣工
職分庶民子來豈容置喙但事出艱難有勉
強竭力而後可爲者亦有勉強竭力而終不
能爲者四川境地大半環山峻嶒虧蔽惟成
都稍稱平行並無大楠其有大材者皆人跡
罕到斧斤難施所以久存遙望一木必多方
緯搜始至其地足抵履穿攀筴側立施工既

難而運路則自山抵江或百餘里或七八十里俱屬深澗幽壑一溪之行紆折幾盤必費多力而始轉一石之塞橫亘長川必待暴水而始過採取必須搭架拽運必須墊低就高木在溪間利於汎漲木在山陸又累于汎漲故陸運必于春冬水運必于夏秋非可一徑而行計日而至倘民力稍可足用卽竭蹶豈敢貽誤乃四川幅幘旣廣禍變相踵荒煙百里半灶俱無當年進兵臣行間運糧滿目疲

病死亡艱難之狀兵火之苦久在

聖聰自蕩平以來休養生息瘡痍漸起然計
通省戶口仍不過一萬八千九十餘丁不及
他省一縣之眾就中抽撥五千入山採木其
供送衣糧器具又必盈千累百且此遺發民
夫遠者千里近者數百里耕作必致全廢

國賦憑何辦供請

敕撫臣親至產精處所察勘可以竭力斫運
者幾何星速採取其設法竭力而必不能斫

運者題請定奪下九卿議以已經議減仍令
祈運

上曰四川山路險阻人民稀少且屢經兵火
困苦已極採運楠木必致甚累小民今塞外
松木材大可用者甚多若取充殿材卽數百
年亦可支用何必楠木著停止採運十一月
吏部循例開列司道內陞京堂官十員騰名
未預

特旨內陞二十六年三月授光祿寺少卿等

轉通政司叅議鴻臚寺卿十月遷太常寺卿
十二月授江西巡撫二十七年正月

陸辭

諭旨巡撫爲地方大吏以操守爲要大法則
小素百姓俱蒙福矣鵬奏曰臣向在四川時
不取民間粒米束草惟帶一二家僮日費取
給于家中不敢有私

上曰身爲大臣尋常日用豈能一無所費若
必分毫取給于家勢亦有所不能但操守廉

漢念念從愛百姓起見便爲良吏人貴始終
如一朕特簡爾當砥礪清操地方一切利害
有關於百姓不妨事事奏聞臨奏曰臣當嚴禁
屬吏科派及詞訟賄賂諸弊

上曰爲大吏者亦須安靜安靜則爲地方之
福凡貪污屬吏先嘗訓誡若始終不悛乃糾
劾可也瀕行于常例外

賜盤費銀一千兩三月擢閩浙總督將入閩
奏江西地方向來凋敝自蕩平叛逆之後節

年蠲免銀米二百萬有奇民生漸裕然徵收之弊尙爲民累錢糧明加火耗暗加重賦每兩多一錢五六分不等部院司道府皆有解費又多收一錢一二分不等臣入境之初火耗已贖解費尙存卽揭示剔除積弊自巡撫衙門起去舊更新官役上下大小襍費盡革有犯必懲漕糧官收官免

本朝定制通行惟南昌新建二縣棍徒把持尙仍民貪臣俱行革除漕運積年陋規搜剔

無遺止前道照定例每石漕米加銀三分米
三升清規止此其餘款項皆屬橫征弊端向
日行之恬不爲怪一經指破眾共曉然曰從
此知漕原無費也但在民則省費在官則失
利未有不以刻薄怨臣者恐臣去之後空言
無用也

天語嚴禁不致前弊復生下所司知之五月
次郟武疏言湖廣督標裁兵夏逢龍據武昌
叛黃州失守倘滋擾江西應調閩兵協勦十

月疏言自海氛既靖之後

皇恩浩蕩大弛海禁許民貿易捕為生遂有奸徒雜入商販出洋劫掠半歲之間報有數次屢檄鎮營擒捕多以賊踪往來飄忽且執離汛遠洋定例不准會哨為辭臣思無事自當恪遵定例有事豈宜仍拘疆界卽遣標員持令箭飛檄温州總兵蔣懋勛黃岩總兵林本植駕船出洋尅期痛勦復令定海總兵董大本出洋逐擊遍搜賊踪閱三十餘日溫黃二

鎮赴楊柳坑大陳嶼等處獲賊三定海鎮赴
楊柳馬蹟外洋斬殺拒捕賊眾獲賊船四又
於白沙灣獲賊大船一其生擒賊徒俟審明
定擬贖入

報聞嗣以思頭島盜首楊仕玉未獲密差標
員李泗往寧波偵緝遣人詭投賊夥盡得楊
仕玉自稱統海大將軍于思頭島及戰敗後
養創寓家復通線下海運械狀悉擒之審釋
被擄難民百十一名論斬盜首楊仕玉等十

大人餘杖流二十八年

上巡幸浙江臨迎

鑿于無錫舟次遵

旨議入學廣額名數奏請照順治五年以後
額數府學六十名大學四十名中學二十五
名小學十二名九卿議定府學二十五名大
學二十名中學十六名小學十二名及

駐劄杭州

賜隲

御用冠服

諭曰爾任總督凡事實心辦理操守清廉浙
閩黎庶稱爾爲清廉總督故特加優賚五月
丙陞戶部尙書二十九年二月以墜馬傷疾
乞休

命在任調理五月疏薦清苑知縣邵嗣堯清
廉慈惠得

旨優擢三十六年六月以老病求罷

溫旨慰留之三十二年四月同工部尙書薩

穆哈往賑鳳翔府饑三十二年五月復乞休
上慰留之三十二年正月

召大學士九卿等同河道總督于成龍入對
諭責成龍平日排指靳輔并及騰與左都御
史董訥內閣學士李應薦長懼成龍交相附
和尋各具疏引罪部議並革職騰得

旨以原品休致三十四年五月卒于家
賜祭葬如例

周球列傳

美名至專

周球江南來安人順治十二年武進士初授
廣州衛守備陞署南贛管都司管遊擊事康
熙十三年六月逆藩耿精忠之僞都督賈振
魯曾若干等陷石城犯寧都總兵劉寶遣球
赴援屢擊敗迎戰賊眾賊繞寧都城數匝球
與屯墾都督許貞合兵奮擊敗之遣勦至石
城縣擒斬數百人獲器械無算餘賊竄歸閩
境遂復石城八月賊困興國球同許貞赴援
擊賊敗走復追殪之嶧石寨尋勦南安上賊

攻克崇義之牛江寨長岡桐岡葫蘆諸崗及
上猶縣界之三寨僞將軍易明以逆書來誘
球執其使械送南昌巡撫董衛國疏

聞下部議敘並敘石城戰功實授遊擊十二
月閩賊犯會昌分屯城南北同遊擊李天柱
援勦先於水西水東斷賊歸路李天柱趨城
南球趨城北與城守兵并力夾擊大敗賊眾
追北五十餘里未幾賊復糾眾犯會昌界球
擊敗之於湖城斬獲甚眾十四年正月叛鎮

陳昇結連僞都督郭應輔僞總兵黃士標李
勇陷龍泉球與李天柱統兵破賊于黃土關
乘勝追逐至縣城賊棄城遁復龍泉偵知郭
應輔據三溪陳昇踞草林乃分兵三隊一由
橫嶺一由松山寺一由白玉嶺沿路搜勦俱
會於三溪大破賊燬其巢郭應輔遁走陳昇
引賊出草林口兩路分逼我營先以數騎誘
戰官軍入山口賊伏起銃砲如雨球督眾奮
擊大破賊追至草林斬僞參將廖鵬拔賊寨

陳昇退踞左安口賊猶萬餘砲聲四震球率
兵從烏道崎嶇中入擊斬偽叅將鍾宏捷等
陳昇甲砲死梟其首黃士標李勇敗走追及
湖南界突有千餘賊拒敵復擊敗之斬偽叅
將范良等十人殲殪甚眾餘賊逃入桂東境
乃收兵九月賊犯贛縣球破之白石老君菴
擒偽總兵凌子亮十五年五月吳逆偽將軍
韓大在高火傑投逆書偽劄球以送將軍舒
楚七月贛州增前右兩營兵二千增城守兵

四百設副將一員統領之疎以署叅將管城
守副將事八月實授叅將十月黃士標偕其
黨王割耳等擁二萬眾犯信豐入小河堡運
木山上築柵欲斷通賴北道球率兵擊之毀
其柵絕賊糧道賊乏食夜遁球恐賊退入水
西填及小河堡老巢難取勝乘夜分兵三路
追及水西填復追至小河堡連敗賊眾及旦
追奔六十餘里至廣東草嶺界而還悉焚燬
名賊巢十二月郭應輔連結吉安賊眾復陷

龍泉踞黃土關設排柵抗拒球統兵往勦焚
其排柵賊逃回城下官軍三面夾擊賊竄奔
追至龍虎潭洋觀灘溺水仆溝者甚衆遂復
龍泉逆黨韓大任之陷吉安也瑞金曹昌相
繼陷贛州孤懸一城郵傳皆絕球捐黃置甲
械募兵千餘部議加副將

上以所議尙輕命再議加署都督僉事十六
年正月同李天柱勦賊于會昌之五里排口
斬獲甚衆僞總兵楊夢月等率衆降六月彙

教軍功加授都督僉事十二月韓大任自黃
塘犯寧都球擊敗之鷓鴣寨又敗之三十一
峒姜坑口十七年正月復追至老虎洞大任
窮蹙走汀州乞降球與遊擊唐光耀率兵防
衛降寇至福州乃還江西三月簡親王喇布
檄球統兵二千隨征湖南防守安仁會永興
告急球在授立營城外雞公山與賊對壘屢
戰敗之十月錄鷓鴣寨老虎洞殺賊功加都
督十八年正月擢太原總兵晉左都督十九

年十二月移鎮漢中二十一年五月調真定
總兵二十二年以病乞罷

溫旨慰留五月卒于任得

旨周球効力行間著有勞績贈太子少保

賜祭葬如例

陳瓚列傳

陳瓚廣東海康人康熙三十三年進士三十
九年授福建古田知縣四十一年調台灣四
十二年行取四十四年授刑部主事四十五

年遷本部員外郎四十六年遷兵部郎中四
十八年充會試同考官卽出任四川提學道
四十九年三月

聖祖仁皇帝誠飭四川官員加派恣肆

論及瓚任學道操守清廉十二月福建巡撫
張伯行以台灣廈門道乏員調補疏述瓚舊
任古田台灣二縣廉能著稱輿情悅服至今
不忘

上遂授瓚台灣廈門道五十二年十二月起

擢偏沅巡撫五十四年九月以橫役累民劾
罷湘潭知縣王爰溱洵庇不搗之長沙知府
薛琳聲削三級十月疏言臣蒙

恩超濯重任數月以來諮詢利病探聽輿言
敢敷陳愚慮一禁加耗以甦民困有司徵收
錢糧敢於正額外加取分毫者卽計贓依律
治罪一禁酷刑以重民命夾棍重刑也非命
盜重情不得濫用有司敢於戶婚田土細故
夾訛者卽以酷刑論一糶積穀以濟民食湖

南倉穀有存七糶三例不若於青黃不接時
盡數發糶至秋收後買補還倉一置社倉以
從民便社倉與常平倉不同常平倉設於城
內出納俱官吏典守止便於在城及離城一
二十里之民社倉分設村莊民間舉報殷實
有德行者老民掌管出納但止聽民自捐必
家無幾若按畝歛穀又恐擾民應令通省大
小各官倡捐分貯出示勸諭紳衿及好義富
民各量力捐入有捐至五十石一二百石者

分別給匾獎勵免其差徭歲終以貯粟數目
報明縣官其歛其散聽民自便縣官無預則
視常平倉爲利更薄一崇節儉以情民財今
人一人仕宦於飲食衣服器用及交際往來
皆備極華侈多所費必多所取方面取之有
司有司取之小民賤削無已應申嚴奢修之
禁凡爲民牧宜安儉樸庶幾寡求易足畱不
盡於民間且有以端移風易俗之本一禁餽
送以肅宮箴每見下屬餽送上司至賍罪發

覺開款抵銷應申禁自府道以下不許收受
州縣官餽送使州縣官有所顧忌不敢橫征
科歛一先起運以清錢糧州縣額征錢糧有
起運存留兩項定限四月完半九月全完先
起運而後存留概以來歲五月奏銷前註明
完欠分數爲考成應通飭各州縣凡起運項
下錢糧務於本年歲內起運全完庶於解部
及月支兵糧無誤而已征在官錢糧不致久
貯州縣庫內得任侵挪一隆書院以興文教

湖南岳麓書院創自宋時爲天下四大書院之一塊今柱朽瓦裂應卽修整容臣率同城各官量力捐費宣布

皇仁雅化俾士子感激奮勵一飭武備以實營伍海內承平之日久武備最易懈弛應通行申飭汰老弱補虛額整甲械嚴汛防勤操演許臣於所屬地方出其不意察閱點驗加有虛冒卽會同提督鎮劾奏一停開採以防民慮湖南郴州有開採一案抽稅無幾被員

工本招集遊手有廢農業應請永停俾小民
專力於農工商賈之業以謀生無致恠徒曠
聚一隅亦爲未雨綢繆防微杜漸以上十條
皆臣職分內應行事宜敷陳請
旨俾得凜遵

天語少追愆尤疏入

上以條奏各款皆職分內事宜

諭令躬行實踐勿爲虛名先是瓚奏請入

覲

允之十二月調瓊福建巡撫

諭廷臣曰朕昨召陳瓊入覲細察其舉動言語實係清官以海濱務農之人非世家大族又無門生故舊而天下之人莫不知情非有實行豈能如此而其才尙能辦事國家得此等人實爲祥瑞允宜從優表異以鼓勵清操五十五年四月疏言臣赴任時至建陽縣有考亭書院爲先賢朱子晚年卜居故址城外朱子祠會奉

御賜匾額對聯懸掛前堂而祠宇湫隘用木板爲墻壁宜易以磚石與書院並改造軒爽謹同督臣滿保捐費委員鳩工又疏言朱子生於尤溪縣郭外南溪之地向亦建有專祠請

賜匾額疏並

報可

賜文山毓哲匾額於南溪祠七月疏言防海賊之法與防山賊不同山賊之嘯聚有所而

海賊之出沒靡常也台灣廈門之防海賊又
與沿海邊各不同沿海邊賊之患在突犯內
境而台灣海賊之患狂剽掠海中也夫嘯聚
有所則在我或攻之以出其不意或困之以
待其自斃或招之以誘其出降而山賊可平
其在海中不火意鯨結隊攻之無可攻以劫
掠爲生三五遊行遇見孤艇一口鯨吞又有
數日之糧困之不能困非二三十年前海賊
有頭目有旗幟有巢穴可比招之無可招自

廈門出港自台汛鹿耳門出港同爲商船迨至洋中而某商船忽被劫矣劫商船者卽其同出港之商船某船有某客有某貨物並若干銀錢港內探聽旣真本船引線有入一至洋中直如取諸其懷之易故于台廈防海賊必定會哨之期申護送之令取連環之保全提標水師有五營澎湖水師有二營台協水師有三營各設有經制哨船莫若三處各立本船旗幟大書某營哨船字樣于其上每月

會哨一次彼此交旗爲驗如由西路而去者
提標水哨至澎湖交旗澎湖水哨至台協交
旗俱送台灣鎮驗准由東路而來者台協水
哨至澎湖交旗澎湖水哨至廈門交旗俱送
提督驗准某月若無哨旗交驗卽察取派定
某營官職名某月海洋報有失事卽察取巡
哨官職名則會哨之法行矣由廈門至澎湖
有七更水程由澎湖至台灣有四更水程載
在輿志以五十里爲一更不過三百里之程

餘故風信順利卽二三日可到今商船不宜零星放行無論自廈去者自台來者候風信順利齊放二三十船出港台廈兩汛各撥哨船三四護送至澎湖交代各取某日護送某商船自某汛出港至某汛出無疎虞甘結帶回原汛按月彙送督撫衙門如無附信甘結卽以官船職名申報則護送之法行矣商船二三十同出港時把口官逐一點明各船貨物搭客及器械填單取各船連環保結若洋

中遇賊必首尾相救如不救卽以通同行劫
究論則連環保之法行矣臣因商船被劫幾
無虛日不勝慙惶俯竭愚慮疏下部議以防
侮已有定例瓚所奏繁瑣難行議覆

上是瓚所奏下九卿再議俱如所請行是年
冬總督滿保入

親續暫蒸糧閩浙總督奏請以閩省收捐穀
石應交巡撫公費銀一萬五千兩撥充公餉
部議如所請

上日前督撫等奏以公費銀兩充撥兵餉朕
皆未允間有諭令買穀預備散賑者因係伊
等應用之銀非正項錢糧若准其充餉恐日
後竟同正項不肖之人又于此外侵蝕索取
矣下大學士會同九卿再議令瓊遇本省應
用之處撥給尋瓊又以巡撫任一年支取司
庫餘平項下銀六千五百餘兩爲賞兵給役
公用列奏

諭以前旨甚明非動用正項錢糧例應奏銷

者毋瑱屑具題五十六年二月疏薦惠安知
縣田廣運永春知縣陳璘漳浦知縣汪紳文
南平知縣李丕煜清流知縣林甲泰寧知縣
范廷諤南靖知縣靳樹暉平和知縣郭廷彩
長汀知縣張文煒大田知縣曹建標福安知
縣嚴德泳武平知縣壽運焜等十二員催科
能萬撫字不用重斂不加火耗無那移虧空
起解錢糧歲內全完懇
恩破格獎厲

上曰此地人善徵斂錢糧唯少加火耗百姓
易于輸納錢糧斷不至欠缺也田廣運等俱
下部議敘五十七年正月疏言前臣以廣東
雷州府東洋塘隄岸每爲海潮泛溢侵損民
田奏請修築部行兩廣總督楊林勘估需費
五千三百餘兩
利思東洋塘界連海康遂溪
二縣隄岸遼濶工程浩大非五千三百餘金
可修築
臣生長斯地深知海潮之患仰
請

聖恩允以現貯司庫之臣衙門公費銀一萬
五千餘兩內動支五千兩解交粵省督臣轉
發添買木料磚石則費多工固隄岸可得久
遠臣與桑梓小民均沐
聖恩浩蕩于無旣矣得

旨如所請八月以病劇乞回籍調理

上慰舊之十月辛于官年六十有三遺疏言
閩省捐穀項下應交臣衙門公費及餘平銀
二項除支用外現存司庫銀一萬三千四百

餘兩應令接印撫臣委員解京充西師之費
以盡臣未盡之心得

旨陳瓚將伊應得銀一萬三千餘兩奏請充
爲兵費已一萬兩可存藩庫以充兵餉其餘
三千零卽賞給陳瓚之子又

諭大學士等曰陳瓚居官甚優操守極清朕
亦見有清官然如伊者朕實未見卽從古清
臣亦未必有如伊者前在臺灣道任內所應
得銀三萬兩俱于修理砲台等公事動用

總督印務應得銀兩亦未分毫人已來京陛
見時曾奏稱貪取一錢卽與百于萬金無異
人錢以貪取者皆因艱子用度臣初任知縣
便不至以若卽一錢不取衣食亦能充足等
語今觀其居官舍其踐所奏之言誠清廉中
之卓卓者似此不加表揚賜卹何以示功著
追授禮部尙書凡祭壘立碑與謚皆照尙書
例并廕一子入監讀書以示朕優禮清廉大
臣之意尋

賜諡清端廣東巡撫楊宗仁以瑣長子居隆
次子居誠並舉人候選請廕孫陳子溫部議
從之

世宗憲皇帝雍正八年入祀賢良祠

今上乾隆六年十月

恩賜其孫陳子良舉人十三年七月以原廕
之陳子溫未仕而故

允部議補廕瓊之孫陳子恭授刑部員外郎
尋遷郎中出任知府

徐潮列傳

徐潮浙江錢塘人

聖祖仁皇帝康熙十二年進士由庶吉士授
檢討二十三年遷贊善充江南鄉試正考官
特陟諭德庶子少詹事通政使三十一年二
月授左副都御史十月擢工部右侍郎三十
三年充會試副考官三十四年五月丁母憂
三十七年三月起授刑部右侍郎三十八年
五月轉左三十九年九月授河南巡撫

上諭之日聞河南火耗甚重州縣虧空亦多
爾當嚴行禁止並加意籌畫潮奏臣亦聞豫
省有幾州縣火耗最重此外且有私派臣當
嚴行禁革至州縣虧空臣惟潔已率屬寬養
其力使之逐漸自補再不改悔定行劾治四
十年春

上巡幸畿甸

諭巡撫李先地曰直隸與河南山東鄰省有
文移往來之事其巡撫賢否爾必能知之光

地以徐潮居官甚優奏翌日

諭廷臣曰近日督撫李光地張鵬翮彭鵬郭
琇最優徐潮在河南聲名亦好四十一年四
月刑部議偏沅巡撫金璽審訊寧遠縣盜犯
關翰芳等四十餘名應如原擬定罪

上曰此案人命眾多前有令他省巡撫鞠審
之例寧遠縣與河南相去不遠徐潮馳驛赴
彼詳審六月奏盜首關四係廣東人與老鴉
山等處猶人情熟藉質盜糧糾夥行劫至二

百餘人不無迫脅入夥現今審明關翰芳馬
隆二犯下手勒死寧遠縣民李加珍應照原
擬立斬梟示其餘應並監候俟緝獲盜首關
四質認明確後處決既而偏沅巡撫趙申喬
奏關四遁入入排徭遍緝無踪現在監候之
三十五犯請照原議處決得

旨俱免死發遣黑龍江先是五經博士程延
祚請給二程子祭田部議未准行
上諭潮日程子宋之大儒祀典不可有缺但

恐其子孫不肖祭田或變鬻應如何給與銀
兩俾程氏子孫永遠奉祀潮奏程顥程頤共
祀一祠每年於春秋

女廟附祭外應別給其後嗣銀四十兩俾展
時祀以仰副

皇上隆禮先儒之至意從之是年勘奏歸德
府屬之永城虞城夏邑三縣被災地畝一萬
七千六百五十三頃有奇得

青蠶賑有差又疏言三縣外有地勢畧低雖

不成災而收成歉薄者至東作將興青黃不
接之時民生未免拮据請以常平義社等倉
現儲穀石暫減時價平糶其無力糶買者亦
照舊例借給俾得餬口並資牛種之需又言
豫省於五六月間雨水過多秋禾傷損米價
騰貴請改應運漕糧二十五萬石有奇爲折
色庶民間米價不至日長均得

旨俞允四十二年二月

上南巡潮迎

駕泰安

賜御書凜矢清風匾額督撫箴一幅及冠服
三月疏言考城柘城溫登封四縣向因兵燹
之餘應試寥寥定爲小學考取童生八名今
戶口額賦已倍於前人才漸盛請改爲中學
考取童生十二名事下部議行十二月
上西巡回鑾潮迎

駕衛輝

御書高高鎮司屏翰河洛波沛德音對聯

美子五厚

三

過孟津詩條幅以

問四十二年正月

上以汾河渭河皆與黃河相通欲于河南貯積米穀遇山陝歲歉運往賑濟恐經三門砥柱之險水溜船不能上

命潮同川陝山西督撫勘議潮既與總督博霽等會勘三門砥柱合疏以奏又疏言豫省汴河通淮故道有二一由中牟縣東經祥符等縣歷宿遷而達於淮久已淤塞一由中牟

縣東南經尉氏等縣歷太和而達於淮亦因
昔時淤墊經元臣賈魯修濬今名賈魯河現
在通流但不深廣應于窄淺之處量加批濬
在賈魯河外尙有支河與黃河止隔一堤地
名花園在鄭州之北曾經運送柳束暫掘護
隄放船入黃今支河久涸舊跡尙存若設法
聞濬建閘設壩以時啟閉而通舟楫誠商賈
人民之大便得

旨如所請行是年御史李發甲奏山東荒歉

飢民有就食湖廣河南直隸等省者請

諭各督撫令地方官安置得所

上允所請令各省遵辦潮奏豫省之開封河南汝寧等府所屬二十八州縣有山左災民男婦老幼一千五百八十餘人令各州縣給糧贍養又恐地方官力有不繼倡捐穀石在省會四門按日給散以資餽粥秋成時並令按任址給與路費關送原籍疏入

報聞四十二年十月內陞戶部尙書先是

上擢直隸巡撫李光地爲吏部尙書時

諭廷臣曰徐潮李光地原係內任歷年亦久
早應擢用因地方起見暫畱外任伊等居官
誠優得大臣體至是

諭曰徐潮爲巡撫甚好平易得體民無不稱
頌之者尋充

經筵講官四十四年

上南巡潮扈從

命同兩江總督阿山審淮安葦職同知佟世

祿控訴總河張鵬翮誣告坐冒帑誤工罰賠
銀七萬九千餘兩並令淮揚道王謙枉斷擬
杖事潮覆奏佟世祿未曾冒帑誤工不應賠
補應復原職張鵬翮偏執苛刻供枉斷應
革職畱任王謙附會欺隱應革職杖徒從之
四十五年四月兼翰林院掌院學士五月教
習庶吉士是年奉

命兼理高家堰滾水堤高郵車邏中堤及文
華寺澗河等工分派各官挑河十萬四千九

百八十餘丈築隄長四萬一千五百四十餘丈四十六年

命資帑監修武家堤天然堤蔣家堤及挑河建閘築隄諸工先後報竣四十七年四月調吏部尙書仍兼翰林院掌院學士四十九年二月乞休

命以原官致仕五十二年三月赴京得旨徐潮以慶祝遠來京師照伊原品與現任官一體給與廕生五十四年正月在籍病卒

年六十有九遺疏至得

青徐潮服官年久懋著勤勞念聞濫逝朕心
深爲軫測

賜祭葬如例

世宗憲皇帝雍正十年入祀賢良祠
今上乾隆九年

賜諡文敏子本官至大學士別有傳

田從典列傳

田從典山西陽城人

聖祖仁皇帝康熙二十七年進士三十四年
授廣東英德知縣四十二年行取考選科道
回十三年五月授雲南道御史八月疏言近
見督撫不拘成例請調州縣有秉公而調者
卽有徇私而調者在州縣求調之弊有三一
曰希圖美缺一日規避衝地一日預爲卓薦
地在督撫濫調之弊亦有三一日曲徇請托
一日公行賄賂一日引用腹心皆借整飭地
方爲名簡拔賢能爲說巧爲朦朧竟成捷徑

屢經敗露有駭聽聞卽如原安徽巡撫李鈞
請調知縣錢啟鏊一案指桐城縣之繁以爲
簡指休寧縣之簡以爲繁賄調被劾之山西
大寧知縣許晉一案先圖夏縣繼圖介休手
書銀至一萬數千兩之多其他調繁後劾貪
婪虜空者歷城知縣管承龍南昌知縣王廷
對蓋營求得胡之員或前任錢糧未完或上
司之斲謝未足雖欲不侵用庫帑剝削民財
其勢有所不能請嗣後除江南浙江等七省

中錢糧難征之一百一十餘縣及邊遠烟瘴
地方仍舊例調補外其餘一槩不准濫調嚴
定督撫違例處分庶吏治清而官方肅疏下
部議嚴定濫行奏調處分四十四年十一月
疏言近日考選科道開列部卽翰林斷自
聖裁而行取知縣

特旨以額外主事用此誠

皇上無賢無方之盛意也今九卿定議知縣
論俸行取以主事用不由督撫保舉矣而京

官考選科道猶令部院堂官保送例不書一
且恐平日之交結與臨時之營謀在所難免
將使台垣於部院弊端迴護瞻徇莫與發覺
請

勅吏部嗣遇考選科道凡正途出身之部屬
及由知縣陞任之中行評博士官與翰林一
豐論俸開列聽候考選則定例畫一矣疏下
九卿議京官考選照各項次序開列停其由
堂官保送十二月巡視西城四十九年四月

授通政使司右叅議五十年四月轉左叅議
十月遷右通政十二月轉左通政五十一年
三月遷光祿寺卿四月遷都察院左副都御
史兼管光祿寺六月疏言光祿寺買辦人積
年拖欠戶部庫銀三十五萬餘兩自康熙四
十五年前寺卿偉齊等題定一九帶銷至四
十九年又欠六萬八千四百餘兩寺卿瑪良
等截數總算請二八帶銷自五十年正月至
十二月扣交戶部七千九百餘兩尙有自四

十四年起移取廣善庫銀每年約用九千九百餘兩因不由戶部支銷未經除扣嗣後應照二八帶銷例每年例取廣善庫銀一萬兩亦扣除二千兩交送戶部年終入冊奏銷得旨如所請行其自四十四年以來遺漏扣交之寺臣下都察院議處降級罰俸有差五十二年五月擢兵部右侍郎仍兼管光祿寺五十八年十二月擢左都御史時兩江總督長鼎以潁州知州王承勳首告安徽布政使年

希堯鳳陽知府蔣國正焚取事入奏

上遣從典同副都御史屠沂往勘還奏蔣國
正以應賠所屬虧空帑銀三千七百餘兩混
入

恩免民欠錢糧應斬年希堯失察應革職五
十九年十月擢戶部尙書六十年充會試正
考官

世宗憲皇帝雍正元年九月調吏部尙書仍
兼管捐納軍需事

賜清謹公方匾額並

御製詩有出納望同天北斗清芬昂擬省中
蘭之句十一月充武會試正考官二月充順
天鄉試正考官六月協辦大學士九月
詔陝西運糧至巴里坤悉作正項報銷停止
戶部與陝西捐例並

諭嘉從典與尚書張伯行兩年以來辦理清
正下部議敘各加二級三年二月授
文華殿大學士兼吏部尚書六年三月乞休

得

旨卿才品優長老成練達端方公直恪慎恭
謹服官供職宣力多年簡任綸扉正滋倚眷
覽奏以老病乞休情詞懇切著加太子太師
銜以原官致仕於居第頒賞筵宴令部院堂
官齊集並賜帑金五千兩爲還家路費及高
年頤養之資馳驛回籍起程前著來陛辭狀
面加恩諭起程之日著在京官員等祖餞以
寵其行所過地方其有司在二千里以內者

海不目作二卷十

四

俱著迎送旋里之後懸掛朕所賜御書匾額
時命巡撫兩司親至其家將來頤養康健一
二年後再入京陛見以慰朕眷念老臣之至
意及

進餅

賜

硃書對聯並冠服朝珠等物四月行次良鄉
疾劇逾日而卒年七十有八

上諭廷臣曰田從典自辦理部務以及簡任

綸扉實心宜力勤勞懋著屢以老病乞休朕
因允其所請加太子太師銜賜以帑金馳驛
回籍忽聞患病溘逝朕心深爲軫悼遣散秩
大臣一員三旗侍衛六員往奠茶酒并念伊
子年幼無辦理事務之人遣內閣漢學士一
員滿洲侍讀學士一員前在辦理事畢之後
令該地方官酌量委員沿途照看送至原籍
加恩優恤伊子年幼家居著山西巡撫傳諭
地方官就近時加照看其新舊接任之員俱

將此旨傳知通行遵奉前朕賞賜匾對聯額
可暫收巡撫衙門俟諭祭之時於兩司中令
一人齎捧前往頒賜伊家其應得卹典該部
察例具奏

賜祭葬謚文端十二年十月

諭曰原任大學士田從典品行端直老成謹
厚居官廉潔奉國公忠應人賢良祠以風有
位著九卿會議具奏議上入祀如例並予本
家

賜祭一壇子懋由從典任戶部尙書時遇一
恩詔廢員外郎官至吏部侍郎

張伯行列傳

張伯行河南儀封人康熙二十四年進士考
取內閣中書改中書科中書丁父憂歸服滿
未赴補儀封城北舊有隄三十八年六月因
雨潰決伯行倡募居民築土塞之隄遂完固
三十九年八月總河張鵬翮疏薦堪理河務
以原銜赴河工督修黃河南岸隄二百餘里

及馬家港東堤高家堰石工四十二年正月
授山東濟寧道四十五年正月遷江蘇按察
使四十六年三月

聖祖仁皇帝南巡至蘇州

諭從臣曰朕訪知張伯行居官甚清最不易
得又

諭曰張伯行爲人篤實卽置之行間亦非退
縮者遂擢福建巡撫十二月疏請蠲免台灣
鳳山諸羅三縣旱荒田地額賦又以閩省米

價日昂請發帑銀五萬兩委官往湖廣江西
廣東買米平糶四十七年五月疏言福建人
才衆多前奉

恩詔乙酉科鄉試千舊額七十四名外增十
名今戊子科鄉試在邇士子咸冀長荷
皇仁以暫增者爲定額疏並下部議從之四
十八年十二月請調四川學道陳瓊爲台灣
道得

旨如所請是月伯行調任江蘇巡撫四十九

年二月疏言去歲淮安揚徐三府屬十四州縣衛夏秋連遇水淹蒙

恩發帑賑濟延至今春仍多乏食窮民請加賑至麥熟得

旨俞允時布政司宜思恭爲總督噶禮劾罷陳鵬年以蘇州知府署布政使請循前任督撫司道公議分扣闔屬官俸役食抵補司庫虧空三十四萬餘兩伯行以

聞越十日又疏言前因署布政使陳鵬年察

出帑項虛懸爲教甚多而俸工抵補又非臣所敢自專節次商之督臣噶禮總期庫帑有著卽可不煩

聖心因以會稿送督臣畫題守候七日傳諭令役先回會稿隨後來臣以爲已無別議不敢遲緩翌日拜發前疏茲督臣委官賚回前稿未會畫題謂尙須斟酌則臣前疏已發疏入

上令原審宜思恭之尙書張鵬翮等察審

諭廷臣曰覽張伯行此疏與噶禮不和可知
爲人臣者當以國事爲重協心辦理因不和
而致公事兩相矛盾可乎朕綜理幾務垂五
十年凡事無不經歷未嘗令一人得逞其私
此疏但批知道了置之尋伯行以衰病乞罷
得

旨張伯行操守清潔立志不移朕所深悉江
蘇重地正資料理不得以衰病辭十月張鵬
翮還奏虧空銀兩前任巡撫于準與宜思恭

應贖十六萬其餘以俸工抵補

上諭廷臣曰江南屬空錢糧兩次命張鵬翮
察審朕意地方雖有不肖之官未必侵蝕至
數十萬兩前朕南巡時凡沿途所用悉出內
帑未嘗絲毫取諸官民督撫等不遵朕志肆
意挪用以致虧空朕若不言內外諸臣誰敢
言者彼時任事之人今離任者已多若責之
新任官貽補朕心實有不忍又
諭曰朕之巡幸原以爲民卽用帑百萬亦所

當然著將朕諭旨全行抄錄令督撫察明南
巡時所用數目大畧具奏五十年五月

諭戶部曰張伯行奏江蘇等府州縣無着錢
糧十萬八千兩有奇此項錢糧朕知之甚悉
係地方官因公動用未敢申明之項若著落
後任官賠補必致科派擾害百姓其原議俸
工扣抵之數著全行豁免十月疏言江南辛
卯鄉聞榜發後議論紛紛九月二十四日有
數百人抬擁財神入學宮謂因科場不公臣

未敢隱匿時正考官左必蕃亦疏言出闈後輿論喧傳吳泌程光奎二名平日不通文理上命張鵬翮會同督撫察審五十一年正月伯行請罷會審疏言鄉試前風聞總督通同監臨提調攬賣舉人迨後取中不公正考官左必蕃疏中有或發督臣嚴審語又風聞總督欲索銀五十萬兩保全無事及揚州會審既得副考官趙晉與程光奎交通關節實情旋得安徽布政使馬逸姿書役家人爲吳泌

行賄供証督臣震怒輒令夾脛箠日尙書張
鵬翻因其子張懋誠現在安嶽懷寧知縣恐
遭陷害亦瞻顧掣肘總緣督臣權勢赫奕莫
敢撻其鋒臣不敢顧念身家雖言出禍隨亦
所不情況逢

聖明在上督臣雖甚殘險未必能加害無辜
亦何憚而不言仰祈

敕令解任一併發審俾舞弊之人失所憑藉
承審之官亦無瞻顧庶真情得出矣伯行既

上疏遂移牒鳴禮暫停會審鳴禮亦疏劾伯
行前冬泊船上海阻臣出洋恨臣不從遷怒
船埠張元隆陷以通賊受連監繫罪一上海
知縣許士貞誣良爲盜伯行囚與同寇好友
始終袒護淹禁無辜久不省釋罪二臣嚴飭
所屬力行保甲稽察匪類伯行與陳鵬年揚
言臣查富戶竟寢不行罪三蘇松道臧大受
所屬被盜七案皆捏稱大受因公出境徇私
作僇罪四蘇松糧船遲悞奉

旨明白回奏伯行飾詞欺誑罪五刑部行提
戴名世案內作南山集序之進士方苞係伯
行好友竟不差一官一役提等且南山集版
方苞收藏蘇州書肆印行三千餘部伯行並
不追問罪六命盜案件蘇松最繁伯行專以
實書著書爲事性多猜忌心更糊涂混行翻
激不能清理濫收詞狀拖累株連罪七

上命俱解任下張鵬翮及總漕赫壽察審尋
奏趙晉與吳泌在光產賄通關節撥罪如律

噶禮劾伯行不能清理案件是實餘皆督撫
會銜題咨請事方苞由伯行遣員料理南山
集刻板係在江寧起出噶禮苛刻應降一級
留任伯行劾噶禮攬賣舉人索銀五十萬兩
事全虛應革職贖徒

上切責張鵬翮赫壽掩飾和解

命尚書穆和倫張廷樞再往嚴審九月覆奏
噶禮無罪伯行畏縮不出洋反誣陷船埠張
元隆通盜又誣奏督臣應革職九卿等議如

所擬

上曰張伯行居官清正天下之人無不盡知
但才不如守噶禮雖才具有餘而性喜生事
未聞有清正之名朕于滿漢諸臣毫無異視
一以公正處之噶禮屢次具摺參張伯行朕
以張伯行操守爲天下清官第 斷不可叅
手批不准此所議是非顛倒著九卿詹事科
道會同矢公據實再議翌日
召九卿等入

諭曰張伯行居官清廉其家亦數貧人新共
知鳴禮操守朕不能信若無張伯行則江南
地方必受其陵削一半矣此五恭一案初次
遣官往審爲鳴禮所削不能審出及再遣往
審與前無異爾等能體朕保全清官之有意使
爲正人者無所疑懼則海宇長享昇平之福
矣遂

命革鳴禮職伯行復原任十二月疏言東南
漕運定例冬兌冬開正月以內過淮實藉四

空船依期到次受兌方可督押開幫自前任
總漕桑額題請展限二月以內過淮雖冬兌
冬開之例原未更易而淮限一寬官民率皆
緩視因循自悞且民間糶米冬月收穫已畢
催輸便易稍有遲延米多糶賣輸納無措不
得不受敲撲又運河之水沿塘田畝賴以灌
溉必俟重運過完方敢開放今各省糧船有
遲至五六月始過淮者抵通不克如期回空
勢不能早請自五十二年爲始江南重運仍

照原限勒令正月內過淮并請

敕倉場督臣于所給回空限內列入定限
時日合沿河州縣註明入境出境之期至淮
申繳漕臣察驗到淮之後漕臣另給抵次限
單亦合沿河州縣註明入境出境日期各船
抵次不得出十一月申繳臣衙門察驗若回
空知期到次而不能督催兌開及在淮以南
遲延者議處巡撫及縣衛各官其在淮以北
至通州重運及回空遲延違限者責成總漕

倉場劫處沿途各官凡運丁違例多帶貨物者依定例懲治自不致遲悞矣疏下部議以事閉濟運應令總漕及兩江總督會同定議上特准照伯行所請行五十二年正月疏薦福建布政使李發甲台灣道陳瓚前任國子監祭酒余正建堪任江蘇布政使疏至已有旨擢用湖北按察使牟欽元下部知之五十二年三月疏言洋面商船漁船與盜船同行難于識別請令南漁各船各刻某省某州縣

第幾號船戶各給腰牌刻年月姓名籍貫巡哨軍船亦如之庶便稽察疏下部議行五月疏劾布政使牟欽元藏匿通洋匪棍張令濤請

旨革職著追張令濤者噶禮所奏伯行拖繫之船埠張元隆卽其弟也時部檄搜緝海賊鄭盡心餘黨崇明鎮弁窮詰一船人照不符得張元隆爲之閔通領照狀以報伯行又上海縣民顧協一赴訴張令濤佔踞房屋請其

舊爲噶禮幕客今匿牟欽元署中有水寨數
處窩藏海賊伯行捕治張令濤因奏劾牟欽
元得

旨革牟欽元職下總督赫壽察審赫壽奏顧
楊一所控張令濤與海賊合夥無證據牟欽
元署中亦無張令濤

上復命張鵬翮及副都御史阿錫第至河南
審理鵬翮等奏張元隆張令濤皆良民伯行
捏造無影之事訶稱海中有賊請革職審理

上責鵬翮等不能盡心審明原委令再詳審
並

俞伯行明白回奏五十四年四月伯行疏言
臣爲綏靖海洋起見急欲杜漸防微張元隆
雖報身故而金多黨眾造船出洋人人可以
冒名處處皆能領照久經審供題明在案至
張令濤一犯原據顧協一自首若通洋不實
顧協一律應坐誣乃牟欽元庇匿張令濤致
懸案莫結且張令濤之在藩幕係其子張二

所供繚非通洋亦係豪惡臣爲地方大吏豈
能置之不究今惟靜候審訊五月鵬翮等請
旨革職解任審理從之七月奏顧協一張令
濤已就控爭屋產事定讞奉欽元應復職伯
行因前在上海坐漏船懷恨船埠誣陷良民
誑奏海賊甚多挾詐欺公妄生異議應斬法
司議如所擬

上命免罪來京十一月

命南書房行走十一月署倉場侍郎五十五

年閏三月同倉場侍郎荆山副都御史阿錫
鼎等奉

詔監視順天永平二府屬張濟五十六年入
月充順天鄉試正考官五十九年十二月授
戶部右侍郎管錢法仍兼管倉場六十年二
月充會試副考官十月乞假省母十二月來
京

命陳奏武陟縣決日情形堵築事宜下所司
知之

世宗憲皇帝雍正元年九月擢禮部尚書

賜禮樂名臣匾額二年四月

命赴闕里祭

崇聖祠復乙假省母越一月還京先是由戶

部遷禮部

命仍管捐納軍需事至是

詔陝西運糧至巴里坤悉作正項報銷停止

戶部與陝西捐例

諭嘉伯行與尚書田從典兩年以來辦理清

正下部議敘各加二級三年二月卒于官年七十有五遺疏入得

旨張伯行効力年久持身孤介簡任秩宗恪勤供職忽聞病逝朕心深爲軫惻著加太子太保於卹典外加祭一次以示優卹舊臣至意

遣大臣侍衛奠茶酒又

命部寺漢堂官科道等官於

諭祭日齊集出殯日往送

陽詒曰清恪子師載以雍正元年伯行任戶部侍郎

恩青視一品例廕員外郎官至河道總督

陳詵列傳

陳詵浙江海寧人

聖祖仁皇帝康熙二十五年七月由舉人授中書科中書舍人入年五月考選科道六月授吏科給事中二十九年三月疏言國子監額設禮生十名所司不過喝贊起拜三年期

滿例得加等錄用其考職州同輒選授知縣
夫知縣膺百里民社之寄與州同職任輕重
懸殊禮生旣無課業亦非勞勩踰職濫叨實
爲幸實請令國子監嗣後以肄業貢監生輪
直贊禮裁汰原設額缺以杜僥倖下却議停
止加等錄用仍畱額缺改照考定職銜選授
十二月請終養歸三十六年十二月補原官
三十七年七月疏劾貴州省請襲都勻正長
官司遲至五年始題似有措勒需索情弊請

勅部令巡撫察究分別議處從之八月轉刑
科掌印給事中十二月疏言近見戶部糾察
運米掛欠一疏有官員生監數百餘俱應黜
革拿解如果皆係本身侵沒按律正典夫復
何辭然臣聞捐納初開卽有棍徒包攬驟擁
高資窮奢極慾包多納少包貴納賤包有納
無包真納假誰人資本傾人家業私爲子弟
戚友充納美官而本人姓名反空懸無著更
有假捏名姓購買徵員雜職印結向戶部騙

取紅票卽于倉中領出米石私行羅買本人
全然不知經戶部題明勒限完納其官員生
監愛惜身名者隱忍賠累鬻產揭債重複捐
納或有被人騙負不能再捐或有竟不預聞
馬牛無涉忽遭提解老少驚惶路途餐宿費
出不貲而棍惡反袖手旁觀嗟然得計似此
神奸豈容漏網應通飭各省官員生監託人
代捐如騙累有據者許其告理并請
勅法司凡有告理毋少寬縱務使魑魅之徒

不得潛蹤

聖世則

國計民生均有裨益疏下部議申嚴禁令三
十九年十二月疏言黃淮自古不兩行助黃
刷沙之清水亦不可分洩黃水塞清水不過
一時之異漲稍平即流清水旁分流弱黃水
灌入淤沙愈積愈高邇者修歸仁隄開胡家
溝以出睢湖之水閉六坝幫築高家堰以出
洪澤湖之水此直借淮敵黃一定不易之經

然惟水分入運河者多則敵黃仍弱舊設天妃閘離淮黃交會之處二百餘丈南至清江浦共有五閘重運到時更迭啟閉重運一過卽下板鎖斷官民船隻俱用車盤是以淮之全力俱注於黃其引入運河者不過暫時資其濟運耳自改建草垵之後無復閘板啟閉淮黃妻趨運河清江浦民居可危宜復天妃閘舊制使淮水易以蔽黃亦補苴罅漏之有裨大工者也事下總河張鵬翮酌行四十年

十二月疏言臣辦事刑垣見山東巡撫王國昌題結蒲台縣役拘拏監生王觀成不小心防範擬革役杖責揭帖知縣俞宏聲先據民人控詞通詳於康熙三十九年正月十一日差役至濟南擒拏王觀成拘留飯店七日以致服毒自盡觀成職止監生不可謂之勢宦被控二三十年前田產細故非係大慝何必於未開印之前票差拘促似有借題赫詐誣噬威逼情弊且律例載出賣田產文約逾五

年者告爭不淮又凡有以

赦前事告許者以其罪罪之二十年來疊
頒恩赦東省官民寧不聞知民間以此告許
縣令以此通詳問官徇隱扶同上司不行糾
劾儘以杖責解役草率完結民命奚堪吏治
何在謹據揭獻恭得

日遣侍郎吳涵同誅往審四十二年三月還
奏知縣俞宏聲以

赦前田土細事遽行通詳差役六人拘拿令

三人禁押致王觀成畏威服毒殞命應革職
永不叙用追埋墓銀兩給王觀成之子不審
出真情各官應交吏部分別議處從之九月
授鴻臚寺卿四十三年六月遷大理寺少卿
十月遷左副都御史四十四年十一月授貴
州巡撫四十六年五月疏言黔省田地俱在
層崗峻嶺間土性寒涼收成瘠薄人工牛種
艱於他省前撫臣王菽因閭屬田地荒蕪十
之四五奏定減輕舊則招徠開墾成熟六年

後起科臣任事後多方勸導據各屬舉報土
年開墾成熟一千餘畝應依減輕新創六年
後起科有續報者亦如之疏下部如所請行
四十七年十二月調湖川巡撫四十八年五
月疏劾布政使王毓賢虧帑七萬七千餘兩
詔王毓賢解任誅尋以盤驗已完奏免其罪
四十九年十月疏言武昌漢陽所屬十五州
縣衛夏秋歉收請分別緩徵蠲免賑濟得
旨允行五十年四月內陞工部尙書五十二

年四月調禮部尙書先是任巡撫時失察流匪入境降五級留任及任禮部以祈雨後不報會否霑足及題奏稽遲各家部議再降五級又兩議革職並

命留任五十八年十一月乞休得

旨卿才品優長服官年久兩授巡撫潔已愛民恪勤素著茲簡任秩宗正資料理覽奏以老疾乞休情詞懇切著復還所革之職致仕六十一年十一月卒於京年八十有一

世宗憲皇帝諭賜祭墓諡曰清恪子世倌官
至大學士別有傳

漢名臣傳卷九終

五

五

Handwritten vertical text, possibly a date or reference number.

Handwritten vertical text, possibly initials or a signature.

039-122

漢名臣傳卷十

黃栢 孫在豐 宋舉 李柟 許貞

吳正治 王支雄 李先復 傅以漸

蔣廷錫 呂官

黃栢列傳子芳度姪芳世芳泰附

黃栢福建平和人明亡海賊鄭成功加以僞
總兵聯令率眾守海澄

世祖章皇帝順治十三年七月栢斬偽總兵
華棟等率眾以海澄縣投誠大將軍鄭親王

世子濟度奏人得

青與勅印封爲海澄公十四年八月總督李
率奏增梧標兵合原額共足四千名仍駐
漳州彈壓閩南九月梧同李率泰與提督馬
得功都統卽贊水陸並進晝夜攻擊連破七
城遂克閩安鎮十五年二月敘功
賜甲冑貂裘等物尋因捐造戰艦一百加大
子太保先是梧封海澄公

敕印未至卽移牒總督李率泰言鄭成功飄

泊海岸往來靡定欲撲滅之非熟悉情形者
不能敬舉所知有委署都督施琅者警賊甚
深知彼知己胸有成算其輸欵

本朝已久一出受事卽著微勞且智勇兼優
忠誠素矢宜假以事權俾盡展所長與梧戮
力馳驅必能剪除海孽又牒言鄭逆猖獗全
借內地接濟福寧沙埕爲木植絲棉所出晉
江之福前所同江之鼎美高浦爲油蔴釘鐵
所出海澄縣之南溪漳州之佛潭橋爲柴米

之藪至閩粵錯壤則饒平縣之黃岡澄海之
南洋米粟山積土穴陰爲轉輸賈粵糧養閩
寇最爲大患宜先就接濟之地設法嚴禁又
條列剿滅鄭逆五策一曰駐海濱以堵登岸
成功乘春收之時散遣僞將四出派餉深入
內地官軍駐劄城內尾後相追賊已飽颺應
分駐重兵于福興泉漳濱海要地往來馳勒
則賊不敢登岸矣二曰造小船以圖中左成
功恃中左爲三窟盈盈隔水一葦可航而陸

地將弁殊無間津之意故負固至今請于漳
州港口多造八槳小船伺潮渡海成功恐懼
必盡撤各僞鎮護其巢穴身不敢離中左半
步我師壓水而陣廣布招撫兼用間諜不出
兩月內變必作成功可坐擒也三日清叛產
以裕招徠鄭逆及各僞鎮產業多詭託他姓
掌管梧頗知其詳應奏請

勅下督撫會同梧遍行察出所收租稅永充
兵餉今海上諸僞鎮願附者多當事蒿目之

餉而不敢收此項既清卽以叛產招叛兵于以解散成功党與易易矣四曰鋤五商以絕接濟成功于山海兩路各設五大商爲之行財射利梧在海上素所熟識近且潛住郡城爲其子弟營謀鄉舉邑庠爲護身之符其實陰通禁貨漏泄虛實貽害莫大應奏請勅下督撫嚴提正罪庶內宥清而接濟之根可拔矣五日剗賊墳以快眾憤成功父子殘害生靈實戾氣所鍾聞其石井祖墓風水最

險與論成謂宜剗掘以破賊旺氣且快人心
亦怨惡之一端也梧又密牒李率泰言成功
父芝龍雖經禁錮尙未伏誅天下人心以爲
朝廷欲留之以撫其子自海澄內隸以來成
功勢力已絀猶藉其父賈書下海揚言撫局
已成致沿海人情搖惑諸僞鎮之欲投誠者
反多觀望官軍亦未敢盡力剪除必速誅芝
龍則海上聯翩投誠而獨夫坐掄矣李率泰
先後以梧所建議疏

閩施琅得擢用申嚴海禁移兵駐防增造戰
艦梧借施琅會同提督馬得功總兵蘇明赴
晉江縣之大覺山南安縣之覆船山橄欖山
金坑山剗毀芝龍父祖及先世墳五芝龍初
得

旨流徙尙陽堡尋伏誅成功亦病死偽都督
萬義萬祿楊學臯陳莽偽戎政總督陳輝偽
平南將軍顏立勳偽總兵何義林明黃昌黃
義余期英等先後就梧招撫相率來降

聖祖仁皇帝康熙二年十月進勦廈門靖南
王耿繼茂出博尾梧同李率泰出高嶼督水
陸官兵擊敗賊眾斬獲無算遂克廈門金門
浯嶼三島十二月耿繼茂奏賊遁銅山時值
隆冬未便進兵令梧統兵駐雲霄相機堵勦
三年二月梧遣鎮海生員陳克峻入銅山招
降偽伯周全斌偽都督陳昇四月招降偽侯
黃廷偽都督何政許貞李思忠等遂同耿繼
茂李率泰提督王進功乘夜渡海拔銅山焚

其巢穴成功子鄭錦竄走台灣六年三月疏
言臣自納土歸誠而後竊計報

恩必先滅賊而滅賊必先用撫故一面隨征
閩安一面陰行間牒十二年中共招撫過偽
官二百餘員兵數萬餘名節經題報有蒙
賜封侯伯且世襲者惟臣之公爵未知何等
及承襲次數乞

勅部定議得

旨下部議以實心効力著有勞績封一等公

襲十二次七年四月疏言臣標有給衛支俸者二百餘人銓授無期投間可惜乞察其弓馬材技

敕部錄用有年老願歸農者令地方官安插得所其有願終依臣標者亦另立一冊於臣標遇缺充補事下部議行尋廷議裁汰各省額兵列奏梧投誠時原帶官六十餘員兵一千二百名後續增歸誠願隸梧標下者官二百餘員兵三千八百名今沿海俱有額兵防

守除梧自帶兵一千二百名酌置官三十員
其餘自帶官二十餘員并歸誠願隸梧標官
二百餘員兵三千八百名俱令移駐河南十
三年三月逆藩耿精忠叛應吳三桂使人持
逆書招梧值梧方病疽恚卒年五十有七子
芳度陽以梧命答精忠而陰募兵自守凡兩
月餘得壯士六千遂斬精忠所置僞都督劉
豹等誓師登陣以蠟丸函疏遣官黃藍問道
馳賫是年八月至京得

青海澄公黃梧自海上歸誠裨竭忠盡鎮守
巖疆勞績茂著今聞溘逝深用軫惻應從優
議卹黃芳度設計全城擒斬僞將具見能繼
父志卽令承襲公爵今大兵由浙江江西廣
東三路進閩黃芳度偵何路先到可與迎會
合勦十一月芳度疏言漳州介耿鄭兩逆之
間獨力難守不得不百計圖全自八月以來
堅與耿拒僞與鄭和因得陰行召募以練成
勁旅萬人分布漳城及龍溪等五縣自守之

卷之四十一

勢頗成九月間耿逆遣兵來犯臣率眾迎擊
擒斬無算觀二逆構怨已深勢必俱敗誠得
粵省大兵克潮之後乘勝進取臣當率師迎
會迅奏掃除之功十四年五月疏言臣拒耿
餌鄭設爲固守萬全之計已歷一載有餘近
二逆通好臣謀已洩鄭逆遂撤回各僞總兵
蜂聚海澄備糧繕器臣揣其狡謀不測若南
行則不利于粵擁兵畱澄則不利於漳二省
皆爲封疆之患臣乃於閏五月初三日宣諭

皇上屢頒恩旨及平南親王照會密劄遣總
兵楊壯猷等扼守平和並令臣兄芳泰帶兵
赴粵接引大兵鄭逆聞之率眾來圍晝夜攻
擊臣連次出兵斬賊將黃鼎新盧英等但臣
孤城缺餉百計難支計粵路援師旦夕可至
伏乞

皇上密敕浙江江西兩路大兵迅速進發俾
二逆不能相顧臣可會合奏功七月疏言漳
州自八月被圍日夜對壘至七月賊兵益集

攻城愈急賴將士用命奮力堵禦西南北三
門盡墜賊梯東門城堞砲毀三十餘丈鄭逆
親督賊萬餘來攻臣率將士死戰用火器殲
賊無算賊仍環圍不退城中兵單糧缺恐日
久變生乞

諭趣大兵速進三疏並得

旨嘉獎趣統兵大將軍速卽應援並撥近地
錢糧接濟十月漳州城中糧盡芳度督眾死
守叛將吳淑引賊陷城芳度率兵巷戰力竭

赴開元寺投井死年二十有五賊戕其尸母
趙氏妻李氏自縊死從父樞從兒芳名親弟
芳聲芳祐並遇害期功男女從死者三十餘
人賊又掘梧棺毀尸副將蔡隆遊擊朱武外
委張瓊戴鄰陳謙俱罵賊死事

聞得

青海澄公黃芳度矢志忠貞保守孤城勤殺
逆賊屢建奇功叛將遁賊陷城闔家殉難以
盡臣節深可憫惻可復贈王爵諡以忠勇照

多羅郡王例遣大臣致祭祭隆朱武張瓊戴
鄰陳謙贈官有差梧兄子芳世先于康熙元
年賞梧疏人

觀留京授一等待衛及黃藍賈芳度疏告急
芳世自陳生長閩疆深知道里情形乞隨大
兵由廣東進援

詔以芳世爲福建隨征總兵官

諭曰爾在朕左右十有餘年凡事諳練嫻習
弓馬特授此職宜勉力圖功以副擢用芳世

至粵隨援兵前進會芳度遣芳泰自圍中衝
出與芳世合兵連破數城距漳州兩日程芳
度戰沒

詔以芳世襲海澄公爵十五年二月芳世兄
弟俱在廣東爲叛鎮馬雄等誘附吳逆不從
乘間脫走由三水至四會入山谷中晝伏夜
行十一月至江西信豐遣黃藍賁疏具陳陷
賊始末

上嘉芳世不肯從逆聞關冒險全節來歸加

太子太保仍鎮守漳州黃藍由叅將擢充海澄總兵官并令馳赴康親王軍前俟漳泉恢復收集海澄公散失官兵鎮守泚地十六年三月芳世疏言臣叔樞已故之身遭賊殘毀請與芳度一體議卹至臣叔樞罵賊而死臣弟芳名芳聲並奮力守城同日見害並請議卹得

旨贈樞太保

賜諡忠恪芳名芳聲贈太常少卿樞贈提察

司僉事各予難廕

賜芳世蟒袍弓矢鞍馬傳

諭曰卿由粵東進勦忽遭兵變孤身涉險而
出可見忠貞不貳顛沛不改其守十七年三
月海賊將劉國軒吳淑率賊眾數萬犯海澄
芳世與總督卽廷相副都統孟安等連敗之
於觀音山柘山頭石碼村等處賊退犯漳州
芳世復同卽廷相孟安統標兵奮力堵勦斬
僞將洪傑等殲賊甚眾又山賊蔡實冒稱朱

三太子與海逆勾通蔓延流毒芳世與營總
都巴等擊敗之于天寶山斬其僞提督楊寧
等得

旨嘉獎四月疏言漳州亂後臣叔梧弟芳度
所轄官兵俱已離散臣漸次收集共得四千
八百餘選補本標五營六百名此外無額可
補竊思此項官兵遇變矢志一心報効今海
氛未靖豈可聽其離散乞次留三千照經制
給餉另立三營付臣弟芳泰管轄分扼漳浦

以資調遣部議芳泰已補授京口右路總兵
官此項官兵如所請定爲三千卽令芳世自
委標員管轄俟勦滅賊寇後再行裁減未幾
芳世病卒遺疏言逆仇未滅區區此心實恨
無窮竊思封疆尙有緊要數大事其一水師
戰般不可不備額船二百業已在省興造今
沿海皆有賊船出沒不可不以習練之兵配
此額般宜卽多募水兵使之操練其一投誠
官兵不可不收今逆党雖熾其中固有向仁

慕義傾心歸附者急當厚給俸餉以示招徠
再聞疆自甲寅亂後受害已慘而漳州之慘
更甚近來山海交訌如平和漳浦等十餘縣
處處蹂躪臣願大師底定之後

皇上嚴飭有司輕徭薄賦甦此殘黎以固疆
圉至臣弟芳度閩家殉難不遺一孤臣子黃
溥年纔九歲臣弟芳素久歷戎行備嘗險阻
祈

聖恩准與承襲公爵効力疆場以繼臣歿

未竟之志

諭曰黃芳世侍從有年才猷素著鎮守岩疆
屢建奇功勤事以死深可憫惜下部議卹贈
少保

賜祭葬諡忠襄

命芳奉襲簡時海賊陷平和芳奉遣叅將呂
孝德攻復之斬賊將陳志等及兵千餘尋總
督姚啟聖疏言芳奉年少懦弱標兵八千不
能管轄或裁減兵額或移駐內地部議令芳

卷之六十一
三
泰來京

上曰黃芳泰乃功臣之嗣遷移來京乃保全
至意可令沿途應付驛站食用芳泰疏請暫
駐汀州爲兄芳度營墓啟聖復奏海澄公標
下舊兵聞芳泰在汀州皆奔依之賊首劉國
軒係江州人今在汀在漳多冒充公府之人
良頑莫辨有司不敢過問况僞將吳淑兄弟
曾害芳度聞芳泰在汀州不敢來漳投順請
赦芳泰速離開省十八年十月芳泰抵都疏

言臣年三十三次經行陣不爲幼弱兵民冒
充有司何不察寃臣離漳已十閱月吳淑不
聞投誠督臣無計辦賊以臣藉口臣當此壯
年正竭力報効之秋乞得仍駐漳驅馳驅督
勦以報

主恩

上慰論之二十二年

允其回藉營葬二十九年三月卒於里請以
子應績嗣芳度後襲爵四十九年應績爲芳

奏請卹議令閩省有司察覈

上曰耿精忠叛時黃芳泰乘間至廣東請兵
值尙之信叛芳泰同其兄芳世及巡撫楊嗣
力戰而出寔心効力朕知之甚明可卽議卹
贈太子少保

賜祭葬如例

今上乾隆三年四月應續爲芳泰請諡部議
不准

特旨賜諡襄愍三十二年六月

諭廷臣曰海澄公黃芳度閩門盡節忠藎可
嘉業經准襲公爵十二次以酬義烈因患緣
旂世職向無承襲罔替之例但如黃芳度之
捐軀投命大義炳然自應破格施恩嘗延于
世以昭褒忠盛典
特加恩准其世襲罔替

孫在豐列傳

孫在豐浙江德清人康熙九年一甲二名進
士授翰林院編修十年三月

卷之二

三

召對會初設

起居注翰直

日講以掌院學士等翰林官滿四員漢八員
充之編修惟在豐得預十一年遷侍講充順
天武鄉試正考官十二年轉侍讀十四年遷
侍講學士時編輯

日講四書易經書經解義在豐分任撰述多
稱

自十五年轉侍讀學士乞假省親丁母憂服

闕赴京二十年二月補原官

詔增設日講官以在豐與侍講湯斌檢討潘耒等九員充之二十一年六月充明史總裁二十二年五月擢內閣學士兼禮部侍郎十二月調掌院學士兼禮部侍郎充日講起居注官

經筵講官教習庶吉士二十三年二月同掌院學士牛鈕侍讀學士常書嚴我斯等疏言日講起居注官執簡論思簪筆記載非小心

修職謹慎持重者不可濫竽斯任檢討潘耒賦性浮躁舉止輕率有玷官守請

敕部察議疏下吏部潘耒降三級調用二十四年二月充會試副考官三月同諸講官奏言恭逢

萬壽聖節前三日暨後三日請停進講

上曰講書有益於學問朕愛聽無倦不必停五月吏部題請教習庶吉士

上既簡用掌院學士常書內閣學士徐乾學

仍留在豐任之二十五年三月遷工部左侍郎

諭獎供職講筵勤勞日久令兼翰林院學士
銜二十六年十一月調工部左侍郎初安徽
按察使于成龍奉

命分理淮安揚州運河隄東下河總河靳輔
議令築隄束水入海成龍欲疏濬入海故道
未與役成龍遷直隸巡撫

命在豐率節中鄂素鄭都等九員赴淮場開

濟海口鑄給監修下河工部印並

允在豐請委用願効力之候補候選職員俟
工竣議敘在豐既周行勘視繪圖列說大畧
言開新不如循舊築高不如就低迤遠不如
取近而施工最先應自兩門鎮起至北宋莊
東潘劉莊丘次白駒場工自串場河日起至
戚家園東丘次丁煥場工自雙門石閘起至
沈家灶迤東撈魚港止又自漁于灶西首起
至馮家埧止次草堰工自圍子河起至海河

口止築攔水攔潮諸埧挑土濬深其需經費
銀二十八萬八千餘兩事下所司核議並如
所請行在豐又疏請改靳輔所建減水埧爲
閘工

上命與靳輔會商確議靳輔言減水埧之設
量水勢以定寬廣之數若改爲窄小閘座則
水必壅潰下河之災更甚且埧雖洩水而埧
底猶高若改閘則底深恐洩水過多艤艘未
免有阻難以議改在豐因疏言改埧爲閘尙

可俟黃河刷深日再議現在下河興工而上
流之水由各埧滔滔東注無從措手先經詢
商河臣靳輔暫行堵閉據稱高郵城南大埧
二一寬二十四丈一寬六十六丈可自正月
啟閉至五月止小埧三各寬十丈可自正月
啟閉至三月止臣竊計埧以洩泛濫之水止
當論水勢之大小以爲啟閉若一歲之內閉
埧不過三五五月當其初閉之時積水豈能盡
消必待一兩月車水施工而轉瞬間開放之

期又至矣及其既開不惟未挑者勢必停工
卽已挑之工亦不必被水汕刷一年之工程
非三五年不辦所糜財力倍蓰祈

勅河臣同力共濟如遇大水漲溢之時始開
埧以保漕隄其餘大小埧不限月日皆行堵
塞使下河得以施工疏入

詔靳輔堵塞高郵州大小埧及高家堰關埧
勿誤下河工程靳輔因疏請增築重隄于高
家堰隄外束堰隄減下之水使出北山清口

則洪澤湖之水不復東注下河事下部議行
並令靳輔會同總督董誥總漕慕天顏巡撫
田雯及在豐確議下河應挑應止事宜靳輔
遂會疏言高堰重隄旣築淮水不注下河在
豐挑濬海口岡門鎮一工現已全竣白駒場
一工亦將竣惟丁溪場及七分草堰場僅二
分俱應停止

上遣學士禪布以疏云千成龍成龍奏言前
者臣奉

命督理下河工程因河臣以開濬海口無益
欲築隄二道束水入海奉

旨謂河臣與臣來京會議俱行停止旋蒙一
敕遣侍郎孫在豐督理河工挑濬海口萬民
歡頌

皇上今幸岡門鎮已開白駒場諸工將竣河
臣又以爲無益欲于高家堰等處築隄以臣
愚見斷斷不可孫在豐先經屢勸始行興工
如果無益何待開濬年餘動用錢糧之後又

會議請停此寔臣所不能解也

上遣尙書佛倫熊一瀟等往會董訥慕天顏
勘閱還奏重隄應築下河應停止慕天顏尋
以佛倫于會議定稿後只自竄改入奏並下
九卿會議二十七年二月在豐疏劾靳輔阻
撓下河挑濬言岡門丁溪白駒草壩四處海
口自上年二月開工岡門已於七月內告竣
丁溪諸工亦漸有成緒乃靳輔請築高堰重
隄盡停海口挑濬部議令河臣會題卽靳輔

主稿及佛倫等奉

命勘閱海口臣備悉申說下河千里之地天
兩靈濟之水必以海口爲出路丁溪白陶諸
海口應仍挑濬佛倫已應允矣乃今閱邸抄
則海口工程盡議停止此雖佛倫主議皆由
靳輔百端阻撓欲使臣束手坐困祈

賜鑒察事下九卿等察議會御史郭琇陸祖
修等交章劾靳輔輔自辯其治河不避怨謗
慕天顏與在豐結婚姻附和于成龍朋謀排

卷十一
三
陷寧下廷訛斬輔慕天顏佛倫熊一瀟降革
有差以在豐奉

旨監修下河挑濟海口是其專責既會同董
訥慕天顏田雯斬輔疏停了溪草堰工程後
又言應仍挑濟附和巧飾失大臣體應革職
得

旨孫在豐在翰林時頗優從寬免革職降五
級仍以翰林官用七月授翰林院侍讀學士
二十八年五月遷內閣學士兼禮部侍郎入

月卒年四十有六

賜祭塋如例

宋犖列傳

宋犖河南商邱人太學士宋權之子

世祖章皇帝順治四年犖年十四應

詔以大臣子列侍衛逾歲考試注銓通判

聖祖仁皇帝康熙三年授湖廣黃州通判八

年丁母憂十六年補理藩院判十七年遷刑

部員外郎出權贛閩還遷本部郎中二十二

年卒

年授直隸通永道二十六年二月擢山東按察司十月遷江蘇布政使司庫虧銀三十六萬六千餘兩舉揭報督撫察劾前布政使劉鼎章欽文二人分追完補二十七年二月舉以錢局銅劬舊係各關採買每劬定價一錢康熙二十三年令湖廣江西安徽江蘇動支蘆課購買每劬定價六分五厘江蘇非產銅之地越江西湖廣各關購買每劬至一錢六七分較定價昂貴過半牒請巡撫田雯奏停

採買部議不准得

旨再議仍照各閔每餉一錢劍行四月擢江西巡撫六月行至彭澤聞江西撫鎮標兵赴湖廣會勦叛賊夏逢龍次九江以之餉譚犖檄發湖口縣庫銀一千兩委道員賈給行月軍糧衆兵乃前進營至南昌甫數日有首告督裁督標兵李美玉袁大相散布號紙煽誘三千餘人謀劫倉庫連合夏逢龍者犖遣遊擊趙永吉擒至鞠寔卽斬以稍衆疏言擒獲

叛犯李美玉袁大相謀劫倉庫合夥湖廣供
吐確鑿卽押赴市曹正法以慰人心以安反
側其煽誘多人未經指寔應免深究事下所
司知之十月疏言江西每年採買竹木紫竹
取給于饒州猶竹通派於閩省檀楠木輪解
于南康九江各雖官捐其寔累民請嗣後動
支正帑並嚴禁借端指勒等弊又報寧州宜
春等十二州縣夏末徂秋亢陽不雨兼之螟
螣爲虐委令各府確勘輕重分數請蠲十分

之曰三十二月疏言省省在監罪囚俱有支錢有額之例雖起解囚徒向無額設錢糧伏讀康熙二十六年

恩詔凡解部及遞解外省名犯按程給與口糧仰見

聖慈矜惻無微不至周江右路當孔道解部及遞解各犯絡繹不絕應給何項糧米尙未有部文請照囚糧之例亦在常平倉內交給按日行五十里爲一程每犯一名日給米一升

其道理連者逐程加給二十八年四月疏言
近奉

諭旨藩庫於年終奏銷時巡撫躬自察盤如
有虧空立行糾叅決嚴且密誠萬世可遵也
惟是糧駟二道各有經收一放既不在藩庫
之內爲巡撫察盤所不及而名府庫內亦有
收貯錢糧似應一併清釐請於每年奏銷及
離任之日二道責成藩司察盤知府責成道
員察盤可永杜侵挪虧空之弊三十年三月

疏言近來在外漢軍文武官員解任裁缺者并其家口概催歸旂旣立限期復令取經過州縣印結逐程遞送點驗家口竟與罪犯相似所當區別定例凡因賍私一輩及侵挪錢糧解部比追者仍逐程遞送取結其丁憂降調裁缺候補等員免其遞送取結止給到京定限咨文自知違限處分不敢後期益感戴皇仁體恤矣諸疏並下部議行三十一年六月調江蘇巡撫三十五年七月疏報蘇松所

屬沿海地因六月朔遇颶風驟雨潮水泛溢
田舍被淹俱經地方撫綏勸諭補種惟崇明
縣田蕩被淹勘確成災九月疏報江寧府屬
之六合上元句容松江府屬之上海鎮江府
屬之丹徒七月內山水陡發秋禾俱淹請照
例一免並動支貯穀賑恤飢民又疏報淮揚
徐三屬二十州縣及三衛濱河之地值秋雨
連綿黃淮交漲時地俱沉水底其被災十分
田畝額賦請破格全蠲并移江寧倉米十萬

石鎮江截留漕米九萬五千餘石鳳陽倉麥
六萬六千餘石散賑事並得

旨允行三十八年二月

上南巡至蘇州

御書懷抱清朗仁惠誠民兩扁額

賜之四十二年三月

南巡回銜

諭嘉其居官安靜四十四年四月

駐蹕蘇州

賜福壽二大字

題云江寧巡撫宋學年逾古稀步履壯健故特書福壽二字賜之又

允學請

御書世有令儀以額其家祠學在任三逢

巡幸登蒙

龍錫無數詳見奏謝疏中先是請豁吳縣太湖旁墾地一千七十餘一額糧一百八十石銀一百七十兩有奇戶部議湖旁墾沒數逾

十頃似有虛捏駁令詳察至是復以積年沈
水額賦難徵覆請得

旨允豁除五月疏言蘇松常鎮四府州縣有
本任經徵錢糧完及九分以上因接徵前任
舊欠不完槩行降調者請改爲降留部議不
准

命九卿等再議准畱任一年催徵如仍不完
乃調用十一月丙陞吏部尙書四十七年閏
三月以衰老乞罷

上曰宋躡才品優長前者巡撫江西敬慎持
已加意愛民在任十有四年地方相安無事
簡秉銓衡正資料理覽奏以衰老求罷情詞
懇切著以原官致仕頒行

賜詩有云久任封疆事蘇臺淨點塵五十三
年三月赴京祝

聖壽

詔加太子少師

則詩有世家耆德自天全之句九月卒於家

年八十遺疏至得

旨宋學宜力年久敬慎自持勤勞素著予告
以來尙期優游頤養忽聞溘逝深爲軫惻下
部議卹

賜祭葬如例

李栴列傳

李栴江南興化人初名葉後改今名康熙十
二年進士由庶吉士授檢討二十二年遷中
允二十三年丁父憂二十六年服闋補原官

海名目錄卷一
三
二十八年四月遷侍講六月轉侍讀二十九
年遷庶子三十年八月遷待講學士十一月
擢內閣學士三十四年擢工部侍郎三十五
年正月奉

命祀南嶽十二月授浙江學政申途聞母訃
回籍三十七年十二月卽家起補工部右侍
郎尋轉左仍聽終制三十八年春迎
駕病遷

召對

御賜書聯及蟒袍九月調戶部左侍郎時河道總督于成龍奏以清口移武家墩

諭廷臣籍隸淮揚者各抒所見柁奏應修高家堰

土曰高家堰雖宜修築水漲時泗州仍可虞柁奏水漲時泗州雖有水患但淮揚所關尤爲緊要

上命九卿等確議如柁所奏行三十九年二月充會試副考官六月擢左都御史十月柁

疏言

皇上一日萬幾常勤宵旰事關重大必下九
卿會議期歸允當而近來會議每于前一日
薄暮傳知次日齊集惟主稿者及都察院先
有科抄揭帖其餘諸臣未詳端委半截主稿
者議唯唯畫題是雖會而未嘗議也請自後
令主稿者先期以所擬稿分送預議諸臣求
其盡善如所見未合改擬另寫臨時互閱同
定一議或兩議仰候

膚裁或所見出兩議外亦存其議以備稽核
如奉

旨取閱亦可見其不苟雷同至屆期患病者
竟勿列名其托故不到倩人代畫並請

勅部申禁庶立法可垂久遠疏下部議以先
期送稿易致遲悞循舊爲便餘皆知所議行
又疏言各省虧空錢糧不可勝計每因布政
使陞任巡撫所候庫項受代者柴爲撥承一
時需用輾轉挪移分派屬員致州縣漸皆虧

空伏思布政使內陞寺卿數轉然後至副都
御史則布政使外陞巡撫乃超擢非循序也
請自後停其開列巡撫先令內陞以備
名詢果能熟悉利弊才品優長數月後始
簡用巡撫當其甫經內陞人不敢信其必爲
巡撫彼亦不敢以巡撫自信藩庫未完誰與
出結自免侵挪之弊至州縣錢糧近例令知
府歲終盤查難保無鄰封移取過後仍虛之
弊惟當盤查時核明應留應解各款除存留

外限三日內悉起解司庫則完欠無由隱匿
臣前佐理戶部見州縣虧空數露甚多追完
甚少若司庫虧空鮮有發覺者蓋藩司易借
之屬員州縣難取足于家產故欲絕其流弊
惟在清其本原而已得

旨下部確議布政使開列本省巡撫業經停
止應再申明定例遇他省巡撫缺必確察錢
糧無欠始行開列交代清結方准離任州縣
應解錢糧令于知府盤查後限三日內起解

逾限者題叅四十二年閏六月山西巡撫噶禮疏劾轉致書太原知府趙鳳詔言孟縣紳士武承讓前年會試出其門近被縣官牽累訟案望爲和解趙鳳詔以書舉首

旨下九卿察明構自引咎九卿議革職

詔從寬降五級留任四十二年七月同副都御史張濟等疏言

皇上軫恤山東水災

命廷臣集議令官民人等前往贍養飢民賑

例議敘又准借領通倉之米蓋慮米難購買
飢民不能久待也業經五城出示曉諭而報
名者少未免因輸運維艱是以觀望臣等伏
恩三十四年運米

盛京三十八年運米朝鮮俱由天津經登州
由海船輸運

宸算精詳兩地人民感

恩再造今青萊登三郡山路崎嶇無米可買
目前尾運之漕糧漸抵天津請以通倉之米

并未收漕糧量行撥發仍用往年之船行海
運之法由天津運至青萊登等處平糶至來
年麥熟而止庶被災之地不以米少而價騰
贍養之員亦不思無米之可買矣疏入

詔截漕五十萬石有貯沿河村鎮以備賑濟
平糶之用撥八旗佐領下三百人各支庫銀
三千兩往養飢民又

諭遣原任學士錢齊保副都御史葉舒等由
天津運米九萬石至登萊青三府平糶九月

刑部議覆貴州巡撫王鼎審訊所屬平越民人楊佈殿謀財致死武岡州布商許士昌擬斬立決許士昌孀媳陳氏謀殺尊長凌遲處死應如所擬行柁與左都御史溫達言楊佈殿初供止自認圖財害命不及陳氏若陳氏果屬同謀素與其夫弟許偉宿不相識當隱匿不言乃一週許偉籍詢係表弟挺身直訴俾積年沉寃得雪其自認同謀或係畏刑改供應再集證定讞以兩議上得

海峽名目在...
旨如後議令新任巡撫高起隆覆訊楊佈殿
如原擬處斬陳氏得開釋誤擬之王燕及承
審各官削級降調有差四十三年九月柙以
老病乞休

命以原官致仕十一月卒于家

賜祭葬如例

許貞列傳

許貞福建海澄人初爲海賊鄭錦僞靖海將
軍康熙三年三月率僞官七十餘兵六百赴

漳州按誠授左都督五年令攜所轄兵駐九江八年廷議以荒地分給授誠兵耕種移貞駐贛縣爲屯墾都督十三年六月逆藩耿精忠叛党賈振魯曾若于糾眾陷石城犯寧都貞率遊擊周球等赴援敗賊于黃地馳至寧都城下賊方繞城數匝進擊之斬千餘級獲砲幟器械賊敗走追及石城之新田又大敗之復石城八月賊犯興國貞擊潰賊眾復馳援蠟石寨斬賊百餘九月敗賊雩都之天華

山李芳江長樂里進克橋頭寨十月克零都
之主仙白奇田產三寨及興國之江背峒十
二月克興國之江頭上龍二寨十四年二月
招降蕪州之寶石寨丁口萬餘巡撫白色經
以貞督率不食餉屯丁屢搗賊寨勦撫著勞
入奏

諭嘉貞下部議敘加太子少保四川江西總
督董衛國以撫州建昌廣信三府賊未靖請
增設總兵轄兵二千駐建昌兼轄撫州廣信

且言貞備餉給來丁奮勇勦賊半載餘贊勦
罄竭力膺斯在卽以隨征兵充營額疏下部
議行授貞江西撫建廣總兵六月會勦賊眾
于宜黃擊敗之追至崇仁樂安賊遁遂復三
縣十二月耿逆党耿繼善窺伺建昌使其党
楊玉太李懋珠樂燦分踞界山麻姑山貞率
遊擊王朝攻敗之斬于餘級復擊賊之田麻
姑山犯建昌南關者斬級數百十五年正月
以前此耿逆兩次誘叛並擒其使以逆書獻

部議左都督之上無級可加應記功

上以貞屢次勦賊出首逆書勞績茂著

命部優敘予雲騎尉世職二月由揚華山勦
賊麻姑山賊捆壕築土列木馬官軍緣崖登
斬僞總兵揭重信等三千餘眾盡洗賊巢六
月進勦蕭家爐二聖山賊棄營遁焚其營四
十餘賊由杉關新城二路走追斬于餘級八
月勦賊南豐至揭家嶺奪隘賊竄走追至廣
昌吳氏岡降僞總兵揭斯進遂復南豐廣昌

九月勦瀘溪賊瀘溪地在萬山中僞總兵楊益茂林鎮等糾眾四萬負峒跳梁勢猖甚貞達勦于佛合嶺司南嶺賊眾踞隘立柵官軍援而上盡燬其巢復瀘溪十一月懋珠糾三萬眾寇南豐貞率兵馳援進擊楊梅砦前後夾攻斬僞總兵王大耀等四千餘級燬賊營十餘十二月僞總兵王霖副將何承統踞新城縣蹂躪鄉村貞會師進勦復新城追至黃土關杉關降僞副將劉相等十六年五月懋

珠玉太並踞樂安縣副都統尼滿提督趙賴
由中路進勦貞出西路至白石嶺擊賊賊潰
逃復樂安王太窮蹙繳徧印劄率徧總兵徐
虎及所部六十餘人降十七年正月勦廣昌
賊克籐市楓樹二寨五月敘前功晉騎都尉
七月擢撫建廣饒南吉六府提督時廣信士
賊江機楊一豹聚眾數萬踞封禁山江潞山
倚險立木城爲巢八月貞與總督董衛國統
兵分兩路勦之克頭關二關三關搗外中裏

三村賊退入雞公山。猴子嶺又敗入封禁山。
 復竄黃柏村。何家寨官軍追斬萬六千餘級。
 墮崖澗死者無算。機一豹携殘孽遁入江潯。
 山十八年四月貞率兵由弋陽雙港進攻洪
 山。詹源屢挫賊。別遣兵間道截擊。獲糧百餘
 石。復分三路掩擊。斬一豹之弟一虎。偽官二
 十五。賊兵二千四百餘。機走閩界。一豹走貴
 溪嶺西。五月饒州偽將軍陳璧流突弋陽之
 北鄉。貞馳兵征勦。斬偽叅將王文武。追至六

源橫港擒壁誅之十一月

詔江南全省俱令貞統轄十九年正月率兵
勦一豹由江潯山火燒閉進復分兵要截一
豹勢窮走福建與機偕降于康親王傑書軍
二十一年九月自陳乞罷

諭嘉勦禦賊寇安靖地方勤勞茂著令供職
如舊十二月調廣東提督二十四年二月入
覲

諭曰爾在江西著有戰功朕嘉爾勞故簡任

提督近聞廣東盜賊未靖爾宜加意緝捕以
安民生貞奏曰廣東多溪水盜賊出沒其中
最難捕治臣今造小舡設水塘晝夜巡哨庶
盜賊可息

上曰加意緝緝使兵民兩安斯無負職掌是
年敘江潁山殺賊功加雲騎尉三十四年三
月卒于任贈少傅

賜祭葬如例其騎都尉兼一雲騎尉世職注
入贛州衛子鳳朝孫克寬作哲遞襲三次循

例停止乾隆三十二年十月以綠旗軍功襲
滿

思予貞裔恩騎尉世襲罔替

吳正治列傳

吳正治湖廣江夏人順治五年進士改庶吉
士八年八月授國史館編修十一年八月充
順天鄉試副考官十月丁母憂十五年正月
起補原官二月遷右庶子五月

特簡翰林官十五人外轉正治預焉六月授

江西南昌道十六年閏三月遷陝西按察使
十七年三月以正治由翰林官外轉練習有
年

詔內陞五月授工部侍郎八月調刑部康熙
五年七月請假省親七年十月補工部左侍
郎八年二月丁父憂歸十年五月補兵部督
捕左侍郎十一年十一月充

經筵講官十二年二月擢都察院左都御史
三月疏言緝逆事例首嚴窩隱一有容留雖

親如父子但經隔宿卽照例治罪使小民父子視若仇讐一經投止立時拏解若係三次在逃之犯解到必當擬絞是甘心置之死地而不恤也伏思律有親屬互相容隱之條惟叛逆者不用此律夫逃人乃旗下家人之事情與與叛逆輕重懸殊在律原無父子不准容隱之語今縱不便從寬亦當稍爲分別請嗣後遇有父子窩逃被旁人舉發者逃犯照常治罪免坐窩隱若容畱逾旬父子首報解

部者逃犯照自首例減罪則首報者多逃人
易獲

朝廷之法與天性之恩兩不相悖矣又疏言
今歲雨澤愆期

皇上恤民念切方事祈禱而甘霖旋應小民
正可服勤農業不宜以得已之役致妨民務
近者樞臣勒布奉

命會同直隸巡撫金世德酌設玉田深州霸
州雄縣駐防步兵因議蓋造營房伏思嵐竊

標掠有地方文武各官捕治不煩添設旂兵
若成羣大盜又非僅添數十旂兵遂可撲滅
雖設兵原以安民而愚民無知一旦驟聞添
設未免心生疑畏至于蓋造營房縱不至佔
軍民屋而工作方興未免勞民動衆應暫停
止俟秋成農隙時酌量舉行疏並下部議從
之五月遷工部尙書九月調禮部尙書十三
年三月應

詔舉廉能疏荐原任給事中周體觀原任知

州侯紹岐下部議起用十五年充會試正者
宮十八年三月正治自陳乞罷

諭嘉其端勤誠慎慰晉之二十年十月授武
英殿大學士時重修

太祖高皇帝實錄編緝

三朝聖訓

大清會典一統志

平定三逆方畧正治並充總裁官二十五年
實錄告成加太子太傅二十六年正月乞休

命以原官致仕三十年閏七月卒于家年七十有四

賜祭葬如例諡文僖

王文雄列傳

王文雄順天大興人康熙二十二年由行伍隨提督施琅勦海賊鄭克塽于台灣僞侯劉國軒率賊二萬餘踞澎湖文雄隨遊擊藍理由銅山進攻衝鋒奮擊連敗賊兵叙功相左都督銜二十九年六月大軍征噶爾丹

詔綠旗候缺有職銜人員赴軍前効力文雄
錄火器營敗賊于烏蘭布通得

旨錄用部議以遊擊候補尋授張家口遊擊
三十五年

上親征噶爾丹文雄隨軍至拖諾山九月還
張家口副將三十八年請江南督標中軍副
將四十二年軍政卓異四十二年二月擢登
州總兵四十二年二月疏言臣母未葬心不
能安雖武職從無給假養親之例乞破格

俞允以遂烏私

特旨給假四十日八月疏言東省沿海二千餘里自開海禁以來商民舟楫往來奸究不無覬覦登州坐臨大海控禦尤要向來水師無船額設兵僅三百八十六名請增至一千二百于所屬各官抽調足數酌撥鎮江松江狼山崇明等處趕繒船二十備用改設遊擊一守備一千總四把總六操演水師防汛巡島商民均有裨益下部議行四十六年五月

上南巡回盜文雄屠從至臨清

賜孔雀翎

御書輯和東土匾額並

賜之四十八年二月擢貴州提督先是提督李芳述疏言黎平一協孤懸邊徼最易藏奸距省寫遠呼應不及請以黎平府割歸湖南改協爲鎮部議合二省督撫提督會議僉以地畝錢糧分省已久應仍舊制文雄言黎平一隅界連粵西邊徼逼近九股生苗所轄西

山一汛尤爲緊要應專設一營增守備一千
總一把總二移兵三百名駐防彈壓仍歸黎
平副將管轄又黎平至省必經湖南之天柱
靖州往返四五十日若由所屬之湖耳司經
天柱縣及瓦寨卽抵鎮遠祇十餘日宜安設
塘汛以便往來文移與巡撫劉蔭桓會疏以
聞下奇議從之五十年八月疏言安籠鎮所
轄之黃草頭接連滇粵逼近三江去普剌州
二百餘里必須大員駐守原係安籠鎮左營

洪地以左營遊擊一千總一把總二兵三百
名駐防庶足控扼要隘其右營遊擊之分洪
新城者撤回鎮標操防又安籠一鎮深處萬
山之中與滇屬之羅平廣南粵屬之西隆泗
城接壤去石門坎二十里卽鄰粵西煙瘴之
地實爲貴州要區請照威寧大定等處事例
遇武職缺出遴人地相宜之員題補以收得
人之效得

旨俞允五十一年十月調廣東提督

論曰王文雄任山東總兵時佈置有方調度得宜建造戰船大有裨益今調廣東提督人地尤相宜也尋以流匪陳四等沿途搶奪經由貴州與巡撫劉蔭樞同議降四級調用得旨從寬留任五十二年五月疏言廣州府番禺縣之市橋人煙輻輳兼有附近之石碁等處奸民世濟爲匪換船而外私造花魚奶船一船可容四五十人出海截劫商民如此要區既無文員駐劄僅有千總一員兵三十四

名不足資防守又請善縣屬之餼一之一洗
瀾臨大海客運外洋土著之民無幾多聚無
籍之徒日有漁船四五百出入澳口雖有水
批把總一員兵六十六名道驛嵒山相隔數
里未免鞭長莫及請撥虎門協都司千把總
各一兵三百駐守市橋內外千總一員兵百
名分防石碁互巡外海內河並移沙灣司巡
檢同駐市橋以廣州協大龍汛把總及兵六
十名移駐石碁以平山汛守備及兵百名移

駐飯糴崗又移平海營稔山水沈把總及兵
船離海口以文官稽核保甲漁船以武官盤
詰海口奸匪水陸交嚴庶可戢奸弭盜下部
議從之五十六年六月疏言海洋魚船准帶
軍器原爲禦賊之計但商船被劫從未聞與
賊相拒所帶軍器不特不能禦賊翻以資賊
請嗣後沿海各省商船出洋貿易不許攜帶
鎗炮等軍器其原有者盡繳入官庫下九卿
核議器械爲防賊之具不宜概行禁止應照

前閩浙總督金世榮奏炮不得過二粒槍不得過八桿腰刀片刀不得過十五得

旨令閩浙總督一保等公同定議覆奏鎗炮弓矢皆非商船水手所素習徒借盜資應概行禁止除官兵外無軍器出洋倘有賊船一覽可知亦屬防海久遠計如文雄所請是年十月疏言叅將裴一緝獲三盜于海陽縣官避處分安行搶奪巡撫法海疏言擒賊實係縣役營將奪賊捏功

詔總督楊琳核奏仍下部議以文雄平時不能禁戢盜賊又思脫罪粉飾陳奏應革職得旨王文雄屢著戰功著自備鞍馬赴進一軍營効力時其子廷梅官侍衛奉使軍營文雄因偕行尋以疾還京雍正元年卒年六十有二乾隆八年祀山東名宦

李先復列傳

李先復四川南部人康熙十一年舉人二十八年授山東曹州府知府三十三年以巡撫桑

格疏薦廉能愛民行取尋因盜案停陞改補
湖廣大治知縣三十六年行取三十七年授
陝西道總史三十八年十二月疏言科場之
弊與其旣萌而嚴其罰何如未發而絕其根
向例會試及順天鄉試內簾設滿漢御史各
一員不預文事專察情弊嗣經停止後科場
往往滋弊應復設以杜弊端下九卿議從之
四十一年五月遷通政司右叅議旋轉左九
月遷奉天府府丞四十二年五月遷大理寺

少卿時給事中王原劾吏部郎中陳汝弼納
賄選用道員黃鍾法司坐汝弼絞

上察知供證非實下議政大臣九卿等確核
得刑訊選人逼供行賄狀

命免汝弼罪原審諸臣革降有差先復降三
級調用四十四年八月補鴻臚寺少卿卽擢
鴻臚寺卿四十五年遷大理寺少卿四十七
年遷太僕寺卿充浙江鄉試正考官四十八
年三月遷太常寺卿又遷左副都御史七月

擢兵部右侍郎九月轉左五十二年出使祭
告高山並賞賚綠旗官兵八月充會試副考
官五十四年大軍征策妄阿拉布坦先復奉
命督理呼坦和朔軍糧往返六次運米三萬
五百石五十六年十月自西路運米事竣回
京
上詢運米事難易如何先復奏臣等向未口
外行走初時甚畏難今二年往回六次始知
其易到處俱有水草

諭九卿曰李先復係漢人自阿爾台泰日外來氣色甚好是邊外水土原易行走五十九年擢工部尚書六十年奉

命審理兩淮巡鹽御史張應詔科派事先復以無科派覆奏部駭眾商已供爲應詔所派今以原叅督臣常鼎身故遂改前供所審殊未允協

世宗憲皇帝諭曰常鼎居官本無令名皇考亦曾向朕言之其所奏豈可爲準

皇考當日不昔據常鼎所奏定案故遣大臣
前往察審今既已審明不必再行詰駁時管
理兩淮鹽課內閣大學士魏廷珍摺奏鹽務
命先復核議因奏兩淮商欠一百三十五萬
兩分年帶徵三年可完八十一萬餘兩尚欠
五十四萬兩雜費匣費內每年有江南督撫
各官規禮八萬餘兩此項原係鹽規卽以補
次國課無虧商力亦裕從之又言鹽價消長
應令督撫會同巡鹽御史酌量料理毋得輒

行借端禁抑鹽價有虧商本以致缺課

上曰督撫與御史如相合好卽長鹽價以致病民如不相合好卽不巡緝私鹽以致商累嗣後備各有意見並將情由達部聽部定奪二年先復以年老目昏辭職得

旨卿宣力年久勤勞素著簡任司空以來謹慎自持寔心盡職正資料理覽奏以衰老求罷情詞懇切著以原官致仕六年卒于家年七十有八

傅以漸列傳

傅以漸山東聊城人順治三年一甲一名進士授宏文院修撰四年會試同考官五年充明史纂修官八年閏三月遷

國史院侍講九年正月充

太宗文皇帝實錄纂修官六月遷左庶子十年正月遷秘書院侍講學士五月遷少詹事閏六月擢

國史院學士七月教習庶吉士十一年八月

授秘書院大學士十二年正月

詔陳時務因條上安民三事又

命作資政要覽後序二月

諭獎密勿扃誠諸大臣加以漸太子太保尋

改

國史院大學士充文武

殿試讀卷官時編輯

太祖高皇帝

太宗文皇帝聖訓暨通鑑全書以漸並充總

裁又承

旨撰內則衍義會戶部進新修賦役全書亦
命覆核十三年八月京察自陳乞罷得

旨卿輔弼重臣醇誠樸慎勤勞密勿倚任方
殷豈可引例求退著益抒猷念佐成化理十
四年二月以漸同庶子曹本榮奉

諭曰朕覽易經一書義精而用溥範圍天地
萬物之理自魏王弼唐孔穎達有注釋正義
宋程頤有傳迨朱熹本義出而後之學者宗

之明永樂間命儒臣合元代以前諸儒之說
彙爲大全于易理多所發明但其中同異互
存不無繁而可刪華而寡要且迄今幾三甫
年儒生學士發揮經義者亦不乏人當並加
採擇輯成一編昭示來茲爾等殫心研究融
會員通務期約而能該詳而不複俾義經奧
旨炳若日星以稱朕闡明四聖作述至意十
二月修易經通註以進十五年二月偕學士
李燾充會試主考官入闈舊俱攜書籍至是

言官奏定禁例以漸疏請凡出題應用書籍
勅部照例給發庶免漏設下部議令內監試
察驗仍准攜入以漸因闈中咯血疏言入闈
七日幸硃卷尙未騰進乞

賜另遣一員同李蔚任事得

旨知卿倘恙著力疾料理闈事四月考滿加
少保九月改內院爲內閣授以漸

武英殿大學士兼兵部尙書十月以疾乞假
回籍十六年十一月以病逾一載乞罷黜

命加意調理稍痊卽來京入直辦事不必引
請處分十七年三月京察自陳乞罷得

旨卿清慎素著佐理有年著加意調攝痊日
卽來京供職不必求罷十八年正月

聖祖仁皇帝御極以漸復疏乞罷下部議准
解任在籍調理病痊起用康熙四年四月卒
年五十有七

蔣廷錫列傳

蔣廷錫江南常熟人初由舉人供奉

內廷康熙四十二年三月

詔以舉人汪類何焯與廷錫皆學問優長會
試下第令一體殿試

賜進士改庶吉士明年未散館卽授編修歷
左右春坊贊善遷侍講侍讀庶子少詹事五
十六年五月擢內閣學士六十年十二月充
經筵講官雍正元年三月遷禮部右侍郎仍
兼溪士

賜詩有在公勤夙夜懋績有賢聲之句十二

月政言

國家振興文教廣賢序以居業設廩膳以給
養沿習既久視爲具文生員經年未嘗一至
學宮平居無親師博習之教則放蕩習成匪
僻行詐請

敕學臣通飭府州縣衛教官凡所管生員務
立程課令其時至學官面加考校相與構究
經史以檢束身心勉修學行學臣于歲科考
時卽以一學文章優劣定此學教職賢否則

教者勉爲嚴師學者亦奮興矣又會典載順
治九年定鄉設社學之制以昌濫停止請
勅督撫令所屬州縣凡大鄉堡立社學擇生
員學優行端者充社師量給廩餼鄉民子弟
年十二以上二十以下有志學爲文者聽入
則黨庠術序之法大備事下部議從之二年
五月奏請續纂

大清會典卽

命爲副總裁六月調戶部右侍郎三年三月

轉左

命與內務府總管來保察閱京倉覆奏開溝
墊土添橋架木各事宜

詔以鋪灰避溼恐米不可食墊于磚下爲宜
餘悉如議七月疏言漕運全資水利宜通源
節流以濟運道一曰濬泉源山東漕河資汶
洸泗之水而四水源皆微細全賴泉源助成
巨流計一省之泉百有八千其派有五分水
天井魯橋新河沂水是也其委同出一道謂

之泉河也口舊設管泉分司今雖裁汰仍設
泉夫請飭有泉州縣督率疏濬盜遏者禁又
濟兗二府爲濟水伏流之地若廣爲濬導則
散漚砂礫閒者隨地湧見應立法勸泉夫濬
出新泉優賚銀米歲終冊報卽爲州縣課最
一曰開湖地山東諸泉所滙爲湖十五各建
長礎設斗門爲減水閘以時啟閉濬溢則減
漕以入湖湖涸則啟湖以濟漕故諸湖名曰
水櫃其後居民壅水占種斗門閘埧遂漸圯

塞低窪多生芟草積沙處高與漕河隄等蓄
洩無所請察勘未耕之地就低處悉行挑深
以復水櫃之法卽排出之土築隄以束水櫃
每湖開支河以承諸泉之入益漕水之流復
建閘以時減放庶幾蓄洩得宜一日嚴築埧
開埧日期按漕政考山東運河每歲十月初
築埧通流分洩諸湖候來春二月冰泮開埧
受水法至善也但法久玩生築埧每在十一
月中未免過遲正月初旬開埧未免太早請

飭所司築必十月望前庶河水未合便于施工開必二月朔後庶河水充盈漕運商船皆利一日修築坎河灘垣山東運河惟賴汶水一派分流南北濟運明宣德時築戴村垣于汶水南以遏汶水入泲建坎河石垣于汶水北以節汶水歸海嘉靖時總河侍郎萬恭復堆積石灘水溢則縱之歸海水平則留之入湖嗣鮮歲有修築但恐時久頽廢萬一汶水北注挾湖泉盡歸大清河則四百餘里之運

道所關非小請

敕總河及巡撫相度形勢修復舊石灘改建
滾水石埧以爲蓄洩

上命內閣學士何國宗等攜儀器輿圖同總
河齊蘓勒巡撫陳世倌履勘應如廷錫奏下
九卿議行四年二月遷戶部尙書八月充順
天鄉試正考官旣入闈

諭廷臣曰數年來蔣廷錫協同怡親王允祥
辦理戶部事務秉公執正釐剔諸弊甚屬書

心而胥吏宵小狗私作弊之人未必無嫉妬
懷怨者今將廷錫入闈典試或乘此造作浮
言妄加謗議亦未可定場屋關係大典若闈
中間卷果有不公許應試舉子赴都察院控
告奏聞若有不執之徒假捏污蔑之詞以洩
私忿而撓公事則國法斷難寬宥著步軍統
領及順天府尹五城御史察訪查拿叅奏從
重治罪十月

命兼管兵部尙書十一月丁母憂

諭內閣曰蔣廷錫在內廷待從二十餘年恪
慎勤勞朕御極以來凡交與部院事務皆寡
心辨理明晰妥協簡任農曹尤爲稱職且素
性篤于孝道其母身享高年蔣廷錫朝夕承
歡奉養惟謹朕優眷大臣推恩及于其母時
加存問賜賚載頒今聞其母奄逝深爲軫惻
特遣大臣前往賜奠茶酒加恩諭祭一次照
生前例給予一品太夫人封誥並賜銀一千
兩爲殯殮之資以示教孝勸忠至意

命廷錫在任守制給假數月奉母櫬回籍喪
葬事畢來京六年三月授

文華殿大學士仍兼理戶部六月充纂修

聖祖仁皇帝實錄總裁七年七月

賜第及鈞衡碩輔額十月加太子太傅八年

二月充會試正考官八月

命同果親王允禮總理三庫事務十月

諭嘉廷錫與大學士馬爾賽張廷玉等贊襄

忠勤

賜一等輕車都尉世職十年閏五月卒于官
年六十有四遺疏入

諭部曰大學士蔣廷錫受

聖祖仁皇帝知遇之恩直內廷二十餘載自
朕卽位由學士陞授侍郎旋擢尙書簡命爲
大學士才識優長經猷明練其總領度支則
謹慎出納釐剔弊端于國計民生均有裨益
其參贊機務則恪謹小心周詳縝密綸屏重
地倚賴方殷上年忽患痰症特遣良醫調理

漸次獲痊今夏舊恙復發每日兩次以疾狀
奏聞方期夙疾有瘳豈料溘焉長逝朕心傷
悼較朝一日其所用棺殮之屬俱頒自兩府
已命內大臣率領侍衛賜奠茶酒其應得卹
典祭例具奏

賜祭葬加祭一壇諡曰文肅乾隆元年十二
月入祀鄉賢子溥官至大學士自有傳

呂宮列傳

呂宮江蘇武進人順治四年一甲一名進士

授秘書院修撰九年遇

恩詔加銜右中允十年二月

上幸內院宮與侍講法若直編修程芳朝黃

機並

召對

命撰柳下惠不以三公易其介論

賜茶食五月

論吏部曰翰林官陞轉舊例論資俸兼論才
品族思果有才品特出者何必拘于舊列右

中允仍管秘書院修撰事呂宮文章簡明氣
度閑雅著遇學士員缺卽行推補尋授秘書
院學士閏六月擢吏部右侍郎卽十一月授宏
文院大學士時言官請禁江浙簽點富戶運
白糧及織造報充機戶請獎部臣以已有例
禁議覆官請嚴飭督撫察究從之十一年三
月給事中王士禎御史王秉乾交章劾宮素
倚罪相陳名夏聲勢攬專招搖備員政府無
寸長表見

命宮回奏官引咎乞罪得

旨呂宮既爲大臣與陳名夏結黨是眞人所
共知本當治罪姑從寬宥從今以後著洗滌
肺腸痛加省改寔心盡力慎辦職務以副朕
超擢宥用之意五月以巡按四川御史郝洛
爲吳三桂訐罷官曾與太學士馮銓成克鞏
等合疏薦浴可大用坐濫舉降二級留任九
月疏言臣乞假調理已經三月惟異早痊入
直奈稟體怯弱人道俱絕精神日減僅能僵

臥兀坐伏乞

垂憐篤疾容臣寬期調治得

旨著用心調理稍痊卽入直辦事十月御史
姜圖南郊宮養病疏語姜嫚將來雖愈其所
建立亦無足觀不當容其養恣

上以官在病真弗問宮疏言臣曠職已將半

載蒙

皇上數遣大臣詢狀臣不敢諱隱疾相率具
述致道臣姜圖南以姜嫚責臣蒙

恩寬特臣不敢贊至圖南謂臣雖病愈所建
立亦無足觀則臣自揣疎庸應不出圖南所
料况政府殷繁豈容臣優游養病曠職臣既
無表見無啟沃重以痼疾爲人所羞稱宜急
隱避乞

賜罷斥

上慰留之十二月

命同大學士額色赫金之俊充資政要覽總
裁是月疏言臣卧病經時早宜引去而受

恩深重誼不忍言聞人言以猛省始敢乞休
御荷

溫綸諭以用心調治不必求罷今又逾兩月
中懷焦迫再乞

恩憐容臣回籍調理

上復慰留之十二年正月御史楊義疏言官
屢掛彈章久負曠職之愆願

皇上早允歸田養其廉恥疏入

旨未下官再疏請回籍

詔加太子太保馳驛回籍調理病痊日召用
賜招裘蟒緞鞍馬十三年六月

賜敕存問曰朕惟國家簡輔弼之臣資其勛
勩宜加恩禮卽或抱疴歸里瞻念才能每懷
寤寐亦豈忍漠然置之爾大學士呂宮學術
雅醇性資通明旣魁多士旋登禁林受朕深
知早參大政而能不阿不激小心匡贊一載
綸扉多所裨益不意二豎偶嬰藥餌未效因
准暫還用便調攝今間濶年餘弘深軫念特

遣官賫勅存問賜羊酒卿其慎起居親良餌
爲國愛身佇須召用欽哉十七年

詔大學士尙書等自陳時大學士金老復傳
以漸俱告假回籍相繼具疏自陳並

諭趣來京供職宮于十三年十月疏謝

賜勅存問恩自後不復具疏左都御史魏裔
介因劾宮乍病時上疏入

告而曰人道俱絕遺笑天下一病六載聞問
杳然也

主負

恩

上以宮因病請告回籍無自陳之例

諭奇介不必苛求十八年

聖祖仁皇帝御極宮來京仍因病回籍康熙
三年四月卒年六十有四

賜祭葬如例

漢名臣傳卷十終

漢名臣傳卷十一

張大有 劉蔭樞 韓茨 唐執玉

嚴沅 熊一瀟 于可託 沈近思

胡昇猷 穆廷棧 王項齡 田雯

勵杜訥

張大有列傳

張大有陝西郃陽人康熙三十三年進士故
庶吉士三十六年授編修四十一年以父病
請假歸葬旋丁父憂服闋復在四十四年十

月考選授禮科給事中十二月條奏科場彌
封謄錄對讀分卷及濫薦潦草請託諸弊
上命場後如有情弊指出叅奏及會試事畢
大有無所指陳

命大學士等詰問大有奏今科考試謹慎無
可指摘前奏寔愚昧無知

上曰爾果寔心爲科場事宜應早奏臨場具
疏不過意圖紛更耳尙可謂之愚昧無知乎
下部議降二級補國子監助教四十八年三

月遷行人司司副五十年轉司正五十一年
十月遷鴻臚寺少卿轉光祿寺少卿十一月
遷通政司左叅議五十二年三月遷鴻臚寺
正卿十一月遷順天府府丞丁母憂五十六
年補順天府府丞五十七年十月遷僉都御
史未踰月遷太常寺卿五十八年遷大理寺
卿六十年遷左副都御史六十一年三月擢
兵部左侍郎五月

命署理漕運總督十月實授

特加兵部尙書銜雍正元年九月入

覲疏上漕政八條一漕白糧船過淮違限在
例只叅押運領運官弁及監兌職官不及經
征州縣近日違限多由交兌違滯請將州縣
一併題叅各畏處分自必上緊征兌一行月
二糧爲軍丁雇募水手買備器物薪水之需
於糧船開行時隨糧全給各州縣往往遲延
不給而行月旣發卽有奸弁扣剋頭丁花費
之弊至抵通時難免掛欠向列半給本色半

係折色嗣後將米麥於丁船到次三月內給發其折色銀兩解送糧道驗明開船給半其半於過淮時給遲延者題奏一領運干總交糧後達道歸家皆以通倉稽畱爲辭請將無欠運弁坐糧廳立給完呈限單限一月到淮驗銷逾限照規避例咨革一監兌漕糧每府例委廳官驗明米色交兌親押至淮盤驗近年各員巧行規避或委署州縣或別項差遣糧船將開則以不能分身詳委佐雜代理慢

公莫甚請於開倉收兌時派定廳員不得推委別項公事一守備爲一衛統率千總分任幫次用得其人可以無虧正供請視其才具酌調繁簡以收寔用一押運係千總專責請以抵通有無掛次沿途有無生事爲千總考成一運全完加銜一次二運加銜二次三運毫無事故從優議敘卽陞不職者卽咨革一部發隨幫效力武舉向來領運事竣卽赴部考備沿途應處分各案無從歸結請於到通

後各給限單仍令到淮投驗其無事故者咨
回倉場送部推用一江西南昌衛前後幫九
江前幫各派船百餘而廣信鉛山等五所祇
各派船一二十多寡不均請於南昌等衛每
幫派船五六十其餘分派廣信等幫庶運弁
易於查察可免侵盜掛欠等弊均下部議行
著爲例是年山東開河水淺奏豫行疏濟楊
村一帶河道至秋河水大漲又奏相機開放
湖口引水入湖將馬踏蜀山獨山微山等處

截水土埧俱盡行加幫修築俾湖水涓滴不致旁洩以爲水櫃均得

旨優獎江南靈臺山東海營舊經裁汰大有
奏海船往來地最緊要請以海州營守備移
駐並添設把總一員防守下部議從之二年
九月奏山東運河入閘得勝至張莊相距十
二里河身徑直不能蓄水易淺阻議於適中
地方建築石埧水小則收蓄濟運不致淺涸
水大則漫埧順流可免漲裂得

旨允行三年六月同安徽巡撫李成龍等遵
旨詳議稽察糧船夾帶私鹽之弊疏言長蘆
兩淮產鹽處奸民串通灶丁私賣私販寄於
沿河囤戶伺糧船經過搬運應令文武官弁
晝夜催趲回空糧船不許托故逗遛仍嚴禁
囤戶照例究處違者官弁運丁販賣人等俱
照私鹽例治罪至糧船回空時向例漕標派
叅遊二員一任德州桑園鎮一在儀徵搜查
今宜於瓜州江口派委瓜州營協同廳員搜

緝則沿途既難裝載出江又有稽查私鹽弊
可斂戢再私鹽失察既有處分拿獲私販亦
應議敘除沿途文武押運官照依專管兼轄
官例議敘其運司拿獲灶丁餘鹽亦照此例
而隨帮官專管回空最爲切近應特加激勵
能拿獲私鹽三次及該帮船三次回空無私
鹽者卽咨部以領運千總推用又窮丁每船
量帶食鹽四十斤上宜六十石違者照私鹽
及漏稅例治罪下部議如所請是年

賜製詩有無憂任上貢已得濟川人之句四
年奏江南山東諸省有丁船太多之衛所領
運官不敷管押請增設千總十四員隨幫八
員分幫管轄蘇松等屬同知通判俱有地方
捕盜水利之責派委押運之員內請酌減二
員蘇松揚泗等十三衛爲漕運繁難之缺請
揀員調換又江南漕白幫船坐僉長運官丁
蠹役表裏爲奸滋弊累民請以蘇松常鎮四
府漕船皆就本府各邑水次三年一調杜其

人戀情熟盜賣鑽營之弊至自糧運費多於
漕糧於通省抽選殷丁掣定赴次交兌運滿
五年更替如有掛欠卽革換以示懲儆庶漕
自一糧運丁不敢玩法營私亦知鼓舞生勸
均得

旨允行五年因濟寧左右幫漕米潮濕經倉
場侍郎托時恭奏

諭責大有柔軟不能約束屬員旂丁下部嚴
察議照罷軟無爲例革職

詔從寬降三級畱任七年二月奏山東河南
二省有輸運薊州遵化豐潤州縣官兵米石
其沿途管押以及回空催償例責成於押運
通判以一員而領數幫不能兼顧請添設薊
糧千總二員輪流領運抵薊日交糧守候責
成于總空船回次責成通判從之尋遷工部
右侍郎七月仍

命署理漕運總督八年正月調刑部右侍郎
旋轉左六月遷工部尙書以七月押運抵通

卽入莅任十年四月調禮部尙書兼署兵部
十一年正月卒

賜祭葬如例諡文敬

劉蔭樞列傳

劉蔭樞陝西韓城人康熙十五年進士二十
三年授河南蘭縣知縣三十年行取擢吏部
給事中未幾丁母憂三十二年補刑科給事
中三十五年七月疏言自古廉吏必從節儉
中來未有奢侈之人而能守已愛民者邇來

居官者競爲侈靡不特車馬衣服飲食器用
僭制踰等抑且交結奔走餽送夤緣棄如泥
沙用如流水常俸不給則稱貸於人不克清
償致債主環號門庭凌轢辱詈無所不至不
惟有玷官箴且傷

國體伏乞

勅下嚴加申飭務使人心格而風俗變亦厲
廉戒貪之一道又疏言有無相通人情之常
然不過權子母較錙銖而已近來京師放債

漢名目傳卷十一
之人六七當十半年不償卽行轉票以利爲
本數年之間累萬盈千卽蕩家碎身終難清
債是

朝廷之職官竟爲債主之廝養伏乞

敕部嚴立科條俱照寔在銀數三分計息違
者作何懲治則索者知所止而償者易爲力
俱下部議行九月調戶科三十六年

詔求直言蔭樞疏上肅紀綱核名寔開言路
三事

報聞明年外轉授江西贛南道四十年署按察使事因審擬南豐縣職員萬貴罪名前後招詳互異爲總督阿山所劾部議革職四十二年

聖駕西巡蔭樞迎於潼關

名對復用爲雲南按察使四十五年遷廣東布政使總督貝和諾奏蔭樞在任二載老成練達清廉勤慎士民願請題畱現在雲南藩司乏員請卽以蔭樞補授得

旨俞允四十七年十二月擢貴州巡撫四十
九年正月疏言天下教官多至二千餘員每
月選授不下數十員撫臣考試後按名具題
章奏煩多請照佐貳雜職例陞遷叅革者不
必具題俱咨部年終彙奏從之五十年二月
疏言貴州人文日盛鄉試中額僅三十名美
不勝收難以勸興多士近科會試貴州與廣
西同編中右字號貴州中式三名廣西中式
一名是貴州人文不下廣西而廣西鄉試額

中四十名不無偏植懇祈

聖恩將貴州鄉試中額與廣西同則邊方人
七倍加鼓舞下部議增六名五十四年奏請
裁鎮遠府所屬備橋馴馴丞以汰冗員添設
南籠廳學以育人才皆下部議行又先後奏
廢石阡正司舟行司西堡土司寧谷司平州
司大華司各土職歸流時策安阿喇布坦擾
我哈密備兵進征蔭樞兩疏請緩師有願
皇上息怒緩圖重內治輕遠畧等語得

海不風自... 卷二十一
旨策安阿喇布坦無知蠢動朕好生爲念不忍驟加勦除因備兵邊地遣使宣諭冀其悔罪自新並未逞一已之怒親自統兵征勦劉蔭樞聽信訛傳邸抄妄行具奏著馳駟前赴軍營駐劄諸處盡心周閱矢公詳議具奏五十五年蔭樞具疏謝罪以墜馬傷臂及足兼患泄瀉乞回籍調治

諭曰劉蔭樞奉旨親赴軍前並未周閱營壘卽稱患病回至甘州以人冬後雪深數尺等

語奏陳復令其親闕積雪情形具奏又不前
往仍托病求回原籍違旨退縮理應從重治
罪念伊年老不過輕信傳聞妄奏且自起用
以來居官頗優操守亦清屬官稱其寬平兵
民亦多感戴可仍回貴州理事五十六年五
月蔭樞以病愈回任入奏

諭曰前令劉蔭樞往視軍前營壘伊奏病篤
難往今令其復任病卽頓愈情偽顯然矣九
月吏部議蔭樞屢次奏本俱不繕寫貼黃年

老昏慣應照例休致

命解任來京尋追論妄奏阻兵論絞罪

詔免死發喀爾喀等處種地五十九年九月
召還復原官六十一年預于叟宴雍正元年
賜金歸里尋卒于家年八十有七

韓莢列傳

韓莢江南長洲人康熙十二年會試

殿試皆第一授修撰旋充

日講起居注官十月

召至起居注館作太極圖說越三日

諭令以作時文二首進呈明日復

命悉呈平日文稿又

召至宏德殿講大學先是

世祖章皇帝命纂修孝經衍義未及成至是
上詔儒臣蒐輯以表專任纂修事得凡例目
錄一卷經旨總要二卷衍義一百卷十四年
典順天鄉試十五年遷右贊善次年三月轉
左十月遷侍講十七年十月典順天武鄉試

十八年乞假回籍二十三年九月補原官尋
轉侍讀二十四年二月

上考試翰林親加詳閱奏列名第二尋遷侍
講學士三月擢內閣學士二十六年復以病
乞假回籍三十四年七月

召至京充一統志總裁越二月擢禮部右侍
郎兼翰林院掌院學士三十八年調吏部右
侍郎三十九年充

經筵講官擢禮部尚書教習庶吉士仍著兼

掌院學士如故

上嘗諭大臣曰韓菼天下才風度好奏對亦
誠實又

諭韓菼學問優長文章古雅前代所僅有也
又

諭韓菼所撰文能道朕意中事六月

上以翰林官有極貧者作何施恩且職司文
翰更無他事學道缺出應與郎中並差

命院臣會同內閣議奏菼等議各省學道缺

翰林官自侍讀以下開列職名仰候

欽定其貧者月給銀三兩

上會允之四十二年十二月疏言秩宗要在所掌俱大典攸關非精強敏練莫稱臣素無政事才又罕在

直廬供奉顧此失彼必致曠悞特顛請

聖恩解臣部務方今翰林諸臣

皇上培養鼓舞濟濟多才臣學殖久荒覲顏爲長亦當引退但受知過深未展報効現今

臣掌院事供奉一切文字記注與教習庶吉
上外臣所領平定朔漠政治典訓一統志併
律例名館何以分身部務編輯稽遲如蒙
聖度包容不以臣不才專待罪翰林臣當一
心纂述竭盡微勞以少答知遇得
旨鄉才品優長簡任秩宗正資料理著照舊
供職不必以衰病求解部務并
賜篤志經學潤色鴻業扁額四十二年十二
月以病求免得

旨韓茨以工干時文屢經擢用至禮部尙書
前掌翰林院事時于庶吉士並不勤加教習
每日率領飲酒以致庶吉士皆疎于學習至
九卿會議之處不爲國事直言惟事瞻徇所
行殊不逮其所學今自知其非引病求罷殊
屬不合著仍畱原任嚴飭行四十二年四月
再疏乞解任

上仍慰畱之八月卒于官年六十有八
賜祭葬如例乾隆十七年二月

上諭內閣曰故禮部尙書韓奕生平種學績
文湛深經術其所撰制義清真雅正寔開風
氣之先足爲藝林楷則從前未邀易名之典
今着加恩追諡用示褒榮

賜諡曰文懿

唐執玉列傳

唐執玉江南武進人康熙四十二年進士授
浙江德清縣知縣五十三年擢工部主事五
十四年考選授戶科給事中五十七年轉本

科掌印五十八年奏戶部爲錢糧總滙欸項
紛繁作弊尤易必須驅除作弊之人方可清
滄乃有盤踞衙門或一人獨霸一司事或數
人共管一省事號爲缺主佔爲世業一切案
卷在具掌握勾通內外書吏弄法舞文當嚴
行查禁以儆將來因劾候補知縣加捐員外
郎向珣與山西司缺主沈天生包攬捐馬事
例下九卿議革向珣指職缺主城司嚴緝六
十年遷鴻臚寺卿尋調奉天府府丞雍正元

年遷大理寺少卿二年遷太僕寺卿調宗人
府府丞遷禮部左侍郎五年三月知貢舉十
二月擢都察院左都御史七年六月
命署理直隸總督時執玉方抱病力疾視事
諭曰卿自履任以來辦理諸務公勤不懈一
切奏對咸出于誠敬兼且明悉無遺朕甚嘉
之當節省無益之勞于瑣細案件不必過費
精神百凡惟總持大綱其餘委之兩司各屬
員以責其成無庸一一躬親料理也今特遣

太醫龔棟診視調治其加意攝養痊愈以慰
塵念嗣

賜人獲二勛仍

命遵旨加意調攝八年二月疏言永平府屬
喜峰口倉存貯滦州盧龍遷安撫寧昌黎樂
亭等州縣米石年久蒸變減價糶賣累任官
應賠虧折米二千五百餘石請照通州中西
二倉減價例免賠部議令接受官賠補得
旨喜峰口倉糧積貯年久難免蒸變折耗况

歷任各官更換多人更難責令賠補所有未完米石從寬豁免三月奏密雲城外白河夏秋山水暴漲直逼西城沿河一帶舊築土木堤埧不能捍禦近年衝刷殆盡所存僅石堤一道詳察河形上有土嘴下有堤埧逆過水勢是以泛溢瀾漫驟難洩瀉請挑去土嘴使水暢流直趨南下併近河另築堅厚土堤以幫石堤堤根用榆圓載石以固其基使石堤完好城垣鞏固舊埧亦無庸更議修築得

旨覽所議甚屬妥協作速興工務令于夏月發水以前告竣六月遷兵部尙書仍署總督事務七月奏設直隸易州州同一員從之時直隸被水災執玉奏報

上卽命侍郎牧可登副都統阿魯等分往蠲賑兼施執玉又奏查各處被水情形消長不一有

上諭所及之處而水勢寔已消落可免成災者有

上諭所未及而田廬被淹急須拯恤者乞

勅諭查賑諸臣據實踏勘通融辦理

特旨允行十二月奏天津直隸州係水陸通衢蓋漕聚泊旂民混淆一切巡查防捕及承辦水師營各項軍功差繁事冗請升州爲府附郭置天津縣專理地方事務再寶坻縣廣有六百餘里其毗連之梁城所距邑甚遠一切公務不能兼顧請將寶坻縣路南一帶割歸梁城並改所爲縣從之尋定天津新升府

日天津梁城所新改縣曰寧河九年九月奏
督標中軍有操練兵丁之責必須大員協理
今副將中軍乃守備職小未稱請改爲都司
凡營中兵馬錢糧應辦公務令都司辦理于
營務有裨部議如所請旋以病乞解任從之
十年
命管理刑部尙書事十一年正月復
命署直隸總督三月卒于官
賜祭葬如例

嚴沅列傳 子曾渠附

嚴沅浙江餘杭人順治十二年進士改庶吉士十三年三月

諭吏部朕選庶吉士作養教習已經一年才學俱堪任用今科道缺員可將庶吉士改授覩其報効果有忠言讜論始爲不負所擢授沅兵科給事中疏言臣蒙

恩簡庶常

特授言職正矢忠報効之日伏念

皇上側席焦勞求治甚切而諸臣習爲故常因循諉卸積弊不除六部大臣總司政紀近遇大政會議皆借端推諉稽時廢事請嗣後事係某部滿漢堂官先悉心忝酌詳列上陳勅下廷議可否裁定請

旨卽關地方利病亦不得輒諉督撫查議致延時日而卻責任至諸臣條奏亦以因時變通豈無足錄亦當虛公酌量不得執泥成規止以無庸再議塞進言之路庶事機不失寔

効可期得

旨所言是嚴沅可謂不負作養下部院會議
行又疏言各省有經制額設之兵省會及衝
要諸路又遣滿兵駐防互爲犄角今遇有警
卽籲請禁兵以致勞師糜餉宜專責成各督
撫提鎮標兵精加選練與駐防兵同心協勦
不得專藉請援自踈職守部議請
勅督撫提鎮遵行閏五月轉吏科右給事中
十一月疏請各省廢弁宜令回籍不得仍畱

鎮守地方蓄丁製械又疏言南北水駟往往
借起運官物名色橫索縶夫至數百名之多
又復沿途攔截鄉民充夫請嚴行禁止又解
役僉解逃人向未勒限遂至途次遷延強任
民居需索構釁請飭立限期依舖遞之法詳
註彙報並嚴立禁約刊榜懸示並下部議行
十四年三月轉戶科左給事中明年三月疏
劾九江關監督張思堯擅停納稅紅單改立
紅簿下部議處如例時纂輯品級考曹規益

法刑律台規諸書沉請勒限速成以期遵守
從之五月疏言戶部各差回部例應考核再
准掣差今在往借掛欠之名行避就之巧甚
有遲至年餘未經考核者宜定于回部日勒
限考核以考核之期定掣差先後堂上官親
行註冊吏胥無從弄法規避之端絕矣疏下
部如所請六月轉刑科都給事中十八年三
月以羣親假滿補吏科都給事中四月疏請
暫行捐款修造戰船以免派累

命指寔回奏軍以遂安烏程諸暨三縣攤派
爲証下所司察議又疏言凡督撫請告理宜
侯代乃具疏後卽閉門養安距奉

命將及數月曠廢貽誤請嚴行申飭從之先
是六部司員陞轉定例序資沅疏言吏部與
他部不同文選考功二司事較驗封稽勲倍
煩非習練者未堪勝任請嗣後二司滿漢郎
中員外缺出擇本衙門素有才望者調用果
能稱職照戶兵二部題畱例優陞庶銓法與

人材有濟部議如所請行康熙元年二月疏
言凡叩

聞必定有奇寃其以私情希圖報復者宜嚴
加行禁止五月又疏言凡京察自陳宜將任
內何事陞降何事被劾罰錢以及何項被罰
蒙宥之處一一詳列無遺近見諸臣疏內竟
有侈張累幅者殊失入告之體請

飭部申飭俱下部議行九月疏請內外各衙
門役滿吏員咨送吏部考選者將履歷籍貫

詳造清冊付科存案以
便于給憑時查對以
杜頂冒從之二年二月得

旨內陞十年五月以應陞四品秩補禮科給
事中十二月遷太僕寺少卿十二年六月遷
左僉都御史尋遷宗人府府丞八月擢左副
都御史十二月御史胡三祝劾沅于太僕寺
任內降級後未能陞轉之際不先不後循工
例捐復遂得歷陞今職風紀重任非所宜居
詔嚴沅明白回奏沅疏言臣于二月捐抵原

39
級時僉都御史等缺現任有人嗣後缺出又
係漢軍應陞之缺例無漢人補授吏部兩次
具題俱奉

特旨將漢人開列臣荷

恩登擢寔是非意料所及如謂希冀陞遷不先
不後則捐輸之時與未開缺不應得缺迥不
相蒙彼時臣愚寔見不及此本末具在難逃
睿照疏入下部知之十三年正月以大軍進
征湖廣川湖總督不能兼制請專設四川總

督一員從之十月遷倉場侍郎十七年四月
以疾卒于官

賜祭葬如例子曾築康熙三年進士五年由
庶吉士改授廣西道御史六年

詔陳時務曾築疏言六部總司法紀今定議
處分輕重寬嚴未當奉

旨駁正者不可勝舉刑部爲民命攸關每奉
有所擬太重所擬尙輕之

旨卽此類推凡六部議處各案其事同罰異

引例不當者不知尺幾至地方利病下部題
覆者動稱毋庸再議大抵滿漢司員多而意
見不一始則議論參差繼且因循推諉及限
期既迫草率具奏此皆不寔心任事之故請
嚴行申飭得

旨飭行七年因病乞假回籍十一年補河南
道御史閏七月疏言尺督撫保舉貢監生員
吏員各項異途出身人請照卓異荐舉例子
疏內詳列居官政績聽該部察議庶庸流不

致冒濫下部如所議行十二年六月以父沆
任兪都御史照例迴避復以病回籍十七年
丁父憂二十一年服闋補江南道御史二十
五年正月疏言禮部現修一統志書今台灣
金門廈門等處新設郡縣官職廣東添設花
縣俱請增入從之二十八年二月得
旨內陞三月借補右叅議尋轉左五月遷瀋陽
臚寺卿三十年六月遷右通政八月轉左十
月遷太僕寺卿三十一年四月遷通政使十

一月遷左都御史三十六年五月擢兵部右
侍郎三十九年七月卒
賜祭葬如例

熊一瀟列傳

熊一瀟江西南昌人康熙三年進士改庶吉
士五年改浙江道御史六年五月

詔陳時務一瀟疏言近拔誠武職自請改文
職卽以忝議僉事同知通判等用竊思巡道
寄方伯連帥之任同知通判分兵刑錢穀之

司此等不文不武之輩一經改授罔知愛恤
功名覬覦營私情未可定請停改授從之入
年十二月疏言六曹分職倚毗甚重閑稅原
有定額一持籌記策之人自可勝任今各差
員數繁多恐新員差出舊員未歸之時將有
一司無一官者頃淮安三關漕臣帥顏保已
請歸併此外如一城有數關者均應酌併差
員至

京師左右兩翼較在外各關錢糧更少今滿

漢二員兼差亦可裁汰一無益之差員俾綜
理部務官不必增而事無曠矣部議不准行
得

旨各省有相近之關應否一處兼管該督撫
察奏兩翼稅差著再議彙議兩翼應裁漢缺
江寧西新關併入龍江關蕪湖工關併入戶
關廣東遇仙橋浚光嚴併入太平關並如一
齋所請九年七月疏言赦前明

聞之案直省多展限候審被告于証株累經

通鑑綱目卷之二十一
年屢奉

旨恩赦倘復拘提監禁恐有破家斃命之慘
在告奸民坐杖徒遣成者又得援赦寬免是
奸民逞挾仇之私無辜被提禁之苦請

勅各督撫察明情罪稍輕與赦例符者卽請
釋以免牽累下部議行尋

命偕御史布舒巡視河東鹽政十二年十二
月疏言

觀典係萬國之觀瞻

京師爲五方之都會每有不法棍徒當各省
藩臬述職時乘機構黨指缺招搖借端嚇騙
與其誅于已犯曷若禁于未然請

勅五城申約犯者照光棍例治罪十四年正
月疏言銓法成例有宜畧籌通變者一藩臬
推補不必拘月分也直省兵馬錢糧刑名督
撫所與會商者惟藩臬若拘月分推補既遲
到任益遠曠官廢事關係非輕請嗣後藩臬
缺出如無候補者卽將應陞官開列不拘雙

單月例庶大僚無久缺之員一佐二銓除不
必拘截取也州同州判縣丞雖屬微員有督
糧解餉之責嗣後遇推選缺出如無截取到
部者請卽以候選之員銓用庶州縣藉佐理
之益十六年七月疏言歷科鄉試同考官例
用進士知縣如不足始以舉人知縣入選康
熙十四年軍需旁午廣東等省州縣不便遠
離職守因以教職兼用未可循爲定例教職
一途多係舉貢暮年就職學問不乏明通精

力大都委頭且捐納教職現許應試倘合同
輩衡文易起夤緣請託之弊今河南江浙鄉
試屬腹內地請仍照舊例用科甲知縣以昭
慎重諸疏並下部議行十七年二月遷太僕
寺少卿六月充江南鄉試正考官十九年七
月遷右通政二十年五月遷順天府府尹二
十一年五月擢刑部右侍郎二十二年三月
調兵部督捕侍郎二十六年三月調吏部右
侍郎十月擢工部尚書二十七年三月湖廣

巡撫張汧以貪欸論罪議及原保舉之人戶部侍郎王遵訓等舉汧為巡撫一瀟同大學士梁清標舉汧為布政使部議並革職

上以汧事犯于巡撫任內保舉巡撫者革職瀟同清標降三級畱任先是河道總督靳一疏請高家堰外增築重堤東水北出清口
停下河工程

詔以輔疏詢直隸總督于成龍成龍奏下河宜開不宜停重堤宜停不宜築

上命一瀟偕尙書佛倫會勘佛倫與一瀟以
宜從輔議還奏至是

上允九卿議停築重堤開下河口罷靳輔任
佛倫以原品隨旗行走一瀟革職三十一年
十一月轉遺疏稱一瀟等勘河被斥臣蒙

皇上力排羣議起復原官一瀟等事同一體
懇請矜恤

詔以原官降三級月三十四年二月補大常
寺卿三十五年二月轉大理寺卿廿一月遷

左副都御史三十六年九月遷工部右侍郎
三十七年十一月擢工部尙書三十八年正月致仕

賜怡情泉石額四十二年

上南巡迎

鑾

賜浦雲堂額四十五年十一月卒于家年六十有九

賜祭墓如例孫學鵬官巡撫

于可託列傳

于可託山東文登人順治十二年進士授江西撫州府推官十五年十二月行取考選授工科給事中十六年正月疏言駟馬官買馬養本以杜濫派而節民力乃駟站銀兩往往爲貪官侵蝕夫馬仍以派民其奸民及胥役有馬者又復倍價索償乞
飭大吏寔意釐剔以甦民困又疏言催徵錢糧歲有定期常供之外無多求歲征之外無

預索今貪墨有司止知多徵則多得火耗遂
不按年徵收巧立預徵名色今歲之徵求未
罷來歲之追呼旋迫是一歲並徵二歲錢糧
小民膏血有限不堪剝削請嚴行禁止三月
疏言山東河南江南浙江四省漕糧俱已全
完惟江西省掛欠至二萬五千餘石臣備員
江右深悉其弊開倉修倉有派餘米耗米有
派徵米道府廳縣有常例弁兵舵丁水手有
陋規甚或常例未給延不撥兌遂致兩派漫

敗米爛河干復有追賠之患輟轉費用皆取
給小民民力幾何正供安得不虧乞徹底嚴
禁仍將諸獎刊示有犯前弊者許百姓首告
叅究督撫或扶同徇隱嚴議處分諸疏並下
部議行九月轉旨糾右給事中十月疏言江
右漕糧衛官領運開稱通判押運過淮通判
向無約束領運之例明知延挨盜賣無可如
何甚或不肖押運希圖常例通同染指請嗣
後委用押運即畀以約束之權弁專以責成

之法如領運敢有前弊許押運指名揭報叅
究倘甘心徇縱一併議處下部議從之十七
年二月疏言養兵所以衛民臣辦事垣中見
江西巡撫張朝璘題大盜劫殺一案半爲提
標兵丁深可駭異一省如此他省可知請
嚴飭提鎮將弁寔力訓練約束從之四月
命同御史高坪巡視十庫五月旱
諸臣工直言可託奏刑獄閑民命外而臬司
內而刑部責任綦重乃奏獄往往文致不援

律令率置重典又或一案牽連至數十人之
多無辜受累或乖天和疏入

命指寔陳奏復奏以盜命案內坐斬絞之張
起文樊冲立等俱奉

旨擬減又擬斬之滿皮等五十餘人復奉

旨審別輕重新斬四人餘減等數案爲証下所
司知之十月偕高坪疏言各省錢糧定例官
收官解乃直隸江南有違例私簽里民及批
簽官解以衙役頂替者小民既納正供又令

往來賄賂甚爲貽累而縣丞等員管解錢糧
因有官守防護必嚴衙役豈盡守法保無疎
防侵用等弊請嚴禁察議又請嚴遲悞揉運
處分請除山西濫簽機戶解運又以蘇州批
解綾紗七年三運未分某運應解數目請按
年定數分運以憑稽核俱下部議從之十二
月疏言前者御史袁懋德因江北等處亢旱
奏請發臨清倉米麥賑濟嗣甘霖大沛河南
巡撫賈漢復以秋秋衣望民不領米咨部部

臣以發粟出自

特恩不敢報罷臣恐民既不領米奸猾吏胥
勢必乘機侵冒請

勅部劄行臨清倉監督照數存貯以杜冒領
下部議行十八年四月轉刑部左給事申康
熙元年九月遷工科給事中十一月疏言督
捕逃人監禁之處有二一在順天府一在南
城兵馬司舊例解到人犯或招保或原差押
候惟審寔罪人始送監禁干証人等皆自覓

旅寓囚人犯無多將順天府獄併入兵馬司
監今則有罪無罪一併入監現止屋十餘間
而羈候者四百七十餘人兩月以來報病故
者四十餘名請將兵馬司監增修仍分係順
天府獄庶容納地廣多得生全

上是其言下部速議督捕以兩監地遠分禁
未便復奏下工部于舊南鎮撫司隙地添造
監獄二年二月疏言江寧蘇廬等衛所屯糧
舊以都司管理都司與衛弁等官勢分近而

統轄甚專督催亦便改解歸駟傳道兼攝
長莫及顧此失彼以致拖欠累累請嗣後仍
歸都司使衛弁有所顧忌屯丁易於輸將下
部議從之尋轉吏科都給事中五月疏言寄
憑赴任之弊既慮其冒名頂充且所選人或
在遠省去京師數千里去任所又或數千里
往返動輒經年值有事故繳憑更選是以懸
缺遲久劾署員之肆貪催新任之速赴者連
章見告宜仍著爲人文到部按次銓選以收

用人之效部議未准行

特旨允所請八月得

旨內陞三年八月丁父憂服闋以應陞四品
職銜補工科給事中十年十一月轉戶科掌
印給事中尋擢順天府府丞十二年五月遷
太僕寺卿八月遷宗人府府丞十三年正月
遷左副都御史十一月擢戶部右侍郎十七
年八月轉左十八年京察自陳下部察議以
罷軟革職二十六年卒于家

沈近思列傳

沈近思浙江錢塘人康熙三十九年進士四十五年選授河南臨潁知縣五十二年巡撫鹿祐以卓異荐遷廣西南寧同知旋以病告歸五十九年五月浙江巡撫朱斌奏稱近思初任河南縣令循績特著以卓異陞補同知因不服水土告休歸家足不出戶鄉里欽敬臣於宣講

上諭處見其年力尙壯精神強健乞

海峽自任
勅部調取引

見破格擢用得

旨以緊要缺用六十年二月監督本裕倉四
月浙閩總督覺羅滿保奏請揀發福建候補
知府雍正元年

特用吏部文選司郎中

予加二級

賜第一所帑金四百兩九月充會試同考官
十一月授太僕寺卿仍兼理文選司事二年

正月充山東鄉試正考官二月擢吏部右侍郎

賜詩有操比寒潭潔心同皎月明之句七月奉

命同尙書阿爾松阿在河南審理生員王遜等糾眾罷考一案論如律十月充武會試正考官三年六月吏部議年羹堯誣忝道員金南瑛等不寔罪尙書隆科多擅會同兵部僅議革年羹堯將軍職

上以吏部應議事合混會奏巧爲狗庇下部
察院議隆科多削太保近思等坐附和降調
得

旨寬免四年三月轉左七年充江南鄉試正
考官十月

諭日閱江南鄉試錄見主考官沈近思出題
正大不尙詭僻三場策問內發揮性理具有
本源以此試士寔有裨于人品學問甚屬可
嘉著卽交部議敘加二級時查嗣庭汪景祺

俱以悖逆伏誅近思與同籍因疏吉者有寔
處海濱奢靡既薄以詭詐爲能以忠厚爲拙
以勢利爲重以廉恥爲輕以逢迎奔競爲有
才以安分守己爲無用以請託徇私爲多清
以孤介剛方爲刻薄以律訟打降爲豪傑以
退讓辭避爲怯懦以捏詞造謗爲智謀以謹
言慎行爲迂闊人心之壞風俗之頹淪胥已
極如查嗣庭汪景祺者大逆不道罪不容誅
是浙江一省逆種並生越水爲之增蓋吳山

海
卷之二
三
盡皆蒙耻荷

皇上至聖至明至慈至斷用正其罪

特簡儒臣爲觀風整俗使滌除邪穢咸與維
新臣受

恩深重無可報効敬陳浙省舊弊十事一士
人修身立品全在初學乃浙省童生初應縣
府試卽請託勢要求開公摺府縣官憑以錄
取最爲惡習請懲責以端始進一生員初得
青衿便思鑽營當事不得則編造浮言得則

通謁顯貴求通關節請將本人治罪外其私書開通者依律治罪一在籍鄉紳多在各衙門開說公事顛倒是非最爲民害請分別斥革治罪一不法生員妄借條陳名色向各衙門呈告地方公事藉以欺壓愚民武斷鄉曲并結聯匪類連名具控名曰公呈請褫革治罪一浙省凡兩造結訟未見曲直輒請訟師造作揭帖攻發隱私汚人名節或捏貪酷欸蹟誣治官長或編德政歌謠聳動聽聞以致

上可誤信賢否混淆請照光棍治罪一士人
刊刻詩詞並一切誨匪誨盜之書甚爲心術
之害請毀板重懲一訟師爲害最甚浙江省
會士農工商而外游手好閑之徒鮮衣美食
遨遊城市伺察鄉里倘有口角是非教唆與
訟或代作呈詞或鑽求書吏卽欲具公呈一
呼而集甚者挾持官府串通衙役保官告官
閉城塞署皆此輩爲之請于保甲內將無籍
之徒嚴加查察至放告時先查代書審問如

係訟師嚴加懲治一衙役作弊各省皆然浙
省尤甚劣紳訟棍皆以衙役爲線索此輩侵
盜錢糧魚肉小民本官一有覺察則勾引僻
室塞門冀圖挾制皆由白役人多每衙門動
皆效百請飭浙省大小衙門遵照經制役定
款一切白役私差盡行革退如有書役勾通
罷市抗官立寘重典一士子嘖書當以聖賢
爲法一切博戲最易放心喪志士紳犯賭法
所必懲而豪家暗養打降之人船埠橋埠各

有棍徒雄霸其弱凌寡威赫鄉里請嚴治首
從一民間演戲原屬豐年報賽之常浙省有
坐方地棍借端科歛糾党勒索應予重懲又
知雲林天竺各寺廟每至春二三月婦女遊
觀輕薄士子呼朋引類混雜訕笑毫無忌憚
宜嚴申禁得

旨據奏一二遊並生越水增羞吳山蒙耻等語
浙省有沈近思一人不爲習俗所染不可羈上
智不移寔是足盡洗越水吳山之羞耻矣所陝

風俗十事切中情弊委由詳盡甚屬用嘉加發
與巡撫李銜觀風整俗使王國棟照所請嚴
行禁約五年正月擢左都御史仍兼管吏部
事三月充會試正考官六月教習庶吉士十
二月卒于官

命平郡王福彭往奠

諭曰沈近思人品端方持躬廉潔凡所委用
悉心辦理正資倚任忽聞溘逝深爲悼惜着
加禮部尚書太子少傅銜廕一子入監讀書

其子尙幼着該地方官加意照看無差待成
立時送來引見賜銀五百兩吏部派一謹慎
司官爲伊料理後事

賜祭葬如例諡端恪子玉璉于乾隆十一年
十月授廣西桂林府同知

胡昇猷列傳

胡昇猷浙江山陰人順治四年進士授行人
八年七月授戶部主事十年四月出監延綏
鎮糧儲逾年浚遷本部員外郎卽中十四年

十月授江西南瑞道十六年五月調湖南道
十七年正月轉福建興泉道十一月山賊李
月高糾黨許子敬二千餘眾應海盜鄭成功
掠福建漳水四郡昇猷偕提督馬得功進勦
遣遊擊陳天王搗洋坑永春等寨捕斬月高
子敬餘黨悉伏誅又率叅將張應詔勦泉西
賊斬賊渠王貴及其黨百餘人十八年二月
勦泉南賊拏柯瑞等十一人斬八十四人五
月山賊劉尾隙鎮聚眾三千勾海寇踞黃肚

秦遣陳天玉奪險奮擊誅之十一月海賊黃
昌船二百餘窺黃崎崇武等處以兵一千馳
勦合遊擊郭懷守備王承印協攻賊敗走敘
功予紀錄諸役皆昇猷與得功合謀督戰功
爲多康熙元年二月遷江南江寧道查解逃
人二百四十九名敘功卽陞三年正月丁父
憂十二年八月補陝西漢興道逆藩吳三桂
反漢中當陝川咽喉軍興旁午昇猷調度輸
將芻糧脩足十三年三月江南按察使員缺

部臣以昇猷例應卽陞請得

旨胡昇猷本當陞補但大兵進剿聞其料理
軍需具有才能暫停陞轉事平優敘八年經
畧莫洛奏漢中距興安七百餘里本道督運
日給不遑勢難兼轄請復設開南守道一員
駐興安以資彈壓改漢興道爲開南巡道專
理漢中事

詔允所請昇猷授開南巡道是年冬提督王
輔臣叛于寧羗莫洛被害逆党阻截棧道漢

中糧絕十四年七月鎮西將軍錫卜臣撤漢
中兵赴西安昇猷隨行至馬家溝迷路墮馬
折指被賊執拷掠楚毒繫獄閱五載不屈十
八年十月奮威將軍王進寶恢復漢中昇猷
始得脫進寶疏請委署道缺時大兵進川
上諭胡昇猷陷賊數載備遭困辱守義不屈
可嘉應以四川要缺用十九年二月授四川
按察使二十一年十二月大計舉卓異
特旨內陞二十二年十一月補大理寺少卿

二十三年十一月授左僉都御史二十四年
遷左副都御史三月疏言

皇上道闡精一治隆放勲首重

經筵特資啟沃迄今二十餘載竊惟

日講四書尙書業已頒行易經現在登梓惟
經筵講義一書尙未刊刻請

勅詞臣纂輯

御製序文付之剞劂頒示中外

命翰林院會同經筵講官議從之四月疏言

學政三年報滿例應詮註升降然報滿卽應
考核有司羈延巡撫不卽題核部臣不卽題
結我

皇上勵精圖治

嚴諭諸臣凡事速結方克無弊况文衡爲風
教所係其薦舉公明尤著者自當彙題以待
欽定此外或加級敘用或照例陞遷俱可隨
報隨題何至紛紛駁查迄無定議請嗣後學
差報滿督撫限一月內該題到部部限一月

內題結庶諸弊不生又言

京師不設藩臬兩司所以遵

朝廷重幾輔也其藩臬責任歸之守巡二道
守道司度支總八旂錢糧二百萬有奇巡道
司刑名畿南畿北滿漢八旂藉以綜理雖曰
監司卽

京司之藩臬也今省省督撫藩臬並膺

特簡直隸守巡二道猶遵成例銓補竊恐循
次除授之人未必勝任嗣後二道缺出擇道

府中廉明素著者數人奏請

親擢使天下知根本之尊於吏治不無裨益
並下部議行二十五年閏四月擢戶部右侍
郎五月轉左十月調吏部侍郎管右侍郎事
尋擢刑部尙書二十六年二月勘勘雲貴總
督蔡毓榮隱匿吳逆財物事不卽議抄籍又
不嚴提訊以徇庇降二級調用二十七年十
一月補太常寺卿二十九年十一月授左副
都御史三十年正月卒

賜祭葬如例

穆廷弼列傳

穆廷弼直隸臨榆人康熙六年武進士十四
年授直隸蔚州路守備二十一年遷四川提
標遊擊二十四年疊溪大定堡山後生番阻
截哨道特列角雙馬廟山卓沙白卜等寨爲
羽翼盤踞巴猪寨肆掠總兵高鼎遣廷弼擊
李鎮鼎等先攻列角寨渡河進擊逆番退走
山寨廷弼督衆追殺縱火焚礮三十人直抵

寨下三面攻擊復燬碉九十餘殲其眾雙馬
廟山等寨悉降官軍遂分三路進勦巴猪寨
廷斌由廟山攻中路大破之圍其寨燬碉百
餘逆首挖子焚死餘孽冒火逃匿廷斌追殪
之山溝復窮追於黑水江搜獲偽印劄生於
逆党三加普等三十年九月駐威川防守西
番十月牛羅寨逆番入保縣界肆掠廷斌擊
於寨首白止泰十二月

詔各督撫提鎮保舉武職四川巡撫噶尔圖

提督吳英陝西固原提督何溥交章荐引
見稱旨三十六年遷威茂營叅將四十年轉
承寧協副將明年擢蘇松水師總兵官四十
四年

上南巡廷杖赴山東迎

鑾

賜御書精肄堂額

皇輿表古文淵鑑等書四十六年

南巡召見

御書勤訓練額賜之五十一年

賜平定朔漠方畧五十二年五月以廣東米
貴

命廷杖總管水師營戰船運江南倉米十萬
石至廣東賑濟尋分五萬運福建備賑五十
三年推江南提督十二月

陛見

賜戴孔雀翎五十四年二月調福建陸路提
督

賜御書八閩邦屏額六十年言灣如民朱一
賁等建亂廷忝赴廈門駐守九月卒遺疏言
自調任福建無力挈眷暫畱家江南居住今
懇

恩准臣家口仍居江南得

旨穆建忝効力年久勞績茂著簡任提督整
飭營伍相輯兵民肅潔自持寔心盡職正資
料理忽聞溘逝朕心深爲憫惻着加贈左都
督其家口着照所請行

賜祭葬如例諡清恪

王頊齡列傳 第九齡附

王頊齡江南華亭人由康熙十五年進士授太常寺博士十八年

詔舉博學鴻儒吏部尙書郝惟納荐頊齡詩詞風雅品誼端醇

名試一等授編修纂修明史二十年充

日講起居注官順天武鄉試副考官二十一年正月上元節

上御乾清宮

賜大學士等宴倣柏梁體賦詩項齡與焉二十二年二月充

平定三逆方畧纂修官十月遷右贊善二十三年四月遷侍講充福建鄉試正考官十一月提督四川學政二十五年三月丁母憂服闋補原官二十八年四月轉侍讀六月遷侍講學士九月左都御史郭琇劾少詹事高士奇與項齡弟左都御史鴻緒植黨營私項齡

結士奇爲婚姻不顧清議爲之納賄請

上命項齡偕士奇鴻緒並休致十月

詔項齡畱原任三十年八月轉侍讀學士尋
丁父憂三十六年起補原官復充

日講起居注官十一月遷火詹事三十九年

遷宗人府府丞四十二年五月擢禮部有侍

郎四十二年二月轉左是年

聖駕南巡幸項齡第秀甲園

賜御書蒸霞匾額四十六年

上南巡開河復幸秀甲園五十一年五月調
吏部左侍郎十月充

經筵講官五十二年五月擢工部尙書八月
充

恩科會試正考官五十四年二月充會試正
考官尋充書經傳論彙纂總裁五十五年四
月因祈雨不到降三級畱任草

恩詔所得廕生五十七年九月授

武英殿大學士雍正元年癸卯

海名目傳卷二十一
四
詔開鄉會恩科項齡以康熙癸卯舉人得重
與鹿鳴宴五月

上垂念耆舊大臣加項齡太子太傅九月以
老乞休得

多
自卿品行端凝學門淵博典章政事經歷最

聖祖簡任機務以來鎮靜和平實心任職勤
勞歲久卿係

先帝舊臣正欲籍資贊襄以臻上治著照舊

供職二年六月再疏乞休

上復慰留並

諭內閣曰

皇考簡用之人如因衰老休致朕心不忍王
項齡年邁之人間時行走可也三年七月患
病

命御醫診視

賜參餌令加意調攝八月卒年八十有四

諭曰王項齡係

袁在臣專

聖祖仁皇帝擢用大臣宣力多年和平安靜
簡任機務慎恪自持朕卽位以來特加恩眷
伊去歲以年老乞休朕念

皇考時大臣無幾每見伊等心甚愴然不忍
遽允所請降旨慰留待三年後始行予告繼
聞伊告病卽遣醫診視賜藥調理望其漸次
得痊不意竟至溘逝豈朕體恤舊臣之意有
未誠耶朕心甚爲傷悼特贈太傅恩予賜卹
加祭二次並輟朝一日官員有係伊門生者

令其素服持喪各部院漢宮俱令前往祭送以副朕惓惓老成加恩耆舊至意

賜祭塋謚文恭第九齡康熙二十一年進士由庶吉士改授編修二十四年充

政治典訓纂修官二十五年以病乞假回籍二十七年入京供職三十年遷左叅議尋丁父憂三十三年服闋補右叅議旋遷侍講學士三十四年充

日講起居注官三十六年充武會試副考官

十月遷少詹事三十八年遷僉都御史三十
九年充會試副考官七月擢內閣學士四十
三年二月擢禮部右侍郎時瑱齡轉禮部左
侍郎疏請迴避調兵部右侍郎十月轉左尋
調吏部右侍郎四十五年四月轉左四十六
年十二月授都察院左都御史四十八年十
二月卒于官

賜祭葬如例鴻緒自有傳

田雯列傳

田雲山東德州人康熙三年進士六年考授
秘書院中書舍人十一年充順天鄉試同考
官十二年遷戶部主事十三年遷本部員外
郎十六年遷工部郎中省親歸十八年假滿
補原官十九年提督江南學政二十三年十
二月授湖北督糧道明年八月吏部以司道
應內陞列名題奏雲以未經考核不與
特旨內陞二十五年閏四月擢光祿寺少卿
尋陞鴻臚寺卿二十六年四月授江蘇巡撫

陞辭

上諭之曰向聞江蘇富饒朕親歷其地見百姓頗多貧困爾當以愛養民生爲務至地方豪強爲害於民者不可不懲然政貴寬平不必一一搜訪滋事至文武本屬一體文武輯睦則兵民自安矣二十七年二月以蘇常等府漕米因結穗時屢遭風雨米色清白未純今依限收兌具疏奏明部議易米起運

上嚴飭部臣

特允雯所請又疏言丹陽上下練湖田灘久
荒迨召民承佃上練湖田灘五千九百八十
餘畝每畝納價銀三錢戶部駁增至六錢未
已小民畏宿觀望致拋荒千二百餘畝下練
湖田灘萬三千餘畝亦報墾無幾詩定每畝
六錢三分召佃輸課庶廢地漸成膏壤下部
議行時布政司宋學以越省購辦銅斤價值
較定價昂費過半牒請奏停採買雯疏言寶
源局增鑄錢文原以裕令藩司動支蘆課採

酒各目傳卷一
三
買是其專責但江蘇非產銅地湖廣江西南
販經由各關購買所餘無幾價值每斤一錢
六七分部定六分五厘實屬不敷各州縣辦
辦苟非派民卽係戲帑倘探買萬難議停請
量加價值以示寬恤部議不准

特旨照各關例增至一錢並下安徽湖廣江
西畫一三月調貴州巡撫十月疏言貴州兵
米編自秋糧威寧大定黎平思南銅仁等府
距省五六百里遠則千里兵多米少每於有

米無兵之開州修文等縣撥支黔山峻險運費倍於正供卑寒悖獨之民輸稅莫繼請將艱運之開州等州縣折銀解庫聽兵領銀自購度民兵兩便部議不准嗣總督范承勳提督馬三奇復言征銀爲便應如雯所請復下部議從之又疏請永寧獨山麻哈三州貴筑普定平越都勻鎮遠安化龍泉銅仁永從九縣立學校部議貴筑係兩衝歸併新設之縣照卜學例考取生員八名卽令新貴教職兼

攝其永寧等十一州縣生童就附近州縣應
試又疏稱平溪清浪二衛學向係黔屬思州
考試嗣因駙站歸併楚省學校亦隨改隸諸
生應試由水路下武昌有洞庭之險士心畏
阻請將二衛學仍歸黔省考試下部議如所
請先是湖廣巡撫丁思孔疏請民間禁用鳥
鎗

上命督撫各持所見二十八年二月叟疏言
黔省山深地僻村寨隔遠居民商賈間齎鳥

鎗以防不測至苗蠻巢棲碣處驅狼捕獸多用烏鎗俱無庸查詰以致驚疑下所司知之三十年八月丁母憂三十二年服闋補刑部右侍郎三十三年十二月轉左三十五年命祭告嵩岳淮濟三十六年二月充會試副考官七月充殿試讀卷官三十八年六月調戶部右侍郎九月轉左時戶部收買廢錢奸商射利多買紅銅小錢交爐攪鑄多耗要與侍郎盧伯赫疏請停止收買令家有廢銅自

行銷燬違者治罪從之十二月

命偕尙書范承勳等監修高家堰堤工嗣以
與河道總督張鵬翮持議不協撤回四十年
十二月以病乞休回籍四十一年十月

上南巡閱視河工

駐蹕德州雯迎

鑾

御書次德州卽事詩及寒綠堂額

賜之四十三年二月卒于家年七十

賜祭葬如例

勵杜訥列傳

勵杜訥直隸靜海人初以杜姓爲生員康熙
二年纂

世祖章皇帝實錄選善書之士杜訥試第一
赴館繕錄告成議敘授福建福寧州州同
命留南書房行走食六品俸十九年四月優
敘

丙廷講官學士葉方霸等授杜訥編修旋充

日講起居注官二十一年授屬姓二十四年

三月

上命杜訥日侍點閱綱鑑二十五年三月與
學士張英同侍點閱綱目全編十二月以
御批通鑑綱目竣疏言

皇上點閱載籍無間嚴寒溽暑卽

巡幸駐蹕

命臣捧簡進

閱一如

禁建

披覽之際評論古帝王政治得失文武張弛
及進退人才邪正消長與夫諸儒舊說聚訟
者

親加剖決悉歸至當請頒發

聖諭宣元史館以發涑水所夫許補紫陽之
弗逮得

旨勵杜訥朝夕侍從勤勞可嘉所奏着禮部
翰林院會同議奏如所請二十七年遷右贊

善二十八年轉左二十九年遷侍講改光祿
寺少卿三十六年遷通政司叅議三十七年
七月遷太僕寺卿九月遷宗人府府丞三十
九年十一月遷都察院左副都御史十二月
疏言督撫大吏

朝廷畀以百餘城吏治數千里民主責任至
重若託詞鎮靜漸成悠忽所綜理不過期會
簿書難保無紊對疆之寄請

勅諸督撫年終彙奏若何察吏安民興利除

獎以備

清覽或開註不實治以欺罔之罪庶諸臣時
時警勉不敢優游草率貽悞地方其所轄之
藩司專掌錢穀臬司專掌刑名州縣之錢糧
有無虧空定案之爰書有無駁審詳實并列
則藩臬之優劣亦無遁情下部議從之又疏
言擬鎮實任匪輕迎來保送引

見將弁時有騎射甚劣并年老之員屢經
特旨甄別臣思典戎要務首在考察將弁何

至狗庇姑容請

勅下該部將各提鎮所屬引

見不稱

旨之員藁册進呈伏候

聖裁并定處分庶提鎮咸知謹凜而將備亦
難尸素苟容

詔下部通行嚴飭四十二年四月推邦部右
侍郎十月卒于任年七十有六
賜恤如例

特給全葬後二年

上駐蹕靜海

諭曰原任侍郎勵杜訥向在南書房効力二
上餘年爲人敬慎積勤勞並無過應予諡

御書文恪二字

賜其家雍正元年追贈禮部尙書入年入祀
賢民祠十三年九月

今上御極加贈太子太傅子廷儀官刑部尙
書孫宗萬官刑部侍郎俱自有傳

卷十一

終

卷十一終

漢名臣傳卷十二

徐旭齡 朱之弼 葉映榴 吳瓌

梁欽 繆沅 唐希順 李周望

于準 董篤行 劉鴻儒 吳瑛

張國樑

徐旭齡列傳

徐旭齡浙江錢塘人順治十二年進士授刑部主事十五年改吏部主事十七年五月遷本部員外郎六月丁母憂康熙三年起補原

官四年遷禮部郎中五年充江南鄉試正考官六年五月疏言經制衙役定額甚嚴近有串名朋役承應官府表裏作奸是謂衙蠹請勅督撫嚴查所屬凡經制外悉令歸農如不將溢額核汰該管官從重治罪下部議行十月授雲南道御史七年四月疏言贖銀向備倉儲事煩地廣之處贖罪者多有司申報上官十無二三侵漁實甚請於歲終州縣冊報藩臬兩司藩臬冊報督撫查爲稽核其罰數

及需贖人姓名詳載冊內倘有隱匿卽以貪
贖治罪庶積儲充實荒政可修得
旨允行並

勅承問各官明示曉諭是年裁雲南道缺一
員旭齡以裁缺候補八年補湖廣道御史九
年三月疏言督撫專司察吏邇來降調官員
百姓每每保留不無滋弊請禁止凡官員賢
否究抑責成督撫是心體訪果係清廉良吏
或因公受累事同處異者許督撫特疏入告

如稍徇隱別經發覺加等治罪從之五月
命偕御史席特納巡視兩淮鹽政十月疏言
兩淮積弊相沿其私費之苦有六商人納課
例將引數填註限單而運庫於每引科費數
錢方得給年胥役綱總又有科斂其苦一商
鹽出場例將船口驗報謂之橋掣而關橋扣
勒引票每引科費散分方得掣放其苦二商
鹽呈綱例必造冊擺馬謂之所掣而未經稱
掣先有江掣等費每引費一二錢方得過所

具苦三引鹽既掣例必請給水程及桅封等
項每引費二三錢方得開行其苦四鹽船既
放行而鹽道有掛號之費營伍有巡緝之費
關鈔有驗料之費其苦五船鹽既抵岸而江
廣進引每引進費錢餘不等又有樣鹽查批
等費其苦六請責成鹽屬各官取各商有無
私費甘結繳臣衙門查核若一處無結卽指
名糾叅以爲剝商者戒又言淮鹽稱掣三大
獎兩淮地狹鹽多商人於正課寧甘納課不

願帶鹽乃橋所兩掣額外之筋及加增重寔
爲巧法大害其一爲加鉉之弊掣官不論括
包輕重暗掛筋兩箇鹽不增括額外始能與
鉉相準利歸於鉉而病中於商其一爲坐筋
之弊掣官不論輕重有無豫定餘鹽商鹽必
多帶斤兩始能抵償掣費公斤愈多則私科
愈重其一爲做筋改筋之弊掣官於未掣之
先議定使費暗做斤兩已掣之後議定使費
又暗改筋兩於是輸納不均害在於課口岸

不銷害中於引臣以爲草弊之道惟有嚴禁
斤重一法凡橋所稱掣溢斤割沒少者三四
斤多者七八斤不得逾額如奸商有夾帶過
多掣官有虛填太重者商則計引科罪官則
計斤坐贓多帶之斤除則銷運易填証之弊
絕則掣驗公部議如所請勒石嚴禁又言兩
淮鹽法春夏行鹽秋冬納課原照引數徵納
並無計日催徵之例近因部臣以鹽差在任
一日卽有一日考成之責於徵完本年課銀

外又行豫徵最爲苦累且早征於額不增遲
徵於額不減民間地丁正賦尙禁豫征商民
無二請將五十七日豫徵停止部議不準

特旨再議仍照舊例行十八年遷太常寺少
卿二十年轉大理寺少卿二十一年六月授
左僉都御史八月疏言

國家省事莫如省官康熙元年以各省監司
浮於郡守酌議冗官盡去自十三年逆賊變
亂添設道二十七員今天下承平多一衙門

卽多一供應請將十三年後所添道員或裁
巡歸守或併守歸巡或守巡全裁亦息事寧
人之道也

勅九卿議行二十二年擢山東巡撫二十三
年四月旭齡以東省歲稔米貴窮民待哺請
借給倉穀免其起息還倉

詔報可九月授工部右侍郎十二月遷漕運
總督二十八年八月疏請釐三害云隨漕例
有增裁原爲貼軍而設乃有司私增更甚於

軍每石少以錢計多以數錢計南兵軍局恤
伍項原無增裁今統歸太糧徵收仍難扣減
宜革者一隨漕例有運耗原爲貼兌而設乃
有司私耗更浮於兌每石少以斗計多數斗
計白糧已編有辦束包令又另加春辦米包
索銀宜革者二至盤費脚價江浙官無額編
民間私貼每石銀三五分米三五斗乃湖北
已編有折銀三千九百餘兩每石復幫貼銀
一二錢江西已編有脚費銀三萬四千五百

餘兩每石復徵水脚銀三錢五分宜草者三
又請籌三便云各省給軍款項有減存抵欠
銷算者勢須糧道給放其隨漕增截銀兩亦
彙解道庫一解一給旂丁反受扣減請停止
彙解竟歸州縣給發便一運丁行月糧遇有
災傷停缺例請撥補有康熙十二年間除荒
銀兩至二十一年仍未准給旂丁不沾實惠
詩停止除荒竟入現運項下得應急之用便
二至船少幫多爲病尤甚浙江幫次有可合

一稱者請附歸併可省二十餘稱便三諸疏俱下九卿議行二十五年六月疏言京口駐防兵米向例截畱江西漕糧康熙二十一年後改畱本省常鎮蘓松撥解但江漕有折耗夫役諸費報部核銷蘇松各府解送費亦難免而例不准銷恐不能無累於民查京口歲需米十餘萬石鎮江一府正耗漕米十三萬八千餘石莫若卽以鎮屬之米給鎮江之兵則就地支給耗費可以不用官民均利得

旨俞允十月時漕船抵通遲延

上特遣部員前往催趲回空不致有悞仍

詔旭齡明白回奏旭齡奏漕白二船較上年
多三分之一自四月內盡數過淮朝夕督催
出閘赴北回空船隻並無片帆清阻

上以其飾辭誑奏

勅部嚴議應革職

特旨寬免降五級畱任二十六年二月卒

諭嘉旭齡才品優長操履清慎應給從優恤

典彙

命復其所降級

賜祭塋諡清獻

朱之弼列傳

朱之弼順天大興人順治三年進士授禮科
給事中累轉工科都給事中八年閏二月疏
言

國家首重體統尊卑原有定分藝體統而察
尊卑者莫如胥吏加銜一事舊例胥吏供役

三四年憐其積勞無過予以議敘選用佐貳
今戶兵等部書役別繫職銜旣奔走本衙門
中復趨踏卿大夫之列非官非吏有玷班行
且此輩原係貧乏無賴不數年間家資巨萬
衣食服飾窮極奢華非舞筵作奸何以致此
况戶兵堂司各官幾經遷轉而此輩歷年甚
多愈久反不可去官如客而吏如主流弊何
窮請嚴查斥革庶名器重而弊盡清下部議
行九年丁父憂十一年補戶科都給事中十

二年正月疏言小民納糧一也其目有漕糧
曰糧軍糧恤孤糧四種人皆樂軍糧恤孤糧
遲緩無增耗之費有力之家往往營求撥兌
派漕白於卑弱之戶苦樂不均害一兌軍糧
必行折色軍得銀則沿途妄費掛欠之弊由
此害二兌恤孤糧半飽豪強鰥寡孤弱無所
控告害三請
勅漕臣糧道親督州縣畫一編徵盡數輸納
敢有撥兌者治罪又言

皇上厯念於錢糧侵欠兵食不充今侵欠之
大者莫若漕欠與糧欠糧欠宜責總漕巡撫
親督糧道糧欠宜責該督撫親督布政今年
帶完某年之欠若干逾限不完均以瀆職論
嚴立考成其奸弁侵虧及有司怠緩從事者
叅處如此歷一年則銷一年之欠官有責成
而舊欠可清

上是其言並嚴飭行二月疏言

國家章程大備六部各有成書倘部臣寔心

其

任事利自知舉僣自知革言官不過拾遺補
闕而已六部任事之人視國事如家事猶恐
廢弛今則盡若事外疑事畏事之念多任勞
任怨之意少事稍重大則請會議不然遷延
日月行查而已不然聽督撫奏科道指糾
而已不然苟且塞責無容再議而已臣愚謂
今日之治惟在擇人而久任責成效而定賞
罰以行法伏祈

皇上面召諸大臣親試才品因能授任復考

其歷事後興利幾何除弊幾何視成效多少以定功罪行賞罰無少姑息則人知法之必行而事舉矣

上諭六部務整肅一新不得仍前怠忽四月遷太常寺少卿七月授右通政十月遷宗人府府丞十一月擢戶部右侍郎十三年河西務鈔關員外郎來世德虧額踰萬事下戶部後援

赦免議奉

旨切責部臣鑄秩有差之弼降三級調用十五年六月補光祿寺少卿八月遷通政使司忝議十七年四月授左副都御史疏言巡按未得其人其要惟責成都御史嚴加考核而已巡按之賢不肖卽堂官之賢不肖臣請與同堂諸臣暨諸御史約一曰操守潔清毋貪汚不法一曰舉劾得宜毋賢否溷淆一曰撫按互糾毋瞻徇督撫若臣等定差不公考核不當巡按尤異而不特薦敗類而不特忝諸

御史亦得糾臣所以交相勸誡者以此至於
巡方應行事宜御史親歷其事見聞必確應
責掌河南道會同十四道各抒見聞孰爲興
利除弊之事詳悉陳奏

勅部院諸臣定爲畫一奏請

曆裁然後刊刻成書永遠遵行下部院議從
之十八年四月疏陳准庫宜核收支

勅漕運總督將節年出入掛欠並餘庫各項
銀兩歲終造冊奏報以憑核銷又楚漕宜留

協濟楚省接連滇蜀大兵征調必出之地南
糧一項恐不足用清項銀米仍應留濟軍需
又漕折宜清完欠

勅浙江巡撫嚴查解交納冊其未完之銀有
無侵蝕以憑核造又錢局宜查銅本

勅錢法侍郎將各局未完本息限追報部得
旨嚴飭行請遷戶部右侍郎康熙二年轉左
三年充武會試副考官四年調吏部左侍郎
五年七月擢左都御史十月轉工部尚書六

年五月疏言閩省官兵每年所需月米除徵米十萬二千餘石外買米四十餘萬石每石價銀二兩四錢

朝廷買米養兵絕不虧損民價恩至厚矣臣聞延建汀邵音於買米之攤賠有願繳田人官者漳泉之間逐月按地畝均派方司餉未到日借派借派者有派竟無還也及司餉既到日勻補勻補者謂餉米不敷按畝攤派也又巧立名色日預徵預徵先爭而派也各縣

派米於民每石必加六斗又不令納米折價
三四兩不等是數倍於正供也請

勅該督撫查究夙弊庶免朘削百姓之害

特諭飭督撫嚴察七年調刑部尙書八年六

月

上諭部院科道陳奏民生疾苦之詞上言各
省存留錢糧

世祖章皇帝因軍需迫急曾經裁減道行日
久昨午部臣又請酌減夫存留各欵原爲

地方公用裁一分則少一分當其事不容已
費無所出勢不得不派之民間且不肖有司
又因以爲利豈宜較錙銖而不計久大請復
康熙七年以前存留數目百姓可免派累又
言人命至重臣見入旂僕丁於每歲報部自
盡者不下二千人豈皆樂死惡生哉由其平
日教不謹而養不備饑寒切於中鞭扑加於
外忍恨自盡勢固然也竊思人雖有貴賤均
屬赤子請

海行律例卷之二
勅入旗凡有僕婢之家當時其教誨足其衣食卹其勞苦減其鞭責使各得其所歲終刑部備造一年自盡人數係某旗佐領下某僕謹冊呈

覽俾人知儆惕而生全者眾又言貪蠹法非不嚴而貪汚仍敢肆行者特與受同罪之例與者不敢質証耳

世祖定令官犯贓十兩役犯贓一兩流徙計贓滿數分別斬絞蓋專惡貪官蠹役特爲立

法如非官役不用此例今不論有祿無祿與
官役同罪則一號滿貫同絞三命一兩十兩
同徒三家是通用重典非立法之初意也且
貪蠹事發被證皆畏同罪刑訊不招卽有供
吐十隱七八徒以箝制被誣之口而使大貪
漏網揆之於律似有未合請嗣後因事賄賂
者照例同罪如因逼抑出錢倘非官役仍照
舊例賤過證與錢者得吐實情而國法伸矣
詔並如所請九年調兵部尙書十二年給假

治本生母喪十四年丁母憂十七年補工部
尙書二十一年二月充會試正考官十月以
估工浮冒不嚴核減部議革職

特旨降五級畱任二十二年十二月會推湖
北按察使之弼首舉道員王垓

上以所舉非材交部察議降三級謫用尋卒
於家

葉映樞列傳

葉映樞江南上海人順治十八年進士敗廢

吉士時方嚴紳衿抗糶罪映楮以江南奏報
舉人冊內有名呈請議處降二級調劑康熙
三年補國子監博士九年遷戶部主事十一
年充陝西鄉試副考官次年遷本部員外郎
十三年遷禮部郎中十五年監督贛閩稅務
十七年擢陝西按察司僉事提督學政試竣
巡撫鄂愷奏舉公明部核以道員先用二十
四年授湖廣糧儲道二十七年五月督標裁
兵夏逢龍倡亂巡撫柯永昇禦賊被創自縊

降調按察使丁焯棄家奔安慶時映榴署布政使賊迫授僞職映榴給以無殺掠百姓三日後當如所言乃令其妻奉母自水溝出避難以司道等印五付其僕葉華林向所過衙門呈繳遂繕遺疏朝服望

闕謝

恩訖升公座罵賊拔佩刀自刎疏畧曰臣一介豎儒幸中進士叨沐

皇上高厚深恩歷擢今職嘗以潔已奉公自

矢夙夜但愧才具庸劣未効寸長茲值裁兵
夏逢龍倡亂劫奪撫臣

勅印並分兵圍臣衙門露刃逼脅臣勿讀詩
書相知節義雖斧鑕在前豈肯喪恥偷生伊
時卽欲率同妻女闔門殉節第念臣母年七
十有六在臣任所臣長子葉勇遠在原籍其
餘二子尙未成童茕茕孤嫠死將安歸因遣
妻女奉母潛逃臣如微服匿影或可倖免以
圖後効伏念臣守土之官也城存與存城亡

與亡義所當然今勉盡一死以報

國恩所恨事起倉卒既不能先事綢繆默消
反側復不能臨期捍禦獨守孤城上辜三十
載之

皇恩下棄七旬餘之老母

君親兩負死有餘慚雖么麼小醜指日掃滅
不能忍死須臾以觀蕩平也

上覽疏畢

諭曰凡地方官城存與存城亡與亡人臣之

分近有武昌兵亂葉映樞守義不屈詈賊自
刎閱其遺奏五內傷悼王大臣等其共聽之
因令展讀奏疏聞者莫不感泣遂

諭吏禮二部曰葉映樞值裁兵鼓譟抗志不
屈捐生殉難忠節可嘉今覓遺疏情詞慘烈
朕心深爲惻然不忍披閱應從優賜卹以表
忠貞部議贈通政使廕一子入監

特贈工部右侍郎

賜祭葬如典禮次年二月

奏名五專

上南巡葉專迎

駕謝

恩

諭扈從諸臣曰當楚省兵譁之際葉映樞盡
節捐軀朕心深切憫恤特詔所司優贈亞卿
兼子卹廕今巡幸江南見其子葉專迎伏道
左弭增軫惻應特予謚以彰異數遂

御書忠節二字

賜之四十二年湖北巡撫年遐齡請建祠於

武昌

賜御書丹心炳冊額三十三年江南學政胡
潤請許瑛糴後裔自行建祠上海有司春秋
致祭從之雍正二年入祀昭忠祠子專官廣
州知府

安瓊列傳

吳瓊安徽青陽人康熙四十四年
聖祖仁皇帝南巡瓊以諸生

名試一等赴京修書効力五十二年順天

鄉試成進士改庶吉士五十四年授編修五
十七年充會試同考官雍正元年

召直南書房

特授額外中允遷侍講尋提督順天學政充
日講起居注官疏言

恩詔廣額定例元年舉行但考過府縣亦于
限內補額恐辦理文武闈鄉試期迫難週士
子未得均沐

皇恩請于次年歲考隨棚補額從之二年五

月遷侍講學上七月疏陳學政事宜一入旂
滿洲蒙古漢軍生員向來歲考者不及一半
故不到者多至數百人請

敕八旂都統佐領遇歲考年嚴催赴考果有
患病及隨在事故等情于未接臨前呈明教
官申報仍照例補考臨考不到者黜一入旂
文武生員考冊但有一二等亦不過一二人
初年應試人少畧示優容今則文風日甚急
宜分別以示勸懲請照例六等發落年老有

疾亦准給頂一入旂生員稟增滿洲蒙古二十名漢軍各十名人多額監查順天府學大宛兩學廩增各八十名請比照加增下部議如所請三年二月轉侍讀學士先是肅寧人張之清賄昌平州教官李琬學書趙一則冒生員張宏人名改歸肅寧籍中式武進士擢侍衛宏人未之知璩按試昌平宏人赴考以學冊無名逐出一則私許賄宏人令改名張棟給白卷應童試教官倪元亮爲求于璩得

收考未入學宏人赴州具控瓌疏忝下部訛
得寔之清韋侍衛援

赦免科本律坐誣供論杖流一則杖徒宏人
韋生員瓌病故元亮韋職瓌以白卷收考降
一級調用

特旨子畱在七月疏言冒籍改歸原以杜弊
但改籍改姓勢必以甲頂乙南北更換又准
各省通行甚至同省異府同府異縣里居密
邇亦准改歸紛紜弊混莫可稽查且定例兩

月爲限今行至四年未止請

敕部停下九卿議行四年八月疏劾靜海教諭王夢熊酗酒無行永年教諭李柏年南宮教諭穆宗道貪鄙成安教諭鍾曙勒索賀禮上遣工部侍郎劉師恕往審曙事虛免議夢熊等訛寔葺職杖流有差又疏言臣衙門書吏五名舊有缺主詹泰等盤據作獎臣莅任初聞拿潛遁檄五城司坊嚴緝未報恐日久禁弛積蠹復充乞下都察院飭五城查拿務

獲照部院衙門清查缺主之例辦理

勅部緝獲詹泰等訛遣黑龍江九月遷內閣
學士十二月充

經筵講官初瓌任學政時保舉生員張鎮孟
澤新劉鵬振朱函夏才品至是引

見

上以瓌保舉不寔下部議處降二級調用復
予畱任五年充

殿試讀卷官先後充明史八旗通志總裁九

年授禮部右侍郎十一年二月充癸丑科會
試知貢舉疏言科場定例外簾官分設受卷
彌封謄錄對讀四所鄉試用官十六員會試
二十一員鄉試內外收掌各一員會試則內
收掌二員外簾不設鄉試督門用干總二員
三場畢撤回會試則用員外主事二員至揭
曉始卸事員數多寡不一因而所官之房屋
謄錄對讀之號舍不得不增廣修葺吏役叢
雜其弊易生查會試人數減于鄉試二半而

所官較多督門一差旣有龍門御史殊覺冗
設且大半部員于本務不無耽悞允宜盡一
下部議如所請惟會試向不設外簾收掌無
庸議三月擢本部尙書十二月兼管左都御
史事務十二年

命禮部議生童罷考事議以生童罷考應停
其考試交督撫查究如有司不公不法卽據
寔附叅如生童無故罷考除停試外將首倡
之人究擬得

旨罷考原有應得之罪今此奏必待審訖後
分別定擬而置罷考于不問但以停考一事
當其罷考之罪豈整飭士風之道乎若另議
尋議罷考照光棍例別首從治罪

上切責部臣引光棍重律而干應赴上司控
告處並未議及生童但有治罪之條無訖
之路任意輕重前後互異下部嚴察瓌同侍
郎任蘭枝甘汝來議降一級調用
上並予畱任十三年正月卒于官

諭曰吳夔老成謹慎學問優長簡任秩宗正
資料理今聞溢逝深爲惻惻著散秩大臣帶
領侍衛十員奠某酒並令禮部堂司官及各
部漢堂官前往弔送柩觀回籍之日經過地
方官弁差人護送應得卹典該部察奏
予祭葬如例諡文簡

梁鉉列傳

梁鉉陝西三原人順治十二年進士改庶吉
士十三年四月授刑科給事中旋調工部七

漢書卷一百一十二
月疏言鄧隆之世同寅協恭以成一德一心
之治但人不能無邪正政不能無得失糾彈
封駁自不容已然每彈擊一施政訐相繼報
復之念勝於急公肆詈之言浮于指實如
國體何請

天語申飭有反噬報復者必重加處分以禁
私忿而崇公義得

旨俞允並嚴飭行十一月疏言

皇上寤寐求賢特舉山林隱逸誠盛典也然

而深訪未確有負高舉如江南所舉之呂陽
特授監司旋以賍敗山東所舉之王運熙特
授科員復以計典去各省必復不少保無魚
絲奔走名寔相違豈惟輕推轂之心且易開
濫觴之漸請

敕撫按細訪或品行邁倫或博洽經史或淹
通禮樂或曉暢陰陽星緯或熟悉山川要害
或才可足國籌兵各就所長核寔詳註然後
臨軒親試量能授職庶真才得而實效收

詔如所請十四年十一月疏言錢法軍國攸需近因鼓鑄壅滯

特命停止外鑪飭禁私鑄臣維在民之弊固當憇劄在官之害尤宜釐剔請

敕各查將鎖本多寡子母羨餘及出入收放等項備造清冊並量道路遠近立限報部以杜蒙混等弊十五年五月疏言

皇上慮吏胥作奸責成堂司官察核不舉者律以徇庇竊恐銓曹諸臣躬任其事寧不力

圖剔弊緣吏胥蒙蔽成習以眾人欺一人易
以上人察下人難臣愚謂除作弊人之害莫
如俾受害人之氣嗣後有稍勒需索者許本
人揭訴本官速加懲治俾奸猾不至貽害並
下部議從之八月轉兵科都給事中十七年
六月疏言賑濟爲救荒第一項臣同官袁懋
德請發臨德二倉粟米三十萬石將及旬日
部臣尙未議復請

特遣大臣兼程往賑或飛檄該撫按各速給

但使阜一日卽救一日生靈又賑濟之餘蠲免其急聞陝西韓城縣災民柳豐元不願蠲免恐有官役勒索情弊一省如此他省可知請

勅查各省歷年蠲免實數百姓果否沾恩庶惠政不致中沮而民生安矣

特旨嚴察康熙元年遷太僕寺少卿八年授右通政明年遷太僕寺卿十年三月轉太常寺卿四月遷通政使十一年二月擢工部右

侍郎四月轉左十二年丁父憂十七年補戶部右侍郎總督倉場十八年原品休致五十四年九月卒

繆沅列傳

繆沅江南泰州人康熙四十八年一甲第三名進士授編修五十一年充會試同考官五十四年

召試乾清宮拔置一等五十六年

命視學湖廣六十年歷工科禮科給事中雍

正元年三月疏請兩湖苗疆土司令諸子分
襲并移安襄鄖道員駐鄖陽經湖廣總督楊
宗仁議荒服土司非內地可比父子承襲相
沿已久若遽令分襲恐啟強弱兼并欺凌之
慮至襄陽五方雜處亟需道員彈壓未便移
動紛更

上以楊宗仁所奏甚明漸六月

諭曰京師人民聚集食指浩繁糧儲不可不
裕湖廣江南產米最廣盛京年豐米價亦賤

此三處酌動正項錢糧採買數十萬石雇募民船運京大有裨益

命沅赴江西糴米十萬石嗣沅至江西採買得米六萬一千石未能足數又以民船難雇敕沅停運卽交該撫收貯二年授太僕寺少卿時江浙紹海州縣潮溢成災

特諭兩省督撫發倉賑濟又因杭嘉蘇松人稠地狹產米無多

詔隣省動庫銀買米運送沅疏言昨年臣赴

真名臣專一奏下

江西採買之米現貯本處請

教將此項米石運送浙江庶官米無滯爛之虞而江西不待另行採買有需時日得

旨如所請速行又疏稱直隸州有錢糧刑名之責與知府無異請遇缺一體保舉引

見分別調補從之三年轉四驛館少卿四年遷通政使六年三月擢內閣學士時原在山東蒲台知縣朱成元家人叩

閭許後任王僧慧將民欠捏揭虧空及僧慧

前任新泰縣預徵錢糧事

命沅在鞫成元實虧庫銀二萬六千餘兩捏稱民欠僧慧並無預徵成元因被揭佞誣籍成元資產論如律

諭嘉沅折獄公明詳細七月

命清查山東鹽弊疏言密訪運使書克康福盛等向有隱匿殘引事卽親往搜查堂西號房搜出殘引一箱康福盛家搜殘引四萬書吏盧鼎爵家碾盤下搜殘引萬餘其以私作

樊僉供屬實

諭曰如此搜查嚴急此外再有藏匿者必至
于燒燬滅迹然亦不得不如此也又疏請以
運使分司羨餘銀一萬三千九百餘兩歸公
解赴內務府交納並酌增引票得

旨此項銀兩不必解內務府仍應諮請部示
遵行八月遷工部左侍郎尋調刑部左侍郎
十二月疏陳山東鹽政事宜一官坵宜設永
阜永利濤雒三場攤廣鹽豐率皆露積不特

私梟盜扒灶戶偷賣卽奸商重複影射等弊
俱難稽查請設官鹽坵收貯場大使註冊派
灶丁管守並編保甲互相稽察如有匿餘勾
私者治罪一水程單宜設商人分執引票每
多重複透運請設水程驗單將引目封貯司
庫該商告運若干隨運隨領不許二季統領
務于單內填明引數州縣卽按引查點鹽包
截角申報一繳引宜定處分商人認引行鹽
賣完日殘引應按期繳銷奸商匿引行私由

該州縣督催不力所致請嗣後過期不繳者
將州縣揭叅照失察例議處分一營汎勒索
宜禁商人影射行私塩梟私販皆緣巡查官
役通賄賣放請責成專司之運使分司大使
及督銷之州縣律以失察如有收受規禮者
以枉法贓論兵丁嚴加治罪一分司運判宜
復設康熙五十八年裁膠萊分司缺綺歸濱
樂運同督徵查東省十場地地方遼濶運同一
員鞭長莫及請復膠萊運判一員分割並令

運同運判春秋二季親至所屬各場清查引
出出入數目灶丁灶地錢糧造冊以憑查核
下部議如所請七年十月

特旨大學士尙書侍郎都御史副都御史諸
大臣子孫鄉試未經中式年二十以上者各
舉文理通順可取中者一人入奏尋以大學
士蔣廷錫子溥尙書稽會筠子潢及沉少子
標等列名上並

特賜舉人一體會試十二月沅卒疏入

賞銀五百兩治喪

賜祭葬如例

唐希順列傳

唐希順甘肅武威人由行伍于康熙十三年
拔補涼州鎮標把總是冬王輔臣叛應吳三
桂臨洮鞏昌諸縣府相繼從逆十四年二月
希順從總兵孫思克進勦河東復靖遠敗賊
于伏羌西和禮縣諸處復秦州鞏昌等處
五年隨大軍敗賊于虎山墩希順奮勇爭先

手足被矢傷得卹賞十六年敘功加八等予
叅將銜晉提標右營千總十八年思克以希
順騎射優長勞績素著題補守備令同叅將
康調元攻復階州文縣十九年勇畧將軍趙
良棟規復四川調希順從軍尋補四川川北
鎮標遊擊時逆孽吳世璠之僞將軍胡國柱
等距閃山相嶺良棟軍由雅州進勦復耒經
縣賊退入菁口驛分兵扼周公橋黃泥舖諸
隘結五營守險希順同總兵官李芳述康調

元等進攻土地橋賊距正閘三層密佈鎗砲
伏兵橋左右擁竹木石屯拒戰我師連破其
壘抵橋口希順與遊擊陳英陳應先選善走
步兵于間道穿後山箐透出長老坪從山頂
下攻合橋口兵夾擊賊潰遁乘夜追襲次日
黎明復敗賊于黎州克其城復敗賊于漢陽
街追至大渡河奪渡口三遂進復建昌是冬
隨良棟由金沙江進征雲南敗賊于玉皇閣
三市街二十二年敘功加九等予左督都銜

二十七年補湖廣均房叅將尋遷寶慶副將
三十一年調台灣水師副將逾年擢貴州威
寧鎮總兵官三十五年

上親征噶爾丹

命希順隸西路進勦希順自貴州帶親丁百
晝夜行抵寧夏大兵已出塞希順兼程進會
孫思克軍五月大敗噶爾丹于昭莫多大軍
凱旋

上命綠旂官赴京休息希順行次懷來縣

上遣侍衛慰問抵京

名見於暢春園

賜宴及

御服袍掛並

命登舟

賜遊內苑

賜貂皮披領朝服回任三十七年敘昭莫多
功予雲騎尉世職次年擢四川提督疏言四
用幅幘遼瀾外則蠻苗雜處中則水陸交錯

誠爲巖疆重地提標三營兵丁僅及各省之半不足以資彈壓而敷調遣伏祈

皇上念蜀省邊險准照各省提標立五營每營設兵八百各照馬二步八例除現在二千六百名外尙需兵千四百名四川通省額兵三萬六百二十名臣徹底清查不容借公費親丁名色冒古積弊盡除兵額充足卽于原額內酌量營汎緩急分別抽調多寡添入提標兵其他移餉仍其舊至新增遊擊二員守

備二員亦于通省管汛確查可以裁併者酌量抽調一轉移間營伍均有實際再臣標將備等官必材技優長弓馬嫻熟又諳蜀省地利方克勝任請照陝西並松潘疊溪等營保題事例擇人地相宜之員坐名題補庶重地收得人之效部議不准

特旨俞允三十九年打箭爐營官喋巴昌側集烈戍我內地明正長河西土司蛇蜡暗吧又侵距河東烏泥若泥嵐州等處總督楊勒

達奏請移化林營參將李林標兵駐打箭爐
賊復抗阻攻圍烹坦冷竹閉諸處希順檄調
各路兵赴化林密疏以

聞

上命侍郎滿丕統荊州滿兵進勦並

諭希順相機行事時賊兵五千餘立營十四
於磨岡等處希順雪夜渡瀘分兵三路進勦
一由子牛攻哪吒頂一由烹坦攻大岡希順
親統官兵自咱威攻磨西面及磨岡別遣兵

由頭道水登山向下夾攻連戰五日各路俱捷殲蠻兵五千餘人斬喋巴昌側集烈及熱與籠遂克復打箭爐喇嘛番民俱投順尋抵木鴉番目錯王端桂等繳明敕印歸附喇嘛番民萬二千餘戶四十年正月捷

聞得

旨嘉獎下部議敘三月疏言打箭爐已復善後急需得人今川省副叅遊守等官現缺二十八員蜀地沿邊番蠻環處出征固需能將

防守亦需能員伏懇

皇上俯念爐蠻雖平用人正殷將現奉推陞
川省副將遊守等官暫免引

見令速赴新任推陞別省者仍暫留原任俟
新推之員到日交代後再赴新任得

旨允行十月以病乞休

命解任調理四十一年議敘加軍功五等病
痊日以原官起用四十七年七月卒遺疏請
以次子際盛襲雲騎尉並入籍四川從之

予祭墓如例際盛由侍衛在江南安慶協副
將卒襲除

李周望列傳

李周望直隸蔚州人父旭升康熙二十一年
進士由中書科中書洊歷工部侍郎四十九
年福建漳泉旱截留江浙漕米賑恤

上命旭升偕戶部侍郎塔進泰往監之雍正
元年以吏部侍郎加尙書銜致仕嶺行

賜衛平者頤額周望其長子也康熙三十六

年進士改庶吉士三十九年授檢討五十一年充會試同考官五十三年二月遷國子監司業四月授翰林院侍講九月提督湖廣學政五十六年差竣督臣滿不以周望揆守清廉衡文公慎保畱時已

命繆沅視學湖廣周望回京供職五十七年遷臣子監祭酒五十八年三月奉

命祭告北嶽中鎮西海河濱等處十一月遷詹事府詹事仍兼祭酒事五十九年充江西

鄉試正考官尋擢內閣學士六十年督運西
路軍餉六十一年十二月遷戶部左侍郎雍
正元年充

經筵講官二年七月奉

命清查兩淮鹽務九月疏言兩淮行鹽一百
五十九萬八千五百餘引舊例每引行鹽二
百二十七斤後遞增至二百九十四斤但行
鹽有地廣而鹽不敷用者如湖廣江西上江
是也有逼近場灶鹽不易售者如邳州及淮

安府之山陽清河桃源宿遷睢寧沐陽贛榆揚州府之江都是也若每引槩加鹽五十斤恐鹽多難銷勢必至引積而課虧請於湖廣江西上江等處每引加鹽五十斤邳州山陽等不必加鹽至行鹽各有一定地若令通融銷售易開私販之漸應仍舊下部議如所請十一月疏言兩淮積欠銀一百二十餘萬前經工部尚書李先復奏准自壬寅綱起至甲辰綱止分爲三年扣存江南督撫各官鹽規

及匣費雜銀抵完今壬寅綱帶征銀數雖完而各官規禮仍舊饋送是在官有抵補之名而在商有重用之累且副都御史謝錫履奏請將鹽規銀抵補江安無着虧空自雍正四年起分作四年輸補是商人既有帶征積欠又有應納規禮若再令填補江安虧空則有限之資本安能應無窮之追求惟以名官想得規禮自行解送江安藩庫填補虧空庶不致重累商人得

旨照所議行時有條陳鹽政者

諭令周望等議奏周望偕內閣學士塞楞額
巡撫御史噶爾泰副都御史謝賜履履稱兩
淮總商三十人又有四五人主名管事者號
爲大總往往借端私派刻剝衆商宜除去商
人有官干朝者爲官商引課歸于名下挾以
免費取利宜禁革得

旨依議速行三年擢禮部尙書四年因病乞
罷

溫旨慰留六年父旭升卒丁憂八年六月卒
千家

賜祭葬如例

于準列傳

于準山西永寧州人兩江總督于成龍之孫
康熙二十五年由廕生授山東臨清州知州
二十八年荐卓異遷刑部員外郎明年遷戶
部郎中三十年授江南驛鹽道三十四年調
直隸總理錢穀守道三十七年遷浙江按察

使三十九年丁父憂四十二年服闋
特旨授四川布政使四十二年五月擢貴州
巡撫十月疏言直省錢糧以二月開徵計至
歲終爲期十月之久黔省錢糧定于九月開
徵至歲終僅僅四月爲期甚促各官考覈仍同
直省例歲內全完紀敘恐州縣考成心切急
徵累民請寬限三月自本年九月開徵至次
年三月內糧米全完者紀錄不全完者處分
部議不准行得

書九月開徵年終考成爲例已久而以其有
累民處著再議尋議如準所請四十四年二
月疏言貴州地古號羅施遍處皆苗我

朝改衛所設郡縣建學校苗民亦知向化然
俱士人不得任流官例不准考請于各府州
縣立義學將士司承襲子弟送學肄業以俟
襲昔其族屬並苗民俊秀子弟願學者令入
義學各府州縣教官督教文理明通者由教
官彙送學臣考試一體共舉倘人文漸盛鄉

試歲試再請增額又查貴州上官世系皆楚
豫秦晉人因功封襲世守其地其子孫族屬
自應與試前撫臣閻與邦奏上司族屬之生
員兵過詔等七十一名不令與試未免向隅
請照粵西士官子弟例一體考試再考貴州
通志漢唐元明以上人用爲流官而循良著
績者頗不乏人士人不用流官之例似宜改
正部議以士人無用流官例未便更改餘如
所請

詔俱報可四十五年調江蘇巡撫四十六年
江寧蘇州等處秋旱米貴請支藩庫銀十萬
石赴湖廣買米平糶四十七年江寧等府屬
入夏久雨米貴請從前截留分貯各州縣米
盡行平糶之本地戶口繁庶米不敷食湖廣
江西等省嚴禁販米出境致價愈增請
敕各督撫聽商販流行庶江南米價可平又
以海州安東縣碩項湖等田窪下被淹請減
賦額照海灘下則例徵收蘇松等五府被水

款收各屬應徵漕米六十三萬四千餘石不能全完請緩半至明年秋收後帶徵並從之四十八年六月疏言淮揚徐三府二麥被水應急賑請動帑十萬兩將乏食軍民大口給銀三錢小口給銀一錢五分委賢員按名查給使災民均沾寔惠優卹卽希先是丹陽縣上下練湖冬春濟運夏秋灌溉利濟甚鉅前撫慕天顏奏以上湖佃種下湖蓄水奸民見上湖墾種得利益挖下湖埂填洩水成田陸

續陞科以致傍湖民田水旱無資濱湖業戶
請仍以下湖蓄水願認續報湖田錢糧至是
準疏言臣查下練湖墾由納糧濱湖之民灌
溉有資卽認湖田錢糧亦無重徵之累請自
本年爲始將湖田漕項銀米麥石卽于濱湖
業戶攤徵湖中魚菱出息官收變價作修葺
浦洞埭堤之費歲終造冊報銷十月疏稱上
元江寧句容江浦六合嘉定華亭婁縣上海
丹徒丹陽通州江都儀徵泰興十五州縣大

倉鎮海二衛或濱海或臨江潮汐衝擊田多
坍塌請將康熙四十四年坍塌田錢糧槩予
豁免再各屬沿江沿海田坍塌不一並照蘆課
例五年一文分別陞除不特坍塌者得免賠糧
漲者亦可按畝陞科並得

旨俞允十一月兩江總督噶禮疏恭
政使宜思恭貪婪請革審得

旨直思恭着革職尚書張鵬翔會同總
額嚴審定擬巡撫于準案內必有于
遠着解

任壽鵬等說宜懇恭事得寔于準以近在
同城並不糾劾革職雍正三年
恩復職銜九年九月卒

董篤行列傳

董篤行河南洛陽人順治三年進士改庶吉
士四年授吏科給事中五年五月充浙江鄉
試副考官七月調戶科給事中六年八月疏
請頒刻徵糧易知由單將起運存留本折分
數條悉開載按戶分給以杜濫派從之九月

疏言納粟監生宜與紳衿一體優待其有偶
誤微青者姑寬宥以聽艾悔不得妄加鞭笞
俾人知愛惜與輸疏入以篤行徇情曠職降
三級調外用十二年正月

詔開列科道從前言事不當及糾叅失寔降
革諸臣篤行以原官起用十月補戶科給事
中十二月疏言京師重地盜賊肆行劫掠有
司怠玩隱諱以養癰爲無事請嚴加處分勒
令捕獲庶盜風或可少息

敕該管官員嚴察重究十三年三月轉禮科
都給事中四月疏劾總河楊方與徇縱河道
方大猷贓私累萬請處分爲溺職者戒方與
降三級留在五月疏言河工旣重遴補宜破
往例查往例推陞者拘于俸荐候補者限于
資次銓部循例掣補故官與人每相左而奏
效者百不得一臣愚以爲河工遴補之法必
得才品素著諳練形勢者方克底績諳練者
莫如工部諸臣以其講求有素且久歷河干

情形必悉宜不拘資俸選擇一二人考核酌
用才品素著者莫如卓異各官不論品之大小
皆宜置之盤錯之中以別利器庶慎簡如
始人地相宜河工賴以永固也十五年六月
疏言黔中兵吏迭更上子數年來不覩詩書
風教湮滅法紀蕩然今甫經收復文教方興
學政一官不可不急爲簡授但學政總轄全
省鞭長莫及課習文藝惟教官是賴今部選
者無其人請擇本處舉貢有學行者暫令委

署以正人心隆治化二疏並下部議行十六
年授太僕寺少卿十七年遷右通政十八年
五月轉左七月遷太常寺卿九月授宗人府
府丞康熙二年擢左副都御史三年正月疏
請禁會試上子私謁以杜弊寶部議試前干
謁例有明禁應嚴行申飭七年十月疏言朝
審全憑讞冊今每衙門止送一冊各員目不
及見朦朧畫題甚非慎刑之意請

勅刑部增設讞冊每人一冊得以查閱下部

議如所請十一月

上諭董篤行才力不及念其効力有年著以
原品休致二十六年十二月卒

劉鴻儒列傳

劉鴻儒直隸遷安人順治三年進士授兵科
給事中六月疏請頒賦制以慰民情裁衙蠹
以除民害得

旨明季加派錢糧恩詔已盡蠲免本內言順
治二年征納之數較明末不減且增是何地

何官係何錢糧或本地私征或部文多派著
劉鴻儒明白具奏鴻儒復疏言臣籍隸遷安
其催征事臣知之切見之真遷安自明末每
丁銀下下則二錢下中則四錢每上地一畝
銀七分有奇百姓莫不稱苦逋欠甚多我
皇上優卹殘黎下詔蠲免

恩甚渥也乃所征之數每丁二錢者加至三
錢六分四錢者加至七錢二分上地每畝加
至八分有奇臣草茅中見此不勝駭愕且本

縣縣駟已裁民壯已裁損夫已裁此三項當
減幾許錢糧何爲加多一縣如此他郡縣可
知乞

勅巡撫監寺清查蠲免庶不致上有輕徭薄
賦之名下無輕徭薄賦之寔

上命戶部確察尋部臣覆核該縣以錢糧缺
額遂以荒地派之熟地亡丁派之見丁但念
其征收盡歸公用尙未侵蝕姑免議四年調
戶科給事中五年糾鉅鹿縣知縣勞有學劣

欵失寔降一級調用七年補上林苑蕃育署
署丞十年

特旨以原官起用十三年補兵料給事中十
四年三月疏言邇來

畿輔近地道途截劫殆無虛日

諭旨嚴緝不啻再三而盜未弭者大約責成
不嚴防捕未善也失事有司多匿飾不報卽
間有開報往往遷延推諉臣以爲防守將領
各有汛地按汛地失事之多竄立叅罰降革

之科條不少寬貸有司自不敢容隱坐視如此則貴成嚴今五里十里未嘗無伏路兵丁然截劫之賊動輒千數成羣寥寥步卒曷克有濟臣以爲沿路要害必多設弓箭烏銃手馬步相間不時巡邏互相救應賊可立擒又緝訪窩盜之數發兵擒捕務淨根株不得牽連無辜其捕獲多者當紀錄功次以鼓勵之如此則防捕益善盜未有不弭者也下部議如所請四月充福建鄉試副考官八月轉戶

科給事中十五年十一月疏言古帝王以仁
儉造邦其取民也不盡其財其制用也必有
其式我

朝開國以來百度維新創制立法務臻美善
獨于財賦一節屢見不敷遂至汰冗員
增權務廣開納督積逋講求開節之道已無
不盡而其實皆不得已權變之策也在旣往
猶曰時當創始四方未盡歸誠南省用兵軍
需旁午又兼賑賚修防建置之費勢不得不

然耳今南服削平萬邦底定不于此時總計財賦之數準其出入定爲經久不易之規則日復一日因仍補苴豈能長繼臣愚謂天地生財原自無多必于本源末流詳悉權衡始足供用今賦役既有全書掌握豈無確數請通計一歲內凡畝賦丁徭鹽征淳稅各省輕賫重運及贖緩事例等項就其中猥瑣無藝者汰除約所存惟正金粟若干數然後計一歲之中

上方供應官吏俸薪兵馬糧料及朝祭禮儀
修築工役細至于師生廩餼胥役代食凡各
部寺所掌就其中不經無益之費罷除共應
用金粟若干數兩數相衡要使所入之數得
合于所出之數始堪定爲會計之準以永遵
守臣又思

國家用財之大端惟兵生財之本計惟土籍
使兵農同業省度支而紓
國計莫善于屯田之法

朝廷下民屯之令招集墾荒立意未嘗不善然設官設役多糜廩祿更滋紛擾統計得不償失不旋踵而請罷歷稽古屯制原不在民而在兵今各省民田尙未盡闡明未廢溝墾舊田土新經察出者多何可使地有遺利請各省駐兵處無論邊腹地察前項田土可耕者悉令兵丁充種先正疆界信賞罰以使之則趨事自力尤須豐其種具寬其程效行之數年收穫旣充則額糧可減備拏益廣則

轉輸不省且立有恒業漸成土著足以馭制
譁變之心唐初府兵之制無事執耒耜有事
執干戈不借司農而坐不乏兵古稱良法至
于新復之地尤所宜行今蜀黔已入版圖所
得之地必需駐守若令處處興屯則根本自
固戰守咸資而進取有建瓴之勢矣此又漢
臣趙充國之于先零晉臣杜預之于宛葉確
然可循之遺策也抑臣又有請者順天奉養
郡縣拱翊

王畿根本要地自令舊人圈住深得居重馭
輕之意但畿輔之民夫恒業則贍養無資卽
撥補他所之地皆有係屬豈能據爲己業今
喜峯冷口諸閔外大寧以南一帶地方彌望
下里咸稱膏壤請令民願出邊開墾者許認
爲己業永遠耕種沃土新闢所收必饒先事
有獲則趨者自眾數年後漸次起科成聚成
邑堪作

神京之保障茲二者皆軍國大計若當事設

誠致行久之兵食充足

國計可以漸紓民賦可以漸減不惟經費有
資抑且緩急可恃立億萬年不拔之基業矣
部議滇黔未靖各處投誠兵續至需餉無數
難以預定會計其兵丁會屯及畿輔民出邊
種自屬裕餉便民至計應

勅所司詳勘可墾之地施行十七年遷順天
府府丞尋授左通政十八年遷太常寺卿康
熙三年授通政使六年擢兵部右侍郎八年

轉左十年調戶部右侍郎十一年轉左十二年九月遷左都御史先是鴻儒官戶部時甘肅巡撫華善因地方災傷擅發倉糧賑濟部臣循例題叅並議罰賠鴻儒無異議至是官都御史疏論華善不應叅處臣雖與同官共行之而竊覺未安請嗣後督撫大臣有經濟利民者當準情酌理尤其請不宜拘以文法給事中成性劾鴻儒明知罰賠過當不據理直爭又不另立異議曲從同官失大臣體下

部議以鴻儒先未立議後將公議已結之事
指摘沾名降二級調用尋卒于家

吳璵列傳

吳璵字伯美山西沁州人也順治十六年進士
選授河南確山縣知縣邑遭明季流寇殘破
璵撫循招徠戶口墾田歲益以方畧捕獲盜魁
戴騰宇杖殺之大軍征雲南邑當孔道輿馬糧餉
先事嚴辦而民不煩康熙十二年以卓異入爲
吏部主事歷陞郎中十六年陞

鴻臚少卿尋轉光祿寺卿通政司右叅議二
十年

特擢爲右通政三十一年在太僕寺卿越三
月擢左副都御史請復

敕督撫巡方疏曰令甲督撫干

命下之日卽不許見客莅任守令不得叅謁
上官凡有舉劾不過據道府揭報及胥吏訪
聞愛憎毀譽真偽相亂督撫無由知草火耗
而火耗愈盛禁私派而私派愈增請

勅直省督撫親歷各屬體驗採訪或謂督撫
巡方勞擾百姓夫督撫賢則必能禁送迎却
供應如其不肖雖端坐會城而暮夜之饋送
踵至矣豈獨巡方足以勞民哉又疏曰巡撫
及巡守道無一旅之衛而提鎮各建高牙前
日撫臣如馬雄鎮道臣如啟泰雖懷忠秉義
空拳莫施向使各有兵馬奚至束手宜及此
時急復舊制使巡撫巡守道仍各管兵馬減
提督增總兵分一鎮爲數鎮以聽督撫節制

則無尾大不掉之患矣二十八年四月調任
兵部右侍郎十月

命巡撫湖北湖北自裁兵之變黠猾率指仇
人爲賊黨株連不已瑣槩不究詭譎其妄計
者人心大定淬勵所屬郡縣俾爲良吏怙終
則糾纏無少貸陝西飢流民入湖北令有司
分賑全活數萬人三十一年

上念陝西西安雨水不調襄陽地近西安
命截畱湖北漕米十萬石貯荊州俵賑旣而

命以荊州兵船載運至襄陽。典與糧道三道，
照議以兵船泊大江，必下到漢口。湖流四
上到澤口，接替上行，方抵襄陽。計程二千餘
里。今原運濟船將次撤回，莫若乘夏水，令原
船順道運赴襄陽，僅七百餘里，卽以便宜行
具奏疏入。

上嘉之。八月以內憂去任。賻贖一無所受。因
非晉母志也。三十三年四月，湖廣總督員缺，
上以吳璵有守有才。

特用爲湖廣總督三十四年奉

旨酌裁湖廣額兵理區畫得宜人情帖然武
岡州牧激民爲變立捕其爲首者置之法而
劾罷州牧故事土司見州縣吏不敢抗禮後
大吏稍稍優遇之漸以陵夷璵至饋遺不納
飭謁見長吏如故事無敢肆者奏增湖廣鄉
試解額

上命并增各省解額三十五年六月陞左都
御史旣視事自戒曰昔賢有言司風紀者當

養人廉耻不專以彈劾爲能吾謬掌臺端要在正已率屬其可見事風生以褻憲體乎三十
十六年充會試總裁是歲五月
上北征回鑾顧迎

駕諸臣褒左都御史吳璵及河道總督張鵬
翮居官之廉翌日又

諭諸臣曰吳璵居官無論是其屬官非其屬
官及所叅革之人皆以爲清官好官百姓亦
莫不感服閱數日以璵爲刑部尙書而以鵬

翮爲左都御史三十七年七月進保和殿大學士兼刑部尙書瑄熟于朝廷故事中外章奏可否見輒洞然其有徃事可援據者雖久而不忘奏對皆竭忱悃

上每稱善所荐引皆廉能吏三十九年會試瑄以右臂偏枯引疾

特命爲總裁官六月

御書風度端凝額賜之四十一年具疏乞休大學士伊桑阿代爲奏請

上曰吳璵爲人誠寔豈可聽之去嘗以

御臨米芾千字文賜璵題其後曰吳璵爲人
寬厚和平持已清廉先任封疆文武軍民受
其寔惠者至今頌之朝中之事函折廷中必
得其正朕甚重之故書千後以紀其能得大
臣之體四十四年卒于任璵居政府室無妾
媵口不言清每語任外吏者曰地有遠邇俗
有淳澆然愛財惜命民情則一能體此念自
爲良吏矣遺疏入

上遣重臣奠茶酒

予祭葬如典禮諡文端所司奏大學士缺
上以璫喪未歸縣缺弗補

諭曰朕心不忍翰林院奏所撰祭文

諭曰大學上吳典好處甚多敕改撰其文有
曰潔已奉公正身率屬摠憲綱而幸裁卓立
掌邦禁而讞獄持平慎以居躬清能容物云
雍正十年

詔入賢良祠崇祀子時謙康熙三十三年進

海內名臣卷之二
士次時訥時諫時詠

張國樑列傳

張國樑甘肅寧朔人初名谷貞由行伍於康熙十九年隨勇畧將軍趙良棟征四川雲南有功加遊擊銜三十五年大兵征噶爾丹詔良棟率寧夏火器兵二百巡塞外谷貞自備鞍馬隨良棟効力三十五年授直隸薊州城守營都司三十八年遷紫荊關叅將四十二年遷真定副將四十二年擢湖廣襄陽總

兵時鎮羣紅苗剽掠

上遣吏部尙書席爾達同副都統圖如海等
率荊州及廣西貴州湖南兵會勦谷貞疏請
効力

諭令帶本標兵五百名往次年正月大兵抵
鎮苗已歸服谷貞駐乾州彈壓兩月歸四
十六年調鎮羣拙兵疏言紅苗點悍叵測爲
患邊疆畏威而不知懷德且恃界連黔蜀箐
密山深防禦固難搜捕非易嗣後蠢苗欵跡

不擾臣何敢違

皇上好生之仁擅加兵威若仍蹈故轍請會
同文員道所詣臣飭士百戶長察查係何寨
克苗撥官兵壓臨勒獻倘拒捕狂逞卽督兵
剿拿下所司令督撫提會議尋總督郭世隆
巡撫趙申喬提督俞益謨議如各員奏得
旨俞允四十八年入

覲

賜孔雀翎並鞍馬五十年十月疏報毛都塘

苗蠹頑不馴臣欲督兵搜剿苗人吳天星等
聞声震恐輸誠向化下部知之十一月擢雲
南提督五十一年以不嚴拿卦匪陳四等議
革職

特旨寬免降一級畱任十二月

賜平定期朔漠方畧一部五十四年

賜周易折中一部五十七年軍政自陳乞休
得

旨張谷貞人才壯健効力年久簡用提督整

飭營伍声名素優著照舊供職五十九年大
兵征西藏九月谷貞領本標兵二百名于麗
江中甸適中地駐劄聲援十一月回任雍正
元年奏改今名尋授都督同知管提督事八
月卒奉

旨張國樑久鎮岩疆勞績茂著和輯兵民聲
名甚優忽聞溘逝朕心深爲憫惻應得卹典
書察例具奏初國樑遺疏言雲南地處極邊
副叅遊守員缺舊例在外題補康熙十一年

新例必銜銜相當者保題不得其人聽候部
推夫部推人員省分遠近不同到任遲速未
定所選果能彼省勢必題畱若聽其來者恐
非才幹又初到不諳邊情畱之無益營伍劾
之又無大過且武員擊家歷萬里履在未久
又復遷移若非素豐而欲其廉潔自持恐難
必得查雲南無都司缺從前保題者俱以守
備補遊擊越缺已經二等等而上之叅將副
將更無一銜缺相當之員一省中雖有熟練

漢名臣傳卷十二
邊情才能出眾者格于新例惟候部推舍已
効之人才待未來之將弁營伍如何整理請
嗣後仍照舊例許督撫提臣遴選越補九月
部議從之

子祭墓如例加贈右都督諡勤果

漢名臣傳卷十二終

漢名臣傳卷十三

趙應奎 葉方藹 單疇書 王揆

岳昇龍 伊闢 王士俊 藍廷珍

孔毓珣 趙宏燦 潘育龍 楊鯤

趙應奎例傳

趙應奎河南商邱人順治三年由行伍隨恭
順王孔有德征湖南六年隨征廣西均有功
累遷至湖廣施南副將康熙十三年逆藩吳
三桂反長沙失守調應奎江西袁州副將時

袁州勢逼且棚賊勾連遊匪應奎以所轄兵
少捐募同家丁堵禦擒斬賊渠朱益吾李念
松等叙功加署都督同知七月由慈化進剿
黃塘楚山瑤金山上粟市敗賊眾江西總督
董衛國請設鎮袁臨卽以應奎爲總兵官從
之九月三桂遣賊犯袁州

命同署副都統穆成格力守侯大軍會勦
遣將軍尼雅翰率駐防江寧兵及副都統碩
塔等援之十月僞將軍朱君聘僞總兵黃乃

忠合賊數萬自萍鄉來犯應奎同副都統幹
 都海倭黑等敗之西村斬萬五千餘級分趨
 萬載縣賊迎拒敗之斬賊渠邱以祥偽知縣
 童聖功復其城嗣吳逆以偽札來應奎令長
 子衍慶首出部議應奎加左都督行慶以署
 都司僉書用

特旨趙應奎効力嚴疆屢次殺賊立功今又
 出首逆劄忠盡茂著應給世職下部議給騎
 都尉世職十四年正月遣遊擊楊正元等勦

欄賊于分宜新喻界擒賊甚衆盡焚其巢四月
僞總兵揭玉卿突犯萬載遣遊擊陳素綸
等敗之斬級千餘又敗之白良六月僞總兵
黃立卿復以僞書誘降應奎令三子衍祥呈
首議加應奎軍功一等衍祥授鴻臚寺少卿
十丑年四月遣遊擊李顯宗等敗賊于鉄山
界仙居橋沙溪湖塘諸處賊勾剝陽諸賊復
陷萬載我兵由三陽橋進剿賊設營四千西
門外分擊之賊渡河截龍河渡口對岸迎拒

我兵亦渡先斬守口賊直入其營賊大敗分
竄追斬無筭再復其城得

旨嘉獎十六年二月分兵剿賊于古積嶺黃
芽嶺等處擒斬偽遊擊守備等六月叙功授
三等輕車都尉十七年正月

上以江西底定

詔應奎統本標官兵移鎮茶陵攸縣四月疏
言自吳逆之叛袁州密迓湖南臣率孤軍征
剿保城上游一帶幸獲安全但彼時兵力苦

單漕臣捐資贍養親丁或自備馬匹或委以
虛銜嗣戶部臣溫岱奏親見臣親丁防禦有
益蒙

恩給臣所養健丁千人步戰兵餉令臣量設
官管轄兵丁既叨餉餼而所設管轄官未議
寔授開俸養廉無資難以驅之鋒鏑今臣移
駐茶攸僅帶標兵二千六百名現奉征南將
軍穆古定南將軍華善調往鄯縣安仁千四
百名臣帶防兵少僅有健丁一營隨臣左右

既有成効于前復需用命于後仰冀

天恩各予寔銜開支寔俸于禦寇固疆誠有
攸賴下部議從之八月賊犯永興縣敗之十
八年四月隨簡親王喇布復祁陽縣七月復
新寧縣八月奉安親王岳樂調勦逆賊于武
岡州楓木嶺敗偽將軍吳國桂等十九年正
月同貴州提督趙賴攻克龍頭山泡洞口瓦
屋塘雲霧嶺五子坡諸賊寨賊將馬寶遁追
擊之復會同黔陽等縣三月建義將軍馬承

廢叛隨簡親王率兵至柳州承廢降二十一年正月奉

旨以提督充廣西左江總兵官叙功加二等輕車都尉疏言臣昔任思南副將深知江左爲滇黔門戶兩粵咽喉接壤交南環以獯猺土司不特反覆最爲緊要鎮標額設四營共兵三千有餘多從逆歸命者官則已玷官箴兵則習成驕悍臣標健丁一營半係親屬經臣數載鼓勵成效請帶赴新任以資鈐壓部

議不准

諭左江地方緊要應否照趙應奎所題著再
議從之八月以病乞休

諭照舊供職逾日復請

上仍慰留之時行祚由鴻臚寺少卿遷督捕
理事官奉

旨前吳三桂叛逆時各處乘勢震動趙應奎
以一副將孤身堅守眾心始定袁州係緊要
城池倘或失陷江西全省恐亦難保此人功

績甚大朕聞其病勢危篤深爲憫惻着伊子
督捕理事官趙衍祥馳驛往省其父以見朕
優恤至意衍祥未至而應奎已於是月卒兩
廣總督吳興祚以

聞奉

旨趙應奎歷鎮巖疆効力年久勞績茂著遽
爾奄逝深可憫惻著贈太子少保

予祭葬如例諡襄壯其二等輕車都尉世職
以應奎第二子衍禧之子宏謨襲

葉方藹列傳

葉方藹江南崑山人順治十六年一甲三名
進士授編修康熙十二年充

日講起居注官十四年三月遷國子監司業
五月授侍講仍充

日講起居注官十月充順天武鄉試副考官
十一月

上以宋儒周敦頤太極圖義理精奧寔前賢
所未發

命方藹撰太極圖論十五年正月遷左庶子
五月授侍講學士十六年正月充孝經衍義
總裁四月轉侍讀學士十七年二月充鑑古
輯覽

呈輿表總裁五月充

經筵講官七月入直

南書房十二月遷翰林院掌院學士兼禮部
侍郎十八年二月充會試副考官五月教習
庶吉士並充明史總裁十九年四月尚書講

義成方藹奏請頒發得

旨尙書紀載帝王道法閔切治理講幄諸臣
講解明晰深于典學有裨卽刊刻頒行又
諭日講起居注各官俱從優議叙五月加方
藹禮部尙書銜十月

上親講易經噬嗑卦辭方藹與講官庫勒納
進所撰乾坤二卦摛論

上覽異曰卦爻之義原各不同卽如噬嗑一
卦中四爻主用刑者言初上二爻主受刑者

言必得摠論發揮方舉全卦之義了然諸卦
可依此撰進二十年遷刑部右侍郎二十一年
四月卒

特遣刑部右侍郎庫勒納侍衛常望美茶酒
賜白金二百兩

諭曰葉方藹簡侍講幄年久啟沃有益茂著
勤勞着從優恩卹尋議加祭一次諡文敏

單疇書列傳

單疇書山東高密人康熙三十六年進士歷

任江南靖江陝西延用江南顧榆等縣知縣
六十一年行取遷湖廣道監察御史尋巡視
中城雍正元年三月疏言自康熙五十七年
至六十年安徽湖廣銅斤欠數甚多有人報
起程尙未到部者有承辦日久尙未清完者
恐有借詞故延之弊請

敕戶工二部清查各省累年所欠銅斤勒限
全完嚴其逾限處分又查解官次銅未交者
俱係典史巡檢等員職小任重易至悞公嗣

後起邇銅勅宜遴委府佐家道殷寔者下部
議行七月授陝西寧夏道仍御史銜二年八
月調洮岷道三年三月奉

旨去年年羹堯陞見時奏卑疇書才力不及
操守不廉朕觀其人老成端謹必係不能迎
合年羹堯所致卑疇書才或不及斷非操守
不廉之人着調回以卿員用七月補鴻臚寺
少卿疇書以羹堯任用私人濫竊名器寧夏
僚屬或倚勢殃民或假權而恩疏叅四款一

西路同知常坐羨堯倚爲心腹合於中衛買米三千石運至甘肅每石短價五錢瓜撥民車又虧其脚價並駟馬草豆短價派買經而民侃任重等許告羨堯不行糾叅止以記過銷案一惠安堡盜捕通判閻甫世羨堯借差這爲名調赴西安委其表姪周仲舉署篆甫世坐困半年無端嚴押解回仍不令理事又逾年仲舉始行交印一原任四川通判郎廷槐發陝西軍前備用羨堯委署寧夏同知兼

中路印務以漁稅課之利嗣題補四川遵義
通判不卽令赴任留作寧夏用人一寧夏同
知趙健父爲美堯幕賓健由知縣捐陞逗遛
西安希圖善地美堯委用寧夏亦令兼中路
印務以飽慾壑疏入得

旨該部嚴察議奏部議降年美堯三等公爲
一等子十二月遷太僕寺卿四年正月轉大
理寺卿五月

上命疇書同兵部侍郎通智往寧夏管理察

罕托輝渠工五年七月擢刑部右侍郎六年
三月疏言察罕托輝地方遼濶止設新渠一
縣額長莫及請沿賀蘭山直抵石嘴子爲界
予省蒐營左近增置一縣設知縣典史各一
員又漢唐二渠舊設水利同知一員今新開
大渠六羊渠堤岸甚大請暫置水利通判一
員專司渠務又招徠人民已四千餘戶其子
弟多讀書者宜於兩縣各設訓導照中學例
考取又石嘴子舊設弁兵衙署營房請分移

兩縣其增置之縣城內駐守備把總官各一員兵一百五十名新渠縣城內駐把總一員兵一百名至石嘴子止建墩臺撥兵十名守望又平羅營以閘門爲邊鄂尔多斯與內地交易向俱在閘門外今自石嘴子西抵閘門百餘里旣開渠築堤招集民人請將市口移石嘴子墩臺按期貿易仍令駐防將弁稽查彈壓疏入得

旨詳移督撫酌酌並下部議尋暫停止立學

餘俱如所請奉

自招徠人民已有四千餘戶若必俟人文蔚
起始行考試恐阻其目前上進之階兩縣中
現有情願就試者應許其附入隣近州縣考
試酌量加額收錄入學後建學及試官按臨
之日仍卽撥入本學庶爲妥協嗣定新設縣
名曰寶豐七月調戶部右侍郎七年五月卒
于工所奉

旨單疇書謹慎老成操守廉潔辦理寧夏渠

工寔心効力今聞溘逝深爲憫惻着賞銀一
千兩爲歸途之用
予祭葬如例

王揆列傳

王揆江南太倉人康熙九年進士改庶吉士
散館授編修十四年充山東鄉試正考官十
五年遷左贊善尋因病回籍二十三年補右
贊善提督浙江學政二十五年疏叅署龍泉
令茅國空違例擅投公文內藏印揭開薦武

童周瑀請

赦部嚴處以肅學政得

旨嘉獎國至論罪如律二十六年任滿遵例
以剔除十獎疏

聞並奏親發學租以賑貧生勸建義學以興
俊秀責重廩結以防代倩慎錄科舉以杜濫
收等狀

命回京供職尋遷侍講二十八年四月轉侍
讀六月遷侍講學士二十九年充順天鄉試

正考官三十年二月轉侍讀學士十一月擢
內閣學士三十三年六月遷戶部右侍郎九
月充武會試正考官三十六年充

經筵講官三十七年轉左三十八年五月調
吏部十二月奉

命偕尙書范承勳王鴻緒等監修高家堰堤
工三十九年回京四十三年十月授刑部尙
書十二月河工告成議叙加五級四十四年
以審擬溫處道黃鍾行賄作弊一案誤將應

革職之吏部郎中陳汝弼擬絞降二級留任
四十七年調工部四十九年四月調兵部十
一月調禮部五十一年晉

文淵閣大學士五十二年三月恭慶

萬壽

賜冠服八月充會試正考官五十六年三月
充纂修

玉牒副總裁官五十七年揆同大學士馬齊
等議上

孝惠章皇后尊謚書寫脫誤部議降三級調用

諭從寬留任先是揆倡議請立皇太子御史陳嘉猷等因連名入奏

諭揆等毋爲名起見六十年羣臣請舉慶典

詔弗允御史陶燹等復請健儲

上手善諭諸王大臣曰六十年大慶大學士王揆等不悅以朕衰邁謂宜建儲欲放出二

阿哥伊等借此邀榮萬一有事其視清朝之
安危休戚必且謂與我漢人何涉似此凶頑
愚昧一無所知不顧身命宗族干犯叛逆之
罪而行者亦不少王掞以伊祖王錫爵在明
神宗時力奏建儲之事爲榮常誇耀于人不知
羞恥王錫爵極力奏立泰昌在位未及兩
月天啟庸懦稚子承統繼緒魏忠賢等擅權
至愍帝不能保守明祚遂亡當時全不知孟
子所云以天下與人易爲天下得人難之義

故立泰昌耳亡國之賊王錫爵不能辭其罪也應剖棺斬首以祭神宗之陵神宗有靈必爲首肯王錫爵行事同時之人亦甚惡之故作詞曲極肆詆詈至我朝其孫又入叛黨受僞劄付稱爲總兵不久被擒朕宥其殄滅九族之罪止戮其身別無株連乃王掞不思圖報妄行陳奏其負恩可知矣二阿哥兩次立爲皇太子教訓數十年不能成就朕爲宗社及朕身計故嚴行禁錮所以不殺者恐

如漢武帝之後悔致後人滋其口舌也朕並
無可悔之處現今時常遣人存問賚賜佳物
其于朕爲撫養凡此皆爲父之私情不能自
已所謂姑息之愛人何得因此生疑耶王錫
爵已滅明朝王掞又欲搖動本朝如此奸賊
朕隱而不發可乎朕並無誅戮大臣之意大
臣自取其死朕亦無知之何朕御極六十年
慶賀典禮非不可受深知此等事故堅辭不
允朕中心憤懣衆人虛誑請行慶典朕豈肯

爲此乎於是廷臣奏言王挾身受

聖恩至重至厚屢加擢用至大學士乃背負
鴻恩結黨營私將國家最大之事應候

乾斷者兩次妄行陳奏至使陶穀等紛紛入
奏請革職治罪得

旨朕所降諭旨尔等可持示王挾再行具奏
尋奏臣等傳

旨詢問王挾又不據寔認罪巧飾虛辭請卽
革職鎖拿重治其罪疏入

留中越日

上發疏出

諭大學士等曰王掾等妄行陳奏俱云爲國
爲君現今西睡用兵爲人臣者正宜滅此朝
食此係目前顯然効力之處八族文官俱以
章京派往伊等雖係漢官有何不可將伊等
舊停議罪著于此番軍前照旗員例委署額
外章京遣往効力王掾年老着伊子詹事王
燮清代往雍正元年以老乞休得

通名曰...
旨嘯才品優長宣力年久恪勤盡職倚毗正
殷今乞休情辭懇切著以原品休致尋疏請
歸里

詔弗允三月

上欲推恩大臣子弟部臣遵

旨通列應得廕生之人因及揆

諭曰朕卽位王揆卽具奏退避不必賞給三
年

諭大學士等曰原在大學士王揆先每向人

言曾在

聖祖前奏免蘇松浮糧未蒙

允行朕于宮中一一查閱並無此奏王掾受
恩遇數十年官至台輔而于此事欲自沽美
名背恩負義伊子王燮清發往軍前不思効
力乃諂附年羹堯懇其奏令回京伊次子王
燮鴻原係情願赴軍前効力亦賄囑年羹堯
請以道員補用朕均未允王掾何所見聞朕
千年羹堯惟言是聽而爲此奸巧之舉甚屬

可惡者將王燮鴻發往軍前與王燮清一處
効力六年揆率乾隆元年召其子燮清還京
命以原官官少詹事二年燮清爲父籲請

賜卹

諭曰原任大學士王揆當日不能深知

聖祖默定儲位之心胥味瀆奏固屬不合但
伊身居政府爲國本起見尙屬分所應言今
朕垂念舊臣加恩宥過可補給應得卹典尋
賜祭葬如例

岳昇龍列傳

岳昇龍甘肅臨洮人父鎮邦由把總歷在副將康熙十年昇龍以行伍拔補永泰營把總尋授千總十二年吳三桂據雲南反陝西甘肅將弁多叛應之永泰營遊擊許忠臣潛受偽劄昇龍密遣人赴提督張勇告變以大義開導兵民擒忠臣斬之十四年隨西寧總兵王進寶征蘭州叛賊賊燬浮橋官軍以葦囊渡黃河昇龍奮勇登岸擊敗賊兵至城下立

雲梯先登左股中砲傷蘭州恢復後叙功遷
莊浪守倫十五年大兵克臨洮平閔隴昇龍
皆從征有功加都督僉事銜二十年遷黑城
堡遊擊十七年推補山西得勝路叅將三十
一年遷湖廣寶慶副將

特旨調江西九江副將明年擢山東登州總
兵逾年調鎮天津三十五年三月
上親征噶爾丹

賜從征滿漢大臣及將校宴

上酌賜昇龍又

賞御用緞疋

命昇龍押運中路糧米昇龍以米車前後非
得騎兵不能往來巡護請選精騎直隸二百
名山東百名以往從之

諭行在兵部曰岳昇龍馬進良白斌人材壯
健饒有韜畧係朕簡用之人今已逼近噶爾
丹若遇敵時副將以下有退怯違令者該提
兵卽于軍前正法奏聞五月大兵擊敗厄魯

特衆于昭莫多凱旋叙功予昇龍雲騎尉世
職尋擢四川提督

賜

御書仁愛士伍額並鞍馬弓矢三十六年疏
言臣生長西北三在邊管聞噶爾丹狡謀狂
逞非一日矣天下皆以爲小醜而不知其爲
準噶爾酋長之弟出家已久又復還俗煽惑
部番始于康熙九年謀奪車臣台吉人馬遂
僭博碩克圖汗名號據厄魯特地方鯨吞西

套諸隣後因喀爾喀構讐託故興戎自二十
七年抗違

敕命往往稱戈屢贖

宸衷肆張撻伐值舊歲

御駕親征決策運籌分兵三路臣叨率扈從
隨眾前驅及至克魯倫逼其巢穴方驚俱奔
迹遇我西路官兵密遵

廟算出其不意麾兵截殺雖未就擒妻孥皆
矢猶不知悔悟解甲來降復候

天兵凱旋招搖出沒收集殘敗部落希圖乘
間西歸我

皇上復臨塞外分布各處要隘撫定西域番
回更令甘肅諸臣者樂昆都崙一帶遂擒其
孽種撲其餘噶爾丹迫欲投西而烏思藏
難至再欲往北而俄羅斯不留欲戰則畏我
兵威不敢迎敵欲守則踉蹌沙蹟無力圖存
卒之勢急計窮身亡族滅邊塵胥靜
蓋軫始旋成萬世不朽之功造邊境安寧之

福所有

親征機宜伏乞

旨付史館

頒布中外昭示臣民蓋已除數十年不可息
之患應職

大聖人不得已之心耳疏入

諭曰岳昇龍隨朕出師塞外故于噶尔丹始
未知之甚詳武職中未有如其明敏者章下
所司知之三十七年以建昌鎮屬之化材營

富打箭爐漢番交易地距鎮所遠而逼近爐
河表延三渡僅設守備一員兵二百名孤處
山峽汎廣民單而夔州協之梁萬營止防萬
縣梁山二邑介在重慶夔州適中地請將梁
萬營叅將並千總二員把總三員兵三百七
十五名移駐化林留梁萬營守備一員把總
一員馬步兵二百名足資防守下部議先是
康熙三十五年因藏番竄據打箭爐
命兵部郎中金圖等會同川撫于養志查勘

地界養志以藏番非茶不生營官借去爐內
專司貿易不預地方事入奏至是營官喋吧
昌側集烈擅發番兵數千據瀘河以東擦道
若儀等堡阻商旅途鼻龍調兵五百至化林
營協防並禁茶煙米布過爐養志以事涉已
疏叅鼻龍未經會商輒發兵並列其贓私數
款鼻龍亦劾養志交結藏番委棄疆土剝削
兩旅寺虐土司私收雜稅勒索屬員諸款
遣工部侍郎羅察學士布泰察審未得寔

上命署川陝總督吏部尚書錫勒達復託養
志欺罔屬寔擬斬昇龍以有拮職守葺職三
十八年十二月提督唐希順奏營官喋吧昌
側集烈毆斃明正長河西土司蛇蜡喳吧殺
傷官兵調兵征勦

命昇龍軍前効力事平值希順病解任仍以
昇龍爲四川提督四十一年大小涼山野獮
馬比必等率衆歸誠昇龍奏授爲土千戶職
詔如所請四十二年冬

上西巡

駐蹕臨晉縣昇龍迎

覲

賜威信著聞額及貂帽袍褂并

御書重闈錫類額

賜其母張氏四十九年死都瓦尾生猥擾寧
番衛殺遊擊周玉麟昇龍勦獲賊渠羅都等
瓦都月落口等生番投誠明年擒賊瓦尾白
宿茅生番七十餘諸蛮悉降招撫番民十萬

九千二百二十八戶得

旨嘉獎未幾以病乞休且以母年逾九十請
入籍四川俱蒙

俞允五十一年卒

予祭墓如例雍正四年追諡敏肅弟超龍任
至湖廣提督子鍾琪四川提督以軍功封威
信公自有傳

伊闢列傳

伊闢山東新城人順治十二年進士改庶吉

十三年授廣西道御史十四年奉

命巡按山西十五年四月疏奏長治縣民勒
化龍等糾黨散割叛迹昭然近以行劫事發
被獲請窮治賊黨以靖盜源

詔勒化龍等嚴訊正法餘黨擒治毋赦十六
年還掌京畿道十八年丁母憂康熙九年遷
光祿寺少卿轉通政司叅議十年丁祖母憂
十三年六月補原官十月遷右通政十七年
轉左十八年八月授太僕寺卿十月轉太常

寺卿十二月遷大理寺卿十九年三月擢雲南巡撫

諭以調和文武撫綏殘黎爲要時逆孽吳世璠尙據滇城大軍由廣西貴州並會雲南二十年三月閩疏言軍事勞年馴馬不敷請照各省捐兵例減分數以勸來輸尋議捐馬一匹者紀錄五匹十四匹以上加級有差又言滇省地處天末民居其三土獠居其七前代叛服靡常必須重臣彈壓元季鎮以親王明時

駐以留守專任沐英今吳逆抗扼

王師不過金底遊魂蕩平可指日計若非親
王永鎮茆茆才遺將何倚賴臣維百世奠安
之大計在一時付記之得人况民情所屬治
安係焉臣由鎮遠至滇沿途士民皆請大將
軍固山貝子彰泰內大臣和碩額駙華善所
過不擾請

特簡一人鎮守以慰民望下所司知之四月
闕以大兵集滇請亟令貴州廣西二路協濟

銀米

上諭廣西雲南相去遼遠路險山多轉運必至有誤其遣戶部郎中明額禮薩木哈馳赴雲南與大將軍等酌議設法採買勿誤軍需不必由廣西貴州起運五月卒

賜祭葬如例

王士俊列傳

王士俊貴州平越人康熙六十年進士改庶吉士雍正元年八月

特旨揀發河南以知州用九月補許州知州
三年河南布政使楊文乾陞在廣東巡撫奏
准帶生題用四年授肇高廉羅道五年署廣
東巡撫阿克敦清查稅羨因士俊虧少肇慶
府黃江廠稅銀千餘兩疏叅

諭曰王士俊尙爲有用之員此等小過猶在
可諒當嚴加訓飭令其悛改尋

諭內閣近聞督撫等帶往人員在地方不甚
相宜或羣相趨奉指爲上司之腹心或妄生

議論以爲上官之偏袒其中弊端百出以致
流言不少如楊文乾信用王士俊廣東閩省
人心不服朕思所帶之一二人其得力有限
而阻衆人効力之心則爲益少而無益多楊
文乾等所請帶往之人現在屬下者俱著來
京另用士俊奉

旨回京行至曲江縣

命仍還廣東署布政使先是肇慶府有重役
李長茂充黃江廠典吏庫官陳成元代布政

使官達勒取規禮銀一千二百餘兩士俊因
事閉行賄變贓詳明督無可克敦仍批官達
提審士俊又詳請改員嚴訊阿克敦改批按
察使方願瑛會審士俊卽以阿克敦官達方
願瑛結党朋謀徇私滅法士俊孤立將來必
被抑勒具揭到部吏部侍郎查郎阿等以
聞得

旨官達方願瑛俱解任其揭內情由令廣東
總督孔毓珣及楊文乾審明具奏至是毓珣

等會審官達楚駐屬寔阿克敦明知祖護不行查叅方願瑛故爲開脫俱論罪如律九年擢湖北巡撫十年四月奏言楚省州縣經征民米例分漕南二項其漕糧則旗丁運至通倉其南糧則各州縣運送荆倉以供兵食查荆州府屬之江陵公安監利松滋等縣向例南漕均辦如應辦漕糧必運至省城查驗方得交旗丁裝運黃州府屬之黃岡蘄水蘄州廣濟黃梅武昌等州縣向例亦南漕均辦如

派撥南糧俱係逆流輓運每至四五月內始抵荆倉常有風濤不測兵食反致遲誤請將荆州屬江陵等縣無論南米漕米俱就近留貯荆倉黃州屬之黃岡等州縣無論南米漕米俱就近兌交旂丁起運一經改撥可免遲誤兼省脚費又疏請增設漢陽府同知一員駐漢口鎮俱下部議行先是

特設河東總督以田文鏡補授十一月由文鏡解任

命王士俊代兼管河南巡撫事十一年八月
疏叅河南學政俞鴻圖納賄行私

命侍郎陳樹萱往鞫得寔鴻圖依擬論斬十
二年疏言東省舊設衛所屯地分布各州縣
相距既遠催徵輸納均有未便請將萊州府
屬之鰲山靈山二衛守備浮山雄崖二所千
總俱行裁汰改設巡檢把總等官屯地錢糧
歸併附近平度膠州卽墨高密四州縣征收
各屯戶與民一體排甲編審仍註明衛所字

緣以免率漣部議如所請十三年五月疏言
豫省陝汝二州河南一府距省甚遠爲極西
籓離請增設河南陝汝道以資彈壓部議從
之士俊在豫三載懇荒勸捐貲累民間十一
月戶部尙書史貽直奏言河南地勢平衍沃
野千里民性淳朴勤于力穡自來無寸土不
耕其不耕者大都斥鹵沙磧之區臣聞河南
各屬廣行開墾一邑之中有報開數頃十數
頃至數十頃者積算無慮數千百頃安得如

許荒田之多推求其故不過督臣授意地方官多報開墾於是各屬迎合上司指稱某處隙地若干某處曠土若干造冊申報上司據其冊籍按其數目報多者超遷議叙報少者嚴批申飭或劾尋事故挂之萍章地方官畏其權勢莫得歡心詎恤日久官民受累以致報墾者紛紛其寔所報之區非河灘沙磧之區卽山岡礪磳之處甚至墳墓之側河堤所在搜剔靡遺目下行之不過枉費民力其害

猶小數年後按畝陞科捐荒田爲膏腴勘石
因以上稅小民將有鬻兒賣女以應輸將者
又如勸捐一節乃不得已之策今則郡縣官
長驅車郭門手持簿籍不論塩當紳民慰以
好言令其登寫旋索資鏹地方官一年數換
則捐簿一歲數更不惟大拂民心亦且有損
國體請

敕簡廉明公正大臣前往徹底查核疏入
諭曰河南地方自田文鏡爲巡撫總督以來

海行錄 卷一三
苛削搜求以嚴厲相向屬員又復承其意指
剝削成風豫民重受其困卽如前年匿災不
報百姓至于流離蒙

皇考降旨嚴飭遣官賑恤始得安全此中外
所共知者乃王士俊接任河南不能加意惠
養且擾亂紛更以爲幹濟借墾地之虛名而
成累民之寔害彼地民風素敦淳朴竭蹶以
從罔敢或後甚屬可嘉然先後遭督臣之苛
政其情亦可憫矣王士俊着解任來京候旨

河南仍照舊例止設巡撫著工部侍郎傅德
補授並將朕旨宣諭豫民咸使聞知十二月
士俊至京

命署兵部侍郎乾隆元年二月疏言平糶之
法經久不易無如直省州縣不肯實力奉行
每石不過減價數分貧民需惠無幾穀價例
應提解司庫新穀出時赴司請領輾轉出入
種種掣肘又新舊交代更多勒措是以狡猾
之徒輒稱市價甚平毋庸出糶以免拖累請

合各督撫通飭所屬務依每年存七糶三之
例照時價大加酌減買補時務選好穀貯倉
將通省貴賤不齊之處通融發補至所糶銀
兩道府有庫可收既經就近解貯不必悉提
司庫新舊交代不得指勒推諉部議如所請
行四月

命署四川巡撫向例外官呈請終養必歷俸
三年妄請者以規避論士俊請嗣後有一請
終養者查明倉穀錢糧並無虧空政務並無

怠忽卽准回籍不拘三年之限又言烏鎗一項禁例森嚴但防守盜賊民所必需請令民人照舊兵烏鎗尺寸製造呈送地方官編登于冊又言貴州鄰近苗疆之州縣多無城郭應行修築俱下部議行士俊任總督時有上蔡令貴金馬因奉檄開荒勒派所屬民加報地畝錢糧武生王作孚等當堂聲辯貴金馬以聚眾哄堂具揭呈省士俊諭承審各官不必牽扯地畝捏稱勒減鹽價擬王作孚等大

辟至是爲巡撫傅德所劾部議王士俊身爲
封疆大吏明知此案爲勒派報地起釁欲掩
其從前報墾不寔之咎諭屬員串供羅織無
辜應革職得

旨革職留在七月士俊密疏四事

上閱疏內有近日條陳惟在翻駁前案之語
發令王大臣等閱看御史舒赫德因劾士俊
奸頑刻薄中外共知其河南總督任丙勅令
州縣担報墾荒苦累小民等劣跡無不敗露

近日巡撫傳德又查叅數款聞者無不快心
以爲惡貫滿盈自遭嚴譴故外間竟有王士
俊已經鞫審之語我

皇土至仁如天猶與其改惡向善曲賜矜全
乃王士俊喪心病狂妄兇悖論請明正其罪
不宜仍畀封疆疏入

詔拿解來京治罪

諭曰昨王士俊密奏一摺朕洞鑒其巧詐居
心背理害道沽直言之名以自遂其私披覽

三三
之下不勝痛恨比卽嚴批申飭並將原摺發
與總理事務王大臣及是日在乾清門奏事
之九卿等公同一視朕意以爲王大臣九卿
等深明大義次日必有叅劾王士俊者乃止
據口奏其密疏之罪而未劾其巧僞之罪今
日御史舒赫德封章特叅直陳王士俊喪心
病狂妄悞悖論不宜復加寬宥仍畀封疆之
寄朕用是召入王大臣九卿等而面諭之據
王士俊第一條云近日條陳惟在翻駁前案

甚有對眾揚言只須將

世宗時事翻案卽係好條陳之說傳之天下
甚駭聽聞等語夫指羣臣爲翻案是卽朕爲
翻案矣此大悖天理之言從來爲治之道損
益隨時寬猛互濟記曰張而不弛文武弗能
弛弛而不張文武弗爲一張一弛文武之道文
武豈有意爲張弛哉亦曰推而行之與民宜
之耳菁莪因四岳之言而用鯨七治水九載
績用弗成至舜而後殛鯀于羽山當日用鯨

者堯也而誅鯀者舜也豈得謂舜爲翻堯之
案乎我

阜考卽位之初承

聖祖仁皇帝深仁厚澤垂六十餘年之久休
養生息物熾而豐厥後遂有法網漸弛風俗
漸玩之勢

皇考加意振飭使紀綱整齊弊革風清凡此
因勢導利之方正所謂成繼志述事之善也
又豈得爲翻

皇祖之案乎

皇考初政駿厲至雍正九年十年以來人心
已知法度吏治已漸澄清未始不敦崇寬簡
相安樂易見臣工或有奉行不善失于苛刻
者每多救其流弊寬免酈恤之恩時時下逮
是卽十三載之中而酌濟盈虛調適競錄前
後已非一轍矣至朕續承
丕緒泣奉

遣詔諭令向後政務應從寬者悉從寬辦朕

河
卷之三
三
祇遵

明訓衣德紹聞凡用人行政競七以

皇考誠育民物之心爲心以

皇考執兩用中之政爲政惟恐膠固成見有
違時措咸宜之理弗勝負荷之重臨御以來
與廷臣敬慎斟酌庶曰
陟降庭止克綏予乎蓋

皇祖

皇考與朕之心原無絲毫間別如果內外大

小臣二俱能卽懃使政治清平民生安樂可
以垂之永久而無弊又何必更有因時制宜
之舉無如法久自滋弊生奉行每多過當不
得不因時重畸輕之勢而爲之維持調護以
歸于正直蕩平之道此至當不易之理乃王
士俊嘗爲翻駁前案是誠何言是誠何心夫
朕躬有所闕失朕惟慮諸臣不竭慮盡心直
言規切至于事關

皇考而妄指前猷有意更張寔朕所怵惕庸

寧而不忍聞者也又據王士俊第二條稱大學士不宜兼部之說尤見其自相矛盾挾私懷詐之情形纖毫畢露大學士兼部正皇考之成憲王士俊欲朕改之是又導朕以翻案也彼意不過爲大學士鄂爾泰而免以冀惑朕之聽夫朕豈爲僉王所惑之主哉多見其不知量矣卽如主士俊河南懇田一事而興利之美名而行利民之虐政中外共聞人人切齒設使此案敗露于

皇考之時豈能稍爲寬宥乎彼回京時畏首畏尾一言不發今見朕加擢用遂欲掩飾從前之罪且中傷與已不合之人遂選爲邪說以覆護之以爲前案不宜翻駁此則其設心之機詐有不可勝詰者至于第三條所云各部辦事預存一私意計較某省督撫正在褒嘉其事宜准某省督撫方得不是其事宜駁不論事理之當否專以逢合爲心及第四條所云廷臣保舉人員率多瞻徇情面甚至有

巧索酬謝之事等語朕思部件題獻懷挾私
心或所不免保舉徇情夤緣賄囑亦難保其
必無卽以近日廷臣論之如勵宗萬之所薦
不外徇情受託其保舉河員聞竟有納賂之
事又傳彙爲人奏未恩廢一事亦屬瞻顧情
面爾廷臣受朕深恩豈因主士俊之度言而
遂不敷一事不荐一人乎惟當清夜捫心此
等陋習有則痛自滿除無則益加勗勉弗爲
僉王王士俊所訕笑以全朕委任簡用之顏

面可也古稱爲君難卽此用人一節烏于難
萬難但亦自知其難耳勞無一人可語者而
王士俊僉邪小人又安足與語哉王士俊爲
人巧詐衆所共知朕格外保全棄瑕錄用念
其尙有材幹或可成就姑令署理川撫陞辭
之日朕何等諄諄訓諭乃巧詐之習牢不可
破外飾鯁直以傾已私敢將悖理之言妄行
陳奏關係重大不可姑恕將舒赫德恭奏原
摺交王大臣九卿等會議具奏九月王大臣

等奏言王士俊居心狡詐行事乖張怙惡不
悛恣行訕謗臣等將伊原奏內狂悖之處逐
條嚴訊王士俊俯首伏辜無能直喙請照大
不敬律擬斬立決奉

旨改斬監候二年

詔釋爲民飭令回籍六年因爭佔穰安縣民
羅尙珍墳山遣僕攢毆尙珍之父王弼玉弼
氣忿自縊尙珍赴都察院具控

上命副都御史仲永檀赴貴州與總督張廣

泗會鞠得寔是士俊攬杖徒如律二十一年卒于家

藍廷珍列傳

藍廷珍福建漳浦人由行伍于康熙三十四年拔補浙江定海鎭標右營把總明年遷中營于摠二十九年遷温州鎭標右營守備四十五年遷左營遊擊哨巡屢擒洋賊五十七年八月擢福建澎湖副將尋授南澳總兵六十年四月臺灣奸民朱一貴聚眾倡亂於鳳

山縣之姜園攻陷臺灣府治總兵歐陽凱副
將許雲等遇害廷珍奉總督滿保令赴澎湖
與提督施世驃合師鹿耳門進敗賊于安平
鎮由西港仔登岸擊敗賊衆克復府治分勦
南北二路賊匪一貴遁諸羅爲清尾莊民楊
旭等計擒之官兵搜獲餘党殆盡叙功子廷
珍三等輕車都尉世職雍正元年推福建水
師提督
賜花翎

立以廷珍居心忠赤人材度量俱無可歲惟
操守未優屢加

訓誡二年入

覲

諭令赴馬蘭峪叩謁

聖祖仁皇帝景陵回京

召對

賞賚稠疊四年

諭曰尔所短者惟砥礪清操耳近聞尔陛見

廣生

卷之三

三

四任寔力悛改頓非前比朕甚嘉悅勉之七年二月

賜

御書福字并食品廷珍具疏謝

恩

諭曰尔近日聲名較前更好但有人論尔頗存親戚瓜葛之私鄉井照顧之念卽此亦當改易十一月卒遺疏入得

旨藍廷珍自簡任福建水師提督以來整頓

營伍訓練士卒於海疆事務熟習諳練向年
平定臺灣著有勞績前聞患病特遣御醫星
往調治今聞溘逝深爲軫惻已降旨賞銀二
千兩以爲喪事之資其應得卹典察例具奏
尋議

加贈太子少保

予祭葬諡襄毅子日龍襲三等輕車都尉世
職卒子元枚襲現官江南提督

孔毓珣列傳

孔毓珣山東曲阜人康熙三十九年由恩貢
生授湖廣武昌通判三十年卓異遷江南徐
州知州三十九年河道總督張鵬翮奏補淮
安府邳睢同知四十三年遷山西平陽府知
府未赴改雲南順寧府知府四十六年調開
化府知府四十七年丁母憂五十年服闋補
四川龍安府知府五十五年授湖廣上荆南
道明年遷廣西按察使五十七年授四川布
政使六十一年擢廣西巡撫雍正元年七月

奏言粵省提鎮標多空糧已飭令募補兵三百餘名但盡令招募各官所需不敷請于定例外量加親丁名糧得

旨將弁名糧須酌量去留必令各得養廉方爲允當爾其酌中爲之八月加授廣西總督九月疏言粵西各州縣俱積有常平倉穀請于春耕日借給小民秋收還倉豐年收息歉年免息荒歲緩至下年還本日久穀多分貯四鄉建造社倉擇里中信寔者爲社長司出

入一方可無患饑至保甲乃弭盜安民良策
粵西獠獍雜處未能一體遍立查各屬鄉村
向設團練其下又有鄉勇日久廢弛請隨土
俗選誠幹者充補賊發擒者可賞急情者有
罰是亦同保甲一轍也

特旨嘉獎又言粵西邊遠商本無多悞謀悞
益民憂淡食請發藩庫銀六萬兩令塩道委
員辦理官運官銷行之三年贏餘
除歸
還藩庫外並可酌減塩價又請設太平土州

縣并立學移養利州訓導額取文武生員四名並從之時柳州獐賊莫貴鳳聚雒容縣之東塘村劫奪拒捕馬平柳城永福等縣居民並受害毓珣委右江道萬際章叅將蔡成貴勦捕毀其寨置貴鳳于法來賓縣獐賊覃扶成等行劫江濱鞠訊尙未傷人毓珣請照苗民例分別首從枷責滿日會發粵西州縣收管量給食米充當撫標兵丁每朔望州縣點卯稽查散其黨類不至再爲惡

上嘉其寬嚴兩得照所請行二年四月授兩
廣總督

諭之曰廣東風俗不以盜竊爲恥竟至劫掠
公行武備廢弛官常舉劾百無一公今命爾
總督其地當盡心料理五月條奏鹽政五款
一灶丁搃價船戶水脚官給不及民間私買
之半請於十分內增一分并埠商所增鹽包
羨餘銀二萬兩一併賞給示恤庶私鹽可杜
一福建汀州府八縣例食粵鹽惟長汀一縣

額引外可多銷然一縣之有餘難補七縣之
不足請專責知府彙摠八縣協辦通融銷售
庶彼此不致歧視課餉無欠一歸善縣之淡
水場海豐縣之石橋場新安縣之東莞場廣
州府之白石場及潮州府屬各場皆地廣產
益多請擇廉幹之員督收寔心任事者三年
保舉優叙不稱職者隨時糾叅俾知懲勸一
潮州場益例配潮惠汀贛四府屬二十九縣
應有專員經理請復設運同一員催征四府

課餉兼司盤掣庶責專而事易辦一兩運使
管理五省鹽政請復設經歷一員以供差遣
下部議行先是粵省有大金蕉木兩山產礦
砂跨越東西境內東則肇慶府屬之開建連
山西則梧州府屬之賀縣懷集地界毗連礦
徒乘間竊發而懷集汎弁又遠隸潯州協副
將晉楷呼應不靈至是毓珣奏請以懷集一
汎改隸梧州協賀縣乃開建連山並增兵設
汎聲勢聯絡以資防禦又請以廣東香山澳

之西洋貿易船二十五作爲定額部議均如
所請三年六月

上以毓珣及總督高其倬楊宗仁等在

聖祖時勤勞索著又能潔已奉公不附邪黨
加毓珣兵部尙書銜四年五月奏言潮州府
田少人多豐歲米價猶昂民間賴常平倉穀
平糶接濟惟兵丁家口日繁一遇米貴卽難
支持請于提鎮各營分貯穀二萬八千七百
石每年青黃不接借給各兵秋收散餉時照

數買還概免加息責成將脩經管提鎮盤查
侵食叅賠

特旨俞允是年屢請

陸見

詔毓珣來京因其素諳河工令便道詳勘水
勢協同河道總督齊蘇勒酌議五年二月奏
言宿遷縣治西黃河與中河相近處有草堤
名汰黃運河水大則清水分流由堤入黃河
以別黃黃河水大則黃水分流紆迴由堤入

中河以濟運實屬有益從前黃水入中河濟運者十分之一二今河南岸長沙嘴逗遛北行黃水歸黃河者寸之六入中河濟運者十之四水流甚急商之河臣齊蘇勒彼謂將黃水入下埽收小埽口以束水勢即可無虞臣又加詳勘見南岸沙嘴上黃水曲處可挑引河以避此險如埽口收小後水勢平緩則應照舊倘仍急俟齊蘇勒相度定議另奏又陳江南水利四款一吳淞江之吳淞閘劉河之

天妃聞太倉州之七浦閘昭文縣之白茆閘
俱宜責令經管官看守各設閘夫隨潮啟閉
一三吳地勢四面高中下狀若盤盂必高築
圩方免滂浸請令水利各官寔力勸築區立
圩長輪流報充一濱河州縣于河道內或架
板爲屋或倚田攤古以致河身淤墊請將無
甚害者姑從民便餘概嚴禁至支河小港引
流分資灌溉請于農隙深濬卽以開挑之土
培築田圩一蘇松等州縣賦役甚繁其水道

事宜請專責兼水利之同知通判縣丞主簿
等官並將江常鎮道蘇松泰道均兼水利營
田銜令其統轄人于大計內分別考核

勅部議行七月疏言臣路經江南之宿州靈
璧縣見溝洫不通雨水停止訪之土人宿州
水有流入新河者有流入運河澮河者其靈
璧之水則悉入澮河匯於洪澤湖出清口會
黃水入海請

勅安檄撫臣照舊溝淺深疏濬俾雨水無患

停蓄

諭嘉毓珣據寔陳奏交部議叙加一級又疏
言崖州儋州萬州逼近黎岐烟瘴未消三營
遊擊守備官員請照邊俸五年陞轉又三江
一協內扼入排外連湖廣廣西深山嵐瘴約
束徭民寔爲險要其都司等官請與理徭同
知一體照邊俸三年卽陞七年二月疏言海
豐縣有叅將府地方距縣治遠爲礦徒私販
出沒之區向無官兵防守請將碣石鎮標左

營原駐東海窖之守備移駐兼轄附近北院
一汛以防守西甘溪砲臺之千總移駐東海
窖以防守甲子港之把總移駐西甘澳砲臺
其甲子港以現駐甲子所之遊擊就近兼管
再碣石鎮三營地有寬餘向例抽撥兵丁互
相貼防但與其越汛貼防不若仍歸本營管
轄請右營白沙湖等五汛兵及左營大德東
臺等四汛兵悉撤回中營部議從之先是廣
東巡撫楊文乾列款密奏署撫阿克敦

上命通政使留保等會同毓珣審訊治罪毓珣有失察之外咎業經審出免其議處肇高廉羅道王士俊揭告布政使官達婪索黃江廉履典吏陋規銀兩部議毓珣不行禁革應降五級調用准其抵銷

詔如所議三月調江南河道總督

諭孔毓珣天然等坦洩出之水恐其溢浸民田尔可相度動帑於坦下修築堤工令洩水歸湖毋致民田被患毓珣上言臣親勘坦下

一帶坐落淮郡西南其間糧田萬頃湖堤緊
要向設滾水三埧天然南北二埧分洩水勢
各埧年年開放堤口殘缺摠緣埧口甚寬兩
堤逼束過狹欲使埧水尋軌誠如

聖諭應築堤以束其勢請于南岸王家菴至
趙家莊築新堤一道其堤尾距湖尙二十餘
里向無堤工散漫不能直達應于南岸堤尾
自馬家圩至應家集北岸堤尾自周家圩至
李良橋各接築新堤一道再將南北兩岸舊

堤一律加高廣厚庶兩堤夾束湍流無患旁
溢十一月

上以治河之道欲黃河無壅必固高家堰堤
工使清水力能敵黃且以助其暢流之勢則
永遠無慮

特發庫帑百萬兩交毓珣籌畫毓珣請復設
河庫道筭錢糧出納俾淮徐道得專心河務
八年正月奏言臣會勘高家堰石工自武家
墩至黃莊地勢本高工尙堅固惟內有侯二

門等四坦石工卑下應折修請照高家堰一
律加高自小黃莊至山時古溝東坦石工低
窪須另易椿木一律加高與堤面相平至各
大堤後土堤俱宜加高寬堅厚又言河道工
程遵

旨酌議逐年加修請于險要頂衝堤身單薄
之處先加五寸次年再于次險工統加五寸
再次年將可緩者一例增修以後酌分緩急
輪流加培又宿遷縣黃河南岸鈔開前堤根

坍塌桃源縣沈家莊亦屬險要俱請下埽修築又言瓜州由閘運口乃漕船出入咽喉由閘之下向有石閘一座藉資啟閉以蓄潮濟運今江流北徙石閘坍塌退潮大溜洶湧難制兼之淮水灌注商民漕運均屬可虞應于由閘以上青蓮菴尤家碾等處開越河一道並建草埧一收束水勢諸疏入並

報可四月卒

諭曰孔毓珣珣老成才猷練達歷任封疆

勤勞懋著因其諳練河工特畀以摠河之任
今聞溘逝深爲憫悼應得卹典察例具奏
賜祭葬如例諡溫僖

趙宏燦列傳 弟宏燮子之相附

趙宏燦甘肅寧夏人勇畧將軍雲貴摠督良
棟長子也康熙十九年四月由廕生擢寧夏
摠兵

命率鎮兵隨良棟征賊時良棟已入蜀克成
都逆孽吳世璠賊黨胡國柱王緒尤廷玉犯

叙瀘牙寧等處二十年三月宏燦勦賊于馬
湖賊退走中都追至鳳凰村賊潰奔又追至
觀音崖賊據險守官兵由懸崖襲其後斬首
三百級擒入十餘人遂會總兵李芳述段登
仕於清水河合追至新鎮黃茅岡賊三路來
拒宏燦分攻自旦至晚大敗賊陣斬賊將沈
明張文祥殺賊率及墜崖死者二十人獲馬
騾入十五奪回瀘永失陷兵民千八百餘人
國柱等遁走五月兵至營經縣與良棟曾良

棟分隊前進宏燦繼之連奪關山象嶺抵大
渡河會大軍平雲南事見良棟傳叙功授宏
燦左都督二十二年調川北總兵二十四年
三月宏燦以川北水土蒸濕瘡痢兼至請効
力邊方得

旨趙良棟父子効力行間勤勞素著准趙宏
燦所請調補直隸正定總兵二十七年調黃
岩鎮三十七年調南贛鎮明年遷浙江提督
四十二年調廣東提督四十五年擢兩廣總

督廣東和稍山爲翁源曲江英德三縣要區
宏燦請添設于把總各一員領兵百名駐防
又翁源縣龍眼岡亦應設防於提標撥給千
把總及兵從之五十二年六月廣東米價騰
貴宏燦與巡撫滿丕不據寔陳奏部議並革
職得

旨降五級留任五十五年正月
陞見

御製七言律詩

賜之有久任封疆多歷年滇黔百粵凱歸鞞
之句

上命宏燦回任及

陸辭宏燦以久處炎海年力就衰奏請就近
効力時宏燦弟宏燮爲直隸巡撫過保定相
見十月授兵部尙書五十六年三月回京行
至武昌病卒

賜祭塋諡敏恪宏燮良棟次子初任直隸完
縣知縣遷南路捕盜同知康熙三十四年授

天津道踰年良棟卒襲一等子爵三十八年
補直隸巡道丁母憂四十年再補天津道淳
歷山東按察使布政使四十三年二月宏燮
揭報前任布政使劉暄虧空庫項

上命侍郎舒輅等往勘得寔劉暄論罪如律
十月宏燮擢河南巡撫四十四年四月疏言
回回寨與韓羅灣一帶逼近黃河舊堤卑薄
難資捍禦亟宜加築下部議行尋調直隸巡
撫四十八年三月疏言河間順德廣平大名

等府屬州縣去歲秋收歉薄請暫勸倉糧賑
糶並緩征丁銀

特旨俞允五十四年

諭嘉宏燮撫直十年勤勞供職寔心任事旗
民輯睦盜案希少著加總督銜時

詔立義學宏燮請增入學額數

報可六十二年六月卒

賜祭塋諡肅敏子之璧襲爵宏燮在任時廟
空庫項

命宏燦子郎中之桓署直隸巡撫料理伊敘
未完事件雍正元年

上以之桓居官庸劣解巡撫任仍今完補虧
項嗣直撫李維鈞奏發回原籍令川陝督臣
清查宏燮家產五年甘撫石文焯叅奏宏燮
子之璧不能依限交納請革職嚴追

上念良棟舊勲寬免追銀仍襲世職乾隆二
十七年授兩淮鹽運使三十三年革職尋卒
四十七年

上諭趙良棟著晉封一等伯仍准世襲罔替
以之壁孫曰儀襲

潘育龍列傳

潘育龍甘肅靖遠人以行伍隨征湖廣茅麓
山賊李來亨有功補把總康熙十四年以陝
西提督王輔臣叛應遊藩吳三桂育龍隨副
將偏圖剿三水淳化賊二月隨楊威將軍阿
密達擊賊于徑州平涼又隨偏圖勦賊于慶
陽寧州俱有功時臨洮鞏昌秦州蘭州俱陷

賊寧夏道梗育龍赴提督陳福軍前由紅河
川白馬城等隘轉戰七晝夜達寧夏駐靈州
招撫散卒旋以陝西總督哈占調援山陽敗
賊于甘溝口擢千總十五年五月隨撫遠大
將軍圖海率兵討王輔臣奪平涼城北虎山
墩斷其餉道輔臣乞降十六年六月叙功擢
守備十七年四月賊犯牛頭山香泉育龍同
總兵王好問等由小嶺前進賊倭遁追至渭
水渡口擊斬甚眾十八年十月克梁河閉斬

偽遊擊李景才守備景文畧等復興安偽將軍謝泗總兵王永世降十九年二月叙功加一等擢都司僉書十月隨總督哈占進勦四川逆賊恢復大竹渠縣二十一年六月叙功擢提標遊擊二十七年四月陝西總督噶思泰疏奏育龍才識明敏深悉河西地利番夷情形且久經戰陣屢著功績請陞肅州副將上允之十一月學士達瑚郎中桑格自西藏使旋至嘉峪關外爲西海阿奇羅卜藏所劫

振武將軍孫思克遣遊擊朱應祥計質宰桑於關內送歸我使臣育龍同遊擊韓成等搗其巢穴斬馘四百餘阿奇羅卜藏遁事聞得

旨嘉獎三十年二月赴寧夏防勦噶尔丹時改肅州協爲鎮卽擢育龍爲總兵官三十一年五月降番罕篤與羅卜藏額林臣奇齊克等復叛育龍追至庫列圖嶺斬所屬四十餘級擒百二十人三十四年八月噶尔丹所屬

回子塔什蘭和卓等五百餘人過三岔河育龍擒之三十五年五月育龍從征噶爾丹師抵昭莫多賊飛砲迎擊中育龍右頤猶力勦賊賊敗遁八月

召赴京

上撫視其創

命御醫調治

賜衣一襲尋調天律提兵三十七年六月叙功給雲騎尉世職三十八年二月

上南巡育龍迎

觀

命綠旗官兵射以育龍訓練有功

賜貂褂十二月疏言各省候選武舉請分提
鎮標効用果騎射嫻熟卽以千總把總題補
三十九年正月疏言通州迤南漕運孔道副
將轄十三營距遠難于約束應裁漕縣香河
場村三營守備改務閑營遊擊爲叅將設中
軍守備一千總二把總六並三營原設把總

及寶抵崔黃營守備把總俱歸務閑營叅將
轄並下部議行四十年四月擢陝西提督

賞戴花翎四十二年十一月

上西巡育龍迎

銜于山西洪洞縣

賜輸忠闕外額

上駐蹕渭南

閱固原官兵射

諭大學士馬齊兵部侍郎布雅弼曰朕巡歷

觀迎

銜于直隸瀑水

上念其遠來勞頓

命在王快庄憩息育龍請扈

蹕五臺

賜御馬二令乘以隨四月

陞辭復

賜宴並蟒袍補掛一襲五十年九月

賜詩有守土防邊資壯畧披堅敵陣表彤弓

之句五十二年二月疏言卦匪陳四等率妻子遊走外方憑走馬上竿晒索筭卦爲生俗名曰卦子大抵江北皆有之原屬不務耕織游手好閒之徒結連多人沿途搶奪臣飭所屬營汛拿獲二十八起合計男婦大小五百八十九名並馬騾猪羊六百一十俱移咨督撫審訊但此輩盡行查拿未著惡跡否則難保不滋事端臣以爲莫若通行各省督撫責令所屬于鄉村堡寨查令改業或編入現任

地方爲民或撥絕戶田畝或令開墾荒地馬
騾牲畜變爲牛種載入賦役全書內按季取
鄉約保結出外生事者拿究地方官縱容發
覺者定以處分載入例冊下部議行五十八
年正月以病乞休得

旨卿簡任提督授爲將軍以來効力年久勞
績素著邊圉重地正資料理著在任調理三
月再疏乞休

上仍慰留七月卒加贈太子少保

賜祭葬如例諡襄勇孫紹周襲雲騎尉世職
官提督卒子忱因病退子雲瑞現襲

楊鯤列傳

楊鯤山西寧武人父光祖江西南昌水師營
遊擊以隨征耿逆陣亡入祀昭忠祠康熙二
十年鯤由難廕授江南江寧城守右營守備
累任廣西潯州協都司甘肅黑城營遊擊四
十一年遷甘肅莊浪營叅將四十九年調山
西東路營復調洮岷五十年調直隸務閑營

五十三年遷廣東廣州副將尋改直隸河間
協五十四年擢雲南曲尋鎮總兵雍正三年
奉

旨回京另用四年改直隸正定協爲鎮裁副
將設總兵以鯤補授其弟鵬亦官河南南汝
總兵合疏請贈父光祖如其官

允之舊例總兵親丁名糧六十分副將三十
分鯤以正定所存副將舊額應否賞給請

諭曰名糧止于此數可謂第一清廉總兵矣

何須奏請先是鯤奏臣所屬固閑龍泉倒馬
茨溝捕箭嶺五處關稅除定額一千零一兩
入錢解藩庫外羨餘約畧相等未便潤將弁
兵等私橐請歸公爲製裝用至是又奏羨餘
歸公該官將弁抽收仍恐侵漏已飭選老誠
殷實人赴關監收其捕箭嶺一處臣自行稽
核俟屆一年將動用確數具奏
報聞是年監修正定城垣五年五月擢古北
口提督十月疏言霸昌道守庫兵五十五名

向係道員自招補所支季餉道庫扣留庫兵積年並不操演致老弱閒廢濫餉充數請于昌平營守兵內選烏鎗手五十五名看守道庫仍隨營操演具原撥兵數俱撤歸汛部議如所請

上嘉鯤直陳積弊

諭部議叙加都督僉事本月奉

旨提督楊鯤老誠歷練前任正定鎮總兵寔心供職至條奏事件皆有裨益簡任提督以

來辦事公當毫不瞻徇直隸諸鎮臣皆少年
新進著受楊鯤節制會鯤以直隸提塘抽調
各協營兵傳遞公文有虛冒尅減之弊請加
釐剔

諭曰觀尔料理諸事頗屬公直今命尔節制
全省尙其通盤籌計摺奏以聞十一月疏言
宜化鎮演砲火藥舊係府屬州縣製造嗣因
造不如法折銀一百五十三兩交鎮自製除
開銷正項六十兩外餘係州縣墊交查此項

火藥工本止用銀一百二十八兩零其餘皆
歸鎮臣臣仰遵

聖訓事事期于秉公何敢因營伍沾有餘利
令州縣賠累莫如仍令州縣輸辦該鎮委員
監造以免藉口庶軍需不悞積累亦紓又言
千把總出身行伍有游歷提鎮者但職卑忽
遭斥革往往有人頗勤慎才技擾車而因公
聖誤間棄終身殊為可惜請仍准入伍報効
得

旨嘉獎均如所請行直隸舊設專送行文兵
丁謂之京撥鯤以各省塘兵俱兼送武職文
報直隸沿途設有塘兵儘可通融兼送不必
另撥請撤歸伍于中留空糧三十二分給塘
兵工食以資養贍奏入

諭獎其料理妥協七年正月

命署直隸總督仍兼提督三月疏言涿州營
叅將所屬薊州營都司距天津鎮標不遠
涿州距鎮標二百餘里公文來往皆由涿州

轉行往往稽遲請將薊州改隸鎮標庶可朝
發夕至有神營伍部議如所請八月疏奏正
定扼兵魏麟勒索兵丁幫貼及侵用公頃狀

奏聞

命左都御史三泰往勘鯤詞失寔會署古北
口提督魏經國亦劾鯤于提督任內私役兵
丁濫收禮物囤賣米石違例徇私多佔親丁
馬糧等款

奏

卷一百一十一

三

漢名目傳卷之三

詔並案曾鞠坐葦職尋卒于家

四

漢名臣傳卷十四

冀如錫 錢珏 康泰 監理 李麟

揚天縱 朱宏祚 馬進良 陳丹赤

王度昭 馬如龍 張廷樞 袁立相

郝維訥 殷化行 蔡世遠 吳涵

冀如錫列傳

冀如錫直隸永平人順治四年進士授刑部
主事歷遷本部員外郎郎中七年授湖廣襄
陽府知府十一年遷河東鹽運使十六年調

河南分守道尋擢浙江按察使十七年內遷
太常寺卿尋轉通政使十八年補工部右侍
郎康熙四年丁憂回籍七年服闋赴補八年
補兵部右侍郎十年轉左十二年六月遷左
都御史八月疏奏獄訟繁興弊皆伏于砌欵
牝單豪猾捕風捉影羅富民以媚貪吏一狀
而裝十數事一事而累數十人貪吏陽借劬
暴恣奸之名陰縱擇肥魚肉之計迨志滿慾
飽從而假以威勢分以脂膏貪猾相濟良民

何堪甚至有革汰迹兵餉尅餉之款以告其將領者有甲外游棍砌橫征之款以告其州縣者挾私行詐凌犯日熾臣查砌款粘單雖有嚴禁日久廢弛請

敕內外大小衙門有犯除所告不准外仍治其違例之罪又奏臣閱邸報每見有奴僕告主者以役使之入挾私報怨及審虛刑辟難逃是上下之分不明又陷愚人于必死也臣請除謀反叛逆及寫藏奸細仍許奴僕指寔

出首外其餘一切公私過犯永禁首告一概
不准審理仍行依律治罪載入條例曉布中
外庶名分定而愚昧之刑少綱紀肅而悖逆
之風絕矣俱下部議行九月擢工部尙書十
五年淮揚河決

命如錫同侍郎伊桑阿往會總漕總河詳議
十六年正月如錫等叅奏河臣王光裕曾題
稱高郵三淺西堤一處逼近清水潭俟水涸
另議興修其餘各工已相機搶築今各工尙

及高堰周橋翟垵古溝一帶決口並殘廢卑薄之堤俱宜亟行修築其清口一帶沙淤及運河爲黃河淤壅之處卽應疏濬通深至當日河底其自淮至揚兩岸土石隄工務期修築完固而清水潭等處決口關係運道民生堵築難容刻緩至于歸仁隄石工原有估計錢糧今尙未修完仍嚴令該管官速行堵塞其未估土堤亦應一律興修今特立驗勘之法遴選廉幹多員分工勒限詳定各官題叙

處分之例俟堤工告成更祈

特遣大臣勘覈庶知儆惕下部議從之四月

因

天壇

文華殿所用藍黃磚瓦監督及密尹等年久
誤工工部仍請令原監督等催造奉

旨詰責如錫等又不引咎下部議降四級調
用尋卒于家

錢珏列傳

海名目在... 錢珏浙江長興人康熙十六年由舉人授...
西涇陽縣知縣二十年行取以御史用二十
二年補廣西道監察御史尋巡視東城二十
三年疏言刑具乃民命所關凡笞杖枷紐俱
有一定尺寸在外有司當畫一遵守無如日
久玩弛隨意濫用致弊多命請凡郡縣衙門
以刑具輕重長短屬狹之數刊木榜曉諭如
違督撫提參轉

旨通行內外開刑備用嚴加申飭故違者治

罪三十四年二月疏言秦蜀浙閩滇黔楚
投誠寔繁有徒請

勅部詳議凡直省安置地方通查人數願在
他鄉入籍者編入保甲開明某府州縣現居
某處作何生業願屯田者給以牛種派田
墾願爲兵者補入營伍其有願歸故土者准
回籍安置皆令管官造冊報部務使投誠人
不致流離失所下部議行五月疏言陋弊相
沿莫如山西火耗每徵錢糧有司收耗入已

司道府廳又多方需索不得不加派民間每
兩加至三四錢不等晉撫穆爾賽糾劾無聞
臣採訪至確亟請禁止以甦一方之困得

旨九卿嚴確議奏尋議穆爾賽不能察核應
降三級并嫁女索屬員禮物藩司那鼎收銀
坐扣平頭等款請提京嚴審

上允之尋九卿鞫訊得寔穆爾賽那鼎等俱
論如法二十五年

特擢左僉都御史二十六年正月遷順天府

尹二月授山東巡撫四月疏言德州常豐二倉向有各州縣額解米石以備駐德官兵及支放各營月米並過在官兵口糧各屬解倉各營赴領道遠費煩應改于就近州縣兌支有不敷者估價折給至臨清營歲支米石無就近兌收之州縣應照時價題明折給自行採買其德州額米仍照舊以備過往官兵之用則民無轉輸之勞兵無馬馱之苦且節蓆草腳價等費請自本年始定爲例下部議從

之二十八年三月奏言瘋病殺人雖有追銀
埋葬之例但被殺者無辜可憫應令親屬將
患瘋人鎖錮在家無親屬者責成同居並隣
佑人如有踈虞治以縱放之罪部議踈縱者
照不應重律杖八十從之先是元聖周公累
代崇祀未定章程三十年

上東巡始

命葺廟供祭田至是瑯疏言周公廟祭祀禮
樂與廟戶佃戶請照顏子例酌給下九卿議

尋議周公廟應設贊禮生二十名廟戶十佃
戶十傳

旨准行九月御史張星法劾珏珏貪黷劣墮

上命珏明白回奏時御史盛符升先以密書
報珏詞涉郭琇珏上疏自辯言左都御史郭
琇與太常寺少卿趙崧等曾致書於珏屬薦
郎墨令高上達成山衛教授孫熙等未之允
挾嫌使星法誣劾

命法司鞠訊以星法誣珏琇等致書囑薦事

命征噶爾丹追擊至昭莫多泰隨思克率綠旗兵居中與東西二軍并力步戰自未至西奮勇擊賊勢漸亂大兵乘騎而進大敗噶爾丹道奔三十餘里斬級三千餘生擒百餘獲駝馬牛羊軍器無算捷奏至

上命從優議叙給雲騎尉世職准襲一次三十九年授鎮番城守營叅將四十年擢陝西西鳳協副將四十四年擢直隸宣化鎮總兵五十一年授四川提督五十六年策妄阿喇

布坦犯順將軍額倫特赴西寧辦理軍務泰
遣人密往青海偵探九月泰領松潘兵千餘
人至黃勝關柏水橋泰所信任守備汪文藻
駿軍賞衆兵噪掙兵路振揚馳往撫慰令衆
兵回成都川陝總督鄂海以

聞

命泰來京五十七年二月議政大臣議革泰
職交刑部治罪得

旨康泰曾經戰陣著自備勒馬赴軍前効力

贖罪九月隨將軍額倫特進勦策妄阿喇布
坦至喀喇烏蘇遇賊躍馬轉戰自辰至午矢
集于臂泰叱子世顯拔矢裹創復戰力竭陣
亡

賜卹如例子世昌襲雲騎尉雍正三年追諡
泰壯勇加贈署都督同知八年入祀昭忠祠
泰弟海由把都隨恩克進勦噶爾丹于昭莫
多有功授守備歷遷至陝西涼州總兵康熙
五十六年準噶爾擾西藏海以所巡南山一

帶去大通河百餘里卽通青海西藏噶斯要
路扁都口酸茨河寬溝等處邊地險要並官
防守與督臣會商入奏

上允所請五十七年海率本營兵從將軍額
倫特進勦遇賊于喀喇烏蘇力戰歿于陣追
贈雲騎尉准襲一次以子世輔襲雍正八年
入祀昭忠祠乾隆三十二年奉

上諭綠旗世職回無承襲罔替之例第念官
弁宣力効忠勲懋卓越國家延賞酬庸詎無

欽定大清會典事例 卷一百四
歧視著詳查國初以來凡有功冊可稽者分
別等差列名具奏其現在承襲者俟襲次滿
日恩賞給恩騎尉其襲次已滿者卽一體賞
給並准其世襲罔替部臣以康泰康海陣亡
列奏請均

賞給世襲恩騎尉三十五年以海管孫永壽
初次承襲五十年以泰管孫莊初次承襲

藍理列傳

藍理福建漳浦人康熙十三年耿精忠反康

親王傑書爲奉命將軍統師征之理于浙江
迎降爲鄉導破偽都統曾養性于温州十五
年隨師入閩授寧建遊擊十七年都統賚塔
等敗海賊于蜈蚣山復長泰縣理在事有功
十八年遷灌口營叅將十九年賊將何祐領
象屯烏嶼理隨昭武將軍提督楊捷分三路
夾擊大敗之總督姚啟聖令理分兵守高浦
辭不赴又以虛兵冒餉事爲啟聖所劾奉
旨革職下部議罪擬杖徒理自請勦海賊贖

鴻名巨集卷一
罪

士允之發臺灣効力二十一年提督施琅奏
署右營遊擊委營舟師部議以前經獲罪不
准所請

特旨允行時琅統師進剿賊將劉國軒分衆
拒守澎湖理偕遊擊曾成等首先衝擊燬沉
其舟爲飛砲所傷裹創力戰自辰至午殺賊
殆盡遂克澎湖臺灣平功加左都督以叅將
先用尋丁憂二十六年服闋引

見

上諭兵部監理効力行間著有勞績陞授副將補神水營副將旋擢宣化鎮提兵掛鎮朔將軍印二十九年調浙江定海鎮三十二年以保奏閩省功加人員蔡明等不合部議降二級以功二次抵銷四十二年調天津鎮賜孔雀翎及冠服並

御書所向無敵額四十三年以舊傷疾作請解任

上曰藍理勇干軍旅勤勞懋著自簡任總兵
整飭營伍和輯兵民覽奏雖舊疾屢作醫治
即可痊愈著照舊供職不必求罷並

賜御醫診視四十五年三月偕直隸巡撫趙
宏燮請于直隸所屬荒窪田地開墾水田
上命理先于天津試墾冬後奏聞嗣內務府
提管黑碩子等奉

旨往勘以理所開墾稻田計百五十頃入奏
報聞六月擢福建陸路提督

御書畫錦萱榮額

賜其母蘇氏四十六年

上南巡理迎

駕于揚州

賜御書勇壯簡易額並衣一襲四十七年丁
母憂奉

旨在任守制五十年二月盜首陳五顯等糾
衆二千擾泉州永春德化等縣界六月理始
以五顯潛匿山谷附近賊巢村落安集如故

人奏奉

旨督撫提鎮平時不能卹民訓兵及事出又不能相機勦撫縱容盜賊騷擾地方又不卽行奏聞轉稱百姓照常安集凡盜夥至三四十人百姓尙且畏避况數千人爲盜豈得謂百姓安居舊業乎此係掩飾已過巧行誣奏甚明著該部嚴察議奏尋議革職治罪得旨藍理前曾奏稱福建地方有臣與水師提督吳其料理可保寧謐尙猶有盜賊臣無面

目再覲天顏今盜賊竊發不能卽行勦撫迄
今尙未盡獲且藍理居官不端殊爲弱職着
革職從寬免交刑部先是福建總督梁鼎商
奏理貪劣剋扣兵丁錢糧貽害地方

上念其人材壯健未治罪至是福建巡撫覺
羅滿保會同浙閩總督范時崇劾理貪婪酷
虐流毒土民狀

上命兵部侍郎覺羅和托等往審尋奏理霸
市抽稅婪贓累萬流毒已極應斬立決得

自藍理應依議處斬但在臺灣澎湖對敵時
奮勇向前曾著勞績着從寬免死調取來京
入旗五十四年大軍分三路勦策妄阿喇布
坦理籲請赴軍前効力

上以其驍勇熟練軍機

賜提兵銜隨都統穆爾賽協理北路軍務五
十七年以病回京五十八年卒

上追念理功

特旨免所追銀遣其妻子回原籍

李麟列傳

李麟陝西咸陽人康熙十八年由行伍隨勇
畧將軍趙良棟自四川進征逆孽吳世璠克
閔山象嶺三市衛得勝橋等處得雲南省城
下部議叙二十七年良棟遵

旨覈平雲南功應加獎勵人員以麟材技堪
用胆勇可取保奏部議以都司僉書錄用三
十五年五月隨振武將軍孫思克擊噶爾丹
於昭莫多大敗之叙功授副將職銜十一月

授直隸振家口右營遊擊三十八年遷四川
化林營叅將川省打箭爐舊屬內地

上以西藏番部嗜茶許藏內營官在爐營理
土伯特貿易事三十九年九月營官喋吧昌
側集烈據爐地並侵河東烏泥若泥嵐州善
慶擦道等處收明正長河西土官蛇蜡渣吧
川陝總督錫勒達奏請檄麟領化林營官兵
駐爐彈壓查拿嗣喋吧昌側集烈抗不令凶
犯到官復阻移爐官兵屢犯內地麟移兵移

爐招安咱威子牛烹垠魁梧四處

上命副都統滿丕統荊州滿兵進勦並

命四川提督唐希順相機行事十二月希順
偵知隄叱頂與夫岡兩處有蠻兵四于餘其
咱威一路係入爐大道喋吧昌側集烈領蠻
兵五于餘在磨西面及磨岡二道水等處議
分兵三路進攻一由子牛攻哪吒頂一由烹
垠攻大岡希順自領官兵攻磨岡令麟順爐
水至哦可達磨西面後次攻磨岡麟軍夜迷

漢名目傳卷一四
失道比明反出磨西面前遂爭先攻蠻營奪
磨西面連戰五日各路俱克捷斬喫吧昌側
集烈喇嘛番民悉投順遂復打箭爐四十年
正月希順以捷

聞下部議叙嗣希順追劾麟移兵赴爐時避
險就易駐咱威至失烹坦又進征時令麟領
兵由哦可遠磨西面麟不由哦可貽誤軍機
諭曰李麟人材壯健馬步射俱優係朕簡用
之員打箭爐未復之前李麟曾呈報錫勒達

應分三路進取錫勒達據以具奏載在打箭
爐捷書甚明今唐希順劾李麟規避誤機着
交錫勒達察議具奏嗣經錫勒達審訊失守
京垣係守備陳大樹懦怯無謀應嚴加處分
麟雖不由哦可進而從大路爭先攻克蠻營
功過自可相抵應給咨赴部另補疏入
上命滿不會同提督岳昇龍巡撫貝和諾再
議具奏尋滿丕等會鞫麟失察防守京垣之
守備陳大樹應革職治罪但京垣旋即收復

又奪取磨西面請免治罪

詔如所請四十一年遷江西九江副將四十
四年調湖廣黃州副將四十五年調江南江
西中軍副將四十九年兩江總督噶禮劾麟
訓練怠忽弓馬生疎

命解任五十年

上行圍塞外麟以謝

恩來京扈

駕隨圍五十二年

特授山東膠州副將五十五年擢登州總兵
五十七年策妄阿喇布坦擾西藏

命麟於所屬內選精兵百由寧夏赴軍前五
十九年五月

命都統延信爲平逆將軍率兵進藏以麟叅
贊軍務四月護送第六世達賴喇嘛進藏八
月至沙克河賊夜襲我營擊敗之連敗賊於
齊諾郭勒綽瑪喇等處西藏平麟率兵由拉
里凱旋六十年三月授陝西固原提督六月

疏言臣前進藏時所領山東兵丁曾嘗司庫銀兩今中烟瘴死者百餘故兵之父母妻子無依可憫卽生回山東者俱劾力疆場亦屬勞苦請照

恩賞川兵例免其扣追

特旨允行雍正元年遷銓儀使二年追叙安藏功加右都督授騎都尉三年以老致仕六年卒孫彩現襲世職

楊天縱列傳

楊天縱陝西渭南人由行伍於康熙二十四年拔補四川提標把總二十九年補戡邊于總三十九年十月打箭爐營官喋吧昌側集烈屬亂天縱隨提督唐希順進剿四十年正月攻二道水磨崗磨西面等處首先破敵克打箭爐叙功擢署遊擊四十四年補浙江處州都司四十七年授福建福寧遊擊明年遷山西潞澤營叅將四十九年調東路營叅將五十三年署山東沂州副將五十七年推陞

貴州定廣協副將

特旨加銜留任五十九年推陞廣東雷州協副將巡撫李樹德奏稱沂州山汎險要請仍以陞銜留任

上報可加署都督僉事雍正元年遷雲南臨元鎮總兵時魯魁山猓彝方景明等恃眾窺險剽劫肆害天縱循布政使李衛率兵勦捕賊黨盡伏誅以功予紀錄四年擢貴州提督五年三月疏言各省軍政多劾于總把總至

一二十員不若干把雖屬微員平時有防汎
護餉解逃捕盜之責遇敵宜身先士卒偷惰
應不時斥革何待五年軍政始行叅劾皆緣
不肖提鎮一則爲大員塞責一則得受錙銖
去一千摠必拔一把摠去一把摠必拔一兵
丁祗圖飽其囊橐上負

君恩下屈未弁請

敕各省提鎮嗣後千把有劣員卽時斥革不
得于軍政年塞責

通志目錄卷一四
三
上是其言

諭兵部曰向來軍政之年該管官員往往以
牙把等官劾叅塞責似此微弁優者可以隨
時拔用劣者原係咨部黜革何必待五年軍
政之時著停止時長寨狎苗阻建營房提督
鄂爾泰勦平之其東西南一帶生苗素不服
約束不納貢賦內地狎苗以爲逋窩天縱僭
鄂爾泰設法招撫遣叅將劉成謨率熟苗頭
人告示開誨賚以銀牌花苗皆感化苗頭至

署投見者加意撫慰令雜髮給衣冠酒食諭
歸時轉相化導共撫生苗一百四十八寨凡
五千六百餘口量給地糧爲民六年二月叙
生苗歸化功予雲騎尉世職嗣巡撫張廣泗
清理苗疆丹江苗糾衆抗拒天縱調兵協勦
十月疏言各營所存有滅吳逆大砲大重黔
省山高箐密攜帶維艱餘砲多不及遠臣製
靖蝨大砲能攻數里又造過山鳥俱能攻遠
便捷選標下弁兵帶赴撫臣行營聽用嗣恐

兵不足分布隨調安籠安南大定黔西長塞
等營弁兵攜砲赴凱里一路候分布進攻

詔嘉其料理合宜七年正月天縱追劾前署
巡撫祖秉圭言上年張廣泗清理苗疆本期
宣布

皇仁俾傾心內嚮並無用兵意乃秉圭不諳
事機于廣泗未到先日在教場操點兵馬聲
欲盡勦以致頑苗糾眾抗拒勞師動眾其梗
化之由臣不敢爲之隱諱

諭曰生苗必經此懲創方可圖維久安之道
朕前因祖秉圭不能勝任業予罷退此類情
事焉能逃朕鑒察耶九年天縱以老乞休

命加太子太保致仕十年二月入籍四川成
都府七月卒

賜祭葬如例諡襄壯次子炤襲世職卒炤弟
熾襲卒停襲

朱宏祚列傳 子綱附

朱宏祚山東高唐人康熙九年由舉人選授

江南盱眙縣知縣十四年行取御史以姪級
任大理寺卿迴避改補刑部主事遷員外郎
尋遷兵部郎中二十三年授直隸天津道二
十四年遷守道二十六年擢廣東巡撫二十
七年條陳粵省鹽政一簽商製鹽納餉等項
各衙門官役皆有公費係正課外橫派請嚴
禁革一定例埠商三年一換商人視爲傳舍
獎實滋多請大埠招商二名小埠一名有貿
易公平與地方相安者卽令承充如欠課餉

及作奸犯科卽驅逐募補一州縣銷引有定額如東莞增城等縣近海無地非鹽小民就便取食官引難銷其餘州縣戶口繁多或有官引不敷處請酌量增減引易行銷更有私廢埠商課餉派徵田畝累民請仍招商行運一粵省舊駐尙之信逆党未靖或冒旗下或投托現任謀充南人據地爲害請
敕查嚴處一粵省地方遼濶行私難于巡緝如虎門港口惠州浮橋等處皆有要津請專

委廉幹佐貳駐守盤查一粵省行鹽原有生
熟二引孰鹽出歸德等場生鹽產淡水等場
民間有嗜生鹽者有嗜熟鹽者尙逆在粵時
限生熟鹽引三七配埠行銷民間多不便請
嗣後聽商製運聽民買食不拘定額一製鹽
之地多一次盤查卽多一次冗費如佛山距
省城三十里省掣之鹽行至佛山應免復行
秤掣一粵省鹽價奸商任意多增今各弊禁
絕雜耗旣少鹽價亦宜少減請酌水陸運費

多寡定鹽價抵昂遠者一分一厘近者七厘
爲準如遇陰雨量加一二厘並禁撫和沙土
等獎得

旨均如所請行二十九年六月疏請免高州
府屬吳川縣無徵銀四萬二千兩有奇米四
十石有奇

上諭戶部朕勤求民瘼期至阜安閭閻間有
疾苦時切軫念近廣東高瓊等府地丁各項
錢糧歷年逋欠如係官役侵漁及豪強頑梗

抗不輸納自應嚴追倘因丁缺地荒不能輸
納仍行徵比照例考成則民既困迫呼有司
復罹叅罰徒滋擾累終無裨益著該督撫將
各州縣舊欠錢糧不能辦納情由詳查具奏
三十年二月宏祚遵

旨查奏高州府屬吳川縣瓊州府屬臨高澄
邁二縣自康熙十八年至二十八年未完地
丁銀十二萬八千六百兩有奇寔係戶少由
蕪所致均應豁免

上允之粵省衛所屯田歲輸三年額頗重丁
多逃亡宏祚請比照民糧重則每畝八升八
合起科並裁補徵之項三十一年六月疏免
高要開平化州瓊山昌化五州縣累年無徵
銀三萬三千有奇米八百石有奇均下部議
行十二月擢浙江福建總督二十三年七月
命會勘太湖水利及吳淞江閘十一月回任
十二月以福建大計官員入奏
上曰朕覽朱宏祚大計疏內有閩省地瘠民

仙之語豈福建全省人盡皆仙薄乎原任四
川巡撫張德地署理延綏巡撫時曾奏延安
邊地並無可舉博學鴻詞之人原任少詹事
邵遠平奏南方人皆輕浮不可用朕思賢才
不擇地而生雖深山僻地豈無人才至南方
之人豈盡輕浮不可用者二人所言甚不愜
于朕心因皆罷斥今朱宏祚又以謬言陳奏
殊屬不合著察議具奏尋照部議降四級調
用三十九年

命分修高堰工九月以病卒于工次宏祚子
絳由部員歷官廣東布政使綱由貢生捐納
授兵部主事歷遷本部員外郎卽中康熙五
十二年授直隸天津道五十四年

上西幸畿甸綱迎

駕於趙北口

賜御書畫各一幅五十六年總督趙宏燮疏
薦綱勤慎練達調直隸巡道六十年遷河南
按察使雍正元年授湖北布政使尋調湖南

三年以委解黔省協餉銀兩不用部頒法焉
致交兌短少爲貴州巡撫金世揚所劾部議
革職得

旨朱綱居官好着從寬降二級留任四年署
湖廣總督福敏疏劾湖南按察使何錫祿於
巴陵縣民童石安聚眾一案辦理遲延詳請
展限文內私夾稟摺求免咨叅以綱會詳並
劾之部議一併革職

上以此案係按察使主稿

特命免綱處分五年二月擢雲南巡撫八月
疏言州縣奉部查審事件例俱以督撫准咨
日扣四個月咨題臣查各督撫將部文行司
由司而府由府而州縣其距遠州縣奉到有
遲二十餘日或三四十日不等若與附近省
城州縣一例扣限叅處似未均平請分別州
縣離省遠近酌定文到程限咨部備案以奉
文日起仍扣限四個月咨題完結至各督撫
上司接准部文務于三日內檄行不得延緩

下部議行十一月疏劾署雲南巡撫楊名時
在任七載徇隱廢弛濟庫借支掛欠未清之
項至十九萬二千八百餘兩不行查奏殊屬
溺職請徹底清理

詔革名時職並

獎綱毫不瞻徇卽令逐款查明勒限著追其
借支力不能完者責名時賠補六年正月調
福建巡撫卒

諭曰朱綱謹慎老誠才猷練達歷官巡撫寔

心供職懋著勤勞閩省要地正資料理忽聞
溘逝朕心甚爲軫惻應得卹典該部照例議
奏外著加兵部尙書銜以示優眷其柩襯起
程之日著省城官吏齊奠送所過福建地方
文武官員親往奠醊並遣人護送其別省經
過州縣亦著地方官照看尋
賜祭葬如例諡勤恪

馬進良列傳

馬進良甘肅西寧人由行伍拔補把總遷千

總隨將軍孫思克勦叛鎮王輔臣於平涼有
功陞授守備遷山丹營遊擊康熙三十二年
思克疏奏進良隨臣征勦有年深知其謀勇
兼全諳練軍務自調補臣標遊擊以來每遣
發防禦果敢爭趨且愛士卒得人心請就近
題補臣標中軍叅將部議不准
特允所請三十三年授直隸石匣副將三十
四年擢古北口提兵三十五年正月入
覲

賜冠服三月

命率兵千五百扈

駕征噶尔丹

諭曰行軍法令最爲緊要奮勇前進者賞功
怯敵退後者治罪此係定例馬進良與總兵
岳昇龍白斌均才力壯健素有謀畧經朕簡
用倚任之人此次隨征遇敵臨陣時副將以
下兵丁以上有違令退縮者着該總兵等先
正法再爲奏聞五月凱旋

命回任三十八年

賜號勇飛將額四年

賞戴孔雀翎四十二年擢直隸提督四十六年

諭獎其整飭營伍訓練嚴明於地方有益四十九年八月

諭大學士等曰曩者將軍孫思克在平涼與賊大戰其手被賊砍中時馬進良爲孫思克標下武弁聞之曰砍我摠兵之手者吾必殺

之遂突入萬軍追殺砍傷孫思克手之賊身
被數創至今尙有傷痕可謂奇勇矣十二月
提標中軍叅將員缺

詔卽以進良子龍補授五十二年以老乞休
上覽其疏情詞懇切

命以原官致任加

恩資五十六年卒於家

諭曰馬進良効力多年勤勞懋著予告未久
忽聞溘逝朕心深爲軫惻應得卹典該部察

例具奏尋

賜祭墓如例謚襄毅

陳丹赤列傳

陳丹赤福建侯官人順治十七年由舉人選授四川重慶府推官康熙元年卓異授刑部主事三年丁母憂七年服闋補原官遷員外郎十年遷兵部郎中十二年授浙江溫處道尋署按察使十三年四月入覲至東昌聞逆藩耿精忠叛丹赤以溫州與

旨陳丹赤殉難盡節殊爲可潤著從優議叙
部議贈光祿寺卿奉

旨所議尙輕著再議具奏於是議贈通政使
司通政使廕一子入監讀書

賜祭葬

允之三十二年

賜謚忠毅三十五年

敕建雙忠祠于温州祀丹赤及同時殉難之
永嘉縣知縣馬瑒三十八年

其名五十一

上南巡

駐蹕杭州丹赤子一獲時爲湖州府知府迎
駕

賜御書名垂青史額

諭曰尔父爲國殉難朕至今憫之賜此特表
尔父之忠

王度昭列傳

王度昭山東諸城人康熙二十一年進士三
十一年授雲南浪穹縣知縣三十六年行取

授浙江道監察御史三十七年丁父憂三十
九年服闋補雲南道監察御史四十年八月
疏劾廣東巡撫彭鵬前撫廣西時明知藩司
教化新虧空不卽糾待離任始奏又掩覆其
半廣東糧道張天覺改徵兵米比時價浮銷
九十餘萬兩經部駁追

皇上令鵬察奏鵬偏聽道員何漢英等以天
覺署理藩司查兵糧一案由藩司察詳是以
天覺察天覺也又據鵬劾藩司曾超虧空超

漢書卷之四十一
三
未任之時署印者天覺今超病故而天覺復
署有彼此庇護擔承之嘆

上令鵬明白回奏鵬力辯被誣得

旨朕於科道官許其風聞入告專爲廣開言
路使胥撫以下等官知所警戒糾劾不寔例
有處分至於被劾之人具疏回奏止應辯晰
是非不應支離牽引彭鵬雖操守清廉居官
亦善此回奏反覆瀆陳不勝忿激粗戾已極
請嚴飭行四十一年六月疏劾戶部尙書李

振裕索屬員祝賀禮物又令送馬等欸

勅部察議部議振裕並無勒索祇收受圍屏屬寔但大臣不能禁絕交際應革職

諭曰李振裕果如王度昭所叅貪勒索取禮物則罪不止革職如祇收一圍屏未便卽行革職着九卿詹事科道會同察審令度昭對質議奏旋質議振裕祇收圍屏餘無勒索應免議度昭所叅有收圍屏一欸屬寔亦免議四十二年授湖廣襄陽道四十五年內

遷光祿寺少卿尋遷順天府丞四十六年遷
大理寺少卿四十七年七月充河南鄉試正
考官十二月擢左僉都御史四十八年四月
遷太常寺卿八月遷通政使四十九年正月
命署偏沅巡撫五月疏言鎮筸處苗疆自
改協爲鎮移駐道廳設營兵較往昔兵民寔
增數倍以土著數千戶之糧食供日益之兵
民倘遇歲歉必致嗷嗷請於司庫借給銀三
千兩買穀萬石建倉積貯每年青黃不接時

減價平糴秋成價賤買補所借銀兩以每年
出糴買補餘銀限六年還項歸完後餘銀添
買增貯兵民均賴

諭嘉其寔心在事卽照所請行九月授浙江
巡撫五十年四月疏言兵糧計口授食刻不
容緩浙省本年夏秋二季兵米不敷請將現
在嘉湖二府應捐米內各稜米萬石收貯省
倉以足夏秋二季兵米仍將冬徭南米還項
下部議行五月浙江巡鹽御史巔圖以温州

處州引目請改於紹興行銷以裕額課

勅下度昭查奏十一月疏言溫處各屬地近
場灶者貧民負盬夏食不在禁例僻處山陬
者銷盬原少官引不無壅積查康熙十年曾
有溫引改杭之例近見紹興引目已銷將溫
額量減七千九百四十八引歸紹興照引徵
課在溫處不致淡食價昂而紹商願認行銷
亦於正課無誤誠爲兩便部議從之五十一
年二月

命兼理江寧巡撫九月奏報山陽邳宿等處
水災請將被災七分以以上者照例捐免錢糧
下部議行五十二年十月

上諭大學士等曰朕幼時讀書無一時不以
民閭病苦爲念巡撫乃專在封疆大吏理應
寔心爲民勤求樂利迺來浙省歉收民生艱
難每觀王度昭所奏並無寔心爲民之處尔
等傳問九卿尋九卿奏云王度昭從前居官
亦有才能今不盡心爲民全無益於地方誠

如

聖諭十一月

詔來京尋授工部右侍郎五十五年丁母憂
五十八年服闋補兵部右侍郎六十一年轉
左雍正元年以病乞休
允之二年卒

馬如龍列傳

馬如龍陝西綏德州人康熙十四年四月陝
西提督王輔臣叛於寧羌副將朱龍應之陷

延安綏德州失守如龍以十一年舉人倡義糾鄉勇據山立寨賊至屢却之賊誘以葭州知州爲剖如龍殺其使賊驚去五月平逆將軍畢力克圖兵至如龍呈首僞劄從破賊復綏德州畢力克圖以

聞並請以如龍署綏德州知州陝西撫督哈占亦以如龍忠貞自矢不受僞剖且能倡義拒賊題請優叙部議以綏德銓補有人如龍應以知州先用十六年授直隸涇州知州十

七年以查得深州隱地議內陞十九年遷戶部員外郎二十年遷刑部郎中二十二年授浙江北新開務稅監督二十四年遷杭州府知府二十八年三月

特旨授浙江按察使如龍訪治豪民王友聲王宗玉潘質卿等伏其辜海賊楊士玉竄海島自號將軍連土賊胡茂金昌祐毛國標等橫劫商船如龍設法擒治首從俱置之法浙江巡撫張鵬翮閩浙提督興永朝先後據牒

以

聞二十九年遷浙江布政使先是如龍在按察時於覆審永嘉縣知縣申奇美温州府知府汪燿侵蝕錢糧一案扶同詳覆總督與永朝並疏叅部議以如龍徇庇降五級抵銷嗣給事中郭渾劾如龍欺朦溺職應革任上以如龍於此案有無情弊可否留任命與永朝明白具奏至是永朝覆奏如龍於前叅議處外無他弊應免議

上允之三十二年六月擢江西巡撫十月疏
言江西省常平倉米八萬一千四百餘石新例
在處賣米買穀以免袒爛但時價貴賤難預
定請將舊貯米於春間概行出借秋收時每
米一石收穀二石還倉十二月疏言江西各
州縣士民願每熟田一畝捐穀四合積貯計
捐穀十一萬九千五百餘石請令州縣貯倉
照錢糧盤查三十二年二月疏言饒州府浮
梁縣景德鎮燒造磁器貧民就工起食五方

雜處奸良莫辨鎮距縣遠四面皆水難稽察
向祇設巡檢一未能控制請以饒州府同知
移駐諸疏入俱下部議行三十八年
陞見

賜御書老成清望三十九年八月左都御史
王澤宏以湖口設閘甚險宜設九江舊閘具
奏部議令巡撫會同監督議奏如龍疏言九
江大姑塘一帶水消皆成陸舟泊湖心危險
甚於湖口查湖北向無避風處故患溺臣履

任初卽於虹橋港內疏塘可容舟二百近年
來較前稍安但水涸則船不能進今若於塘
外築石堤以禦西風並濬塘深濶使通江水
且容多船或船大不能進口卽令稅員輕舟
渡江收稅計築堤濬塘費不過萬金可久安
無患較九江爲便疏入

勅兩江總督阿山察看議奏嗣阿山履勘請
照如龍所題並分設九江一口統於湖口開
詔如所議行十月江南道御史張廷梅疏劾

上原之四十年二月復以老病乞休得

旨馬如龍雖年老居官尙好着行文阿山問

彼病勢如何及能否辦事具奏十二月卒

賜祭墓如例

張廷樞列傳

張廷樞陝西韓城人康熙二十一年進士改

庶吉士散館授編修三十年充

日講起居注官尋遷侍講轉侍讀三十八年

充江南鄉試正考官累遷侍講侍讀內閣學

士四十一年任江南學政四十四年

上南巡

賜御書及冠服四十五年四月遷吏部右侍郎五月充

經筵講官先是湖廣容美土司田舜年揭其子晒如貪庸暴戾奉

旨草職究擬晒如逆柔植土司向長庚所摺不赴審摠督石文晟奏

聞並劾舜年僭妄不法

命左都御史梅錫內閣學士二格與文晟等
詳鞫會舜年赴武昌訴文晟拘之病卒長庚
亦解晒如聽勘錫文晟各議具奏而二格以
証佐未集不便率定奏十月

命廷樞同大學士席哈納侍郎蕭永藻赴鞫
舜年各款俱虛晒如暴戾虐民抗不赴審已
革職乃柳杖安置內地長庚隱匿晒如降四
級留在並以草率具奏下部議革錫職文晟
及湖北巡撫劉殿衡偏沅巡撫趙申喬提督

俞益謨各降罰有差四十七年轉左四十八
年充會試副考官尋遷刑部尙書四十九年
刑部訛擅盜倉米之張三等犯尙書齊武等
擬照例斬監候廷樞另擬充單下九卿議廷
樞改擬不合應罰俸一年得

旨張廷樞諸事偏執素性好勝有忝大臣之
任著革職五十一年授工部尙書時江蘇巡
撫張伯行劾摺督噴禮貪索科場舞弊銀五
十萬兩噶禮亦劾欵劾伯行尙書張鵬翮摺

漢名臣傳卷一四
督赫壽察審弗得寔

命廷樞與戶部尙書穆和倫再鞫如鵬翮等
議伯行所奏全虛應革職

諭九卿確勘革噶禮職伯行復在五十二年
五月仍授刑部尙書九月充武會試正考官
五十六年河南宜陽縣賊首亢奭自配脫逃
懼緝籍稱知縣張育徽加徵火耗提紳屢索
結涇池山賊李一臨抗官兵並劫永寧知縣
高式清入寨而是時閩鄆縣賊首王更一亦

脅丁憂知縣白澄指軍需豫徵錢糧勸養裸
馬聚眾圍城

上以巡撫張聖佐河北總兵馮君先不能盡
獲賊党又未將啟釁事由入告

命廷樞與內閣學士勒什布馳往拿鞠尋延
樞等奏珽自縊更一一臨等成就擒應依律
擬斬澄育綴絞監候聖佐君先革職至今屬
員加徵橫派致激變係原任巡撫李錫任內
事錫應朝決部議從之是年蘭陽縣白蓮教

命往勘哈爾金受商人宋永寧銀七百兩屬
寔應絞監候係不在法。賍且事在五十七年
慮詔前照例減等柳責得

旨如議尋疏言河南漕米自康熙十四年改
折起每石折銀八錢解部後因御史孫必振
奏豫省有連年粟米甚賤部議一錢五分解部
餘六錢五分巡撫買米起運巡撫分外委州
縣州縣復孤小民買輸不無資累請照舊例
以一錢五分解部外餘交糧道辦米毋得分

委派累該撫客隱併從重治葬又言

明聖帝君五十六世孫閔壽原籍隱州遷洛
守慈壽廟賜宋孺邵子程子例

賜賜世職博士俱下部議行雍正元年以與
前書陶燭審擬在誠郡王處招搖生事之陳
夢請有心狗縱

特命降五級調用尋因病回籍廷樞子縉官
中允亦告病家居六年陝西巡撫西琳疏劾
縉招集悍僕放債收租剝削鄉里又廷樞曾

收受原任河督趙世顯賍銀六千兩奉

旨催追抗不納

諭曰張廷樞於朕登極之初徇情枉法其罪寔不可追本應卽行正法朕格外加恩祇令降職閒居理應感戴朕恩省愆改過其名下應追銀皆貪婪不法之賍款自當速行完納何至以抗延被忝其子張縉復倚仗聲勢剝削鄉里甚屬可惡張廷樞張縉俱着革職拿問交該督撫嚴審定擬具奏若云士可殺而

不可辱卽應依律正法也七年總督岳鍾琪
奏廷樞解至中途病故縉於伊父應追款姓
故意抗延請依律擬斬家產查抄入官法司
會議如所請得

旨張縉家產入官之處著寬免將伊交與岳
鍾琪於川陝沿邊應修城垣派委一處令其
効力贖罪

袁立相列傳孫秉誠附

袁立相直隸宣化人康熙三十九年武進士

授三等侍衛四十二年授直隸涿州營叅將
四十六年擢河間副將五十一年調湖廣長
沙副將五十四年丁父憂服闋值福建建寧
副將引

見奉

旨袁立相人材出眾朕所素知宜揀補要缺
建寧事簡可另選員補授尋補通州副將六
十年擢天津總兵

賜孔雀翎雍正元年調山西太原總兵五年

疏言澤州城僻近太行最易藏奸向設把地
一不足以資彈壓臣前疏請將潞澤營中軍
守備移駐澤州將把總移太行山頂之攔車
鎮部議未准伏思澤州寔屬扼要仍懇
聖心特設守備一千搃一帶兵百名駐畢州
歸潞澤營叅將轄其原設把總帶兵二十名
移攔車鎮分防晉廟草底二舖於地方寔有
裨益得

旨如所請行六年三月臨晉縣奸民師刑焚

中花張臣等糾眾開縣中花臣獲後越獄絳
州知州萬國宣等赴張村省村角林村分捕
張村省村民夢百拒捕傷役立相激遊擊胡
海率兵三百馳赴臨晉與蒲州協副將薛鳳
翼合捕先遣諭三村獻首犯餘當題請免罪
村人尋縛師刑來獻並請自捕中花臣立相
撤兵二百令海率兵百並蒲州協官兵駐縣
彈壓又密訪奸匪戶口姓名及地方官疎懈
狀以

聞

詢曰尔於此一事料理周密奏報詳悉甚屬可嘉能如此不欺不隱寔心任事朕不負封疆重寄也五月

上諭兵部曰袁立相老成練達寔心任事朕屢欲用爲提督因太原一鎮甚屬緊要是以未用於他省有着特授爲提督節制山西全省此朕因才而用者不必爲例時立相已病猶力疾閱邊兵七年

遺醫軫視

賜參藥八年疏請解任調理

允之尋

賜其孫秉誠爲武舉准其一體會試九年立
相卒

賜祭墓如例諡勤毅秉誠由武進士授侍衛
乾隆十五年授江南南河標肅營都司二十一
年遷提標前營遊擊二十八年遷提標中軍
叅將三十四年遷江寧城守營副將三十六

年署大湖營副將三十七年擢浙江温州府
鎮提兵三十九年卒

郝維訥列傳

郝維訥直隸霸州人父傑明崇禎時進士順
治元年授行人司行人尋遷戶科給事中二
年疏請開

經筵祀闕里以裨新政廢斥諸臣罪有可原
才堪錄用者量予自新以觀後効江南新定
宜急擇賢能早爲除官又朝賀大典內監不

得人班行禮俱下部議行八年遷通政使叅議九年遷光祿寺少卿尋授大理寺卿十二年擢戶部右侍郎十二年因病乞假回籍十六年卒維訥順治四年進士授刑部主事歷遷員外郎中七年授福建督糧道十一年遷通政司叅議十二年擢太僕寺少卿累遷通政司左通政大理寺卿十三年擢戶部右侍郎十五年調吏部左侍郎十六年丁父憂服闋補戶部左侍郎尋調吏部康熙三年充會

試副考官四年正月擢都御史二月疏言自
巡按奉裁地方巡視責歸督撫任軍事
繁出巡動喻旬月恐悞公事况騎從眾多經
過滋擾至屬官貪廉閭閻疾苦勢不能逐人
逐戶咨訪耳目仍寄司道所託得人則舉劾
自真民隱自達請嗣後事關重大者仍親身
巡察餘概停下部議行四月疏言近山西山
東等省偏旱深塵

睿慮蠲免賑濟並行屬發帑賑濟

聖恩至爲優渥特窮鄉僻壤貧民恐未能遍
及惟蠲免錢糧率土均邀

實惠但田有田賦丁有丁差從前被災地方
例多免糧不免丁其有丁無田者反不得與
有田之戶同霑

恩澤請丁銀均照田糧分數蠲免從之八月
疏言貪官逢

赦止免應得之罪仍革職追贓此定例也近
有藐法肆貪累審成招罪至重應死者因

其名臣專圖一己私

三

赦免罪並免交吏部議處籍思蠹役賍欸審
寔雖經

赦免仍行革役此輩身為職官饕餮狼藉未
可令其復玷名器貶害地方雖新例赴部另
補而貪殘所至播虐維均請

勅部定議凡賍欸審寔老雖事在

赦前止免應議之罪仍行革職庶官箴可肅
民害可除

上是其言下部議行五年遷工部尚書尋調

刑部禮部八年四月調戶部六月疏請停督
撫勘災之行以省供役申嚴圈取民地之禁
以安民生並得

自允行十一年調吏部尙書十八年

上以給事中姚締虞所奏風聞言事疏

召廷臣面議維訥奏稱言官奏事原不禁其
風門但風聞奏叅審問全虛者有處分例若
不加處分恐有借風聞挾私報怨者請仍照
定例行從之十九年丁母憂二十二年服闋

侯補卒於京得

自郝維訥才品優長勤勞素著忽聞溘逝深
爲憫惻應得卹典察例具奏

賜祭葬如例諭恭定

殷化行列傳

殷化行陝西咸陽人初以王姓中式武進士
康熙十三年隨經畧莫洛營題補本標守備
至寧羌會提督王輔臣叛莫洛遇害化行被
脅羈秦川托病不爲賤用十五年授靖陝西

奮力合疏題奏

特旨授漢中城守營副將二十年追勅國柱
於安邊叙馬連峯石盤關等處奪險殺賊復
馬湖府城二十二年追議輔臣叛時被脅從
逆人員草化行職哈占以化行未爲賊用還
職後屢從征有勞入奏

上賞其功復原職旋補直隸三屯營副將二
十三年叙前功加一等授署都司僉書兼
副將事二十五年

駕幸畿東化行局從

行圍

賜御用佩力二十六年擢福建臺灣總兵

賜貂裘白金三十年調襄陽鎮三十一年

上以陝西上年旱米價昂貴流民還籍者甚

少

諭將襄陽米二十萬石運至商州自商州陸
運至西安以資民食

命內閣學士德珠同化行及總督丁思孔親

往司水陸輓運並招流民回籍三十二年大
月事竣調山東登州鎮總兵尋調寧夏鎮三
十五年

詔領標兵三千隨撫遠大將軍賈揚古由西
路進勅噶爾丹至昭莫多大敗之三十六年
三月

上幸寧夏化行迎

駕奏請

行圍花馬池以觀軍容

諭曰朕深悉軍情今噶爾丹未滅馬匹關係
緊要寧夏兵來花馬池往來須七八日馬必
獵乏夫獵細事耳今罷獵而休養馬匹以獵
噶爾丹何如爾速遣人傳諭所屬官兵勿來
花馬池俟朕至寧夏閒暇之日閱爾軍容先
是

上以噶爾丹窮迫西竄應發兵至郭多里巴
爾哈遜偵擒至是撥寧夏綠旗兵五百人往
詔嘉化行人才矯健于去歲征噶爾丹時尤

著勞績

命昭武將軍瑪思喀以化行爲參贊

賜孔雀翎閏三月化行率寧夏兵五百至郭
多里巴尔哈遜與大將軍寶揚古兵會進至
洪郭羅阿濟尔罕會噶尔丹寘斃朔漠平

詔班師三十七年三月請復本姓從之六月
追敘昭莫多功給雲騎尉世職八月擢廣東
提督三十八年疏言武職坐名題補引

見未逾六年者請免咨送庶職不至久曠部

議如所請又疏言臣標將弁請照沿海例坐
名題補部臣以提標無坐名題補例議駁
特旨照所請行三十九年雷瓊道成泰慎瓊
州營遊擊詹伯參等懸擾黎岐致殺敵人三
鎮邦犯實停等營兩廣提督石琳緝獲請革
審

命禮部侍郎開音布內閣學士碩穆布赴鞫
開音布等以鎮邦置重典其懸擾黎岐文武
官弁按律定罪化行及琳巡撫蕭永藻平時

約束不嚴分別降調會給事中湯石曾亦劾
化行及琳永藻平日失于覺察遲一載始具
題

命化行及琳永藻各回奏部議琳永藻平日
並未查出應降二級調用化行雖於鎮邦齋
動後查訪弁兵款蹟但從前未經查出應降
一級留任從之先是化行鎮寧夏時以平定
噶爾丹將從征之外委王國寶等二百三士
二員題請議叙嗣因部檔被焚補造名冊誤

注日期經部駁國寶等赴京

聞會化行差役至京國寶等以化行叙功不公挾役至安西向化行妻索銀二千兩化行具疏陳奏並請解任赴京面質

土命川陝提督席爾達審明具奏席爾達詭國寶等並未嚇詐其銀係化行妻賞給化行誤聽差役之詞冒昧具奏應降二級調用得旨降二級從寬留任四十年十月疏言廣州府屬連陽縣徭人八排毗連與居民村落相

錯登經撫諭不服且地僻山深往往匿奸勾
通劫掠臣帶兵親往相度務使猗民允服十
一月又疏言猗賊劫殺日甚其里入尚油嶺
二排尤克橫臣率右翼提兵劉虎駐里入尚
近山遣韶州副將林芳入排勸獻有名賊猗
該猗眾凶抗芳及兵役皆設害現今量派官
兵加意防範臣暫回惠州與督撫面商會勦
諭曰般化行前以連山猗人擾害百姓請率
兵進勦今又奏副將林芳為猗人所害官兵

亦被傷殘化行卽回省城與督撫商勦顯係
怯敵奔回副將亦係營兵大員爲獵人所害
若不行征勦居民不獲安處着大學士九卿
確議具奏尋議進勦

命化行及廣西湖南提督等各派本省提兵
一員領兵隨將軍嵩祝會勦四十一年四月
師至連州三省兵分布要隘招降八排蠻人
其爲首殺官弁兵之李貴鄧二等俱伏法餘
衆悉就安置七月兵部追議林芳被害一案

化什及虎俱貽悞軍機應革職提問

諭曰此事據高祝來奏殷化行劉虎兩路進兵其劉虎一路副將林芳戰歿殷化行一路官兵並無損失殷化行劉虎俱効力行間暫免拏問着兵部尚書范承勳察審具奏嗣經范承勳察審以林芳陣歿時虎不顧首尾先行退回應斬化行平時不能安輯地方臨期復失救應應革職

詔革職從寬免死以化行軍前勞績甚著免

韋職以原品休致四十一年

上幸西安化行迎

駕

恩賞化行子純四等侍衛四十九年卒

蔡世遠列傳

蔡世遠福建漳浦人康熙四十八年進士改庶吉士四十九年請假省親五十年丁父憂服闋赴京以假滿逾期休致時方纂性理精義大學士李光地請以世遠分修

上允之書成回籍堂教教舉書院雍正元年
六月

特召來京授編修入直

南書房十一月遷侍講二年充

日講起居注官四年五月授右庶子十一月
遷侍講學士五年二月授少詹事五月擢內
閣學士七月充

經筵講官六年授禮部右侍郎七年

上以禮建宜設觀風整俗使

詔世遠借同藉京員會議合疏言自海疆平
定後泉漳文武官員有因功驟擢通顯者子
弟驕悍無所真畏如監理身爲大員縱容子
弟害民

聖祖仁皇帝將監理革職治罪人心咸知懲
創我

皇上澄叙官方振興民俗上年學臣程元章
奏准泉漳風俗未醇責成巡道加意整飭自
此益加儆戒但人有賢愚或鄙劣薄行致玷

士頌其鄉民又多因忿互爭種種惡習雖畏
戢一時未必洗心滌慮茲奉

旨會議斷不敢隱庇使根莠不除貽患鄉里
應請設觀風整俗使一員防範化導于風俗
人心有益得

旨允行八年七月轉左八月福建總督高其
倬奏奏世遠長子舉人蔡長漢違例私給船
照

上以原疏發世遠閱世遠疏言臣家屬入載

在京長子長漢去冬來京會試現住京邸此
所給照係本年五月日期不知何人所爲但
有臣官銜圖書非臣族姓卽臣戚屬請

敕脅撫盡法懲治並請交部嚴鞫部議以失
察族姓家人降二級調用十年十二月
特旨復原職十二年正月卒十三年九月

皇上御極

諭曰原任侍郎蔡世遠學問素優自雍正元
年在內廷行走勤勞敬慎于經義文詞悉心

講究多所裨益應加恩以示篤念舊勞之意
部議加贈禮部尙書致祭諡文勤乾隆四年
詔入祀賢良祠所著二希堂集

御製序弁其簡端四十四年

御製懷舊詩稱爲聞之蔡先生

詩曰先生長鬢峯陶淑學者衆奉

命訓吾曹風吟而月弄雖未預懋勤八載寒
暑共常云三不朽德功言並重立言亦豈易
昌黎語堪誦氣乃欲其盛理乃欲其洞是寔

房學力虛車徒駕要因以書諸紳未敢妄操
縱德功吾何有言則企該綜嗚呼於先生吾
得學之用次子長濤由廩生保舉優行引
見

特授知縣歷遷松江府知府江南驛鹽道乾
隆二十六年授四川按察使二十七年
特擢兵部右侍郎二十八年卒第三子觀濶
乾隆六年

恩賜舉人歷江西道監察御史以陳奏東方

降二級調用二十八年

諭曰蔡觀瀾係原在禮部侍郎蔡世遠之子
部議降調需次無期著加恩以刑部員外郎
用尋補刑部浙江司員外郎三十一年告病
回籍五十年卒第六子長清乾隆三十年
恩賜舉人孫本崇乾隆四十九年
恩賜舉人

吳涵列傳

吳涵浙江石門人康熙二十一年二甲一名

進士授編修二十七年充

日講起居注官二十八年遷國子監司業三十年授通政使左忝議三十一年遷順天府府丞三十四年補有通政三十六年七月轉左八月遷太僕寺卿三十七年擢都察院左副都御史十二月疏言翰詹之儲材日廣陞轉之壅滯宜疏請變通以收其用

皇上親選庶吉士每科三十餘人教習三載又荷

親試分別等第錄用或科道或部屬侵者留
館爲編修檢討至陞轉一途部屬四五年卽
陞道府科道四五年外轉道員內陞四品京
堂不數載埃路卿或准留館之編修檢討每
有歷俸十餘年而不得遷中允贊善者由中
允遷侍講侍讀等官有歷十餘年而僅止五
六品者今編修檢討約五十人開坊而上約
三十人以七八十人而經年不遇一缺不轉
一人

欽點庶令仕路均平羣材競奮得

旨所奏極是朕已知之不必令部議三十八
年九月擢二部右侍郎三十九年十一月調
刑部右侍郎四十年二月給事中陳誥劾
山東蒲臺縣知縣俞宏聲當封印時以田產
細事差役拘審王觀成致服毒自盡成逼顯
然

上命涵與檢討阿金往訊得寔革宏聲職巡
撫王國昌等並罰俸有差六月調吏部右侍

			1951
			1952
			1953
			1954
			1955
			1956
			1957
			1958
			1959
			1960
			1961
			1962
			1963
			1964
			1965
			1966
			1967
			1968
			1969
			1970
			1971
			1972
			1973
			1974
			1975
			1976
			1977
			1978
			1979
			1980
			1981
			1982
			1983
			1984
			1985
			1986
			1987
			1988
			1989
			1990
			1991
			1992
			1993
			1994
			1995
			1996
			1997
			1998
			1999
			2000
			2001
			2002
			2003
			2004
			2005
			2006
			2007
			2008
			2009
			2010
			2011
			2012
			2013
			2014
			2015
			2016
			2017
			2018
			2019
			2020
			2021
			2022
			2023
			2024
			2025

039-740

漢名臣傳卷十五

蔣陳錫 師懿德 張起雲 劉芳囑

上官鉉 韓良輔 李維鈞 勵廷義

屠沂 王燕 鮑虎 魏國翥

蔣陳錫子連洞附

蔣陳錫江南常熟人康熙二十四年進士三十一年授陝西富平縣知縣三十三年行取補禮部主事三十九年遷員外郎四十一年授直隸天津道四十五年晉河南按察使四

十七年晉山東布政使十二月擢巡撫四十九年奉天將軍高祝奏報閩省賊船上岸經官兵勦敗已往山東

上令陳錫速行察議具奏陳錫奏賊船在城山頭外洋移泊繙花島徑官兵擊遁得

旨地方一有賊寇卽當隨時報聞該撫彼時並不奏報殊屬不合賊船往盛京原從山東經過何以不行堵截今賊船敗回必仍經山東等省務嚴拿於獲不得疎縱五十年正月

疏陳海防三事一戰船更替修葺以重巡防
一水手召募熟諳以資駕馭一沿海村庄團
練鄉勇互相接應部議從之四月疏請增山
東鄉試中額部議如舊六十名外增十一名
定爲例五十二年御史陳汝咸條奏海疆弭
盜之策令近海督撫等確議陳錫疏言東省
無海澳名原奏澳總稽查勢不能設惟是海
口小船易爲賊用其雙桅商漁船處由州縣
驗給號單出口日親隣出結練總查放回日

仍驗報其單桅無桅等船多則十船爲甲立
甲總統之連環五結各給腰牌練總查驗出
入少則止給腰牌責地方官稽查閩粵烏船
貿易山東奉天者不許攜炮械違者論罪巡
哨官兵獲賊船火藥軍器必究所從來何日
出口將故縱疎忽文武員弁叅處文職于所
轄內能獲賊者以名數多少分別議敘海濱
同知州縣缺出于本省州縣中擇其才能熟
悉者保題引

見補用部議從之五十四年長廬巡鹽運使
希祿以山東原額鹽引于順治年間歲款題
減今商人李溥等請復額行銷入奏部議令
陳錫查復陳錫疏言東省引鹽現多存積溥
等係次諫之商止知網利不顧民艱請免增
從之五十五年擢雪貴總督五十七年武定
府祿勸州土司常應運誘沿江野夷攻土目
魯甫之卓于寨陳錫發兵平之奏言祿勸州
鴈鵠河外岩箐阻險應擇地設汛撥武定營

馬兵三十步兵二百二十松杉營兵一百五十守備于把各一駐守彈壓五十八年復奏前因土酋擾害量撥武定兵及松杉兵共駐防撒甸今常酋已滅存城兵少請撤撒甸兵百名撒馬基渡兵十五名仍歸府城均下部議如所請五十八年疏言中甸原雪南麗江土府屬吳逆叛時割賂西藏今巴塘裡塘經四川招撫而中甸一帶距蜀遠滇近尙有錢糧在麗江完納非四川舊屬投誠首目等願

仍請歸滇應將附近中甸地方及巴塘理塘
仍歸麗江轄經議政大臣等議行嗣川督年
羹堯奏川省現用兵西藏道由巴塘裡塘若
歸土司則呼應不便請仍歸四川轄復議俟
事平日改隸雲南從之先是都統武格將軍
噶爾弼會兵進藏武格因雲南糧運艱難欲
以川運支給羹堯以滇蜀俱進兵蜀糧不足
兼供奉

上令陳錫同巡撫甘國璧速運五十九年九

月奉

旨蔣陳錫甘國璧俱係地方大員雲南進藏
糧餉應先料理運送今蔣陳錫甘國璧並不
畱心料理幾至遲悞及大兵進藏後伊等方
以運糧之事奏聞四川兵若不到雲南兵從
何就食蔣陳錫甘國璧顯悞軍機俱著革職
令自備資斧運米進藏十二月陳錫自滇赴
藏六十年行至中途病卒雍正元年山東巡
撫黃炳奏陳錫巡撫任內侵蝕倉穀價銀二

百餘萬兩部議于陳錫家照追充餉從之子
連康熙四十八年進士官至太僕寺卿洞康
熙五十二年進士由工部員外遷卽中五十
四年授雲南學政任滿補甘肅涼莊道雍正
二年石門寺喇嘛琿璉襄蘓山丹等所屬多卜
藏瑪嘉諸部落詭降潛與謝勒蘓額勒布兩
部逃人倚石門寺爲巢往來劫掠洞分兵五
路擊殺喇嘛番賊六百焚其寺而還又敗謝
勒蘓番賊于喜逢堡並搜勦碁子山破之巴

洞溝經撫遠大將軍年羹堯疏奏得

旨獎敘三年遷山西按察使尋晉廣東布政使調山西布政使奏免大同朔平二府安徽草折腳價銀又奏大同鎮總兵徐起鳳不勝任

上俱是之八年

上以洞前在陝西効力今山西藩臬兩司任又寔心供職辦理妥協免其父陳錫應追銀之半十年加侍郎銜在肅州辦理軍營屯田

事務十二年疏稱鎮番縣之柳林湖本年開地十三萬畝得糧三萬石值銀六萬兩從前用過開渠銀三萬餘兩足償有餘請再將大河堤岸盡行培築擴大渠二條增濬支渠數條約工價銀萬五千餘兩可增糧五六千石並于柳林湖建昌貯種以省腳價下部議行十一月副都御史協辦肅州軍需二格劾洞營私作孽

諭曰朕聞鎮番縣屬柳林湖地方屯種地畝

實名至有

蔣洞委用知縣潘治州判石廷棟二人所修
堤岸在在草率一經水漲衝塌殆盡今春隱
匿籽種短發平地工價又蔣洞將屯田存剩
銀兩虧空無存何以負恩溺職至于此極著
副都御史孫國空前往涼州秉公查勘毋得
絲毫瞻徇十三年二月國空鞠寔具奏得
旨蔣洞之父蔣陳錫在外任數十年貪婪不
職應追贖銀二百餘萬兩朕特施殊恩寬免
十分之八九並將蔣洞兄弟二人加恩擢用

且屢諭蔣洞汝以後居官恭守倘有絲毫不
謹便無人心嗣因西路軍需緊要不得協辦
大員將伊命往貴巽殫心竭力以濟公事豈
料伊悞工冒帑短發工價且聽信劣員營私
作弊寔意想所不及著革職拿問尋三法司
論斬監候其侵蝕糜費之項均著追從之乾
隆五年病卒

師懿德列傳

師懿德甘肅寧夏人父帝賓由寧夏鎮標遊

通志卷一百一十五
擊遷直隸三屯營副將康熙二十九年九月
裕親王福全等奉

旨勦噶爾丹

命帝賓統兵千携兩月糧隨諸王行十月擢
湖廣襄陽總兵尋調甘肅涼州總兵三十三
年卒于官

賜祭葬如例三十六年

上駐蹕寧夏

名川陝總督吳赫等諭曰朕聞總兵官師帝

實聲名甚好雖身後而軍士尙愛戴之凡有
功而居官好者朕皆擢用矣懿德由行伍初
任西寧府守備遷朔州遊擊歷遷保定叅將
張家口副將四十四年古北口提督馬進良
以石匣副將缺請

上以要缺懿德乃帝賓子人材可用著調補
四十五年遷天津提兵四十八年擢江南提
督四十九年丁母憂

命在任守制五十一年懿德奏請以本身應

得封廕追諡其父部議不准

上念帝賓勞績

特允所請予諡恪僖旋調懿德甘肅提督五十四年四月策哈阿喇布坦遣賊犯哈密扎薩克達爾漢伯克額敏北境攻掠五寨抵城下懿德檄肅州總兵路振聲領兵先至哈密關兵在援奏入

命速往策應尋奏駐防遊擊潘之善領兵二百餘敗賊于哈密賊退駐城南二十里外得

旨嘉獎並

賞兵丁把總劄付五月奏言臣領兵至西吉水地方賊已遠遁但哈密勢孤無牧處請于距哈密一日程之塔勒納沁有水草處令振聲移駐六月奏言尙書富寧安將軍席柱等奉

命前至甘州與臣等籌議除遣往噶斯路防守之滿洲兵督標綠旗兵各一千外其進剿時滿洲兵二千督標綠旗兵一千臣標兵二

千火器營兵五百涼州寧夏肅州各鎮標馬
兵各一千火器營兵五百其各鎮標兵所需
乘騎及運米馬匹俱取給各鎮臣標馬步兵
二千五百共需馬五千二百五十現存馬給
與外尚缺二千請以寧夏涼州等鎮標馬協
助但營馬不使空懸請領帑買補又言屬營
並沿邊防守緊要請令鎮綏將軍潘育龍撥
標下馬兵二千給甘州總兵袁鈐管轄均下
部議如所請五十六年十一月

名懿德至京先是貴州巡撫劉蔭樞請援圖
北征

上命馳赴軍前閱視至是懿德復議不可進
兵

士以其奏示大學士等

諭曰此事彼處督撫不奏師懿德獨奏亦是
仿劉蔭樞之意且將師懿德畱京用兵之事
原要機謀非拘執不通者所能辦理疏並下
部議懿德論絞

海峽通商章程卷一五
詔考之五十九年投盜儀使六十一年松江
提督趙珀侵糧事覺懿德前任提督時坐扣
空糧銀三萬三千四百有奇米四千五百餘
石擬革職徒五年

特旨從寬留任雍正元年以疾乞休從之十
二年卒

張起雲列傳

張起雲山西大寧人由行伍拔補把總康熙
十六年拔太原鎮左營守備雍正四年正月

遷福建撫標右營遊擊八月調延平城守左
營遊擊六年十一月調陸路提標右營遊擊
十二月遷湖廣桂陽營叅將七年五月調福
建水師提標中軍叅將八月擢金門總兵八
年正月署南澳總兵二月奏言澳鎮右營巡
海六號船遭風飄溺官兵一案遵奉

恩旨例賞淹沒兵每名銀五十兩生存兵三
十兩前鎮未經給發臣因事關恤典細加確
察把總一員兵丁黃春等十四名委係淹沒

生存兵丁寔祇劉國明等九名其林禹等三十七名並未隨行濫邀賞賜皆由營弁濫報轉詳適鎮臣許良彬署事金門據詳咨呈督臣題報臣不敢徇隱應將寔在存沒兵丁二十三名給賞其冒濫兵丁扣除得

旨此奏可嘉寔屬奉公不欺汝能如是存心何慮不爲千百載之人物也尋

諭內閣朕念江海風濤不測弁兵因公差委遭風受困者加恩照陣亡例賞卹豈意舉行

伊始卽有南澳巡海哨船遭風冒開兵丁之事經張起雲叅奏許良彬亦卽寔奏著交部議敘近有條奏內稱粵東三面環海例應巡查遂有無賴營兵視恤賞爲射利之捷徑難免乘機作弊請嗣後遭風身故兵弁仍照例議恤外其被溺而仍獲生全者可否停其賞給等語合之張起雲所叅事同一轍著各省督撫提鎮通行曉諭務據寔開報忽忘朝廷格外之恩而蹈欺妄之罪六月奏言南澳鎮

上通閩洋下連粵海巡查不可少疎臣親率
兵船巡查各處洋嶼嚴飭謹防惟思查緝奸
宄當制未萌海中原無盜賊皆由陸地無藉
之民結伴潛出與其追拿于在洋已發之後
不若防緝于在陸欲發之時而搜剔線窩得
其踪蹟尤當用以賊功賊之法現獲舊通奸
匪者一二人勸以厚賞勗以自新密爲耳目
四處晒探如有暗謀糾夥出海確證飛報緝
拿酌量獎勵如借端生事卽加痛懲仍飭弁

兵嚴查跟究則陸地之根柢漸清決口之究
查新密賊奸頑歛跡地方得以安堵得
旨加緊巡查悉心料理十二月署陸路提督
九年調署廣東提督患病未赴十一月卒
諭曰張起雲才具優長寔心供職簡任提督
正資料理昨聞患病特遣太醫馳治冀其痊
可今聞溘逝深爲憫惻應得恤典著察例具
奏其柩槨家口在閩著該督寬裕幫給路費
遣官一員送回原籍尋

賜祭墓如例諡恪毅十年二月
上以起雲與將軍蔡良總兵蔣大有魏燾國
皆素有賢聲勤勞王事宜在賢良之例
命直省建祠祀之

劉芳躅列傳

劉芳躅順天宛平人順治十二年進士改庶
吉士散館授編修充

日講起居注官十六年遷侍講尋晉內宏文
院侍讀學士康熙五年遷內秘書院學士六

年充會試副考官恭纂

世祖章皇帝實錄充副總裁七年正月擢山東巡撫十一月疏報康熙六年開墾荒地萬二千二百六十畝有奇照例起科下部知之十二月因地震疏請格外蠲恤部議沂莒鄒三州縣殺傷最重增免本年錢糧十分之四其安邱等二十一州縣及章邱等十六州縣各照被災輕重分別蠲免芳躅以賑災議敘加工部右侍郎銜八年疏言山東眾山綿亘

濱海臨河易藏匪類向賴守巡各道彈壓累
經奉裁請仍設東兗巡道登萊守道增設濟
東守道青州巡道以資控制裁驛傳道即以
夫馬諸務分隸各道轄又言地方緝盜預勒
名數百弊叢生盜事主被盜倉身勢難得其
的數少報則漏網多報必誣扳嗣後凡報盜
能確呈幾名及獲犯卽寔供夥盜數目者仍
照數捕緝如盜數不前止將失事情形題報
不得預勒具數以致捏陷如硬坐抵充至死

者以故殺論又言盜案初供人犯未全証
未明暫時招承覆審不符原審官畏顧瞻徇
保無波累濫及請凡獲盜初供不必先敘候
全獲嚴訊真偽列入奏疏方成信讞俱得

旨允行九年二月疏言東省素不產銅惟收
買舊錢供鑄今舊錢盡銅缺仍按卯鼓鑄不
惟銅價騰貴且恐鑄多錢墜請撤局停鑄部
議如所請四月丁母憂十一年服闋候補十
二年考察各省督撫部議原任山東巡撫劉

芳躅才力不及降二級調用從之尋卒

上官鉉列傳

上官鉉山西翼城人明崇禎十六年進士

本朝順治二年授中書充陝西鄉試副考官
五年十月遷山東道監察御史十二月巡按
湖南八年三月巡按江寧十二月疏言高淳
縣素稱澤國有水衝浮糧八萬餘明時征折
色天啟間改本色民困難堪請仍准折部議
從之九年三月疏言蕪湖鈔關向有保家育

二十餘戶爲開竈每正課一兩多索或至五兩商聽自納則表裡爲奸所費必倍又巡兵原爲偵查而設近則每兵帶幫役數名近閔支河僅十二處委員多至七十五請裁保家及委員聽客帶照款目投稅毋許多索巡兵亦照經制名數卽給號衣腰牌以杜假冒五月疏言江寧滿漢官兵歲需馬草交州縣採買距省遠者水腳旣多及抵省歇家串通各役包納致日久草腐復行買補請歲差各郡

糧官採辦不必再發州縣運省時或用官船
或增水脚隨到隨收價則隨時增減十月疏
言江右諸驛爲江浙閩廣通衢乃江西浙江
兩省站銀數年不解皆官吏欺隱恃隔省忝
罰不及請

敕該省撫按補解以蘓驛困嗣後統于江浙
藩司彙解江南驛傳道給驛十二月疏言鳳
陽府屬多荒地前經勘明無王者免其起科
如一戶尙存二人卽報爲有三間有一人包

賠闔戶一戶賠包闔甲者連年水旱流移請
仍照熟起科豁其包賠並令有司及時勸墾
又言江寧所屬英武秣陵廣武三衛屯糧積
欠二萬八千有奇寔由山阻運艱請改征本
色以省運費十年正月疏言江南亳州城西
有地五百七十三頃有奇原係民田明成化
間地民投獻河南徽福二王府遂充王府其
地雖隣鹿邑寔隸亳州今王府既廢請仍改
隸亳州諸疏並下部議行是年丁母憂回籍

尋丁父憂服闋補湖廣道監察御史掌河南道十四年疏言蘇松提督馬進寶

陛見其地邊海請令速回任並請嗣後督無諸臣不必概請入

覲輕離重地如有機務面陳再爲請

旨疏入

報聞十五年二月疏言巡方首重舉劾先貪酷而後罷軟先方面而後守令差滿荐舉前經題定五六人誠寧嚴毋濫之意倉漕塩茶

祇以運司糧道苑馬河道鹽道爲其專管不
許概及提學道輕舉市恩至官有多寡請差
滿日將現任知府至知縣每十員擇舉一二
員以示激勸再提荐兩次者准爲一正荐凡
各差報滿行取陞任丁憂等官一概不許提
荐部議如所請先是丁酉科江南鄉試考官
方猶錢開宗濫中少詹事方拱乾子章鉞等
七人致諸生鬪辱同考官奉

旨革職提問至是鉉復疏忝中式舉人程度

淵噴有煩言請覆試江南新科舉人以核真
偽從之尋以文理不通草中式方域等舉人
刑部會鞫方猶錢開宗等作僇屬寔依律斬
決同考官葉楚槐等絞決方章鉞等及脫逃
就獲之程度淵均發遣如律三月疏言臣近
聞河南邪教蔓延地方官毫無覺察懷慶衛
輝諸郡尤甚請

敕撫按稽察州縣嚴懲失察者糾叅治罪得
旨嚴飭行四月疏陳四事一定臺規都察院

舊有會典及題定新例但有古典當因而今未修者有新例增行而昔未備者請悉心叅訂刊印成書一慎刑名御史爲執法之官刑名乃其專責臣伏讀順治十二年

上諭三法司題覆稽遲皆由文移往來虛費日月且事不同審稿不面議豈能得平仰見我

皇上好生之德請令該部先期抄招送院分各道限期詳閱再面審務求允協一速考選

臺臣職司耳目豈可久懸請每屆年終將俸
滿應考各官行取考選現缺御史七員作速
考補一考取巡方近例考取皆部院開列正
陪請嗣後正陪各官務詳開行過事寔其不
堪正陪者亦詳列其故每缺一差送新一
差送舊勿拘新人新缺舊人舊缺例部議考
選預取多員恐壅滯不便巡方一款事屬難
行應照舊例餘均如所請
諭曰巡方得人自能稱職遇缺取用與預行

選擇備差無異內外各差應用御史幾員除
現在御史外應預增設幾員詳議具奏尋議
增新舊各十五員

特旨增三十員選用掇才品無拘新舊八月
疏劾蘓松巡按王秉衡于各屬欺隱錢糧不
加釐剔且縱役擾民草職治罪如律九月疏
言計典三年一舉恐各省督撫徇庇屬員反
藉口待科道糾拾循良不免遺棄而漏網者
多至浙江湖南蘓松俱無御史計典應責何

官管理臣謹列四款一嚴陞任凡陞任官間有不肖輩在任巧于弥縫去後猶有勢彖臣謂果有貪穢寔蹟不得以旣去槩從寬典一核叅罰各省俸冊中有一官而數事牽拉有叅罰而數年不開者請將俸冊與計冊叅閱如叅罰過五件卽係才力不及降調過十件者草職一註事寔凡造報賢否寔蹟不得虛詞鋪張宜確核職掌直註于冊一察委署凡委署官原與部選不同率鑽營得之當計吏

時復脫然議外無怪貪風日甚請將三年內
委署並隨征軍前暫署道府另造一冊疏下
部議以府州縣錢糧煩多叅罰不一難總計
處分惟銀糧號件未完十件遲至半年者隨
計冊亦處餘並如所請行十六年五月疏言
吏部四司司官額設十三員今現止五人懸
缺過多恐致叢脞請

勅部作速考授從之十八年遷順天府府丞
康熙三年遷大理寺少卿六年授太常寺卿

十年二月遷宗人府府丞十一月遷左副都御史十一年疏言臣前掌道時管理軍政各省提鎮計七十員數十年來幾至百員臣以爲披堅執銳宣力疆場者多在恭遊以下蓋因登進有階不憚衝鋒破敵以博榮名至提鎮以上體統已尊祿位已極無可陞加輒不肯寔心効力徒糜百萬金錢請
敕部臣悉心籌畫養一將務得一將之功勿令坐擁虛名疏下部議提鎮止七十二員俱

要缺難裁

諭曰上官鉉疏稱宣力疆場者多在叅遊以下總兵官以上各員無可陞加不行効力等語果有不勤于効力者爲誰應指名糾叅乃概以不行効力具奏殊爲不合著吏部察議尋議照條陳不寔隱含譏刺例降二級調用尋補太常寺少卿十二年以冬至

大祀供器不整潔部議降三級調用請假回籍二十二年卒

韓良輔列傳弟良卿附

韓良輔陝西甘州人父成官四川重慶總兵卒塋合州遂入重慶籍良輔由康熙三十年一甲三名武進士選二等侍衛三十六年授陝西延綏鎮中營遊擊三十九年遷宜君營叅將四十一年遷神木副將尋調直隸大名副將五十八年調石匣副將五十九年奉命率古北口兵五百名赴西寧軍前候調遣雍正元年四月回任擢天津總兵

賜孔雀翎六月授廣西提督九月疏言臣標
步兵弓箭手多廣西山多密林利于藤牌挑
刀令將弓箭軟弱者改牌刀並增製一切軍
械再兵所乘馬向係自備多疲瘦擬以朋馬
銀買鑣壯者給騎操文奏設武職衙門經制
書吏

上嘉納之二年四月署廣西巡撫疏言廣西
土曠人稀一望深篁密箐若去其篁箐舊根
而入以稻穀新種可成沃土臣自柳州達桂

林沿途見棄地頗多其故有六山溪險峻猶
獗雜處其間所墾田去村莊稍遠慮成熟後
被人盜割一也民性樸愚但取瀆江及山水
自然之利不知陂渠塘堰可資畜洩二也不
得高卑所宜糧種三也不識深耕易耨所宜
之法四也出產祇米穀納賦必用銀且差徭
隨糧起恐貽後日之累五也良懦墾熟猶吏
豪矜往往勢佔六也宜選大員專司督率守
令料理購宜植之種俾教耕之人度肥饒曠

地可容數十家者爲之立茅舍招貧民聚居
貸牛種教以興陂渠塘堰之利再于相近協
營查出餘丁做屯田之意廣爲播種嚴冒佔
之禁寬陞科之期与令時攜酒食勸農教稼
庶粵民見有利無害皆奮發興起邊徼盡成
樂上

上以其疏交新任廣西巡撫李紱閱看並
諭曰朕覽此奏甚爲嘉賞今將開墾一事命
韓良輔與爾協同辦理成此美政三年十一

月疏言慶遠府天河縣三疇地方猺獞獷悍
讐殺之案累累前准撫臣李紱咨商發兵緝
捕臣檄柳慶協副將孫士魁等分領弁兵前
進仍發剴切告示曉以利害許以自首大軍
所至土疇之莫旺東等中疇之覃貴翁等下
疇之覃明甲等先後投首因撤兵回至宜山
縣之那隘及三岔各寨猺獞均至軍前投到
計期四十一日不損一兵不累一民猺獞一
一投首地方寧謐得

旨覽奏欣悅爾之寔心報効調度有方朕皆
悉知但能始終如一永久不懈爲佳四年八
月復署廣西巡撫十月丁嫡母憂

諭曰韓良輔人品端方操守廉潔廣西提督
事務關係緊要又署理巡撫印務正資料理
伊母之機旣在廣西著在任守制五年二月
授廣西巡撫三月疏言廣西泗城土府同知
無職掌請改爲思恩府理苗同知專管泗城
西隆西林等處苗民又太平府新改上龍下

龍二土司所屬鎮南大關係安南貢道且水路通內地最緊要應設流官請將太平府通判移駐並管憑祥州等處經理鎮南大開水陸隘口部議如所請六月疏言廣西撫提鎮三標歲需兵糧七萬六千四百餘石供支原無不敷但各屬額征糧數有無多寡懸殊因致撥運供支不無遠近難易之別以糧石計之桂林潯州慶遠賓州支給外尙屬有餘柳州平樂梧州南寧太平思恩額征各不足鬱

林無征全賴撥運以運道計之桂林居廣西最近地由桂林西南小河順流而下會右江以達柳州由桂林東南大河順流而下爲平樂梧州由梧州轉江湖流而上爲潯州由右江湖流而下爲柳州慶遠由左江湖流而上爲南寧又有南寧分道溯流而左爲太平右爲思恩所有思恩太平二府分防貼防各營汎距府城數百里水道相通處灘高河小舟載無多是糧爲桂潯兩府獨多而桂林尤多

輓運惟太平思思最遠最難計兩府共不敷
糧萬一百八十餘石責之潯州運給固屬偏
枯桂林分運亦未免重累若如從前遞轉法
以南寧糧撥支太平思思以太平思思糧盡
撥支潯州層層轉運一或愆期兵丁嗷嗷待
哺且運費煩多有司力不能支非科派里民
卽柳移正項查各項支放兵糧本色折色不
同今廣西本色兵糧桂林最多應于桂林府
屬半征折色三萬六千二百餘石內再半征

折色給太平思恩兩府並不通舟楫之鬱林
管南寧府屬之上思管及鎮標貼防之上思
州賓州屬之三里管慶遠府屬之荔波汎一
變通閩遠連之累悉除於州縣管伍均有益
又疏陳三事一羅城陽朔全州三州縣丁銀
按糧額派輸以均賦役一裁柳州府同知改
設慶遠府同知一革退思吉州安土舍兵田
查給土兵歸三里營守備轄并移佐貳一員
管理土民俱下部議行先是良輔奉

命同原任廣西巡撫工部侍郎李紱赴貴州
安龍鎮與雲南總督鄒爾泰會商黔越分界
事至是合詞疏奏紅水江在黔越交界粵在
江南黔在江北惟泗城西隆兩處苗獠之地
多跨江而北與黔畛域相連村寨相間苗性
獷悍輕生睚眦必報黔員旣難統轄粵員亦
難遙制遂致讐殺劫掠不休今議紅水江以
南屬廣西北屬貴州卽有爭奪事隸一省易
于完結應將西隆州所屬江北之羅煩刑亨

等甲泗城府所屬江北之長垣羅斛等甲俱
隸貴州于長垣設州治增知州一學正一吏
目一經理化導東北羅斛等甲土苗兇頑應
設州判一冊亨地方設州同一分理龍渣巴
結等甲又設城守遊擊一守備一千總一把
總二兵五百以遊擊千總兵二百五十名防
守州治以守備兵一百五十名防守州同所
治以把總兵一百名防守州判所治歸安籠
鎮總轄再安順一府原轄三州五縣南籠一

廳地方已潤今再轄新設州勢難兼顧請將
南籠廳改府治增設甲府一經歷一仍留南
籠通判佐理將附近之普安州安南普安二
縣併新設之州俱歸南籠府轄普安州之捧
鮮有養馬箐迤邐三十餘里爲三江烟喉苗
獠要隘上江白雲壘險峻異常惟一徑扳援
而上法岩塞山高十五里路險岩危至築寨
烟戶百餘家田多民富苗獠據險負嵎應於
捧鮮設一營白雲壘之上撥弁兵扼險法岩

歪染二處設大汛防守不准黔苗可控制亦
粵獯不敢起釁查黃草坦從無焚掠大寨應
卽駐防黃草坦之安籠鎮標右營遊擊一于
總一把總一兵三百移駐捧鮮將原駐捧鮮
之把總移駐黃草坦黃草坦居民稠密漢多
苗少距州窩遠應于普安州增設州判一分
駐管理又疏言土苗爭訟案件向由外結邊
徼苗夷率多兇悍報讐佔地搶殺爭訟無休
府州縣官以提審爲具文該管土司以隱匿

爲故智未有定限又無考成積案日多終難
清理雖名爲外結其實結者十無二三請元
上苗夷裸命盜搶掠拐畧爭訟無論案大小
俱以獲犯日爲始照內地限期審結違者照
例議處土官匿犯者革職兇犯逃脫照內地
承緝例處分苗裸罪應論死者咨部治罪不
准外結則流土各官皆知謹惕不敢徇縱疏
入均得

旨允行八月良輔自安籠鎮回廣西巡撫任

李維鈞列傳
乾隆二年二月擢廣西碣石總兵尋調陝西
肅州總兵五年九月授甘肅提督十一月卒
賜祭葬諡勤毅良輔子勳官至貴州提督自
有傳

李維鈞列傳

李維鈞浙江嘉興人康熙三十五年由貢生
選授江西都昌縣知縣尋丁母憂服闋補四
川榮昌縣知縣四十六年遷山東莒州知州
四十九年內遷刑部員外郎五十年授江南

道監察御史五十二年遷直隸守道雍正元年正月擢直隸巡撫七月疏言順天保定河間永平宣化五府地多旂圈丁銀書爲民累請自雍正二年始攤入通省地糧內按地輸丁八月疏言宣化所產高糧味澁性燥人皆不食祇作燒酒計每歲所鬻不下六七十萬金自禁燒酒鍋以來多以高糧養牲畜殊屬可惜請弛其禁部議均如所請二年正月疏言前宣化鎮出師兵所給十月行糧兩月口

糧經部議免扣還古北密雲官兵同時出師
所給銀請一體免扣從之三月疏奏現行地
方事宜一馬空丁銀均攤十分之四逐漸完
補一減火耗每兩二三分舒民力一起解兵
餉例有知府規禮今裁令州縣自行解司一
各官署鋪墊向派里甲今悉除一清查地畝
毋致隱佔一行保甲以杜奸匪一嚴飭武弁
除募兵虛冒之弊一親檢三營甲幟勤操演
一修烟臺建營房增設兵五名嚴防汛一遍

飭村莊築墻掘壕兼選壯丁習練防盜賊一
驛路兩傍種柳恤行旅奏入

諭曰天下督撫皆當如此留心擴而充之何
虞吏治不肅民生不遂耶村莊溝壑實係有
益之事但須預爲陳說利害使愚民灼知有
益踴躍樂從秋成之後方可行之斷不宜急
遽強迫民壯頭目殊難其人須擇平素爲眾
所推服者方可委之董率尤須飭地方官不
時稽察勿致生事至種樹卽古人列樹表道

之意朕現刊諭一道尙未頒發爾奏恰合隨
卽通行直隸各省矣六月疏言永定河堤柳
岔口至王家園一帶淤于餘丈請速濬又郭
家務工堤係沙土稍築不能防急溜請嚴飭
專管及分修各員培固又言正定府轄三十
二州縣寔有鞭長不及之虞請設直隸州分
轄將南宮新河棗強武邑衡水五縣分隸冀
州栢鄉隆平高邑臨城寧晉五縣分隸趙州
武強饒陽安平三縣分隸深州無極藁城二

縣分隸晉州曲陽新樂二縣分隸定州直隸
知州照知府例稽查屬縣錢糧案件其府州
錢糧令直隸守道不時委員盤查均下部議
行十月

特改直隸巡撫爲總督卽以維鈞陞授十一
月

命加兵部尙書銜提鎮俱聽節制會有密奏
維鈞厚餽撫遠大將軍年羹堯禮物又覓二
女子相贈者

特諭誠之十二月疏請改張家口副將標籐牌兵三百名爲烏鎗手大刀三百名爲弓箭手從之三年二月疏言京衛歲考取入武童共百名燕山等六衛地丁編屬順天保定河間正定四府衛學武童亦應分歸四府請於大宛二縣各取進二十名歸順天府武學其餘六十名於保定河間二府各取進二十名惟正定府又分設直隸州應於正定府取入名趙州冀州各三名定州晉州深州各二名

習尙澆漓所致消弭之道當應以實不以文
惟返躬修省克已改過然後齋肅籲懇則天
人交感之際潛孚默契如響應聲但庸愚視
爲杳渺無憑且朕卽位以來凡有所禱從未
令僧道設壇作法朕嚴恭寅畏敬天之心無
時敢懈至於鬼神之道体物不遺宜敬而遠
之固不可輕忽亦不可溺信而涉於詭瀆茲
亟應省察吏治檢黜刑名其有關於國政者
奏聞於朕我君臣期共懋勉以恭迓天庥可

也惟鈞又奏直隸地方每有蝗蝻士人虔禱
劉猛將軍廟輒不爲災

諭曰弭災惟當恐懼修省交相儆戒人事旣
盡自然感名天和災祲可消豐稔可致至桑
林之禱所以捷于影響也若專恃祈禱而置
恐懼修省于不事是濬流而舍其源執末而
遺其本矣尋復

諭曰觀尔一切章奏文情口氣甚與年羹堯
相仿總因尔等字跡往返孰習之故朕每諭

毋務虛詐爾竟不能領畧徒爲浮泛套語朕
深不取維鈞奏言向與年羹堯通問歲不過
一二次近已與絕得

旨據奏與年羹堯通問歲不過一二次是何
言歟西安總督官廳內未有隔五日不見直
隸李維鈞之介使眾目昭彰何可強辯似此
巧言粉飾以狡獪爲得計以隱蔽爲深謀恐
一旦發覺罪無可追尔其思之維鈞尋疏劾
羹堯言羹堯上年進京回陝過保定曾有六

將軍印我已交不出去之語再原任湖南巡撫王之樞在陝修城効力其原籍定州田房自應變解充公乃早爲羹堯所得匿不咨查原任江西學政徐昂發在軍前効力呈明原任江西巡撫王企靖曾得伊銀三萬兩係贓銀羹堯並不題奏私咨臣查追又聞羹堯誅西寧無故喇嘛五千獲輜重數十萬入已六月間臣姪李宗渭由西安至保定臣詢知羹堯僭安驕侈奸詐貪罔十款一出署淨街百

姓填道一屬員稟稱引見送禮稱恭進一
同知途見巡捕官長跪回話一採買貯穀每
石較市價短發二三錢一委用運同嚴士俊
將塩升改小內摠和沙土一造報平定青海
功冊輒將並未身至西寧之人竄入一差典
史朱尙文販賣四川木植獲利一家人魏之
耀嚴二乘轎進京州縣道傍打恭遊擊守備
跪道一嚴士俊冒認嚴二爲父肆行無忌一
美堯赴浙輜重出關不計其數起身後尙有

四年三月

上以維鈞任總督時將議准改隸河南之澹滑內黃三縣漕糧擅請仍在直隸元縣之小灘鎮受兌挾私阻撓

敕令明白回奏欺詐失寔又侵欠直隸庫帑數十萬未完

命浙江巡撫李衛查抄維鈞家貲十一月衛劾維鈞及其子蔓狡獪多端私將家財各處埋隱寄頓現查出三十餘萬請革李蔓廢生

研審究追再蔓生母張氏並非維鈞聘娶繼室乃家奴張大婦維鈞先佔爲妾假稱繼妻且曾與魏之耀認爲乾親濫膺

誥命並請

敕部追奪

諭曰李衛清查李維鈞家產不徇情面一一查出可嘉但叅奏李維鈞婢妾一節未免過刻不合大沛前蔡珽曾奏稱於北直旅次壁間見一對聯乃譏訕李維鈞家奴之事朕彼

時切責戒其勿言朕以忠厚之道教天下此事並不必要議覆若云請追誥命李維鈞既已獲罪革職自有定例何必特行奏奉餘著該部議覆嗣部臣以維鈞現在天津遵

旨俟工竣一併議罪五年三月工竣部議李維鈞身受

國恩不思潔已報効曠私累累又將直隸庫項侵蝕令子李蔓理藏寄頓貪狡已極且與年羹堯朋比私暱情詞詭譎又挾私借改兌

小灘為名阻撓

國事照律擬斬監候妻子入內務府為奴維

鈞尋病歿乾隆元年

恩釋其妻子還原籍

勵廷儀列傳子宗萬附

勵廷儀直隸定海人父杜訥刑部右侍郎贈
禮部尚書有傳廷儀由康熙三十九年進士
改庶吉士四十年丁母憂四十一年
特命在南書房行走四十三年授編修尋丁

父憂服闋充

日講起居注官四十五年遷右中允累遷侍
講學士五十六年擢內閣學士六十一年二
月充

經筵講官十一月充翰林院掌院學士尋遷
兵部右侍郎仍兼掌院學士雍正元年正月
恭修

聖祖仁皇帝實錄充副總裁二月擢刑部尚
書八月疏言各省常平倉米穀雖有知府司

道盤查管理不能保無徇隱當責督撫覈實存倉及現捐穀數共貯若干支用若干委幹員不時盤查年終造冊保題督撫離任將冊籍交新任詳覈虧空題叅新任徇隱察出議處分賠部議從之是月奉

旨刑部事繁難以兼理掌院禮部事簡著張廷玉兼理掌院使廡廷儀得專心料理本部事務十月疏言古北口外命案向由本處武職詳解刑部派司員往驗路經三四百里或

五六百里往返需日傷痕已變審擬難確請
於口外適中處設理事同知一員自民命案
驗明取供分別詳解題結盜案亦如之其詞
訟細事聽該員自理稱職請照捕盜同知例
卽陞

詔下部議設滿洲理事同知一駐熱河隸霸
昌道轄二年二月奏請團練民壯每州縣選
五十名分習鎗箭尤壯者選爲頭役于州縣
俸工內酌給工食勤加訓練得

旨此奏甚好著該部嚴諭直省督撫實心奉
行三年十二月疏言監禁宜分內外內監以
居重要人犯外監以居現竊輕犯並案內聽
審人其女監另墻隔別庶防範嚴肅亦不致
串供部議從之五年三月充會試正考官五
月以保題到部甫及三月之筆帖式麻色爲
主事部議降一級六月以保送到部甫及月
餘之卽中祁希節赴
盛京辦事部議降二級均奉

旨從寬_留任七月廷儀與侍郎高其佩赫壽
審擬菩薩保罪名錯誤奉

旨草職_留任八月三法司議覆河南通許縣
民吳三保勒死曹柱兒一案巡撫田文鏡原
擬斬決其佩安改監候廷儀等並不詳核隨
眾畫題部議廷儀應降三級調用已草職應
革任得

旨免革任候三年無過開復前案之日降三
級_留任十月

特命復職六年八月疏陳考職積弊四條一
監生遇考職時每倩人代考請照科場例先
期驗照查明年貌履歷捐納年分事例如卷
面註明臨期編號分坐使不能代作傳遞一
考職例由地方官具文書本生領文或借與
他人頂名冒考請取具同鄉京官印結外再
取具同鄉同考監生連名互結扶同治罪一
監生身故斥革例應繳照竟有隱匿未繳者
考職時報名混考請飭地方官查追送部一

監生內有先經考職未得揀選復頂名重考者請並責同鄉印級官及互結監生內名知情不舉者治罪十一月疏陳禁止私鹽四條一窩私販之家宜突一無可私鹽之禁宜嚴一獲鹽不獲人概行免追之例宜明一有司拿獲不報及減多報少之罪宜重十二月疏陳清查入官家產四條一承辦官毋者干料信變價時任意核減希冀分肥並索平頭解費一田畝房產該管官家許自賃租器物不

得乘機抽換一本犯家屬毋許常年據估不
卽退出與該管官通同影射帝據文出官代
買一田產既經估報卽非無項著追可比應
勒限速售銀兩依限完解諸疏俱下部議行
七年十月加太子少傅

賜矜愍平恕額八年三月疏言各部院欽奉
諭旨及題奏奉

旨並咨結事件應行文各衙門直省之值日
司員一人專司其事錯誤遲延卽將該員叅

處若竟遺漏行文或遲至經月該司滿漢各員均難解咎自應一例叅處因向無定例彼此推卸或祇歸咎一人情理殊未允協嗣後如應行事件漫不經心以致遺漏遲延滿漢官一併叅處部議如所請九年三月疏言向例鉄貨不許私出外境而廢鉄不在禁例近聞射利之徒專收廢鉄錯化運至近邊近海地方請嚴禁如販賣硝磺例從之九月遷吏部何書仍專管刑部事務十年五月以病乞

休

上慰留之闈五月卒遺疏入得

旨勵廷儀待直內廷蒙

皇考聖祖仁皇帝知遇之恩教養有素伊父
尙書勵杜誦老成端論學問優長朕幼年在
宮中讀書時資其講論至今念之不忘朕御
極之初勵廷儀爲

皇考多年教育之人擢用司冠數年以來勤
慎小心安詳歷練克稱厥職是以特賜官衛

晉秩冢宰以示恩眷秋官重寄正資料理今
聞溘逝深爲傷悼已命大臣往奠茶酒其更
下所司議恤尋

賜祭塋如例謚文恭子宗萬康熙六十年進
士改庶吉士散館授編修雍正二年

命在南書房行走五年七月充

日講起居注官十一月提督山西學政六年
三月疏言學臣舉黜優劣任滿始行造報不
無瞻徇顧忌之弊請嗣後每考一棚卽分別

獎戒各生名數造冊達部不惟瞻顧可杜且使優生知部冊有名益加勉勵劣生知部冊可畏均思改悔於士習有益八月疏言河南原設運學係蒲解二州及臨晉榮河萬泉河津安邑憂縣平陸芮城垣曲聞喜十縣額設蓋丁子弟考試嗣因修理塩池堤堰募十二州縣民夫帮修其子弟亦遂冒考商籍童生亦有冒入民籍者往往以一童冒兩籍考試數次甚或本籍已取入將冒考之名賣與他

人頂充應試請徹抵查禁使商民不得互冒
均下部議行是年遷國子監司業七年三月
宗萬按試潞安有臨晉縣民解進朝詐稱
御前辦事總管私書請託宗萬疏

聞

諭曰凡私書請託者皆屬夤緣僥倖之徒事
內外官員咸肯據實叅奏則鑛營之弊可思
宗萬此奏甚屬可嘉著交部議敘九月遷翰
林院侍讀奏言州縣爲親民之官職守漆重

若擅離職守赴省叅議于公事難免遲悞請
勅各督撫藩臬嚴禁屬官私謁以免曠悞得
旨此奏可嘉朕另降諭旨飭行十一月

命管理巡察山西事務八年九月疏言額設
民壯必技藝嫻熟臣查閱四十餘虞州縣官
係旗員民壯尙有可親其餘生疎不堪蓋以
州縣不習武事之故請令該州縣會同在城
武職定期操演務期精熟部議從之是月巡
撫石麟疏劾宗萬騷擾驛遞得

旨革職仍舊巡察之任九年石麟復劾其縱
僕索銀及短發物價等款

命革任十年閏五月

特授鴻臚寺少卿在

南書房行走十一年九月遷光祿寺少卿十
二年八月遷鴻臚寺卿十月擢內閣學士兼
禮部侍郎十三年正月充

皇清文穎館副總裁九月遷禮部右侍郎尋
調刑部左侍郎十二月

命兼管禮部侍郎乾隆元年四月疏言每科
進士除選庶吉士外分派名部以額外主事
學習行走三年期滿以部屬知縣分別錄用
查各部主事共四十八缺每科分布不下四
五十人若期滿不卽題補固無以爲勤敏者
勸然不分優劣概以主事題授不但冒濫名
器且候補候選應陞行取各頭人員無缺可
補若將不諳部務之員概以知縣選用則民
社重寄又非庸材所可濫膺請嗣後學習期

滿人員令該堂官出具考語分爲三等帶領
引見一等補用主事二等卽用知縣三等補用
國子監助教監丞及司經局正字等缺又前
因禮部事簡停止分派額外主事請仍照舊
例與五部一體簽派部議從之五月以知貢
舉失察火夫脫逃降二級卹任六月奉
旨勵宗萬不必兼管禮部侍郎事十月吏部
疏劾宗萬于奉

旨保舉河員時受候選州同錢良楫請託狗私濫舉得

旨革職尋

命在御書處辦事四年

命在武英殿行走七年五月補侍講學士六月充

武英殿總裁十月遷右通政八年正月擢通政使十一月

命在懋勤殿行走九年二月遷都察院左副

都御史五月疏言直隸居民無山澤之利家
鮮葢藏一遇災荒生資立匱往往就食隣省
各地方官自宜一體撫綏使之得所近來資
送流民之例原以保全流離但果有業可歸
自能回籍若徒資遣是途中暫有餬口之資
而歸鄉仍無謀生之路請

敕奉天山東山西河南等處大吏務飭各府
州縣官凡流民入境除有親知可依及手藝
傭工力能起食者聽自便外其實因災出辜

無生計之人務設法安頓或棲寺廟或設席
棚勸諭殷實之家隨力周給不足則益以常
平倉穀畧仿宋臣富弼知青州安集流民之
法選誠練紳士分境散給不得假手胥吏數
月後喘息少舒設地方或有曠土可耕工程
可作隨宜處置務令遂生倘故鄉已廢豐年
流民情願復業則給以路引聽其自歸毋庸
押送至興工代賑原救荒善策直屬應修城
工三十餘處中有縣城土城不同縣料難于

猝辦不若興修土城貧民得以擔挑販築傭
工食力更爲有益查雍正五年直隸被水興
舉營田水利准大學士朱軾所請暫開營田
事例前年淮揚被水亦暫行好善樂施之例
今直屬疊被旱災與往事情形相類而江南
捐限屆滿請俟江南停捐後改于直隸收捐
助賑

詔下大學士九卿科道議行七月疏言我
朝制科取士立法嚴明近年積久玩生士不

務學多以夾帶獲中竟有纔識之無已登高
第者卽素稱能文之士亦相率效尤不但鑿
銜淆實而苟且僥倖之私中于人心者爲患
甚大查科場原設兵役搜檢但定例每場點
名先官卷次旗卷監試官碍于情面兵役等
畏其聲勢點過卽放竟不一搜後黠民卷難
于獨嚴遂至一例從寬虛應收事請

敕禮部順天府步軍統領及臣院五城等衙
門先期出示申明禁諭凡士子無論滿漢官

生民籍悉遵科場條例不得夾帶片紙干罪
點名時請

特派近信大臣官員監同察查官卷旗卷一
體嚴搜狗纜卽將監試官稍叅仍約束兵役
不得凌辱才難得

旨著照所請行十二月遷工部右侍郎十年
調刑部右侍郎十一年以縱容其弟門客沈
文傑招搖生事部議革職予杖徒

諭曰勵宗萬從前在山西巡察任內居官不

美名至專

謹已經廢棄蒙

皇考天恩棄瑕錄用至於大員乾隆元年朕復加簡擢因徇私濫舉經部議革職間居數年朕仍念其爲大臣之後復加恩用至於今職冀其改悔前愆勉効力今覽大學士等覆訛沈文傑行賄作弊一案內稱勵宗萬未受賍私朕細閱此案情節現在實未得財而知勵宗萬平日之爲人將來事後酬謝伊斷無不收受之禮朕此諭旨令勵宗萬捫心自

問不切中其隱微乎但朕思伊之所以敢于踰越規矩不守官箴者固勵宗萬之罪而其間亦尙有故蓋因朕前歲纂修秘殿珠林一書張照梁詩正荐勵宗萬等在懋勤殿行走編輯朕或名見請論書籍勵宗萬遂恃此虛張聲勢縱放自恣朕不會早加戒飭以致罹于罪愆著草職從寬免其杖徒令回籍閉戶讀書十三年直隸總督那蘇圖疏劾勵宗萬弟原任郎中宗奕霸買官地未經交價遣僕

強收糧石宗萬知情故縱下部議罪應杖徒
奉

旨寬免

命承修固安縣城工十五年以查辦廢員
諭調取來京酌量錄用十六年授侍講學士
十七年以考試不到降二級調用十八年補
鴻臚寺少卿尋遷太常寺少卿二十年以征
收

先農壇空地草價含糊具題降一級留任二

十一年以

天壇遞香失儀降二級罰任二十四年六月
遷光祿寺卿九月卒

屠沂列傳

屠沂湖北孝感縣人康熙三年進士授直隸
蔚縣知縣四十三年晉陝西隴州知州四十
四年擢吏科給事中四十七年充江南鄉試
正考官四十八年晉奉天府府尹四十九年
遷順天府府尹五十七年遷左副都御史五

十九年五月兩江總督常胤恭頴州知州王承勳許吉安徽布政使年希堯需索規禮並鳳陽府知府蔣國正胥蠲侵蝕等款

上道沂同左都御史田從典往勘鞫得國正索承勳規禮又以應昭所屬虧空銀三千七百餘兩混入

恩免民欠錢糧擬斬希堯失察革職部議如所奏六月

命同副都御史楊柱查延慶州等處地震並

蔚州被災等處七月疏報已查賑延慶保安
懷來沙城等處災戶續往查蔚州廣昌厚源
又宣化龍門被災亦重請一體散賑

詔如所請八月充順天鄉試正考官十一月
擢浙江巡撫六十年閏六月兼理海關並分
辦銅斤十二月疏稱浙江素少葢藏康熙五
十三年兩次截留漕米二十萬石備積貯已
于五十五六兩年貯十二萬二千餘石今秋
被旱成災之仁和錢塘等二十八州縣一所

已題請蠲賑其續報於潛等十一縣衛所災
款俱引領望賑但二次截留米止存七萬七
千九百餘石動賑後請於本年漕米內再留
二十萬石分貯杭州府十五萬金華衢州二
府各二萬嚴州府一萬以裕積儲奉

旨允行先是總督滿保巡撫朱軾題准海寧
老盜倉海塘東自浦兜輿西至姚家堰建石
塘六十一年二月沂疏稱海寧縣海塘田潮
頭衝激將上下勘定寔土處所縱橫寔砌石

塘其土鬆處榕石難施者起築草塘五百四十丈今春潮洶湧急宜搶築隨接築草塘三百丈仍于寔土處接築不塘連前共五百丈並將姚家堰西續埧處亦築草塘二百十五丈次第完工部議准報銷其草塘令丞辦官保固三年又疏稱中小寬沙地北岸衝決甚險經前撫題明挑濬以分水勢今塘腳現漲沙淤塘身穩固無庸再濬部議如所請六月以病乞回籍從之雍正三年卒

王燕列傳

王燕直隸宛平人禮部尙書從簡子以父廕累任戶部兵部員外郎郎中康熙三十四年授鎮江府知府三十一年

特授江蘇按察使三十三年晉湖北布政使三十七年擢貴州巡撫疏請增設貴州附學之清浪衛教授一附學之開州廣順州未設學之永寧獨山麻哈諸州學正各一附學之普安餘慶安化三縣未設學之普定平越都

勻鎮遠銅仁龍泉永從七縣訓導各一照小學例取文武生員八名下部議行三十九年疏言黔省荒田尙有十分之四徧勸開墾舉報寥寥查田畝俱在萬山中土性瘠薄秋成籽粒難抵內地膏腴三分之一開墾倍費工本六年成熟起科辦賦餘僅敷播種工本無償是以懈于開墾請除輕則田不議外其重者分別核減或減三分之一或減半征收嗣後開墾俱准照減則例征賦則民苗踴躍從

事下部議行四十五年疏稱文武官弁近因兇苗劫掠俱照野賊苗畜搽害地方例議處黔地俱熟苗納糧當差與生苗潛入劫掠者不同若因其爲盜將該管各員卽降革離任接緝者以非任內事不寔力緝拿不肖員弁慮于降革互相隱諱嗣後除野苗爲盜照例議處外其熟苗爲盜地方官照漢民爲盜例議處下九卿科道等議從之四十一年疏言驛站夫馬例州縣兼理獨安順駟馬在府站

夫在縣鎮遠驛馬在縣站夫在府兩岐不便
且與兼管例不符請將夫馬統歸普定鎮遠
二縣管理得

旨允行四十二年以原官致仕四十七年卒
賜祭墓如例

鮑虎列傳

鮑虎山西應州人順治二年由行伍從大軍
定江南進取江西有功洊授南贛鎮標前營
遊擊五年正月廣東提督李成棟叛據南雄

九司糾洞蠻土寇十餘萬分路出信豐安南
犯贛州南贛巡撫劉武元總兵吳有陞督將
土出迎戰虎由小東門城薄營奮勇直入諸
將繼之大敗賊眾斬首萬餘級成棟單騎逃
竄捷

聞得

旨嘉獎十月賊犯上猶虎以兵往援距城七
十里抵土橋遇賊萬餘擊之潰追二十餘里
擒僞提督劉飛叅將姚元藻等斬獲甚眾

詔下所司彙敘擢叅將

特賜蟒服十二年署山西澤源城守副將十三年遷江南狼山營副將康熙元年調浙江嚴州城守副將十三年八月逆藩耿精忠黨寇浙江温州黃岩平陽三鎮皆叛壽昌等縣相繼陷精忠潛以逆劄誘降虎不從擊賊奪險隘一日六戰皆捷遂復壽昌九月偵賊萬餘糾土寇黃應茂犯遂安虎率子輔仁志仁依仁希仁及効用守備熊仲雲等陣斬偽副

將葉姓叅將王師古等殺賊千一百七十餘
康親王傑書以

聞

詔獎其功下部議敘並以舉首逆劄加都督
同知尋擢黃岩總兵十二月僞摠兵王飛石
等犯淳安虎逆擊之于圍屏鎮斬賊二千餘
生擒飛石及僞副將江明等四人又招降僞
副將江城敘功加右都督十五年六月海賊
大艦逼海門虎提師進勦以勞喝成疾師旋

率十官

諭曰鮑虎効力行間著有勞績其子作何錄用該部議奏尋議錄其子輔仁爲叅將

允之輔仁歷官廣東春江協副將

魏國勳列傳

魏國勳雲南昆明人由行伍拔補永北鎮右營把總康熙五十五年遷本標左營于總五十九年從定西將軍噶爾弼定西藏師還遷本標中營守備雍正二年二月欽功加署都

督僉事四月魯魁山猥賊方景明陳阿巴等
肆劫總督高其倬遣官勦捕景明投順阿巴
走土曼復糾黨擾茶山荔國以兵三百追至
整董阿巴據險拒荔國麾眾斬百餘級復追
至蚩先塞擒阿巴斬之其倬以

聞

上嘉荔國奮勇下部議敘七月遷尋霑營遊
擊三年調督標後營遊擊四月遷武定營叅
將先是法曼伙目祿天佑擅殺東川營兵捕

未獲詐言已死其妻沙氏管理夷事與天佑
各居一寨縱土目肆掠東川及武定祿勸尋
甸等處又因烏蒙改流暗造軍器謀叛翥國
擒其黨沙世鳳祿三斤等訊得狀告總督鄂
爾泰雍正五年十二月鄂爾泰檄翥國率守
備王先協同東川營叅將楊國華分路進勦
有閔曰老烏老賊眾守隘翥國親督兵上下
奮擊破之直搗天佑所居多顆落沙氏所居
花椒園覆其巢賊眾潰沙氏墮崖死於天佑

東川平

諭部議敘是年西藏第巴阿爾布巴等以私憾戕貝子康濟鼐擾西藏

命左都御史查卽阿副都統邁祿往討翥國選兵甲由中甸進駐察木多候調遣六年事平回汎七年八月擢貴州銅仁協副將十一月調雲南督標中軍副將八年七月擢臨安鎮總兵九月烏蒙降猓猓鼎坤子萬祿聚眾叛掠東川翥國往勦鼎坤弟鼎明時在軍營

伺間刺翥國傷左膝翥國立斬鼎明東創亟
擊連破賊眾十一月以創重卒部議給半塋
如例

特旨給全塋

賜祭一次十年二月

上追念翥國及福州將軍蔡良福建提督張
起雲貴州總兵蘇大有皆素有賢聲而勤勞
王事以歿

命直省各建賢良祠祀之

博學日傳

卷十五

名

漢名臣傳卷十六

艾元徵

吳士玉

趙坤

何世璠

張鵬

錢以塏

潘之善

蘇大有

李天馥

阮爾詢

劉詔

張志棟

劉世明

馬際伯

陳元龍

艾元徵列傳

艾元徵山東濟南人順治三年進士改庶吉
士四年六月授宏文院檢討十年遷左春坊
左庶子兼秘書院侍讀十二年丁憂十五年

正月服闋補原官二月遷侍講學士六月遷
秘書院學士九月充武會試主考官尋教習
庶吉士十二月授禮部右侍郎兼東閣學士
十八年授

國史院學士康熙二年授戶部右侍郎四年
轉左六年疏稱今日最爲民害者莫甚于私
派各部駁查上官催提皆不免有費至司道
府廳之差役一時雲集縣堂思厭其欲遂滋
私派之弊臣以爲務澄其源簡其事使部臣

不得借名詳慎而駁及不應駁上官不得託言急需而差所不必差更請

勅部院各司詳議畫一以應駁應催者爲一類餘卽結案不許滋擾章程旣定懸之令甲敢有仍前多事者嚴治其罪則事少而襍費可省費省而私派可息矣部議令各督撫嚴查如有私派情弊卽行題奏從重議處奉

旨依議九年三月調吏部右侍郎四年轉左十一月遷都察院左都御史十年三月疏言

查品級考會奉

旨將漢軍漢人應陞官員俱照滿洲例先行
開缺候

旨會推惟推陞督撫提鎮仍擬正陪似未畫
一嗣後督撫提鎮缺出請

勅部先行開列可否會推恭請

睿裁下部議行五月疏言

世祖章皇帝時于出位妄言風聞失實者皆
加懲以戒伐異黨同挾詐報復也嗣後果有

確見關係政治及大奸隱慳仍無論有無言責悉聽據寔陳奏外餘並不許以浮詞擅行入告部議如所請行十一年三月擢刑部尙書十五年七月卒於任九月
予祭葬如例

吳士玉列傳

吳士玉江南吳縣人康熙四十五年進士改庶吉士散館授編修充朱金元明四朝詩集纂修五十二年遷右贊善五十四年遷侍講

三
尋轉侍讀五十六年提督順天學政五十八
年二月

上巡幸畿甸士玉扈

駕至玻璃口

名試律詩十二韻

賜御纂周易折中及周易本義四書一部

諭獎其詩文俱好考校秉公五十九年遷侍
講學士充武會試正考官六十年轉侍讀
學士雍正元年正月奉

清名錄卷之二
命土王赴陝同巡撫圖理琛察審革馬喀職
會馬喀供容仇誣而圖理琛復以馬喀布政
使任內虧空庫項奏

諭曰許容着解任交總督岳鍾琪同吳士玉
圖理琛復審吳士玉係特差審事之大臣乃
一切不能主持甚屬無能着嚴飭行九月士
玉等復奏言查年羹堯案內人官塩原估銀
十九萬八千八十一兩有奇除潞安澤州等
十七隲存店並任池未運之塩作價十五萬

七千四百八十一兩未發賣所請分年帶銷
尚非虛捏至咸陽長安鎮安鄠縣潼關華陰
解州南陽八處俱陸續賣完馬喀身任鹽政
將已賣價銀混請帶銷雖與商人高俊無通
賄情樊依奏事不實應杖徒其虧空庫銀萬
二千餘兩應追給咸長等八處鹽既交價容
尚非挾仇誣忝但潞澤等處積盤尚多遠稱
贖完所奏亦不實應革職疏下部議馬喀如
所擬調容浙江布政使五年上玉調工部左

侍郎時宣化總兵李如柏劾懷來叅將呂尙
儒於飭將空糧製軍器火藥抗玩不遵

命士王在審得實革尙儒職六年以進黃冊
玩忽部議革職

命以內閣學士効力八年七月補禮部右侍
郎仍兼內閣行走八月轉左九年正月轉吏
部右侍郎兼署刑部侍郎十二月轉左十年
五月士王患病
命在家辦事並

遣御醫院診視十月擢都察院左都御史十
一年二月遷禮部尚書卒遺疏入

諭曰吳士玉和平謹慎學問素優簡在秩宗
正資料理今聞溘逝深爲憫惻著散秩大臣
一員帶領侍衛十員往奠茶酒禮部堂司官
及各部漢堂官俱著前往弔奠柩起程之
日亦著往送沿途經過地方着官弁等差人
護送應得卹典該部察例具奏尋
賜祭葬如例謚文恪

趙坤列傳

趙坤甘肅寧夏人由行伍拔補寧夏鎮標把
總從征噶爾丹有功授玉泉守備康熙四十
一年川陝總督革鎮題補甘肅提標遊擊得
旨趙坤著遇有直隸遊擊缺出補授授遵化
城守營遊擊四十五年遷山西平陽營叅將
四十六年調新平營四十七年遷殺虎口副
將五十一年一月卓異引
見

賜孔雀翎調川陝提標副將五十三年調直隸石匣副將五十四年五十五年

上幸塞外

旋蹕至波羅河屯坤迎

駕先後蒙

賜詩扇聯額及內廐馬五十六年因喀斯路增兵分班駐守

命借副將卜應奎管領綠旂換班兵丁旋授雲南鶴麗總兵五十七年西藏第巴達克咱

屬人彭楚達幾潛至雲南邊外中甸貿易坤
以第巴達克咱投順策妄阿喇布坦且爲之
用拘彭楚達幾以

閏五十八年大將軍定西藏坤借都統武格
等至中甸宣示

恩威五十九年二月率標兵進勦六月至察
木多合四川兵隨定西將軍噶爾弼由內五
齊進克拉里及莫珠貢喀第巴達克咱降西
藏平卽畱駐六十一年三月撤回九月

諭曰雲南總兵趙坤爲人明白才技亦優著
馳驅來京陛見朕另加簡用雍正元年正月
擢貴州提督

陛辭請以子候補叅將趙秉鐸補本標叅將
待允所請五月奏保守備卜萬年田王吳朝
應許緯爲遊擊又奏以修理旂帳等空糧募
壯丁五百實之得

旨尔爲朕所信任之人其恤兵清酌處除嘉
獎之外無可多諭所保遊擊四員皆照所請

行二年定廣狝苗阿近阿卧等糾衆不法坤
與總督高其倬巡撫毛文銓調兵勦平之
諭曰此朕御極以來第一次平定惡苗之事
趙坤等著有勞績著從優議敘三年三月授
銓儀使未至

命署四川提督十一月調湖廣提督四年四
月

特命坤子秉鐸調湖廣提標叅將時辰谿縣
奸民謝錄正等匿山谷爲盜坤擢都司李汝

良往捕弗獲

論曰不法匪徒藏匿山谷盜竊爲匪地方文武大吏遣兵緝拏豫先若有調度何難卽刻拏拿乃發兵千餘而賊徒竟敢抗拒賊首公然脫逃則大吏全無布置委用非人而弁兵之怠玩可知且事犯多年地方大吏何不早爲緝捕着明白回奏十月

召坤來京補筮儀使十一月坤以錄正就獲奏並自請交部嚴議五年五月議降二級調

用得

旨趙坤年已老邁從寬免其降調著以原品
休致十三年卒

何世璠列傳

何世璠山東新城人由舉人授莒州學正康熙四十八年進士改庶吉士散館授檢討五十九年充山西鄉試副考官尋授山西道監察御史雍正元年二月充山西鄉試副考官七月提督浙江學政二年遷兩淮鹽運使三

年擢貴州巡撫

上訓諭之曰爾不可惟務虛名而廢實事不可但求潔已而不奉公不可以因循爲安靜不可以生事爲振作毋偏柔善以盜寬仁之譽毋事姑息以邀屬員之感毋徇朋友之情毋受權要之訐爾之操守素爲朕知再武備不宜懈弛苗蠻雖蠢然亦人也若寔是意撫恤令其知感營伍整肅令其知畏可保無事恩威不可偏用鑒別屬員不可盡以科甲爲人

材而視他途爲小人凡事虛衷秉公勿蓄成
見平心以待何事不得其理也時廣順州長
寨等處建營房狎苗以防已出入堵石阻梗
前署巡撫石禮哈提督馬會伯商之總督鄂
爾泰遣兵勦世璠疏言狎苗固克肆亦有強
弱良頑不同驟行進勦恐大兵所到玉石難
分臣仰体

皇上好生之德札囑提臣嚴飭將弁毋恠罵
踴進先宣布

皇上令歸誠就撫倘怙惡不悛卽與提督二
臣相機行得

旨鄂爾泰非尋常督撫可比其才旣優心復
公誠類斯等事當聽其指揮不可另立主見
掣肘以失機宜嗣官兵攻破谷隆長寨遮貢
羊城壘等處於首惡阿韋阿搗及從克川販
等

諭曰狎苗擾害石禮哈署巡撫時卽奏稱應
勤何世璠則奏稱應撫言武員好大喜功貪

圖議敘且狝家苗藥箭銛利地勢險阻不易
成事曾下旨令其招撫並不能有所招撫何
世堪從前見事不明性又懦弱未必能審究
此案著交鄂爾泰訊究定議并安插撫卹
上以世堪書迂不能振作欲易他人撫黔
諭鄂爾泰據寔奏聞鄂爾泰奏世堪雖拘謹
然於官方民事寔是心寔是力勤瘁幹辦而知入
解事亦出楊名時上仍請畱黔俾臣得同心
協力依次料理五年三月疏言鎮寧州屬康

佐司土官薛世乾以罪革職子勿不能承襲
請將地方歸鎮寧州管轄下部議行閏三月
疏請開羊角柞子白蜡三礦廠及白果樹小
河二塩井又言黔粵以紅水江爲南界南屬
粵之西隆州北屬黔之普安州而粵有十餘
寨揀入江北粵獵勾引潛匿劫爭多事欲料
爭端莫若先正疆界劃江而理沿江設汛永
杜粵獵往來則引匿焚擄之患可息惟諺沖
之花衣苗本屬楚省靖州轄逼近五開負固

出沒行劫今既在附近黔省滋事無論其村寨是楚是黔臣等謹遵於擊賊盜無分此疆彼界之

諭旨隨咨提督二臣併會楚省督撫提臣於勦然後妥勘地界以專職守

上嘉納之是年貴東道李日更勅世堪隱匿民艱寔爲誤政接見秀才講書課文以大吏而行教官之事濫准詞訟沿衙投控以憲臣而行有司之事又護庇屬員詳揭虧空錢糧

者多不叅處

上恐其中有別情下其奏于鄂爾泰令據寔
覈覆並調日更來京詢問會世璠別奏三事
上謂其巧詐並調世璠來京令與日更對質
而鄂爾泰言日更所奏皆虛且多矛盾寔因
去年奉

旨保舉人才日更求世璠保舉不允蓄怨誣
劾六年二月

諭曰何世璠所奏三事甚屬巧詐如烏蒙等

克苗悉行勦撫黎平接壤之謬冲等苗陸續
就擒寔鄂尔泰之功今世璠捷爲已功且陳
述其調度之方善後之策大言不慙莫此爲
甚又如貴州官莊學租米穀名爲散給貧寒
實爲巡撫司道衙門供應石禮哈奏將未麥
價以充各官養廉欲與眾官公用此米穀也
世璠奏仍以此項米穀爲散給貧寒之用是
欲以巡撫一人獨據此米穀也蓋不但沽名
而且併收其利矣又正璠奏通省收成十分

豐足與李日更所奏懸殊日更所奏或過甚
然豈全無影響世璣粉飾陳奏隱匿顯然俟
世璣到京大學士九卿將此詢問令其明白
回奏世璣至京

上覽奏以世璣日更二人所奏瑣屑不必質
對並

諭曰何世璣謹慎老成但過于柔善不宜巡
撫之任着簡京以侍郎補用尋補刑部額外
侍郎改戶部右侍郎四月調吏部右侍郎五

月

命署直隸總督七年卒遺疏奏懇封贈祖父
母得

旨何世堪老成謹慎端守廉潔署理直隸總
督以來寔心供職應得卹典該部照例議奏
外著加禮部尙書銜併于司庫內賞給銀一
千兩爲伊歸櫬之費所請祖父母封典着照
特加禮部尙書銜給與
賜祭葬如例諡端肅

張鵬列傳

張鵬江南丹徒人順治十八年進士授內閣
中書康熙十一年充山東鄉試副考官十六
年二月遷吏科給事中四月疏言官員丁憂
定例離任守制近督撫不論有無用兵輒請
畱任或戀地方便利或慮錢糧虧缺誰非人
子問心何安

國家慎選良吏何地無才豈舍此無人請概
停部議從之十八年正月疏言

國家議修明史三十餘年尙無成書順治二
年纂修未竣本必存內閣康熙二年曾議
修後復中止及今不容再緩請

勅內閣翰林院禮部會議蒐採故明事跡與
實錄叅訂編纂下部議行六月疏言我

朝設官分職大臣

特簡卿寺會議此外皆較俸陞轉獨翰林編
檢有較資不較俸之例故告假有閱五六年
及十餘年者雖俸陞十年不敵資深一日使

俸深者抱積薪之嘆俸淺者躋躓等之階請
勅部會同翰林院詳酌定例編檢除

特旨擢用外餘槩較俸同俸者方與較資庶
勞逸均而選法畫一

上是其言下部議如所請十九年疏奏旂人
雅納等從江南等處誘販男女五十八人請
嚴究夥党按律治罪下九卿等議行二十一年
年遷通政司左叅議尋遷順天府府丞疏言
學宮門旁爲廂黃旂都統聽事人所據穿宮

鴻卷目傳
垣往來逼近奎樓掘坎取土勢漸傾圯請嚴
禁得

旨儒學文廟關係文治理宜肅清乃令聽事
及居住人等穢污侵佔殊屬不合向來設管
各官並未糾察張鵬蒞任卽行陳奏具見寔
心任事可嘉著嚴行禁止二十二年遷都察
院左副都御史尋授山東巡撫二十四年七
月疏言萊州青州兗州濟南東昌五府俱有
額征解運臨倉米麥各屬距倉遠腳價累民

臣前疏請改沂色部議駐防及過往官兵運軍月糧改折恐不敷支未經議准但臣在地方軍民糧餉皆臣事萬一貽誤軍糈所關非輕請將臨清濟寧近水二處仍徵本色如不敷支動用德倉臨德相距不遠轉移支給不致有悞其餘五府各屬額征臨倉米麥俱改折不特民累可除且歲省席草脚費銀數萬兩下部議行十二月疏請曲阜顏氏地畝照孔氏例輕征以賙

朝廷優恤聖賢後裔之意從之二十五年十月遷刑部右侍郎十二月轉左二十六年二月廷議以鵬勘雲貴總督蔡毓榮隱吳逆財產一案不能秉心研審照徇疵例降調得旨張鵬莅任未久免罪尋調戶部左侍郎十月調吏部左侍郎二十七年六月給假遷葬二十八年卒于家
賜祭葬如例

錢以塏列傳

錢以塏浙江嘉善人康熙二十七年進士選授廣東茂名縣知縣詔東莞車異遷山西濕州知州四十八年內遷刑部員外郎尋奉

旨以科員用補工科給事中五十一年轉刑科掌印給事中疏言直省按察使指稱秋審冊費分派州縣州縣遂藉各科派地方擾累百姓請

勅通行嚴禁部議以九卿招冊係動用贓罰庫銀刊刻久經停止各省送部但恐不肖官

員藉端濫派亦未可定應如所奏通行飭禁
五十九年遷太僕寺少卿六十年遷順天府
府丞六十一年遷右通政雍正元年轉左通
政二年四月改少詹事署

日講起居注官八月以闕里

至聖廟火疏請內外儒臣捐貲修建

諭曰前聞聖廟被灾卽遣大臣前往估計動
支正項錢糧擇吉日興工覽錢以擅所奏雖
爲當理但已有旨動支錢糧不必再令捐修

然朕亦不阻儒士私情今直省府州縣文廟
學官有應修者本籍科甲出身現在之員及
居家進士舉人生員理宜飲水思源不念所
自如情愿捐資不必限以數目量力捐修不
願者勿強時江浙海水爲患以塏疏言近年
豫省河水泛溢

皇上特遣官虔祭河源之神今歲安瀾底績
誠敬所孚有感必應請

勅部查明典禮

遣官致祭江海之神

褒封爵秩以示尊崇奉

旨所奏是朕亦曾有此意著交禮部查明典禮及歷代史書詳議具奏尋議

封東海龍王曰顯仁西海曰正恆南海曰昭明北海曰崇禮淮瀆曰通佑河瀆曰潤毓江瀆曰涵和濟瀆曰永惠大沽海口神曰廣惠海潮神曰潤德洞庭湖神曰涵元滙利各遣官致祭

允之十二月授副都御史三年疏言提鎮所得廕生除習文者照例考試以文職補用外其幼嫻武藝人材壯健願改武職者令呈明吏部移咨兵部候

旨簡用下部議行五年九月充武會試副考官十二月擢禮部右侍郎六年正月轉左以其祖楞於順治四年署福建將樂縣知縣因山寇吳長文等犯縣城殉難疏請
賜卹

諭曰錢以塏所奏甚是伊祖錢楞以委署知縣能盡節殉難尤爲可嘉從前未加恩卹乃部議疎漏著將所請交部查明議奏尋議照例贈福建按察使僉事廕一子入監

賜祭葬

允之七年

欽賜以塏子鏊爲舉人八年遷本部尙書九年以病乞休

命加太子少保致伐十年卒

賜祭塋如例謚恭恪

潘之善列傳

潘之善甘肅靖遠人固原提督育龍之從孫
育龍爲肅州總兵之善隨營効力康熙三十
五年從征噶爾丹于昭莫多中火器傷

詔來京醫治四十二年

上幸陝西之善迎

駕於臨潼

特授藍翎侍衛四十四年

賜孔雀翎四十九年授肅州鎮標前營遊擊
五十二年領甘州肅州兵駐防哈密五十四
年三月策安阿喇布坦遣賊二千侵哈密之
善同筆帖式常保任率兵二百擊敗之甘肅
提督師懿德以

聞

上因官兵奮勇殺賊以少擊衆

賞給在事有功及傷亡官兵銀有差並

諭大學士及兵部曰遊擊潘之善率領兵丁

二百擊敗賊眾二千當此承平日久兵革休息時乃倉猝間能如此奮勇直前殊爲可嘉非尋常可比前雖諭令給賞朕心猶爲未足應再加恩着速議具奏部議之善應越等墜用從之九月遷陝西潼關副將五十六年隨靖逆將軍富寧安擊準噶爾於烏魯木齊多俘獲

命事平日議敘尋

諭廷臣曰近日綠旗武官感朕之恩皆有捐

生敢死之心遊擊潘之善駐防哈密策安阿喇布坦二千兵來侵潘之善率所屬兵二百卽行擊敗臨陣時一手持刀一手持弓笑曰是我等報効皇上之日也哈密回子及被獲厄魯特等無不言潘之善漢人而有勇如此爲之極口稱贊朕甚嘉之五十八年遷湖廣洞庭副將畱原任五十九年復擊準噶爾于烏魯木齊有功

諭部優敘六十年遷福建延平副將仍留原

任雍正元年青海台吉羅卜藏丹津叛侵布
隆吉爾忝將孫繼宗遊擊孫超節迎擊遇賊
三千餘與戰之善引兵繼至併力夾擊斬獲
無算川陝總督年羹堯以

聞

優詔嘉獎四年正月擢四川川北鎮總兵入

覲

命叩謁

景陵

賜賚甚厚三月調陝西安西鎮總兵尋

命署四川提督六月奏言臣准督臣岳鍾琪
調漢土官兵駐冕山備勦撫金格等蠻臣會
商撫臣法敏給兵丁秋季餉銀自製行裝又
借支冬季錢糧贍家惟土兵未食名糧臣商
之撫臣所給口糧外再加賞賚以鼓其氣臣
隨於川省鎮協各營存公銀內動用已將綢
緞布疋烟茶等物賞給頭目其土兵到建昌
及凱旋賞賚臣同撫臣料理隨差解任賞給

庶士兵各戴

隆恩踴躍從事至金格等蠻本係小醜大兵一到自應傾心歸化但臣謂建昌處萬山中賊畚種類不一若不預備兵馬恐一時調遣不及隨檄行各處再派漢兵一千士兵一千備調遣奏入得

旨凡事寧可備而不用所慮甚當向來但知爾勇未料爾有此才情也十月抵西安鎮總兵任十一月奏言口外地方遼澗關隘最多

若不預設卡路保無賊人窺伺查沙州西路
八百餘里有地名伊遜察罕齊老圖東南四
百餘里並有察罕烏蘓諾爾爲賊人表路最
爲險要臣飭沙州駐防遊擊派把總一員帶
兵六十名赴伊察罕齊老圖另派本標兵五
十名赴察罕烏蘓諾爾分路偵禦又阿魯巴
魯固及色爾騰二處應安住收熟夷三百戶
西哨伊遜察罕齊老圖南哨麻鞋戈壁口察
罕烏蘓諾爾及烏喇大坂二處應安住收熟

夷三百戶西南哨阿羅表南哨塩池戈壁口
東哨烏喇夫坂日外熟夷哨探於外官兵應
接於內少有聲息遞相傳報一舉可矜

諭曰尔原係朕極賞鑒之人今果不謬矣所
奏可嘉之至五年四月奏言安西兵餉按季
赴蘭關領往返數月倉猝調遣未免遲誤請
每年

勅撥預貯肅州道庫庶緩急有濟得
旨允行五月奉

旨督修安西城及沙州五堡九月奏言沙州原議安置民二千四百戶路遠到遲有誤春耕正月間臣商請督臣岳鍾琪將舊屯熟地令臣標兵盡行播種俟民戶到日交給但舊屯熟地萬四千餘畝祇種籽粒千四百餘石不足二千四百口民食臣令再開生地萬五千餘畝共種籽粒三千石又屯田牛騾祇三百餘不敷應用撥營馬六百供耕作閏三月及四月陸續到沙州者七百三十戶無可居

處卽將兵房撥給不敷令措帳房聊蔽風雨
趣令伐木修屋六月又到五百四十四戶值
暑多病所携牲畜損傷不能赴沙撥給安西
兵房暫住其續到之一百四十九戶以兵房
少畱住柳溝時屆西成督臣檄令分給民戶
自收奈已到沙州者急于造屋暫住安西柳
溝者爲家所累又病不能往臣復令兵代爲
收穫十一月奏言沙州收麥萬四千三百餘
石現到千四百二十三戶足敷明歲食用未

到六百七十七戶若於明春二月起發到沙
恐不能及時耕種臣詳明督臣請將未到戶
於末年交秋起程八月到沙牲畜可免道斃
亦省半年餘日糧又不妨造屋之工奏人
諭曰諸凡科理甚屬妥協寔心任事朕深嘉
之凡百咸能似此據寔不隱封疆大臣中更
屬難得勉之七年二月以目疾乞休
諭曰潘之善老成歷練人品端方効力行問
多著勤勞寔難得之將官奚忍聽其力疾辦

事著將伊總兵員缺委員署理再遣太醫一員馳駟診視若伊欲在安西或回本籍調養聽其自便并賞銀一千兩以佐路費調攝之用五月之善目疾愈疏請隨征効力

上不允八月

命署固原提督

諭曰此任乃汝叔祖潘育龍之所整理爲天下第一營伍其流風餘韻至今猶屬可觀若不能企及何顏以對朕耶但汝叔祖之操守

斷不可仿效一二必棄其所短取其長則
汝可謂一全材勝汝叔祖之人物矣八年九
月

覲目疾復作

遣太醫隨往任所醫治尋

命解任調理十一年五月卒

賜祭葬如例

蘇大有列傳

蘇大有湖北襄陽人自行伍拔補雲南督標

左營把總康熙五十四年遷本標千總五十七年遷提標後營守備雍正二年遷左營遊擊時西藏新定大有隨鶴鹿總兵張耀祖駐中甸護餉道三年遷尋窪營叅將五年擢貴州定廣副將六年九月丹江生苗梗化巡撫張廣泗督兵分勦十月大有率候補守備傅又新等由石路攻克乜告寨十一月復由烏高攻楛桶設卡要路三擊取糧賊追至石板寨山後苗于餘夾犯大有設伏佯敗糜眾夾

擊直取小丹江克土城五寨入會丹江苗千餘劫叅將趙文英於天柱營大有馳擊走之十二月至黃毛嶺苗擁眾四千阻隘大有宵險衝殺左股被鎗傷戰益力連克寨八乘勝進攻挑繞大寨並七小寨盡燬之丹江平七年三月擢雲南鶴麗總兵廣泗以貴州清水江地接九股生苗直達古州降眾聚處數萬撫馭不易商之總督鄂爾泰奏請以大有留辦清水江軍務得

旨俞允七月調黎平總兵十月調古州總兵
仍留清水江八年七月古州擺調方勝等寨
生苗不法大有還鎮調度勦捕事宜十月卒
鄂爾泰疏言蘇大有忠勇過人勤勞報

國殫心竭力以致病亡前大兵攻勦丹江苗
寨時大有身先士卒臨陣受傷苗民無不畏
服且服官以來與士卒共甘苦不爲家計身
歿日一無所遺除一切後事俱已料理妥備
回籍路費及于原籍代置薄產臣當一一措

辦斷不令其妻子失所外其因公借支公項
千六百兩可否寬免伏候

睿裁奏入

諭曰據奏蘇大有忠勇過人勤勞報國殫心
竭力以致病亡深可憫惻應得卹典察例具
奏其借支公項銀兩着加恩寬免部議給半
葬如例奉

旨給全葬

賜祭一次十年二月

年遷侍講學士十五年正月轉侍讀學士十
月充

日講起居注官十二月遷詹事府少詹事十
六年擢內閣學士十八年正月充

經筵講官九月充武會試正考官十九年四
月雨澤愆期

特旨偕大學士明珠等會同三法司詳鞫已
結重案減等發落二十年擢戶部左侍郎二
十一年充會試副考官二十三年轉吏部二

十四年充政治典訓副總裁二十七年擢工部尙書三月

上召總河靳輔巡撫于成龍面詢河工事宜輔以高家堰外築重堤截水使出清口不令歸下河淮揚七州縣被災之田可出若開濬下河恐有海水倒注之患成龍以修下河開海口遵

特旨行今高家堰修築重堤停開海口縱上流水不至而秋霖暴漲天長六合等處水無

所洩海口仍應開二人各堅執一說

上命會同九卿詳議天馥尋議下河海日當
開高家堰重堤宜停

上從之五月調刑部十二月調兵部二十九
年吏部行取知縣以科道用

命大臣各舉所知天馥舉三河縣知縣彭鵬
靈壽縣知縣陸隴其居官有聲

諭曰陸隴其彭鵬服官廉介朕所素知俱准
行取三十年轉吏部三十一年擢

武英殿大學士三十二年丁母憂回籍二十四年以原官入閣辦事三十六年充平定
漠方畧總裁三十八年七月疾

上遣內閣學士特默德及太醫官三員存問
賜尙方藥物十月卒遺疏入得

旨李天馥簡任機務効力有年勤慎素著忽
聞溘逝朕心深爲軫惻着遣散秩大臣一員
待衛十員往奠茶酒應得卹典察例具奏尋
賜祭葬如例諡文定子孚青康熙十八年進

士官編修

阮爾詢列傳

阮爾詢江南宣城人康熙二十一年進士改庶吉士二十三年奉

旨以科道用二十四年丁父憂回籍服闋補廣東道監察御史二十八年二月疏言部屬各司事繁責重不可一日缺員致滋叢脞惟是員外郎由京職陞者可卽日到任其由知州陞者或託交盤稽遲或假中途抱病到任

無期如尋甸州知州柳文標爲工部員外年
餘未到雲龍州知州張激爲刑部員外三年
始到又昆陽州知州詹之柏久陞治中都勻
縣知縣汪贊久陞許事至今俱未到查定例
內京官赴任違限者中途取結卽可至一年
半載亦無重處分之條請凡由外任陞京職
者除交盤定限外照遠近勒定水陸日期如
違限一月兩月改從前罰俸例嚴加處分六
月疏言州縣催征錢糧小民所納多寡不等

隨數填入印票其票一樣二紙一存官一付
民應比及應比時又將完票送官查對間有
不肖官吏通同作弊將花戶所納票勒措不
殺遂有已完作未完多征作少征之弊請行
三聯印票之法一票存州縣一票付應比一
票付花戶自執官吏知民有完票可據前弊
自除一切雜稅銀數目豆米升合皆依此法
如勒令不許填數及無票付執者卽治官吏
侵欺罪庶私征雜派諸弊不禁自止或有奉

詔蠲免而先完在官者即可執票以抵他項
應征之課小民均沾寔惠下部議俱如所請
三十五年六月

上親征噶尔丹凱旋爾詢疏言我
皇上御極以來如天覆育罔不率俾乃冥頑
如噶尔丹自外生成致

聖主赫怒

躬董六師

親臨朔漠

恩威遠播莫無遺策蓋自

啟蹕以迄

回銓往返一百日之內跋涉五千里而遙迓
奏膚功丕揚

神武爲從古帝王所未有請宣付史館敬述
方畧勤成一書布之中外傳示無窮

詔下禮部翰林院議如所請九月遷右叅議
三十六年轉左三十七年擢鴻臚寺卿三十
九年遷右通政四十一年擢光祿寺卿四十

二年四月以遲誤祭品降三級用五月補右
叅議九月擢順天府府丞四十三年三月遷
右通政尋轉左四十四年擢左僉都御史累
遷太常寺卿宗人府府丞四十六年擢都察
院右副都御史尋授工部右侍郎五十年轉
左五十二年恭遇

萬壽覃恩廕一子入監讀書五十五年
賜祭墓如例

劉詔列傳

劉詔山西朔州人由行伍授浙江温州鎮
標守備康熙十四年八月逆藩耿精忠僞都
督劉邦仁糾眾萬餘陷黃巖詔隨副都統吉
勒塔布等自仙居進勦遇賊半山嶺擊之斬
首二千餘級十月復擊敗僞都督曾養性于
温州及所屬上塘斬賊二萬餘乘勝克復黃
巖太平樂清清田四縣捷

聞得

旨嘉獎下部議敘十五年遷黃巖鎮標中營

自吳逆背叛用兵之地有捐糜頂踵爲

朝廷用命者有貪生怕死致封疆夫守者功
罪攸分臣愚以爲捨死効力之人當隨時議
敘以勵忠貞不必俟事平日至失陷城池之
輩大節已虧待以不死已屬厚幸不應仍復
原官

詣下所司知之十九年七月疏言各部非正
途出身之主事請由各堂官保舉方許陞轉
九卿議駁

諭曰主事日後皆陞道府與具俟爲道府後
令督撫保舉何如爲王事時卽令堂官保舉
之爲愈乎其非正途出身者歷俸三年果能
勝任該堂官保舉方許陞轉十一月疏叅刑
部尙書黃機年老大理寺少卿張永琪祭酒
馮源濟物望不孚均請議處

上諭大字士曰張志棟叅張永琪馮源濟二
人品行不端甚當又叅刑部尙書黃機衰老
宜罷此言太過富國家用人正須老成練達

之輩從來才德難以兼全聞黃機居鄉謹飭
安靜是一老成人也二十年志棟丁父憂回
籍服闋補河南道御史二十三年巡視兩淮
鹽政二十六年授山西冀寧道三十年遷福
建按察使尋遷江蘇布政使三十七年擢福
建巡撫三十九年調任浙江四十一年調任
江西四十二年

巡視河南志棟迎

駕河工

御書擁節名疆及百忍二字額

賜之四十三年兩江總督阿山疏叅志棟于
大計前私託照彼所荐劾具題又袁州守馬
斌居官平常妄列荐贖南昌令王廷對虧空
銀四萬兩匿不奏九江守朱儼清廉素著彭
澤令吳士宏品行素優俱抑不荐請

旨革職部議從之四十四年五月

諭曰朕聞原任巡撫張志棟居官尙無劣蹟
前與總督阿山互叅案內革職太過著復還

原官以京堂用六月授大理寺卿五十年
命察審浙江糧道程奎私改折漕一案鞫寔
論罪如律五十一年遷刑部右侍郎五十二
年正月

諭曰近見部院堂司官俱各守分惟刑部侍
郎張志棟辦事好勝把持衙門凡九卿會同
揀選保舉時惟伊保舉者甚多猶爲未足又
在別處保荐列名殊屬無耻著革職六月志
棟卒

劉世明列傳

劉世明河南河內人父國興官廣東右翼總兵康熙五十四年世明由千總年滿引

見擢三等侍衛五十七年授二等侍衛赴西寧軍營雍正元年還京三年授直隸紫津關叅將四年遷陝西河洲副將尋擢興漢鎮總兵五年

命署湖廣提督世明以弟錫瑗爲山西妖言聚眾案連逮自請治罪

上論免尋審明錫瑗省釋交世明收管六年
二月疏言湖廣沿河塘汛距遠兵少客舟被
劫聲息不相聞請撥各協營兵船每月三次
巡江洞庭協額船五十如常遊巡其武昌荆
州常德岳州水師營分防處每汛留兵十名
船一餘悉撤回並將沅州協兵船二十分撥
長沙衡州鄖陽俱爲游巡用下部議行八月
授甘肅巡撫尋調福建七年正月疏請將閩
省耗羨歸公以昭畫一

諭會同總督高其倬酌議六月世明奏言閩省九府一州除台灣府耗羨經高其倬議給各官養廉外其八府一州經征地丁錢糧并額征糧米所有耗羨平餘及雜款等共銀十六萬九千二百三十兩有奇臣與司道等確核每年辦公共應用銀七萬四千七百兩有奇餘分給各官養廉

諭曰此奏朕甚嘉之歷來直省耗羨養廉一節朕從不問及遇各督撫等肯秉公據實奏

其才具短長未能卽定若遽委以政務恐用
違其材貽誤地方臣思藩臬兩司爲錢穀刑
名總滙新到各員照在部觀政人員例分派
學習俾得通達治理亦可察其優劣量才委
任

諭嘉所奏深得造就人才之法下各直省督
撫通行八月世明兼署學政輒考錄遺才

上以其沽名

訓飭之十二月疏言台灣府屬應試生向有

另編字號取中之例嗣因淳泉人冒籍停止
冒籍者俱已改歸海外士子競切觀光請仍
舊例取中一名以示鼓勵部議從之八年二
月奏言福建民習天主教者其家不奉神佛
祖先習無爲羅教者闔家俱喫齋臣通飭嚴
禁

諭曰但應禁止邪教惑眾從未行禁人喫齋
之理此奏甚屬乖謬紛擾若將此等妄舉以
爲盡心王事寔力奉行則大誤矣五月遷福

建總督

諭曰朕不得已用汝爲總督能全朕用人顏
面與否在汝仰面對天府首自問而爲之十
一月疏言閩省環山濱海水師營例光開扼
要定例出巡南北海面委海壇金門二鎮總
巡遊擊守備分巡恐其中勤惰不一應密委
員稽察但督標向無額設水師必調閩安戰
船往返二營各營早知徒有委查之名而無
其寔請撥兵九百于福州南門外之南台增

督標水師營設遊擊守備各一平總二把總
四并于提標及閩安協戰船內撥趕緝船四
配坐官兵臣可不時察巡杜探聽虛應錮弊
再南台至水口一帶內港衆商雲集奸匪出
沒請令造八槳哨船四配兵遊巡內河旣得
寧靜水師亦可練習下部議行九年二月奏
言戰船舵工出力與衆不同請照外委千把
摠例准食隨糧一分七月請移南安縣縣丞
駐羅溪十月又言台灣南路下溪水地方遼

澗僅設千把總不足彈壓山猪毛口爲生番
出入要隘請增守備駐山猪毛口專管淡水
溪以東地方仍隸南路營叅將轄溪西之土
地云崎頂簡坡嶺三處均衝要請分設塘兵
于鳳山撥防俱下部議行十年二月
命赴西路軍營來京請

訓賞銀萬兩製裝五月授副將軍總轄巴里
坤緣旗兵八月

諭曰劉世明由侍衛朕加恩用至提督伊在

提督任內居官尚好是以復用爲福建巡撫
陞授總督上年西路領兵需人朕念伊熟悉
邊地情形特召來京授副將軍領兵重任料
伊受朕深恩必思黽勉宣力爲將弁表率豈
知伊苟且瞻徇退縮不前全無奮勵振興之
氣旣忝厥職重負國恩著革職効力贖罪倘
再有錯悞疎忽卽在軍前正法尋

命署甘州提督十二年

諭曰朕聞甘州提標兵丁數十成羣公行盜

刼該營員弁所司何事署提督劉世明于副
將軍任內草職効力贖罪朕念其久歷戎行
不忍遽令廢棄仍命署甘州提督以爲贖罪
自新之路乃伊在任二年苟且因循毫不悛
改今所轄兵丁目無國法刼奪橫行擾害良
善寔屬希有之事不識劉世明具何心胸而
負恩昧良至于如此劉世明著革職拿問交
劉於義會同查郎阿等將兵丁行刼各案及
縱兵爲盜等情嚴審定擬十三年於義等會

鞫得寔擬斬決如律從之

馬際伯列傳 弟見伯觀伯附

馬際伯甘肅寧夏人父玉官遊擊際伯由行伍于康熙十八年隨寧夏提督趙良棟征逆藩吳三桂叛黨復畧陽賊遁陽平關追敗之以功加一等授千總十九年進征四川奪小關山復建昌二十年雲南平下部議敘授叅將銜三十五年隨振武將軍孫恩克征噶爾丹大敗之于昭莫多敘功授副將銜三十六

年授寧夏鎮標前營遊擊隨寧夏總兵殷化
行追擊噶爾丹至洪敦羅阿濟爾罕撤兵回
汛三十八年遷靈州營叅將尋遷督標中軍
副將四十一年川陝總督覺羅華顯荐舉卓
異擢四川建昌總兵四十三年六月丁母憂
四川巡撫能泰以建昌鎮屬士民弁兵呈稱
際伯嚴飭汛防俾番賊歛迹地方安堵倡同
府衛損資月課禁兵丁霸奪行市廉潔自持
日用物俱給現價軍民愛戴願請以際伯留

建昌總兵任

命在任守制四十六年

陞見調西寧鎮總兵

賜孔雀翎及鞍馬四十九年以失察階州西
固堡境外番族殺傷寨民并戕官兵部議降
二級戴罪圖功五十年授四川提督五十一
年卒四川總督能泰以

聞

諭曰馬際伯簡任提督正資料理忽聞溘逝

朕甚憫惻應得卹典察例具奏尋議贈右都督

賜祭葬如例諡褒毅毅弟三人見伯頭伯覲伯見伯康熙三十年武進士十六年隨殷化行勅噶爾丹至洪敦羅阿濟爾罕敘功以守備補用三十七年授直隸正定協標右營守備三十八年遷直隸撫標中軍遊擊三十九年遷雲南督標中軍副將四十二年擢山西太原總兵

上西巡

賜御書三軍扶纊額并貂鞋蟒袍等物四十三年丁母憂

命在任守制四十七年疏言鳥鎗久奉禁例今商民尙有私用者請令民間鳥鎗繳官如有必需處止許長一尺五寸刊某地某人姓名違者治罪硝磺乃火器所用應嚴禁私賣均如所請四十八年

上季五台見伯迎

駕

賜孔雀翎四十九年九月以弁兵內通曉文
義者奉

特旨入鄉會武闈應試見伯疏陳三事一武
經七書註解互異請

敕儒臣選定一部頒行一

文廟祭祀文臣自駙丞以上皆得陪祭武臣
惟副將以上方准陪祭請一体行禮一武生
予中式後能講明論語書旨再准出仕疏入

部臣議駁

上諭大學士等曰馬見伯此奏亦是武經七書朕俱閱過其文議駁雜不能皆合正道孟子云仁者無敵又云天時不如地利地利不如人和與其用權謀行私曷若以王道行仁義之爲愈也朕曾躬歷行間深知用兵之道如七書所言安可盡用耶今于七書中作何分別出題及增用論語孟子出題之處另議至條奏祭祀文廟令同城武弁與文臣一體

行禮于理甚令者照所出行嗣經九卿議覆
武生武童試論二篇第一篇于論語孟子中
命題二篇于孫子吳子司馬法中命題武會
試試論二篇策一篇五十四年正月調直隸
天津總兵五月大軍勦策妄阿喇布坦見伯
請領兵赴西路協勦得

旨俞允五十八年擢陝西固原提督五十九
年正月

上授貝子延信爲平逆出軍率兵進藏以見

伯叅權軍務三月連敗策零敦多卜于齊諾
郭勒綽馬喇等處十月凱旋師次打箭爐見
伯病卒遣疏入

諭曰馬見伯簡任提督率領各營官兵叅贊
軍務寔心効力勞績懋著忽間病逝深爲軫
惻應得卹典察例具奏尋

賜祭葬如例題伯初名英由把總歷官雲南
永泰協副將覲伯康熙四十二年武進士選
三等待衛四十七年授巡捕南營叅將五十

一年遷山西殺虎口副將五十四年築安阿喇布坦擾哈密覲伯率兵赴推河偵復至六十年七月擢大同鎮總兵仍留軍前雍正元年六月回任九月

陞見

賜孔雀翎十月奉

旨赴甘州駐防山丹衛二年四月撤兵還汛三年正月疏奏改隸營制事宜一殺虎口副將原轄之北樓東路二營叅將歸大同總兵

轄一山陰路原轄之井埤城守備歸平魯路朔州城守備歸寧武營乃河堡把總歸老官營俱歸殺虎口副將轄一平魯路叅將歸殺虎口副將轄其平魯路屬之被虎堡弁兵分隸助馬路轄一利民路叅將移駐寧武爲寧武營叅將其利民路叅將中軍守備改爲利民營守備寧武營守備改爲叅將中軍守備並增撥利民路把總一隸之均如所請行二月

諭曰尔于前陞見時朕曾面諭諸事聽巡撫
諾敏教導近聞尔等俱聽年羹堯指示殊爲
不是此舉干係尔等功名嗣後諸事當與署
巡撫伊都立商酌而行五月追議前任軍營
因細事與將軍等爭競奉

旨革職發往鄂尔坤圖拉管轄屯田兵効力
五年十月奏獻瑞麥一莖十五穗

諭曰今歲各省俱產嘉禾頃馬觀覲伯復獻瑞
麥朕觀自古帝王本不以祥端爲尙因今歲

爲遵行藉田典禮之初卽獲感名天和是以特爲表著但恐地方有司未必深悉朕心或借端粉飾致有隱匿旱潦不以上聞者著將雍正五年以後各省所產嘉禾停其進獻乾隆元年覲伯卒于軍營

陳元龍列傳

陳元龍浙江海寧人康熙二十四年一甲二名進士授編修入直南書房二十五年充

日講起居注官四月元龍侍班

乾清宮西煖閣

上顧元龍曰朕素知尔精于楷書可寫大字

一副

命就

御前作書

上嘉獎以

御書闕里碑文示之二十八年左都御史郭
琇疏劾原任少詹事高士奇左都御史王鴻

緒等植党營私元龍與士奇結爲叔姪不顧
清議爲之招納賄賂有玷朝班乞罷斥

詔元龍及士奇鴻緒等休致回籍詳見士奇

鴻緒傳三十年十月

詔復任三十三年遷侍講尋轉侍讀三十四

年

御書鳳池良彥額並

御書一卷

賜之三十五年隨

上征噶尔丹三十六年遷右庶子三十八年
充陝西鄉試正考官三十九年遷侍講學士
明年轉侍讀學士四月

上御便殿作書

賜內直翰林觀

諭曰尔等家中各有堂名不妨自言當書以
賜元龍奏父之間年逾八十擬愛日堂三字
御書賜之四十二年擢少詹事充

經筵講官十月遷詹事四十三年以父病乞

終養

上俞允並

諭曰尔思親念切天氣漸熱可卽起身

賜其父人蔭二斤復令携賦彙歸校對增益

四十四年

上南巡元龍迎

駕

上慰問並詢及其父

賜御書南陔日永額并

賜其父人葭金扇等物又追

賜其母陸氏慈教貽休額

謫元龍家有老親不必遠送尋丁父憂四十
九年服闋擢翰林院掌院學士教習庶吉士
復充

經筵講官五十年授吏部右侍郎四月轉左
八月擢廣西巡撫

上曰爾至廣西當使文武和睦兵民相安巡
撫有管兵之責宜不時操練爾任翰林年久

朕特試用邊疆之職觀尔辦事何如宜盡心
加勉五十二年疏言自廣東歉收老穀騰貴
臣不敢遏糴聽商販運米以濟遂致廣西乏
食米價亦增臣現已借支藩庫銀一萬兩遴
員赴湖南採米平糶下部知之五十四年三
月疏奏現行事宜三條一桂林貯穀高建倉
廩百餘間以避潮濕一興安縣陡河水通灘
江達廣東爲三楚兩廣運糧要道舊間傾圮
率屬捐俸修築一養濟院外別構屋數十間

收養鰥寡又立義學卽以貧一爲師量給修膳創育嬰堂施藥餌設粥廠以賑窮民亦部知之五十七年擢工部尙書復充教習度吉士六十年調禮部尙書疏言各省貢監生願應順天鄉試者千鄉試前一年實本省地文官印文投監肄業臨場取同肄業監生連名互結并同鄉京官印結移送入場以杜頂冒又選拔停止年久請照康熙三十六年例令學臣于府州縣每學優等生貴中選拔一名

送國子監肄業並從之六十一年

世宗憲皇帝御極

詔元龍奉守

景陵仍食禮部尙書俸雍正元年五月吏部
以

恩詔題給臣工

誥命得

旨陳元龍係年老一品大臣朕念

景陵緊要重地特行遣二伊當樂于行去乃

反不樂住若似罪謫者到處怨望此等之九
雖加恩亦不知感其應得封典庶生但不必
給七年正月

諭曰滿漢大學士俱各全備辦理妥協無容
再增因

聖祖仁皇帝時所有年久功臣今在朝者甚
少時深注念尙書陳元龍左都御史尹秦歷
事

聖祖多年屢經任使雖年近八旬而精力尙

海行自介
卷一
三
律著加恩授額外大學士以示優眷至意尋
授元龍

文淵閣大學士兼禮部尚書先是元龍任廣
西巡撫時以廣東方開捐例赴捐者懼湖廣
江西灘河及梅嶺險阻稽運盡向廣西採買
米價騰貴疏請廣西一體開捐下部議行嗣
廣西巡撫李紱請將廣西監穀爲開墾費
上曰廣西捐穀係陳元龍王沛懜經手其間
有名無實首尾不清之處甚多李紱難干料

理故借開墾之名以爲開銷虧欠之地著陳元龍王沛澶前往廣西將此項徹底清楚倘有不清著李紱據實奏李紱奏稱元龍廣西捐穀自康熙五十三年至五十五年停止桂州梧州柳州南寧四府共收百十七萬八千餘石當日因捐納之人買穀需時願文穀價經前任布政使黃國材議定每石折銀一兩一錢各府自存六錢爲買穀蓋倉等費內有贏餘係管捐府廳分得其餘銀五錢按察

使及本道各分得四分元龍寔分得羨餘銀
十一萬七千八百二十五兩除在廣西捐公
費銀九萬三千二百餘兩又屢次捐助軍需
共十萬兩均經奏明在案外今倉穀尙有虧
空各官自應一体分賠疏至

詔下部議各員按數賠補元龍應追賠得過
羨餘及認分賠部科等費共銀二十一萬二
千兩有奇捐助軍需俱不准相抵分限五年
完納至是

諭曰大學士陳元龍在廣西任內有應行追
賠之項查伊曾有效力之處着准其照數扣
除七月疏請各省提奏本章增揭帖一通送
起居注館記注後貯內閣從之八月疏言凡
稽察游民嚴設處分內城專責巡捕營外
城專責巡城御史及司坊官不時密訪各省
宜今各督撫嚴飭地方官稽察又言近日各
衙門番役往往與流氓串通如拿賭博聞毆
等犯不卽送官懲治匿犯索財卽行私釋其

窮若無錢者方送官宜嚴定卽日送官期限
霸留者卽嚴訊番役詐贓賣放之罪俱下部
議行十一年七月以年老具疏乞休得

旨大學士陳元龍老成練達學問優長奉職
多年宣勞中外朕念

聖祖仁皇帝簡用舊臣晉秩綸扉俾承恩眷
今以年逾八旬乞休勉從所請着加太子太
傅銜以原官致仕令伊子編修陳邦直隨歸
筭養起程之日賞給酒膳果品着六部滿漢

堂官餞送沿途官弁送迎盡禮乾隆元年
恩尋在家食体八月卒

諭曰陳元龍著舊大臣服官寘力五十餘年
今乞休在籍朕乃望其頤養林泉以承恩眷
忽聞溘逝深爲軫惻應得卹典擦例具奏
賜祭墓如例謚文簡

漢名臣傳卷十六終

1573194

K320.49

2

文科研究所藏書
入字號

漢文書目録
卷之八
四



21101000158077

039-980